

VIA TOP

Christianus

PETRI A

Pr Motus An
gogicos.



obsequij

radiosissimi

cua Maestatis

ipem Via Vires

Cum

Sci Crac. S. R. M. non Vmstr.

Dni. Crac. Ducis Seueriaz

vpog Anno Dni. 1684.

est Vita pra.
quâ ad Patriam con-
dimus. S. Augustinus
de Consolat. Mort. l. 1.

M A R I A

D E I P A R Æ

Serenissimæ,

Cæli terrarum

R E G I N A

Ter Maxima

IMPERATRICI

augustinissima Domina.

Pusculum hoc tenue,

*statu demississima, obsequij
humillima, amoris studiosissimi
etum supplex ad tue Maiestatis
penam appendo. *in Via Vires
bis, id est deficiat ad eum. O M A R I post
C. lxxviii. Go. aquilas tuos
le non est auditum, quæmentes pennas
velut**

curre te praesidia, tua implorantem
tua petentem Suffragia à te elu-
tum. Quam diu aduega & in-
ini sumus in regione longinquâ,
patriæ finibus extor-
mu te omnes ô Stella ma-
hoc magnum & spatiosum recessa-
rio, nata, micans merit, illustrans
exer oleis, sicut ad medium, sicut ad ne-
sidi, sicut ad portum, sicut ad ego-
um aculorum respiciunt om-
& qui nos precesserunt, & qui
m., & qui sequuntur, & qui
rum, & qui nascentur a ortis. T.
ter Misericordia de via fessos resi-
qui torpent excitas, benè curre
Cursum consummandum ari-
sequens Viator non deuiat
non desperat; te cogitans non
te tenente non curruit; te pro-
non metuit; te non fatigat
ad portum peruenit. Tu igitur
enti m., Virgo via Regia p-
uator veni, procedens
ex 110

ex tuo utero tanquam Sponsus de thoro
trabe nos post te, ut depon
e possis, & circumstans nos pec
n curramus ad propositum nobis c
men, aspicientes in Auctorem fir
sum natorem IESVM fili
um, ut non fatigemur animis nostris
deficientes. (Hebr. 12.) sed, ruides
& constanter sub tua protectione. Cur
l in cor meas perueviamus ad Pa
riam. Vbi tu mulier amicta sole, pau
sum omni in alitum, post Filium tu
um illum, uniuersum celum, omnes
latitantes stellae, accendis soles. Vbi tu
Erefelicio, formosa valde, & incre
di pulchritudine, omnium Sancto
rum grata, & amabilis videris,
& sternum decus cali & de
Vbi tu ludibria fortior, gloria
em, laetitia Israel, bonorificatio
bonorificatio, eternum triumphu
O Doctrina! trahes o s omnes post
te, & sicut aquila procrea pullos tuos
ad volandum, ut assumentes pennas
43 velut

velat aquile, volemus & requiescere
in monte illo, ubi felix iucunditas &
bona felicitas (teste Augustino)
est videre, cum Sanctis esse, &
S. Etiam: DEVM videre & DEI
habere in eternum & ultra. Vbi vi-
debimus videbimus; videmus & a-
mabimus; amabimus & laudabimus.

Hec vota mea & conatus ut benigna
accipias intra Sacrarium ex-
tensionis tue, humillimè obsecro.

Augustissimæ Majestatis
Tuæ,

Minimus & in agra
Servorum

Premittarum A. K.
Camaldulensis in premi-
ssis Lysiniensis.

FACVLITAS.

*Perillustris ac Reuerendissimi Do-
mini Commissarij ac Vicarij Gene-
ralis S. O. C*

Opus quod inscribitur **V I A T O R**
C H R I S T I A N V S, in Patriam
tendēs per Motus Anagogicos summā in-
dustria conscriptum ab Admodum Rēdo.
Patre **A N T O N I O K R Z E S I M O W S K I**
pro tunc Priore Conuen. Copriunic. S.
Ordin. post maturam discussio-
nem recognouimus & in lucem edi pro-
bauimus, vt pote nihil Orthodoxæ fidei
contrarium continens, ideo auctoritate
nostrâ Commissoriali facultatem concedi-
mus vt typis mandetur. *Datum Landæ*
3. Iul. Anno Dñi. 1684.

Fr. Ioannes Zapolski,

*Abbas Landensis S. Ord. Cist. Commis-
sarius & Vicarius Generalis, S. R. M.
Secretarius*

(LS)

AP.

APPROBATIO.

Cum Librum, cui Titulus est: VI-
SITOR CHRISTIANVS in
Patriam tendens per Motus Anagogicos,
conscriptum à R. P. ANTONIO KRZE-
SIMOWSKI, Priore Conuen. Copriunicen-
sis, S. Ord. Cisterc. duo Theologi ad id
deputati recognouerint, & in lucem edi
posse probauerint, utpote pijs Medita-
tionibus & affectibus animum interioris
hominis ad amorem diuinorum celestium
mantibus refertum, ac cor purum.
Ideo dignum Censeo & Censuram ut Ty-
pis mandetur. Datum Cracouie 20. O-
ctobris, Anno Dñi. 1684.

Nicolaus Oborski,

Episc. Laod. Suff. Crac.



CA-



CAPVT I.

Proponuntur quædam Con-
siderationes Viatori vtilēs &
necessariæ.

I.

Omnes, Viatores sumus &
peregrini.

*Omnis qui ad supernam pertinet
Ciuitatem peregrinus est mundi,
& cum temporali utitur vitâ,
in Patria viuit aliena.*

S. August.

Sicut omnes, quotquot nascimur, siue paupe-
res, siue Principes, mortales sumus, ita o-
mnes Viatores, omnes Peregrini, Toto aber-
raret

B. J. B. B. V. 8

raret cælo, qui sibi Patriam in exilio fingeret, qui manentem ciuitatem in itinere somniaret. Mundus omnibus diuersorium est.

Vnde benè S. Bernardus : *Sancti Viri Peregrini sunt & hospites in hoc seculo. Hinc reprehenditur Petrus, quod Tabernaculum in monte fieri voluerit : quia Sanctus in hoc mundo Tabernaculum non est.* Et S. Augustinus, cuius diuiti modum pecunijs vtendi præscribens ait : *Viere nummo, quemadmodum Viator in hospitio, Scitur mensa, calice, Srceo, dimissurus, non permansurus.* Tract. 40. in Ioan.

Quia omnes peregrinamur, imitemur homines peregrinos & viatores. Viator seu Peregrinus semper ad patriam suspirat; & patriam sollicitè tendit, vestitum & victum habens non vult alijs onerari. Peregrino dicit stare, quiescere, sedere, epulari splendide, moras hincnectere, amœnitatibus alijsq; illicitis distineri non licet. *Nam Stultus ille Viator est, (inquit S. Gregorius) qui in itinere amœna prata conspiciens obliuiscitur ire, quò tendebat. In Via es o homo, ambula, & peruenias, ne te nox in Via occidet.*

Idem inculcat nobis mellifluus Doctor cum dicit : *Peregrinus Via regiam incedit, non declinat ad dexteram neq; ad sinistram : si forte iurgantes & deris, non attendit : si nubentes aut choros ducentes, aut aliud quodlibet facientes, nihilominus transiit, quia Peregrinus est, & non vertinet ad eum de talibus.* Ser. 7. in Quadr.

Infelicissimam Viator fuge viam illorum, qui mundo & mente capti, hinc sibi præfigunt Patriam

am, hîc fines vanissimos honorum voluptatumq;
eligentes, homicidam animæ suæ præponunt.
Christo, voluptatulam pestilentem delicijs cæli,
hic ob res caducas, animam suam & æternam onam
(teste S. Augustino) vendunt Diabolo, accepto tan-
quam pretio, dulcedine temporalis voluptatis, cur-
sumq; eheu! misere abripiunt.

II.

Via recta ad Cælum Via
crucis.

Per quam viam ascendemus?

4. Reg. 3.

Maximus ille & amabilissimus Gigas, paratus
ad currendam cælestem viam, duas comme-
morat vias, quibus Viatores tendunt ad felicem
vel infelicem terminum. *Spatiosa* (inquit *Matth.*
7.) *Via est, qua ducit ad perditionem: & multi*
sunt, qui intrant per eam. *Arcta Via est, qua du-*
cit ad Vitam: & pauci sunt, qui inveniunt eam.

Spatiosa via, quâ currunt cæco impetu ho-
mines reprobi, quorum D E V S venter est, qui
ducunt in bonis dies suos, & eheu! in puncto
honoris, in momento lætitiæ, in exultationis e-
xiguo fluxu ad inferna descendunt, est plenissi-
ma omni fraude & dolo, plena reptilibus ac be-
stijs omnium scelerum, nimirum avaritiæ, luxu-
riæ, odij, superbiæ. Per hanc viam, Mundus
Merca-

Mercator perduellis, suis spargit misera solatia, fallaces spes, breuem vilemque fortunam, quæ vix afficit & deficit, vix proficit en proijcit, vix exponit & deponit, vix concedit & recedit,

Omissâ hoc loco spatiosâ ac periculosâ viâ, in omni pio statu ac professione, non tantum scilicet Religiosorum, sed etiam cuiuscunque conditionis Sæcularium arcta via est eligenda, nimirum via crucis: quia omnibus in genere dictum est: *Per multas tribulationes oportet nos intrare in Regnum DEI.* Deinde: *Regnum calorum & sim patitur, & violenti rapiunt illud.* Non vinolenti, non somno, gulæ, luxuriæ, aut delicijs dediti. Frustra existimamus obtineri Cælum posse, nihil patiundo, & carni indulgendo, quicquid illa appetit. *Impossibile est (inquit S. Hieron.) &c presentibus quibus & futuris fruatur bonis, &c hic & eternum, & ibi mentem expleat, &c à delicijs transeat ad delicias.*

Hâc viâ Dux & Antesignanus noster Christus præiuit. Primus ille crucem baiulauit, primus passus est, nobis relinquens exemplum, ut sequamur vestigia eius. Neque tantum passus est ad finem vitæ suæ, quando fuit crudelissimè carnis, Spinis coronatus, & cruci affixus: sed ab instantis suæ Incarnationis, tota ipsius vita fuit passio, fuit continua Crux.

Post Christum Ducem nostrum transierunt, hâc viâ Crucis & Virgines, transierunt Martyres, transierunt pueri & puellæ. Tu solus hâc viâ Crucis ire renues! Christus portauit Spinis: tu vis te blandis rosis coronare? innocentiissima Christi ca-

CHRISTIANVS.

f

Hi caro tam diris cruciatibus, lacerata est amore tui; tu DE I amore non vis carnem tuam rebellem nisi indulgenter habere!

DEVM serio amare est vnicum compendium, ne commoda nostra quæramus, vt secundum DEVM, non secundum nos viuamus. *Diuus Prosser de Vita Contempl. l. 3. c. 1.* hæc omnia scitè ita complectitur, depingens hominem suis commodis inhiantem: *secundum se ipsum uiuit, qui si potuerit est cum quibus uult; pergit quò uult; dormit quando & quamdiu uult; loquitur quæ uult & ubi uult; manducat & bibit, quando & quod uult &c.* Qui autem secundum DEVM uiuit; p^{er} n^{on} quod enim carnaliter delectat, sed quod edificat spiritualiter facit; & omnia desideria carnis spiritualis desiderij delectatione compescit, futura præsen^{ti}bus antep^{on}it, carnem spiritui subdit.

Indulgenter tractare carnem est illam immortali^{ter} odisse; ac ad æternum quod cruciat ducere per momentaneum quod delectat. Vnde S. Bernardus (Ep. 1.) commoditates, porcorum filiquas vocat, quæ cælestium famem extinguunt. *Quomodo potest qui uult esurire uel sitire Christum placere quotidie filiquis porcorum? Quomodo ignis & aqua simul esse non possunt, ita spirituales & carnales deliciae.* Verè ait aureus ille Asceta Thom. de Kemp. l. 1. c. 24. nos ipsos decipimus per inordinatum amorem, quem ad carnem habemus. *Quanto amplius tibi ipsi nunc parcis, & carnem sequeris, tanto durius postea penas lues, & maiore in materiam comburendi reseruas.*

Crux ergo seu mortificatio est arcta via, per quã
cælum

cælum ingredi contendamus. Qui verò crucem seu quamcunq; mortificationem fugit in quocunq; statu, fugit viam arctam, semitam salutis & incidit in vias difficiles.

Duplicem verò communiter Ascetæ assignant mortificationem, nimirum continuam & discretam seu discontinuam. *B. Albertus Magnus* (Paradisi animæ c. 38.) *macerationis seu mortificationis continua actiones has ponit. Primo* sponte castigare corpus jejunijs, vigilijs, humilationibus, orationibus, cilicijs, disciplinis, abstinentiâ cibi & potûs delectabilis, ut in omnibus caro spiritui subiaceat. Secundo carnî nullam voluptatem, sed solam necessitatem impendere. Tertio non tantum ventrem & Os solum coercere à cibi & potûs voluptate, sed & linguam compescere à verbis illicitis: & visum, auditum, gustum, odoratum, & tactum refrænare à delectationibus, & Cor à cogitationibus & affectionibus voluptuosis.

Continuâ mortificationem suadent nobis auctoritates & exempla.

Sanctus Paulus monet: *semper mortificationem in corpore nostro circumferentes: & de seipso alijsq; ait: Propter te mortificamur tota die: non habuit requiem caro nostra: Quotidie morimur per vestram gloriam.* Et *S. Bernardus suadet* (ad Fratres.

CHRISTIANVS.

7

Fratr. de Monte DEI (scribens) semper exhibere corpus suum hostiam DEO placentem. Hanc hostiam per continuam mortificationem DEO amor Sacerdos immolat, quando corpus jejuniis, somno parco, cilicio, flagris, duro inter orandum, vel in lecto, situ, alijsq; artibus affligat.

Primum exemplum continuæ mortificationis seu crucis accipe in Beata Virgine, de ea scribit Gregorius Turonensis, quod ex quo templum ingressa est, semper sit vsa cilicio; somnus illi super nuda humo vel duris tabulis parcissimus fuerit.

De S. Bernardo in Vita ipsius legitur: Beatus Bernardus in afflictione corporis sui vsq; a deo sibi mundum, seq; mundo reddidit crucifixum, vt confidamus Martyrum quoq; cum merita obtinere Sanctorum: quæ Confessionis ordine & parsimoniâ vitæ, tam longum constat duxisse martyrium.

Scribitur de *Iuditha l. 4.* quia habens super lumbos suos Cilicium jeiunabat omnibus diebus vitæ suæ præter festa domus Israel.

Ajunt S. Iudouicum Galliarum Regem, si quando Confessarij iussu consuetum cilicium deponebat, ob valetudinem a se. Nam ad tempus; eo die concessam hanc vt ipse dicebat, corpori suo indulgentiam, erogatis quadraginta scutis in pauperes redemisse.

Robertus Galliarum Rex, quintâ cujusvis hebdomadis feriâ vestem regiam exuebat; & cilicio ad carnem coopertus centum sexaginta

pau-

pauperum pedes abluebat; ac prolixo suo capillo tergebat. *Lyræus l. 2, c. 3.*

S. Paula etiam in grauissima feбри, mollia lectuli strata non habuit, sed super durissimam humum stratis ciliciolis quiescebat. De ea S. *Christoph.* Ep. 108.

Lectus S. Martini erat nuda humus superinjecto cilicio.

Tiberius Bisiniani Princeps sæpius non nisi pane vesceretur, aquam bibebat, ferreâ catenâ collo circumdatâ, quâ se Deiparæ mancipium testabatur.

B. Eleonora de Vanegas Religiosa Tertij Ordinis Sancti Dominici pane solo vesceretur, vel quandoq; lauticiarum loco, coctis herbis; nudis hyeme pedibus ambulabat, humi cubabat, aut in aslere, saxo cervicalis vicem subeunte; ei cilicium diu noctuq; humeris affixum fuit, modico somno utebatur, vt largius orationi vacaret, cui frequens fuit per septimanam flagellatio &c.

Gratum sibi esse S. Edmundi cilicium ostendit D E V S, quando illud ab igne seruauit illæsum. Dum enim ejus Cubicularius (inquit Surius) Cilicium & femoralis excina, quæ vsu diuturno contriuerat ab eo comburenda accepit, & ille quidem misit ea in ignem; sed ignis lambens ea consumere non potuit, tanquam vereretur Sacriligij notam sibi iniustum iri, si læderet ea, quæ beati Viri carnem attigissent.

S. Eligius de sua prædestinatione anxius a i-mi, hanc sibi vocem (nempe dæmonis instinctu) audire videbatur: Quidquid agis inutile est: Causurus

furus es, quia de numero es reproborum. At ille in consueta mortificationis exercitatione pergebat. Et verò inter cilicina lintea noctu orantem vox è cælo lapsa recreauit: securus es, si sic ad finem perseueraueris.

S. Theresia post obitum cuidam apparens dixit: si quâ ex causa vellem carere beatitudine tantisper, certè vt amplius pati possem, cujus nunc tantam mercedem in cælis video,

Alia mortificatio est discreta seu discontinua, quam in varijs actionibus totius diei, & in omni occasione possumus facere: videlicet in sensibus externis & interno, in potentijs tribus animæ, in linguæ vsu, in prauis consuetudinibus, in mortificatione honoris, amoris proprii & mundani &c.

Ita dum egrederis in publicum, oculorum cohibe curiositatem: ne aspice, quod desiderare non licet; vultum modestum & depressum gere. Magdalena Redonia tertij Ordinis S. Dominici Professa, per urbem incedens nihil præter filices & lutum intuebatur. Vidit aliquando S. Mechtildis, dum in festo S. Ioannis Euangelistæ sacris interesset Beatam Virginem, & hunc S. Apostolum illustrem radio splendoris admirabili, qui ex oculis emicans in facie Deiparæ dirigebatur, dumq; hæret isto prodigio attonita, audit à Ioanne: illum, dum in re mortales viueret, eâ fuisse erga Virginem Matrem reuerentiâ, vt defigere illam oculos nunquam fuerit ausus.

Offert se aliqua curiositatis occasio? adhibe mortificationem. S. Carolus Boromæus nunquam per vllam fenestram prospiciebat. Pia Magda-

Iena Redonia, quando ad eam filij literæ deferebantur, ad tres quatuorue dies tenebat ob signatas: tum vt curiositatem suam frænaret; tum vt teneritudinem affectûs materni compesceret.

Aliquis te verbo, repulsâ, contemptu, aut alia ratione offendit, optima adest te mortificandi occasio. Sanctimonialis quædam in Monasterio B V. de Gratia, si molesto aut aculeato aliquo dicto perstringeretur, illico se proripiebat ad SS. Eucharistiam pro hac cruce gratias actura.

Versaris in periculo Violandi silentij, aut Regule alicuius, aut præstanda inutilis & otiosa seruitutis? Generoso recessu & mortificatione declina. Memorix proditum est de Ioanna Celeria Attrebatî Religiosa, quòd rarò ad locum congressûs seu colloquij veniret, ne vnquam, nisi de rebus necessarijs loqueretur. Vnde ab alijs quibusdam sororibus majori licentiæ deditis, soror Syluestris appellata est; sed illa tali conuitio immobilis à sua consuetudine non recessit.

Cibum sumis? etiam hic in quo franges appetitum tuum ingries, siue à qualitate ciborum, siue à quantitate. Nunquam sine aliqua Victoria recedendum est. Frater Arias pluribus confirmans plurimum iacere D E O mortificandi studium etiam in rebus paruis affectu B. Petro Card. Damiani Abbatem, qui allatum sibi piscem, cuius edendi desiderio tenebatur, cum pauper ad portam peteret sibi pro eleëmossyna dari id, quod Abbati appositum est; audito eo, illi vnâ cum scutella misisse pro eleëmossyna; vt se ipsum mortificaret, seu peruinceret: pauper.

CHRISTIANVS. II

pauperem aurem, vr̃a cum accepta scutella in
consp̃ctu plurimum è terra sublatum in calum.
Alia sexcenta exempla oratio.

Nunc ergo & nobis gemendum est sub iugo
mortificationis; ne si crucis jugum nunc iugia-
mus, cum reprobis mortificemur æternum. Hâc
te Viator consideratione solare, crucem vnus
horulæ æternæ præmio & solatio compensari,
Curramus ergo (vt Anselmus virget) credendo,
sperando, diligendo, corpus assurgendo, bene operan-
do. Certè abstinentia, lachrymæ, preces, Vigilia, ipsæ
sunt Viæ, qua in calum ducunt, teste Ephraim.

III.

Compendium viæ cælestis est
breuissimum per Heroica.

*Vidisti virum velocem in opere
suo? Prou. XXII.*

Viator, viâ Regiæ seu viâ Crucis incedens ad
Patriam, si venit quandoq; breuissimo tem-
pore iter suum coniceret & pervenire ad termi-
num, in Spiritu feruoris, seu per actiones heroi-
cas, progredi debet. Per has citius summum at-
tingitur; & quod alij diuturno tempore, Via-
tor heroicus breuissimis momentis assequitur.

Præstantissimus est talis feruor eorum, qui
incumbunt actionibus heroicis, generosis, inso-

litis, & ita celeribus, vt incredibili velocitate sua omnes alias vulgares transcendant actiones, & ad thronum gloriæ magni DEI peruenientes, Angelos omnes, & ipsum DEVM in sui admirationem & amorem abripiant.

Talis fuit actus Abrahæ, qui ad vnicam vocem Domini, exnunc voluit vnicum Filium suum immolare. Vnde audiuit: *Quia fecisti rem hanc benedicam tibi.*

Eius generis fuit actus heroicus S. Bernardi. Clericus quidam veniens ad hunc S. Abbatem, importunè instabat, vt in Monachum reciperetur. Dum ei suaderet S. Bernardus, vt ad suam reuerteretur Ecclesiam, homo ille velut insanus, eorâ vi percussit maxillam Sancti Patris. Ad hunc tam grauem ictum, ne minimum Sanctus edidit impatienti signum. 1. 3. c. 6.

Alexius prius nocte nuptiarum, Sponsam intactam reliquit, paupertatis propter IESVM experiendæ studio, & amore castitatis.

S. Casimirus, maluit vitam amittere, quàm Virginitatem.

Eximius ille Vir Cæsar Buzius, dum quodam tempore videret Augustinum Sacramentum deferri ad ædes ægroti, statim nudato capite, faciem manu præferens, contempto nobilitatis virorum occurso, à quibus se ridendum, & vilipendendum sperabat, præibat ad ædes ægroti.

Theodosius Imperator magnam Sanctimoniam & perfectionem consecutus est vnicò actu heroico; Nimirum in ludis theatralibus frænando oculorum licentiam & curiositatem: quotiescunq;

escunq; enim occurreret aliquid aspectu iucundum, gratumq;, & populus magnis lætitiæ vociferationibus spectaculo acclamaret, tum se demittere, aut ompino claudere oculos solebat, ne quid eorum cupiditati indulgeret.

Hæ nimirum nobilissimæ ac generosæ actiones, virum in modum accelerant iter ad egregiam Sanctitatem. Hæ actiones sunt gratiæ prodigia, & germina spiritualis feruoris; ita, vt vnus subinde actus heroicus, non solum aucupari soleat singulares fauores diuinos in hac vita, sed etiam in altera incredibilia consequatur amoris diuini & gloriæ argumenta.

IV.

Decet Viatorē semper & vbiq;
DEI sui meminisse.

*In omnibus Vijs tuis cogita Dominum
& ipse diriget gressus tuos.*

Ps. 121. 3.

Viator aspirans ad Patriam, ne erret in terra deserta, inuia, & iniquosa semper ambulet coram DEO, & cogitet DEVM sibi intimè vbiq; præsentem: quia in DEO viuimus, mouemur, & sumus.

Vnde nos admonet S. Bonau. *Attende, & quicquid agas, & vbiq; steteris, & quibuscunq; negotijs*

negotijs impliceris die ac nocte, omni momento & hora DEVM semper habeas in memoria, credens & cogitans, te esse & verissime coram eo, & ipsum cogitans & ibiq; te afficere. Hac autem cogita cum magna reuerentia ac timore pariter & amore. Et S. Greg. Nazian. idem nobis inculcat: Non tam saepe respirare oportet, quam DEI meminisse; DEVS enim continuo, & continenter nobis benefacit.

Certè continuo cuius DEVS benefacit; quia per eum nobis terra stat, fluit aqua, diffunditur aër, ardet ignis, lucet Sol, cælum vertitur, nobis bruta animalia viuunt, seruiunt Angeli. Verbo quæcurq; sub visum, gustum, odortum &c. cadunt, omnia munera tua cõperies, quibus DEVS te pascit, cum esuris, orat cum sitis, operit cum frigus es, fouet cum friges, reficit cum deficiis, sanat cum ægrotas.

Vnde est summa infelicitas nostra, quod raro præ oculis Authorem bonorum præsentem habeamus; quod in huiusmodi actione supinè simus negligentes: perinde vs bruti pisces, cum in mari viuunt, moueantur, & sint, se tamen ibi viuere, & moueri, & esse ignorant.

Est & summè periculosum homini, non meminisse DEI sibi præsentis; quia sicut pisciculus ex aqua extractus mox perit & moritur, ita homo ex DEI præsentia per obliuionem egressus, necesse est vt subito pereat. Non est (ait Propheta) DEVS in conspectu eius (Ideo inquinata sunt ora illius in omni tempore: idcirco homo sine præsentia DEI sæpissime in grauissimam

simā ruit & labitur peccata, in mentis cæcitate, cordis obstinati duritiem, ac demum cæco impetu ruit in præcipitium infernale. Nam sine præsentia DEI homo fit aut per luxuriam velut bestia, aut per superbiam velut Dæmon.

Maximam vtilitatem Viatori adfert diuina præsentia. Et in primis; quia nos arcet à grauioribus peccatis, puritatem cordis adfert, & in timore DEI conseruat.

Habemus hujus rei exemplum in S. Bernardo. Contigit, Vt Bernardus adhuc adolescens apud Matronam quandam hospitaretur. Considerans mulier Adolescentem decorum aspectu, capta est laqueo oculorum suorum, & in concupiscen- tiam ejus exarsit. Cumq; adolescens quiesceret, surgens ipsa de nocte, impudenter accessit ad eum, quam Bernardus sentiens, nec consilij inops exnunc clama- re cepit: Latrones. Latrones. Et ita vsq; tertio improba mulier fuit repulsa. Quo nam hic inuictus Heros scuto munitus, de carne & Diabolo tam generose triumphauit? certè scuto diuinæ præsentia. Et vero quis coram Iudice præsentē peccare audeat?

Deinde præsentia diuina in nobis flammās diuini amoris succendit. *Vt DEVM amare?* quaerit S. Thom. op. 2. c. 2. & respondet: *Præus oportet cognoscere. Summum delectabile oportet præapprehendere cogitando, Et possimus diligere appetendo.* Vide ergo intellectu semper DEVM, vt concipias affectu.

Insuper præsentia DEI nos ipsis Seraphi-
nis

nis assimilatur. Pulcherrima Seraphinorum occupatio est coram DEO stare clamare, amare ut Isaias vidit c. 6. Quisquis DEVM amat, conatur illum ferre ubiq; in oculis & imitatur Seraphinos. Vnde S. Gregor *Seraphin ex singulari propinquitate conditoris sui, incomparabili ardent amore. Tanto magis ardent, quanto viciniores hunc vident.*

Per præsentiam DEI omnis virtutum acquiritur perfectio; qui enim mentis oculis semper intuetur DEVM, omnia placita, omnes gustus, omnia mandata DEI adamussim exequitur. Quidquid ergo facis, siue legis, siue oras, comedis, bibis, loqueris, ambulas, in omni loco & actione accede ad DEVM Viator, ad DEVM semper tibi intimè præsentem. Accedere autem potes triplici viâ, vel ut reus de peccatis ingemiscens per viam purgatiuam, vel inops à virtutibus per viam illuminatiuam, aut velut Sponsa ardens amore per viam vnitiuam.

Viam Purgatiuam vocant viri spirituales, quando intellectus animæ, peccati fæditatem proponit, illud detestatur, atq; exterminet; quibus ipsa permota affectum suorum pedibus (ut sic loquar) per voluntatem ab itinere timorem DEI, & à peccatis cum magna detestatione recedit.

Via illuminatiua est, quando intellectus voluntati proponit amandam pulchritudinem virtutis, omniq; studio quærendam, maximè Christi & Sanctorum exemplo.

Via Vnitiva dicitur, quâ beneficiorum DEI
& per-

& perfectionum consideratione, voluntas in DEVM fertur per amorem, ejusq; voluntati se conformat, atq; ad perfectam cum eo unio- nem aspirat.

Hinc apparet triplex affectuum genus, quod triplici viæ respondet in partes plures diuidi posse.

Affectus sic purgatiua sunt, pudor & confusio de peccatis, dolor de iisdem, timor diuinæ justitiæ, atq; hinc mortificationis desi- derium, vt homo illi satisfaciat.

Illuminatiua: virtutum omnium amor, spes ac desiderium eas acquirendi, rerum terrenarum & voluntatis propriæ abnegatio, imitatio Chri- sti & Sanctorum.

Vniuersa: amor DEI, gratiarum actio, Ze- lus animarum, lætitia & admiratio de perfectio- nibus diuinis, suspirium ad celestem gloriam, Hæc ergo triplici viâ seu affectibus, iaculatorijs sæpius per diem potest Viator ad DEVM, & patriam Beatorum accedere.

Orationes iaculatoriæ & Mo- tus Anagogici quid sint? exem- plis Sanctorum Patrum ap- probantur.

Dicuntur orationes iaculatoriæ, quia instar ja- culorum seu sagittarum velocissimè transe- untium, in cor diuinum, tanquam in scopum iaciuntur, vt ab eo dona cælestia obtineamus.

De

De his S. Augustinus ad Probam ep. 121. dicuntur Fratres in *Egipto* crebras quidem habere orationes, eas tamen breuissimas, & raptim quodammodo iaculatas, ne illa vigilanter excēta, qua oranti plurimum necessaria est, per productiones moras evanescat atq; hebetetur, intentio. Et cassianus in collationibus. Frequenter, sed breuiter orandum est, ne immorantibus nobis, insēcre aliquid cordi nostro insidiator possit inimicus.

Hunc breuem orandi modum per orationes jaculatorias seu motus Anagogicos exemplo suo nos Christus docuit. In horto enim iterabatur hæc verba: *Pater si possibile est, transeat à me calix iste.* Sancti in cælo continuo clamant: *Sanctus, Sanctus.* Basilius suadet peccatori, vt ad imitationem Channæe identidem inlacet illud: *Miserere mei fili David.* Thais olim Meretrix edocta à Paphnutio Abbate sic orabat. *Qui plasmaſti me miserere mei.* Beata Clara de Monte Falco milites quotidie DEVM adorabat genua flectens, & totidem fundens Orationes jaculatorias. S. Franciscus tota nocte orabat, hæc sola verba repetens: *Deus meus & omnia.* Narrat Theodoret. l. 9. Simeonem Syritam, innumeras quotidie adorationes peregrisse, adeò vt vnus numerauerit aliquando mille ducentas quadraginta quatuor, alias omittens, quia lapsus destitit numerare.

Dicuntur *Motus Anagogici*, id est sursum ducentes, nimirum, quia illis à rebus terrenis abducimur, & ad superna leuamur, ac tandem ad beatam cum DEO Vnionem euahimur.

Exer-

*Exercitium Aspirationum in via**Purgatiua.*

Tibi soli peccaui Domine! & malum coram
te feci.

Qui plasmasti ^{me} miserere mei.

O me infelicissimum! qui omnium peccato-
rum sum reus.

Miserere mei **DEVS** secundum magnam
misericordiam tuam.

Quo ibo à Spiritu tuo, & quo à facie tua mi
DEVS in fugiam.

O mi **DEVS**! si me eijsis, quis me recipiet!

Delicta iuuenturis meæ & ignorantias, ne
memineris Domine.

O **IESV**! sis mihi **IESVS**.

Hic vre, hic seca, modo in æternum parcas.

DEVS propitius esto mihi peccatori.

Non audeo mi **IESV**! in cælum oculos le-
uare, propter peccata mea.

DEVS in adiutorium meum intende.

Sancte **DEVS**, Sancte Fortis, Sancte & Im-
mortalis miserere mei.

Pater peccaui coram te & coram te, jam non
sum dignus vocari filius tuus, sed nec creatura
tua.

O Domina mea monstra te esse Matrem!

Quæ voluitas mi **IESV** in sanguine tuo &
meo, si descendero in infernum?

Non mortui laudabunt te Domine! sed nos
qui viuimus benedicimus tibi.

Quid mali fecisti mihi Domine, quia offendi

O mi

O mi DEVS: malo in posterum in ipso inferno ardere, quàm te offendere.

Peccaui Domino:

O IESV: ô summum bonum meum, cur vnquam offendi te?

Væ tempori illi, quo te offendi mi DEVS!

Pactum facio mi Domine tecum! ego tuus & tu meus eris in æternum.

Exitus aquarum deducant oculi mei, quia non custodierunt legem tuam.

In Via Illuminatiua.

Serò te cognoui pulchritudo tam antiqua, serò te cognoui bonitas infinita.

Ibo & ibo quæram quem diligit anima mea.

Domine IESV, nouerim me, nouerim te, nec aliud cupiam nisi Te.

Quocunq; loco fuero meum IESVM desidero.

Viuat IESVS! & exaltetur DEVS salutis meæ.

Væ tempori illi, quod te non amaui,

Loquere Domine qui audis seruus tuus.

Domine ante te omne desiderium meum.

Adiuua me & saluus ero Domine.

O Domine ego Seruus tuus, & mancipium ancillæ tuæ MARIE.

Illumina oculos meos, ne vnquam obdormiam in morte.

Non

CHRISTIANVS.

21

Nolo viuere mi IESV, sine vulnere, quia
te pro me video totum vulneratum.

Gaudens gaudebo in Domino, & exultabo in
DEO IESV meo.

Adhæreat lingua mea ori meo, si vnquam obli-
tus fuero tui mi DEVS!

Credo tibi, & in te spero, & toto corde te
volo diligere DEVS meus.

Ex te, in te, & pro te mi DEVS! sint omnia
mea.

Benedic mihi ô SS. Trinitas, ô Dulcissima,
Virgo Mater, ô Angele mi Custos, ô Patroni
mei.

Eja quæso multiplica in anima mea virtutes
Domine DEVS virtutum.

In Via Vniuersa.

Misericordias Domini in eternum cantabo.
Benedicam Dominum in omni tempore,
semper laus ejus in ore meo.

O ignis qui semper ardes accende me! Para-
tum cor meum DEVS, paratum cor meum!

Quis mihi det, te diligam te mi DEVS, a-
more Seraphico, Theandrico, & Diuino?

O patria nostra! patria secunda! à longè te
video, ab hoc mari & exilio te saluto.

Cupio dimolui & esse tecum mi IESV!

Tædet animam meam vitæ meæ, quia lumen
cæli, DEVM meum non video.

Quid mihi & tibi ô IESV Fili MARIE
Virginis!

Amo

Amo IESVM amore MARIE, amo Mariam amore IESV.

O patria quando reuertar ad te?

Viuat IESVS! in corde meo.

O mi DEVS! quando transibo in te? quando abibo in cineres dilectionis tui?

Vulnerastis cor meum ô IESV! ô MARIA! vulnerastis cor meum.

O felix hora quando liberabor de corpore mortis hujus!

O amor meus! ô DEVS meus! vellem te amare mille cordibus, si tot habere, & amore ardentissimorum Seraphinorum.

Cupio mi DEVS! transire in te, transformari in te; perire propter te.

Nihil cupio mi DEVS extra te, quia inquietum est cor nostrum, donec requiescat in te.

Moriar mi IESV moriar! modo inter desideratissimos & sanctissimos amoris tui amplexus.

Age, age bone IESV: tolle amorem meum totum à me, & conuerte à te, accende & rape flagra & dulcesce, iam acciem te, iam rapiar in te.

O liquefcam! ô conflagram amore DEI mei!

Vtinam viuere possim ego sed non ego sed viuat in me DEVS, amor meus.

V.

Viatori per creaturas ad creato-
rem ascendendum.

Cor hominis disponit viam suam.

PROV. 16.

Variæ Viatori aspiranti ad Patriam solent
occurrere in Via creaturæ DEI & opera
ejus, si ergo Viator noluerit errare, sciat & cu-
ret per eas DEVM inuestigare, & per omnes
semper amoris gressibus ad Creatorem suum
aspirare. Viatori creatura non sit Remora.

Philo disertissimus Iudæorum lib. de præ-
mijs, *scelas ad DEVM esse omnia creata assue-
rat.* Via etenim patet nobis ab his quæ vide-
mus, & contrectamus, ad Officem DEVM,
quem non videmus. Consoletur Basilii Seleu.
Episcopus orat. i. dicens. *Quia DEVS res cre-
atas in morem scale Viatoribus adaptauerit, per
eas sui amantibus ascensum ad se extruxit.*

Per creaturas DEVS tuum ô Viator vena-
tur amorem, cui aspando, toto orbe, creatu-
rarum ponit laqueos. Venam & tu capiaris!
utinam sis amoris Divini præda, ne fias alteri-
us amoris prædo. Omnis Creatura inclamat
tibi hæc tria. Accipe, redde, caue. Accipe
creaturas vt beneficium, redde Creatori earum
officium, caue abutens illis supplicium,

Cur amas hæc terrena, nisi quia pulchra &

bona sunt: possunt esse tam pulchra & tam bona, atq; ipse à quo facta sunt? quis sic delectat, quàm ille qui fecit omnia quæ delectant? Interroga creaturam, si à seipsa est, remane in illa; si autem ab illo est, non ob aliud perniciosa est amatori, nisi quia præponitur Creatori.

Ad hanc piam erga DEVM affectionem & continuum accessum omnes Viatorem Christianum creaturæ hortantur, siue enim rationales illæ, siue non, laudem tamen DEI sui, vel aperte vel occultè enuntiant. Nulli ergo dubium, quin facillimè possit, quicumq; huic studio animum applicauerit, ex aspectu cuiuslibet creaturæ in DEVM assurgere, & pijs affectibus ad DEVM aspirare. *Habemus huius rei exemplum in sanctis.*

Scribitur de S. Fulgentio Ep. Ruspensi. Videlens quondam hic Sanctus, in generali conuentione nobiliũ Romanorũ, tot dominorum præsentium splendore, Theodorico Gothorũ Rege concionante, exclamauit: O DEVS! quàm pulchra oportet, vt sit celestis ista ciuitas Hierusalem, si hic in terris sic ipse, & Roma terrestris. Et si in hoc mundo tantum splendor concessus est amatoribus vanitatis, quanta gloria reservata esse debet contemplatoribus Diuinæ Maiestatis.

Constantinus Magnus honorificè quondam scripsit S. Antonio Abbati, quod factum Religiosi, qui cum illo erant valde admirabantur. Tunc inquit Sanctus ad illos: Quid admiramini Regem scribere homini? potius admiremini DE

VM æternam suam legem scribere mortalibus, imò in persona Filij illis locutum.

S. Franciscus videns ouem solam inter hædos derelictam: Ecce, inquit, vt misera ista ouicula mansueta est inter capellas, sic Saluator noster inter Phariseos mansuetus erat. Idem Sanctus videns quodam tempore agnellum à porco comestum: Ah parue agnelle, (inquit, plorans) quam ad viuum Saluatoris mei amarissimam mortem exprimis.

Ani na quædam deuota, intuens fluium, cui cælum cum stellis, nocte serenâ repræsentatum erat, exclamauit: O mi DEVS! eadem illæ stellæ sub pedibus meis erunt, quando recipies me in Sancta tabernacula tua.

Francisca considerans pulcherrimum fluium in ripa, in qua ipsa flexis genibus sedebat ad orandum, in extasim rapta aliquoties hæc verba lentâ voce repetijt: Tam dulciter & suauiter fuit gratia DEI, sicuti iuuus iste.

Cum nouercali die, igitur medullæ coquerentur, pia cogitatio mentem Diui Francisci Borgiæ pupugit. æquæ in illos flammæ vrent, qui ob flagitia apud inferos pœnas æternas penderent?

Alius arbores viuens florētes suspirabat: vt quid ego solus demortuus in horto Ecclesiæ! vt quid sum arbor sicca nullum fructum faciens!

Alius intuens cursum solis dicebat: Quando mi DEVS? animâ mea sequetur Agnum, solum iustitiæ, quocunq; ierit?

CAPVT II.

Praxis Aspirationum seu Affectuum pro qualibet occasione & actione.

Dum Cælum conspicias.

1. **D**omine non sum dignus videre altitudinem cæli, præ multitudine iniquitatis meæ.

2. O patria nostra! patria secunda, à longe te video! ad te suspirat peregrinatio mea! Tædet animam meam vitæ meæ, quia non video D E V M Deorum in Syon.

3. Vtinam nunc DEVS! tantum te nunc amare possem, quantum omnes Beati in cælo hactenus te amarunt.

Dum aliqua grata & venusta vides.

1. **S**i tanta mihi DEVS! facis nobis in carcere, quid ages in palatio? si tanta solatia in hac die lachrymarum, quanta conteres in die nuptiarum?

2. Quidquid mihi dare vult Dominus meus præter se ipsum, dulce mihi non est; auferat totum & se mihi det.

3. Quam

3. Quam aridus & durus es anime mi sine IESV! quam insipiens & vanus, si cupis aliquid extra IESVM! esse sine IESV grauis est infernus, & esse cum IESV dulcis paradifus.

Dum animum relaxas.

1. **O** Dilecte IESV! vnicum cordis mei gaudium quia amoris mei delictum! da vt amando te femper fim hilaris, quia offendi te merito fim triftis.

2. Ego autem in Domino gaudebo, & exultabo in DEO IESV meo.

3. Vtinam efficere poffem dulciffime DEVS, vt omnia gaudia, quæ funt & erunt in mundo non fint nifi de te: Tu enim es vera dulcedo cordium, excedens omne gaudium, & omne defiderium.

In afpectu Solis, Stellarum.

1. **O** Sol mundi oculus qui me toties peccantem afpexiffi, vti nam me deinceps, non nifi dolentem & lugentem afpiceres.

2. O mi IESV candor lucis æternæ! quando in lumine tuo video lumen tuum? quando me totum concremabis flammâ tui viui incendiij? quando me totum liquefacies penetratum efficaci fuauitate tuâ?

3. Ardēt tibi & luceant DEVS meus

sydera tua, & tot accende toedas amoris in corde meo, quot in cælo splendent stellæ.

In aspectu Ignis.

1. **H**ic vre Domine! hic seca, modò in æternum parcas.

2. O Domine amoris! deficiat & conuertatur in cineres cor meum, si non permitto, vt amoris tui flammis æstuet, & ardeat.

3. O si citius vt ferrum igni, ita & ego, tibi DEO meo vniri, ac in te transformari possem.

In aspectu Aqua.

1. **O** Si deriuare possem in oculos meos, flumina, Maria, Oceanum, efflerem ista omnia hoc luctu: Eheu! peccaui Domino: dereliqui fontem aquæ viuæ!

2. O mi DEVS! quot sunt guttæ aquarum, in fluuijs, lacubus, fontibus & mari, tot tibi laudes, tot ardentissimorum amoris affectus in omnibus & pro omnibus offerro, & in te transfundo.

3. Immensa dulcedo mi DEVS: vtinam me totum in te rapiēs absorberes & absconderes! Quod enim est mari absorbere tantam guttam, hoc tibi est absorbere me.

Ante quodlibet opus.

1. **O** Mi DEVS! titulus & inscriptio omnium actionum & cogitationum mearum est nomen tuum, quod est IESVS: tua
sunt

sunt omnia, & propter magnam gloriam tuam. omnia mea do, dico, & addico tibi.

2. Quidquid videro, quidquid audiero, quidquid sensero, totum tibi seruiat mi I E S V, omne opus à te incipiat, & per te captum finitur.

3. Desidero, vt quæuis actio mea non tam sit actio, quàm amor tui major & major continuus, mi Domine!

Ad Sonitum Horologij.

1. **B**enedicta sit illa hora, quâ Dominus noster I E S V S Christus incarnari voluit & pati pro nobis: quâ concepta & nata est SS. Mater D E I M A R I A.

2. Ecce elapsa est hora D E V S meus! cuius inutiliter iacturam feci; vtinam geminatis ignibus hanc iacturam resarciam.

3. O mi D E V S! desidero, vt quoduis momentum hujus horæ sequentis, omnis pulsus & motus cordis, & omnium arteriarum rucarum, idem significant, quod hæc verba: Sanctus, Sanctus Dominus D E V S.

Actus ante disciplina exercitium.

1. **M**emor sum ô Domine! opprobrij & confusionis, quam pro me passus es in crudelissima flagellatione tua, quando virgineum corpus tuum virgis spineis cruentabant, lo-

ris nodosis & vncis ferreis dilaniabant, catenis ossa ipsa & costas diuellebant.

2. O anime mi! ad tam funestam Saluatoris tui tragædiam ne quidem ingemiscis? si feram aliquam sic excarnificari cerneres, an commiseratione non tangereris?

3. Æquum est mi IESV! vt qui flagellationis tuæ causa fui, illius quodammodo participes fiam. Vnde offero tibi eam Domine in vnione acerbissimæ passionis tuæ: omnes ictus & flagella tuo aspergo sanguine, vt hoc penitentiae exercitium gratius tibi sit, cedatq; in satisfactionem pro peccatis meis.

Actus ante susceptum iter.

1. **O**ffero tibi mi DEVS, tot actus fidei, spei, charitatis, quot in hoc itinere intercedent superficierum corporis mei permutationes.

2. Sicut ero in continua loci mutatione, ita vellem mi IESV! continuo benedicere & laudare te pro omnibus laboribus, & sudoribus, quos præcipuè per triennium tuæ Sanctissimæ prædicationis sustinuisti.

3. Quia procliuus sum ego ad omne malum & peccatum, ideò commendo me tibi dulcis IESV, commendo me tibi Virgo Beatissima, & vobis SS. Angeli & speciales SS. Patroni mei, vestro præsidio munitus non timebo mala.

In ipso itinere.

1. **O** Mi DEVS! quoties in hoc itinere
lum

tum suspiciam, toties venerari volo omnes illos
cœlestes Spiritus, illasq; Intelligentias cœlorum
motrices, commendans illis necessitates colon-
rum, per quorum agros transibo, ne grandines,
tonitrua, tempestates illis noceant, vt maleficia
dissipent, inducantq; àëris temperiem.

2. Transeundo oppida, pagos, gratias tibi
ago Domine pro beneficijs omnibus spirituali-
bus & temporalibus concessis hujus loci incolis.
Innouo tibi omnes cultus, laudes, affectus, & vo-
ta omnia, hic facta & facienda: simulq; detestor
omnia peccata, hic commissa & committenda.

3. In omnibus Ecclesijs tractûs mei, adoro
te mi I E S V ibidem Sacramentaliter existen-
tem: tibi offero & repræsento omnia Sacrifi-
cia inibi facta, omnes deuotiones & affectus
cujuscunq; orationis & adorationis siue elicitos
siue eliciendos.

Dum insurgunt tentationes impure.

1. **A** Mor meus crucifixus est, & ego volupta-
ti operam dabo? Absit! non decet sub
spinoso capite membrum esse delicatum.

2. Discerpar in mille partes, rumparq; poti-
us, quam vt amo i Diuinô rem quampiam præ-
ponam. Malo Domine millies mori, quam sæ-
dari. Malo in ipsum exnunc infernum descen-
dere, quam te deliberatè vel minimo peccato
offendere.

3. Eia adesto optime I E S V, ne Sanguis tu-
us in me pereat. Adsis clienti tuo M A R I A.

Amore tui Domina mea, non cogitabo, non dicam, non faciam. Adeſte Sancti omnes, veſtris præſidijs munitus ſperabo in Domino: & licet conſurgant aduerſum me caſtra, non timebit cor meum. IESVS MARIA IOSEPH dō no vobis cor meum.

Cum deambulas.

1. **O** Quanti ſunt infirmi & claudi quibus ambulare conceſſum non eſt! Gratias tibi Domine, quia corpus integrum dediſti mihi, & me hæcenus incolumem conſeruavi.
2. Domine non ſum dignus calcare hoc pavimentum, per quod tranſeunt tot ſervi tui, quibus comparatus Vermis ſum & non Homo, opprobrium hominum & abiectionis plebis.
3. O ſi quouis momento vitæ meæ, quouis grefſu accurrere poſſem ad pedes tuos mi IESV, illoſq; lamberem, oſos amplecterer!

Cum vides aliquod peccatum proximi.

1. **C**ompatior mi DEVS peccato huius hominis, non credo tamen illud eſſe tantum malum, quantum mihi videtur. In ſupplementum tuæ offenſæ offero tibi pretioſum Sanguinem Filij tui, & in illo hoc peccatum depono.
2. Ego Domine majora peccata perpetravi, proh dolor! & gravius te offenderem niſi tua
me

me gratia præseruaret. Vnde etiam toto corde tibi gratias ago pro auxilio mihi præstito.

3. Amore tui mi DEVS! doleo de omnibus peccatis à quocunq; vnquam contra te commissis, & committendis, quæ, si possem, impedire, & sanguine meo delere vellem.

Cum vides aliquod bonum proximi.

1. SERUIAT tibi mi Domine, quidquid est in cælo & in terra, quia dignus es accipere laudem, & gloriam, & honorem ab omni creaturâ.

2. Sis benedictus Domine in firmamento cæli pro omnibus bonis inspirationibus & auxilijs, quæ tam huic personæ, quam omnibus tribuisti.

3. O si & ego possem te amare omnibus illis affectibus, omnibus cordibus, quibus amatus es & amaberis, quàm libenter id præstarem!

Dum occurris cunctibus.

1. O Quàm diues es mi dilecte! cui tu sufficis. O amor meus! quid extra te quæram? desino omnia modò tu me & ego te possideam.

2. Alij alia querant, te solum ego mi IESV quæro, te solum desidero: DEVS meus & omnia!

3. O si omnium, hominum, quotquot fuerunt, sunt, & erunt corda & voluntates solus haberem, ijs omnibus te solum quærerem, te summè diligerem vnicum bonum meum.

Cum

Cum das Eleemosynam.

1. **S**I ego possem Domine DEVS meus omnium egenorum miserijs subuenire.
2. Offero tibi mi DEVS omnes diuitias, omnes thesauros hujus mundi, omnia regna, omnes redditus, ita vt si hæc omnia mea essent, illa amore tui pauperibus erogarem, & in tui cultum effunderem.
3. Gratias tibi Domine, quia me pascis à iuventute mea, nam inops & pauper sum ego.

In aspectu Imaginis alicuius Sancti.

1. **O** Sancti Sanctæq; omnes fideles Sponsæ Christi saluto & veneror vos. Gratias ago DEO meo, quod vos elegerit, & in sublimi gloria collocauerit.
2. Scribite me Sancti DEI in libro afflictorum, quia affligi semper desidero propter DEVM. Scribite me cum SS. Virginibus, quia desidero cum illis semper agnum, quocunq; ierit. Scribite me in corde IERUSALEM, & in corde MARIAE, vt nunquam obliuiscantur animæ meæ.
3. O felices animæ! quanto vobiscum gultabo & videbo, quam suavis sit Dominus! ô longa mora! ô tædiosa dilatio!

Cum vides imaginem Crucifixi.

1. **O** Pater æterne! respice dulcem natum, toto corpore extensum, cerne manus noxias

noxias pio manantes sanguine: vide inermelatus crudeli perfossus cuspide, & dimitte nostra crimina.

2. In tantum me diligis D E V S meus vt te odisse videaris, cum posset gutta redimere non dico cruoris sed sudoris redemit vnda.

3. Adoramus te Christe & benedicimus tibi, quia per Crucem tuam redemisti mundum.

In aspectu imaginis SS. Virginis.

1. **A** Ve gratiâ plena Dominus tecum, Vel Salve Regina Mater Misericordiæ.

2. Quis non diligit te Regina cordium, & Mater Sancti amoris, quis non diligit te? vtinam omnes creaturæ tibi seruiant.

3. Subiterno tibi Virgo Beatissima me tuum licet indignissimum mancipium, tuisq; Virgineis pedibus cor meum subiicio quia melius apud te erit, quam apud me.

Dum recordaris al cuius peccati.

1. **O** quàm iuste me jam pridem in infernum detrudere poteras, iustissime Iudex, pro peccatis meis, & mihi clementer pepercisti.

2. O si quod factum est possem infectum redere! ô si tempus præteritum reuocare! ô quàm bonum erat mihi, si natus non fuisset: neq; enim vitam mihi dedisti, vt te offenderem D E V S meus.

3. Detestor peccata mea corde Saluatoris mei: sicut

sicut Cor I E S V ea fleuit, ita ea ploro & abominor. Nolo amplius in æternum peccare.

Dum conspicias hortos, agros, prata.

1. **O** Mi D E V S ! hæc omnia quæ nunc video videlicet agros, hortos, & simul omnes agros per totum mundum, omnia prata, & quicquid in eis ab initio mundi excrevit, nunc crescit, crescetq; ad finem mundi, omnes segetes, herbas, flores, gramina, & totam entitatem, substantiam, tibi tanquam mea, & me totum cum eis, & in eis, in Holocaustum suavissimum tibi offero, pro eis gratias ago, in eis te adoro, te laudo, & magnifico.

2. O si possem omnes arenas, atomos, folia, maris ac pluviarum guttas atq; niuium grana in cælos & choros Angelorum te amantium & laudantium convertere, ô quàm libentissimè id facerem.

3. Vellem mi D E V S toties æstuantissimis desiderijs ad te nosteri, quoties mouentur folia & rami in arboribus, herbæ & gramina in campis, segetes in agris, animalia in terris.

In aspectu Volucrum.

1. **B**enedicite omnes volucres cæli Domino.

2. Quid est homo, quod memor es ejus mi Domine ! omnia subjecisti sub pedibus ejus, volucres cæli & pisces maris,

3. Quis dabit mihi pennas sicut columbæ & volabo

volabo & requiescam sub vmbra illius, quem desiderat anima mea.

Cum noctu decumbis.

1. **O** Amabilissime DEVS! quàm dormit securè, pro quo vigilat amor! nullas metuo insidias, vbi amor habet excubias.

2. O mi DEVS lux indeficiens! dum clauduntur oculi mei; fac ne simul amor tuo claudatur cor meum.

3. Gratias tibi Domine, quia dum nox in suo cursu medium iter haberet, omnipotens sermo tuus è regalibus sedibus venit.

Ante concionem.

1. **D**ignus es Domine accipere gloriam & honorem. Utinam & ego omnes ad te Creatorem meum conuertere possem!

2. Eja Domine video, vt infiniti pereant tuo Sanguine & laboribus empti: & nemo potest venire ad te, nisi tu traxeris eum: quid ergo pollutis labijs & corde præstare potero sine te? da igitur mihi gratiam, ad quòd vocasti me, & adiungat mihi SS. Angeli & Patroni mei, vt ad tuam vnus gloriæ fiant vniuersa.

3. O Sanctissima Trinitas! aperi os meum ad benedicendum & laudandum nomen Sanctum tuum. O IESV! da mihi guttam Sanguinis tui cordialis, vt illo cor meum conspersum incalecat. O MARIA! da mihi guttam lactis tui Virginei,

Ante

Ante Confessionem audiendam.

1. **O** IESV vnica salus, sana quæso per me, hanc animam peccatricem, quia tu cor contritum & humiliatum non soles despicere.

2. En pretium Sanguinis tui Sponsa tua ab hoste vulnerata. Doce me, vt prudenter cæcam, & ægram ducam in viam salutis æternæ, quia tu nihil horum odisti quæ fecisti & redemisti.

3. O IESV adis, ô Spes nostra miserere ! O SS. Angeli ! ô SS. Patroni adiuuate me. En volo Domine potestate à te mihi & ab Ecclesia collatâ absoluerè pœnitentes meos. Quòd fiat ad gloriam Diuinæ Maiestatis tuæ.

*In aspectu Iudæi, Hæretici, Etbni-
ci &c.*

1. **A** More tui mi DEVS ! doleo de omnibus hæresibus, blasphemijs, irreuerentijs, quibus ab omnibus vnquam Iudæis, Hæreticis, dissidentibus offensus es & offenderis.

2. In persona omnium, qui nunquam tibi debitum honorem, laudem, & reuerentiam reddiderunt; nec reddent: vt sunt Hæretici, Athei, Iudæi, Turcæ, Idololatræ, Inari, blasphemæ, & omnes infideles, ego te mi IESV adoro, laudo, veneror, benedico, & exalto.

3. Desidero mi DEVS ! vt ab omnibus creaturis rationalibus adoreris & glorificeris.

In aspectu cuiuscunq; creature.

Quot stellæ in cælo, quot guttæ in mari, quot
atomi

tomī in terra, quot creaturæ in hoc vniuerso sunt, fuerunt & erunt, toties te mi Domine pro omnibus & singulis momentis creationis ipsarum, & conseruationis, nec non concursus tui cum ipsis laudo & glorifico.

Ante refectiōem.

1. **L**iberalissime Domine, illinē tu escam dabis, qui te non semel conuitijs & opprobrijs saturauit! cur me potius non enecabis fame? cur talem escam alijs melioribus qui fame pereunt non prouidisti? Indignus enim sum rationalis creaturæ cibus, & pane Filiorum, qui iumentis insipientibus similis factus sum propter innumera peccata mea.

2. O DEVS meus! misericordia mea! gratias ago tibi, qui pascis me a iuuentute mea, & vsq; nunc aperis manum tuam & imples me licet indignum animal benedictione.

3. Decerno temperantissimę IESV escā & potu eo tantum vti, vt carā ad seruiendum tibi consillat. Nolo Domine vllam in mensa voluptatem percipere, memor fellis & aceti quod ipse gustasti. Vellem potius Domine, vt ea quæ sumptu us sum absinthium saperent propter te.

*In ipsa refectiōe condimentum
spirituale.*

Quam magna multitudo dulcedinis tuę Domine, quam abscondisti timentibus te.

Virtus

Virtus tui Diuini amoris me totum tibi incorporaret amantissime IESV.

Tu es Spes mea Domine portio mea in terra viuentium.

Dominus meus IESVS in cruce sitit & ego comedam & bibam.

Intingo Domine omnes micas, quas fumo, in phlegmate consputa faciei tuæ.

Vinam Domine IESV felle, quod gustasti, omnia mea prandia condiantur.

O cæna magna, quando accumbam ad te! O torrens voluptatis, quando potabis me!

Quanti mercenarij abundant in domo Patris mei panibus, & ego hic fame pereor!

O quàm millies felicior esses anima mea! si colligeres micas, quæ cadebant de manibus IESV, nunc in deserto, quando illi ministrabant Angeli, nunc in domo Pharisei, vbi Magdalena lachrymis rigauit pedes eius. O si etiam in societate Virginis Matris puerum IESVM pascens, hunc cibum sumeres!

O IESV felle & aceto potate! omnes qui nobis benefaciendo prouiderunt, & eos, qui ante me hic refectioni sunt, obsecro, educ de tenebris, & in patriâ refice.

*Actus Oblationis omnium actionum
totius Septimanæ.*

O Pto mi Domine! etiam si abjectissimus sim, vt in similitudinem beatorum Comprehensorum, qui tuo stabili amore fruuntur, possim incessanter laudare te, amare te, cogitare de te.

Deside-

Desidero vt quælibet respiratio oris hâc hebdomadâ & omnibus diebus vitæ meæ, sit ad te
 DEVM meum aspiratio cordis,

Volo ut seruiat tibi Domine, quicquid ago, quicquid loquor, quicquid cogito. Volo vt omnis animæ & corporis actio, omnis motus substantiæ meæ, omne momentum vitæ meæ, nihil aliud sit, aliud nihil spiret: nisi Sanctus, Sanctus, Sanctus Dominus DEVS Sabaoth.

Desidero, vt semper Cor meum, anima, cerebrum, oculi, aures, lingua, manus pedes venæ, sanguis, nerui, arteriæ, ossa, caro ac omnia & singula, quæ intra me vel extra me sunt, pro modulo suo, te totis viribus reuerentur ament, laudent, benedicant honorent, ad te tendant.

Quia verò præsentis vitæ necessitates minùs sinunt mentem indefinenter laudi tuæ intendere, hinc tale tecum pactum mi Domine inire cupio

Quoties his diebus ore vel mente dixerò: Domine laudo te; toties volo omnes laudes, quæ datæ tibi vel dari poterant possentq; ab omnibus creaturis, quas tibi dant sacræ literæ & omnes libri, quas Angeli & Sancti, quas Virgo Beatissima & Humanitas Christi, quibus te afficere possent infiniti mundi ac creaturæ infinitæ, & omnes possibiles ac cogitabiles & à te conceptibiles tibi offerre.

Quoties dixerò: O mi DEVS amo te! toties amo te & amare desidero amore Te digno, amore Mariano, amore supplemte amorem eorum, qui te non amant, vt damnati &

D

non

non creandi: toties desidero concentrare omnem amorem in cor meum, quo in æternum totum cælum amabit te.

Quoties aliquam mortificationem fecero, quoties me tentantem Dæmonem, vel carnem vicerō: toties offero tibi omnes dolores, omnes austeritates Religiosorum, omnia Martyria, omnem sanguinem pro te effusum, & ad tempora Antichristi Martyrio fundendum; ita, ut si tibi placeret in augmentum gloriæ tuæ, omnia talia libenter propter amorem tuum vellem perpeti.

Quoties mi DEVS sustulero ad te animū meum & siue corde siue ore dixero: mi DEVS adoro te: mens mea est; nimirum adorare Te cultu latræ tibi soli debito, adorare omnium creaturarum adorationibus, quæcunq; fuerunt, sunt, & erunt: adorare in omni loco in quo sunt homines, in quo non sunt, in omni loco aquæ, àëris, spheræ ignis, in omni loco Inferni, Purgatorij, Cæli, in omni loco Dominationis Tuæ.

Dicet sæpè sæpius (ut spero in gratia tua) cor vel lingua mea: O DEVS sis benedictus! tunc semper magno nomini Tuo DEVS illigo & includo omnes omnium totius æternitatis amplitudinem occupatarum laudum & benedictionum tuarum thesauros; ita ut sunt & erant in corde ac ore omnium Angelorum, omnium Electorum, atq; in ore & corde ipsius IESV & MARIE.

Clamabit ad te sæpius cor vel lingua mea:
O bo-

O bonitas! cur vnquam offendi te? tunc hisce verbis, doleo, doleo! quod vnquam villo modo Te maximum, dulcissimum, optimum, DEVM meum offenderim. Doleo quòd vilius temporis momentum, perdiderim, quo te non amaui. Doleo quòd vnquam offensus sis ab alijs & offenderis.

Intus paciscor tecum mi DEVS! non tantum de minimo quocunq; motu interno & externo animæ, cordis, & corporis mei; de omni mea æquè dormientis ac vigilantis aspiratione & respiratione; sed etiam de omnibus, & singulis quæ sunt & erant, creaturarum motibus: de singulis electorum tuorum actibus, quos omnes vellem cuius actioni meæ includere, illis te glorificare, ita vt nullus actus meus non sit ad gloriam tuam directus.

Et hæc omnia vnita meritis vitæ & Passionis Domini nostri IESV Christi, sanguine ejus aspersa, in corde deposita, manibus benedicta, conjuncta omnibus lachrymis penitentium Sanctorum, omnibus gutturibus lachrymarum IESV, omnibus meritis MARIÆ, & omnium Electorum tuorum, consecro diuinæ Majestati tuæ. Ex amore tui ad maiorem gloriam tuam. In gratiarum actionem, & satisfactionem. Ad exhilarandum Cor B. V. & SS. omnium. Ad impetrandam mihi virtutem & gratiam N. Ad impetrandam peccatoribus contritionem, ægris sanitatem, tentatis auxilium, efficax, justè bellantibus victoriam, quibus-

cunq; indigentibus opem & auxilium, agonizantibus perseverantiam, requiem defunctis,

Actus Gratitude ad finem Septimanæ eliciendi.

Quid retribuam tibi Domine pro omnibus quæ hæc diebus & omnibus momentis vitæ meæ tribuisti mihi? quid pro bonis publicis & privatis? quid retribuam tibi pro conservatione, cooperatione, & gubernatione omnium creaturarum?

Quid pro bonis operibus, verbis, cogitationibus te donante à me conceptis referam, quippe, qui nihil boni cogitare possum, nisi te largiente? Quid pro auxilijs & inspirationibus tuis? O Domine, pro his omnibus sis benedictus in æternum.

Quid autem pro his omnibus reddidi tibi? Eheu! reddidi mala pro bonis, quia toties ausus sum gravissimis peccatis meis te offendere, te contristare. *O*tinam ea nunquam commissem, non corde, non ore, non opere.

O amabilissime DEVS! amore tui solius odi, execror, & abominor omnia peccata mea etiam venialissima. Doleo de omnibus cogitationibus, quæcunq; his diebus fuerunt otiosæ, vanæ, superbæ, impuræ, iracundæ, temerariæ, fraudulentæ, invidiosæ, & suspiciosæ. Retracto omnia verba, quæcunq; fuerunt inconsiderata, otiosa, inuerecunda, superba, impudica, mor

ca, mordacia, detractoria, iracunda, simulata, adulatoria, vana, & affectata Abominor omnia opera mea vana, ad finem malum directâ, inordinata, immunda, perfunctoria, acediosa, simulata.

Detestor omnia peccata, omnes malitias & irreuerentias totius mundi, præcipuè hâc hebdomadâ commissas, & vtinam tali affectu, tali voluntate, quâ tu ipse eas abominaris, & vtinam dolor meus tantus esset, quantum tu esse desideras.

Omnia peccata mea & totius mundi demergo in abyssum misericordiæ tuæ, demergo in cruenta vulnera tua, depono in balneo sanguinis tui mi IESV.

In suppletionem amoris & laudis, quam tibi vt debui, non impendi, offero tibi Domine & innouo omnia obsequia justorum, omnes deuotiones, jejunia, vigiliis: omnem penitentiam, mortificationem & austeritatem Religiosorum: omnia vota, omnes cultus, adorationes, & omnia SS. Mæ Sacrificia ac demum, si quæ facta sunt Martyria Offero tibi incendia amoris omnium Angelorum, omnes laudes Sanctorum totius triumphantis Ecclesiæ. Hæc omnia quasi mea essent dono tibi & offero.

Suppleo omnes defectus meos sanguine Domini mei, meritis Beatissimæ, & Sanctorum omnium.

CAPVT III.

Diarium Viatoris.

Siue actionum per diem ordinatio.

1. **M**emineris semper & ubiq; DEVM te cum cœlesti curia intueri: Angelum & Dæmonem te tuaq; omnia diligentissimè obseruare.

2. Considera, quænam agenda hodie, quid status, vocatio exigat; perinde, quasi in stadio curreres opera tua omnia, ac passus dirige ad metam, id est ad DEI gloriam corde ardenti.

3. Sæpius ex te percunctare: Quo pergis anima mea? quid intendis studijs, cogitationibus, & occupationibus tuis? ad quem finem tendis?

4. Vtere tempore velut re omnium pretiosissima, & particula boni diei non te prætereat. *Volat sapiens Verbum irrevocabile (inquit S. Bern) Solat tempus irremediabile, nec aduertit insipiens, quid amittat, libet fabulari, libet otiosi, dicit, donec hora prætereat O donec prætereat hora, quam ubi ad agendam penitentiam, ad obtinendam veniam, ad acquirendam gratiam, ad promerendam gloriam miseratio Conditoris indulget! donec transeat tempus, quo debueras properare ad Angelicam societatem, suspirare ad amissam hereditatem, flere admissam iniquitatem.*

5. In omnibus actionibus, locutionibus, & cogi-

cogitationibus dic tibi, monet Mellissi. Doct: *ita-
ne ageres, si hanc scires procerto nouissimam horam.*
Et Doctor Angel. op. 62. *diligentiam apponere
debemus, Et singula opera nostra, Et Salus nostra, Et
omnis laus DEI, Et vniuersitatis utilitas quasi ex
vno opere dependeat: quasi nunquam ad id opus
reuerfuri, neq; aliud postmodum facturi.*

6. In omnibus operibus tuis præcellens e-
sto: dum oras benè ora, dum confiteris, cantas,
laboras, fac singula, quâ potes perfectione maxi-
mâ, quia DEVS non est remunerator verbo-
rum sed adverbiorum. Imò omnia opera tua ita
fac, ac si jam tibi sepulchrum foderetur.

7. In progressu cuiusvis etiam minimi ope-
ris & colloquij sæpe cor tuum ad DEVM e-
leua, vt inspicias, an illud ei placeat.

8. Vt verò semper collectus in DEO esse
valeas, orationibus, quas iaculatorias nuncu-
pant, frequentissimè per diem vtere.

9. Quotiescunq; Domini DEI obliuiscer-
is, ita vt magna pars transierit temporis, sine in-
teriori ad eum motu & conversione, ingemisce,
ac pugnis percutere pectus tuum, cum ille debeat
solus esse vnicus dilectus, & amor tuus totus, nec
vnquam ille tui obliuiscatur.

10. Sæpius per diem Sanctos velut præsen-
tes inuoca maxime Virginem Beatissimam; &
SS. Patronos tuos cum Angelo custode viæ
duce & comite.

11. Si lapsus fueris in via, mox contritione
resurge & amore in DEVM.

12. Vt omnes actiones & opera tua gratio-
sa fiant

ra fiant DEO, demerge & depone illa sæpius in vulneribus IESV. asperge illa sanguine cordis IESV, offer per manus Beatissimæ, operibus & meritis Sanctorum vnias.

13. Dum aliqua occurrit occasio peccandi, protestare exnunc, quòd malis mori, malis in ipsum infernum descendere quàm DEVM tuum, summum & infinitum bonum vel minimo peccato deliberato offendere.

14. Sæpius per diem excita in te desiderium corde ardenti videndi DEVM in cælo, illum cum Sanctis amandi & laudanti.

15. Dum in mentem occurrunt tibi peccata tua ante commissa, exnunc illa detestare tanquam rem summè detestabilem, exosam, execrandam; atq; corde contrito dolens ejula, quia peccatis tuis amorem tuum IESVM tam graviter toties offendisti.

16. Deinde omnibus modis, quibus potes, te vilifica, te nihil reputando esse, sed credas omnes homines esse bonos, & meliores te, magisq; placere DEO.

17. Ante omnia verò, semper primò mane per Actum Intentionis omnes Cogitationes, verba & actiones illius diei etiam indifferentes, ad DEI gloriam dirige. Quia non in magnis solum actionibus Amoris divini magnitudo reperitur; etiam in parvis humilibus, & secretis existit. Amor inaurat & amplificat omnia. Et IESVS laudibus extollit viduam illam, quæ duo æris minuta contulit, & silentio præterit Salomonem, qui plus quàm bis mille millies auri

auri ad templi structuram contribuerat. Totum tempus huius vitæ nobis concessum est ad merendum præmium æternum ne igitur sine merito vel intans tibi elabatur, ipsa cibi potusq; sumptio, & omne aliud opus coram DEO meritorium erit, si S. Paulum monentem audieris I. Cor. 10. *Sine manducatu, sine bibitis, sine aliud quid facitis, omnia in gloriam DEI facite.* Curandum ergo tibi, ne vnquam opera tua regat casus sed ratio. Sunt enim aliqua opera quæ de se non sunt meritoria, neq; demeritoria, si tamen altiori intentione eleuentur, euadunt meritoria.

Actus Matutini.

In IESVM & MARIAM primos oculos somno euoluto Viator aperiat, ac si presentes, & suo lecto adstantes conspiceret: proinde prima quasi sit respiratio: IESVS MARIA: Deinde paulo sibi factus presentior dicat:

O IESV, & MARIA, mei dulcissimi amores dono vobis cor & animam meam: totus sim vester, nullus meus in æternum. O IESV candor lucis æternæ, DEVS, DEVS meus ad te de luce vigilo. Anima mea d-fiderauit te in nocte. Paratum cor meum DEVS, paratum cor meum. O Domine, quia ego Seruus

uus tuus, ego Seruus tuus, & mancipium ancillæ tuæ MARIÆ.

*Electulo surgens, seq. muniens signo
S. Crucis dicat.*

In Nomine Patris, & Filij, &
Spiritus Sancti.

Benedicta sit Sancta Trinitas, atq; indiuisa unitas, Pater, & Filius, & Spiritus Sanctus, confitebimur ei, quia fecit nobiscum misericordiam suam

Benedictus sit **DEVS** Pater qui me creauit & conseruat, vnigenitusq; **DEI** Filius qui me redemit, Sanctus quoq; Spiritus, qui vocauit me.

Adoro, laudo, & saluto te dulcissimum & vernans cor **IESV** Christi, & ex totis viribus cordis mei ago tibi gratias, quod me hac nocte custodieris, **DEO**q; Patri pro me laudes & gratiarum actiones persolueris.

Immortales etiam vobis gratias ago **SS.** Virgo **MARIA**, **SS.** Angeli & Patroni mei pro speciali tutela mihi & omnibus in toto mundo hominibus hac nocte exhibita: benedicant & collaudent vos omnes omnium anhelus & respيريا, psallat cor nostrum vobis gratiarum canticum, vt semper, præsertim in agone nostro à vobis adiuuari mereamur.

Dum.

*Dum surgis, aduerte num Diabolus te
somno aliquo lasciuo, aut motu quopiam sen-
suali ex tua occasione contaminare conatus
sit, quod si factum fuerit, amaritudinem
& dolorem assume dicendo.*

O Domine iustitiæ & DEVS Clementiæ :
en de testabilis peccator omnia scelera & fac-
tores peccatorum meorum in immensum ignem
amoris tui projicio : in sanguinolentis tuis vul-
neribus IESV Crucifixe ea abscondo : in a-
byssum misericordiarum ea immergo : veniam
da obsecro cunctis imperfectionibus meis, Do-
mine mi IESV : ablue me pretioso Sanguine :
da, vt non amplius offendam te.

Insuper ex corde abominor non solum
mea, sed totius mundi hac nocte præcipue, com-
missa peccata. Vice cuiusq; peccati offerre tibi
mi Domine & innouare nunc vellem Seraphi-
cos ardores, ac omnes laudes in cælis Beato-
rum, incessanter intensissime affectu clamanti-
um : Sanctus, Sanctus, Sanctus Dominus DE-
VS Sabaoth.

Deinde petat benedictionem.

Benedic mihi hodie & quotidie Sancta & in-
diuidua Trinitas Benedic mihi ineffabilis
potentia Patris, Benedicite mihi manus, cor
dulcissimum cum Filio Virginis Matris, Bene-
dica me virtus Spiritus Sancti.

Anima

Anima Virginis MARIÆ lucidissima illumina me. Corpus Virginis immaculatissimum custodi me. Lac Virginis nitidissimum MARIÆ pascere me. Fletus Virginis MARIÆ in passione Christi effusus confirma me. O Dulcissima Parens fons diuinæ pietatis & gratiæ intercede pro me. O Virgo Mater Misericordiæ impetra mihi, vt à Filio tuo præcisam hodie implere possim mensuram meritorum meorum: vt casto, ac humili corde & corpore Filio tuo & tibi in omnibus actionibus meis seruire & place-re valeam.

Sancte Michael Archangele, tuere nos in prælio ne pereamus in tremendo iudicio. S. Gabriel, S. Raphael, omnes Sancti Angeli & Archangeli DEI succurrite mihi peccatori.

Rogo vos cunctas virtutes coelorum vt nullus inimicus mihi nocere possit, nec in via, nec in aqua, nec in igne, nec in domo, nec dormiendo, nec vigilando, nec aliquid aliud facièdo.

O Crux Christi adiuua me † O Crux Christi salua me † O Crux Christi libera me † O pretiose Sanguis Christi ne permittas damnari & perire me, O Purpurea vulnera Christi abscondite me.

O Sancti Sanctæq; DEI o es Sancti, Innocentes, SS. Patriarchæ & Prophetæ, SS. Apostoli, Martyres Confessores, Virgines Sancti ad quorum Ecclesiam viuo. Sancti Angeli custodes status & officij mei, Sancti veteris testamenti orate pro me indignissimo peccatore.

Per merita Sanctorum Patronorum meorum
per

per Crucem & pretiosum Sanguinem Salvatoris mei IESV Chrilli, per merita totius triumphantis & militantis Ecclesiæ; Sancte DEVS, Sancte Fortis, Sancte & Immortalis miserere mei. A subitanea & improuisa morte libera me Domine: à peccandi occasione: à carnalibus desiderijs: à damnatione perpetua: à corde obstinato & in peccatis obdurato: à Spiritu superbiæ: ab omni praua intentione: ab appetitu terrenæ consolationis: ab appetitu voluptatum temporalium: ab omni inani gloria: ab amaritudine, ira, & indignatione: à delibato etiam veniali peccato libera me Domine.

Actus Intentionis.

O Ter magne DEVS! ex quo, per quem, & in quo sunt omnia, proinde supremi iure Domini seruiunt tibi omnia: tu scis desiderium meum, & gemitus meus à te non est absconditus. Sed quia præsentis vitæ necessitates minus sinunt mentem indefinenter laudibus tuis intendere, hinc tale tecum pactum mi Domine inire cupio.

Quoties hodie cælum suspexero: toties cordialiter cupio videre & possidere te, dissolui & requiescere in te, deficere à me & transformari in te: toties intensissimo affectu cum Sanctis Seraphinis volo exclamare. Sanctus, Sanctus, Sanctus Dominus DEVS Sabaoth. Pleni sunt cæli & terra gloria tua.

Quoties de te cogitauero, dixero, audiero: toties

toties offero tibi vitam, passionem, & Sanguinem D. N. I. Christi, Cor SS. Matris ipsius & Matris meæ. Incendia amoris omnium Angelorum. Cineres, tormenta, sanguinem omnium Martyrum. Suspiria, lachrymas, labores, affectus omnium Confessorum. Lilia, rosas, corda omnium SS. Virginum.

Quoties pectus percussit: toties amore tui detestor & abominor omnia peccata mea & aliorum commissa ab initio mundi. O si hodie committenda ubiq; impedire possem! ô si vai impetrare gratiam, ne te offendant.

Quoties librum, rosarium, vel quampiam rem in manus accepero: toties quicquid boni habent omnes bibliothecæ, omnes linguæ, calami, cogitationes omnes, totum tibi offero: toties vellem tuos dulcis IESV pedes amplecti, osculari, lambere.

Quoties signum Missæ vel elevationis SS. Hostiæ percepero: toties offero tibi omnia Missæ Sacrificia peracta, & ad finem mundi peragenda: toties omnes actus falsi cultûs ab Ethnicis factos à malitia depuratos tibi offero.

Quoties imaginem alicuius Sancti vel Sanctæ videro: toties pro omnibus naturæ, gratiæ, & gloriæ donis Sanctorum, præcipue, quorum hodie dies annua ingressus in cælum agitur te laudo & benedico: toties vellem gloriam accidentalem Sanctis tuis, omnibus & lumen animabus purgatorij impetrare.

Quoties ore vel corde dixerò: Benedictus DEVS! toties supplere volo actus diuinæ laudis,

laudis, amoris, & adorationis, quos poterant per totam æternitatem exercere Apostatæ Angeli, & animæ damnatorum, aliæq; creaturæ rationales possibiles.

Insuper quoties cor meum, cor omnium animatorum mouebitur: toties in omnibus cordibus replicari vellem & illiste amare intensissimè: quoties cadent guttæ roris vel pluuiæ, quoties cadent niues vel folia decident: toties nomine omnium cælestium, terrestrium, & infernorum proijcio & prouoluo me ante te, in cælo, Eucharistia, ac ubiq; præsentem.

Et hæc omnia in vnione mutui amoris SS. Trinitatis, in vnione omnium altissimarum intentionum, ad gustum tibi dandum & ad maiorem gloriam tuam. In protestationem supremi tui dominij, & nostræ subjectionis. In gratiarum actionem pro omnibus beneficijs mihi & toti mundo præstitis & præstandis, Insatisfactionem pro omnibus peccatis meis. Ad solatium viuorum præcipue N. & defunctorum suffragijs carentium, & pro quibus orare teneor. Per manus Beatissimæ Virginis MARIÆ, per cor tuum ô IESV, & in corde tuo deposita, ac tecum mi IESV, do, dono & offero Diuinæ Majestati.

Actus diuersarum virtutum.

O MI DEVS! gratulor tibi & gaudeo cum tota Ecclesia de tua Diuinitate, gloria, de omnibus Excellentijs & perfectionibus tuis.

Adoro

Adoro ex profunda abyſſo mei nihili, infinitam Maieſtatem, Sanctitatem, Bonitatem, Potentiam & Sapientiam. Adoro te Trinum & vnum.

Adoro te benedicte I E S V in D E O Patre & Spiritu Sancto, verum D E V M & Hominem. In immaculata Virgine Matre tua. In omnibus Angelis & Electis. In cælo & in terra. In ſpeciebus venerabilis Sacramenti per totum orbem. Et in juſtis omnibus.

Adoro captum, flagellatum, deſolatum, crucifixum. Atq; iſto meo actu omnes alias adorationes, alios cultus, quibus haſtenus affectus es, & quibus affici te conveniebat, vno ſacculo comprehenſos tibi offero & dedico.

Deſidero Domine, vt ab omnibus creaturis rationalibus adoreris, lauderis, & glorificeris.

Amo te & amare deſitero amore tuo, amore Mariano amore ſupplente amorem eorum, qui te non amant vt damnati & non creandi.

Accipio perſonam omnium hominum in quatuor mundi partibus viventium, præcipuè vero illorum qui te non adorant ſed blaſphemant, & illorum nomine ante te procido, te adoro cultu latriæ, tibi genu ſecto.

Doleo de omnibus peccatis meis, & totius mundi, quæ contra te D E V M meum, quomodocunq; vnquam facta ſunt, fiunt, ſientq; eo affectu, quo Chriſtus de illis doluit.

Factum facio tecum, quod in æternum nullo peccato voluntario te offendere, velim, vt dum à multis peccatoribus offenderis a me pacem habeas.

Pro

Pro omnibus & singulis beneficijs tuis mihi,
& omnibus alijs in vita & post vitam præstandis,
gratias ago, quantas possum, quantas debeo quan-
tas Christus pro suis obtulit & Beatissima Virgo,

Omnia bona opera omnium hominum & An-
gelorum, quæ tibi Domine vnquam placuerunt,
vel adhuc placebunt approbo & tibi offero ad
gustum tuum.

Quia mi DEVS: mendicus sum ego & pau-
per, & nihil habeo quod possit tuam Majestatem
& dignitatem concedere; illam saltem volunta-
tem habeo & offero tibi,, quodsi ego haberem o-
mnia, quæ tu habes, omnibus vellem abdicare, &
tam liberaliter omnia tibi dare, vt tu posses dare
cuicunq; velles.

Pia Viatoris desideria, siue scin-
tillæ ad flammam diuini amoris
concipiendam.

EMorior mi IESV: emorior quolibet mo-
mento desiderio millies ac millies plûs a-
mandi, plûs exardescendi, plûs laudandi te, quia
tu es centrum cordis mei, tu vita, & omne bo-
num, sine quo nihil est bonum.

Quare autem ô DEVS meus, cum tam a-
mabilis sis, & ita præceperis te amari dedisti no-
bis vnum cor & adhuc tam paruum?

Vtinam haberem latitudinem cordis, sicut a-
rena maris. sicut totus mundus, vt amare te pos-
sem latissime.

E

Vti.

Vtinam millies millena millia talium cordium haberem, quale fuit cor SS. Virginis: & omnes omnium Beatorum virtutes vnus possiderem, vt amarem & seruirem tibi DEO meo omnibus illis cordibus, & exercitatione omnium illarum virtutum.

O si cor meum ob tui amorem in tot minutas partes, quot sunt arenæ maris, quot sunt guttæ in aquis, quot atomi in aëre, posset diuidi, & quælibet pars amaret te amore infinito, & omni possibili creato.

O si omnia corporis mei ossa forent lampades aureæ, & sanguis omnis per venas & per membra diffusus balsamum foret, & lampades arderent, & balsamum consumeretur in tui solius amorem & honorem, sicq; totus in holocaustum tibi conflagrare possem.

O si & venæ meæ omnes & nerui vincula forent aurea, te cordi meo alligarem mi DEVS! & nunquam ampliùs dimitterem.

O si tibi placeret DEO meo, etiam desiderarem yniri tibi DEO meo, vnione personali & Hypostaticâ, non propter meam excellentiam, vt appetijt Lucifer, sed ideo purè, vt eo plus diligerem te DEVM meum, nempè amore infinito, & tibi adæquato, nec te ampliùs possem offendere.

O mihi si dares vel ad vnicam saltem horam ardentissimum illum Seraphinorum amorem, vt illo vehementissimo amoris igne succensus omnes homines in tuo amore succendere possem.

Et heu! quàm doleo quòd tu dulcis amor meus

meus à me non ameris! Eheu! quàm doleo,
quòd tu dulcis amor meus ab alijs ita contemna-
ris, & insuper offendaris.

Compatior tibi D E V S meus, amor meus,
super omni contumeliâ & injuriâ, quæ tibi irro-
gatur: & si praualerem, libentissimè tibi per-
soluerem omne damnum, in quo est detrimen-
tum honoris & amoris tui.

**Actus varij pro oportunitate
temporis & occasionis
eliciendi.**

Ante recitationem Officij Divini.

ERubesco Domine! cogitans quis tu, & quis
sim ego! nempe audet vilis terræ vermicu-
lus & putris ranuncula è palude sua prorepere
ad thronum gloriæ summi D E I! Egonè com-
parebo coram te & loquar ad Dominum meum
cùm sim pulvis & cinis, imò quod grauius est
indignus, exosus, & ingratus peccator. Sed
quìa me Domine tam amanter inuitas ad orati-
onem & colloquium tuum, cupio tale tecum
sancire pactum.

Quoties in oratione linguam mouebo: to-
ties vellem mihi dari linguas ardentissimorum
Seraphin ad benedicendum & laudandum te cor-
de & affectu Seraphico: toties pro omnibus
qui te ignorant vel blasphemant siue in terris
siue

siue in inferno, ego clamo amoroso affectu: Benedictus DEVS!

Quoties oculos aperiam & literam aspiciam: toties desidero videre Christum Dominum & Virginem Beatissimam: toties vellem innovare affectus cujuscunq; orationis à quocunq; Sanctorum in hac vel in altera vita tibi oblatae & offerendæ.

Quoties cor meum mouebitur, toties vellem cor meum mutare cum tuo, unaq; recitare Officium, vt concessum S. Catharinæ Senensi: toties vellem cum S. Francisco cordialiter dicere: DEVS meus & omnia: toties desidero transfigi mihi cor cuspide amoris cum S. Theresia.

Quoties respirabo: toties gaudeo ob amorem quo te Electi tui æternum prosequuntur, & laudes quas tibi in perpetuum dicent: toties desidero vt quælibet respiratio oris, sit ad te. DEVM meum aspiratio cordis.

Quoties hoc nomen DEVS ore vel mente pronuntiabo: volo vt sit idem, atq; si tunc vno corde complecter & amorem tui summum, ac si tunc amarem te amore increato & omni possibili creato.

Quoties me inclinabo: toties volo exhibere illos dignissimos actus adorationis, quos Mater SS. exercuit erga Dominum IESVM cum alijs Sanctis in terris: toties omnes inclinationes, genuflexiones, & omnes venerantium gestus tibi offero.

Placeat ergo tibi DEVS meus hoc Sacrificium laudis, & benignè digneris acceptare has preces,

preces, non vt à me procedentes, sed à te inspiratas, & sanguine Domini nostri aspersas. Per illas supplico tibi DEO meo, vt mihi condones peccatorum remissionem, dones augmentum gratiæ & amoris tui. Esto propitius propinquis, amicis, & benefactoribus meis. Succurre illis, qui se meis precibus commendaauerunt, conuerte miseros peccatores ad te. Reuoca Hæreticos & Schismaticos, illumina infideles omnes te ignorantes. Da animabus fidelium defunctorum lucem & requiem sempiternam.

In ipsa recitatione Diuini Officij.

Consideret qui psallit, aut recitat, se officium Angelorum obire, quorum in cælo perpetuum est exercitium DEI laudes celebrare. Sed ipsis exemplis melius demonstrari potest, Officium diuinum esse Angelorum Officium.

S. Magdalena triginta annis ab hominum consuetudine sejuncta, quotidie septies ab Angelis eleuabatur in altum, ad audiendas cælestium Spirituum laudes & cum illis persoluendas.

S. Bernardus noster. in matutinis Choris vidit Angelos, qui Fratrum orationes scribebant, aliorum quidem auro, aliorum argento, nimirum qui deuotè caneant aliorum aquâ videlicet tepidorum.

S. Gudualdus Archiep. ambulans aliquando per mare, cum preces in naui persoluturus inchoasset more Ecclesiæ dicens: *DEVS in adiutorium meum intende.* Angeli subjunxerunt:

Domine ad adiuvandum me festina, & ita totum Officium alternis vicibus cum Viro DEI persoluerunt. Surius 6. Iun.

Vnde Thomas à Kemp. loquens ijs, qui in Choro preces absoluunt, sic dicebat: *Chorus est DEI SS. Angelorum locus sacratus, sicut Angeli in Cælo, sic ministri ordinati sunt in Choro.* Sic ergo sta in Choro, & canta inter Fratres, quasi in medio Angelorum stares ante Christum. in dextera Patris residentem, vel ante Beatissimam Virginem, Filium suum infantem in gremio gestantem.

Contra verò quantum DEO displiceat negligentia in Diuino Officio, præceptis quædam celeritas, absq; vlla ferè significatione reuerentiæ, patet è vita S. Ludgardis, vbi diuinitus innotuit, pestem, fuisse pænâ culpæ illius. Vnde quæprimùm horæ Canonice cum reuerentia sunt recitatæ; pestis cessauit. *Surius 16. Iun.*

Recentius est id quod memoriæ prodidit Nebridius Canonic. Regul. S. Augustini, qui ait Gratiano Capuccino pio Nouitio in templo nocte intempestâ DEVOTI oranti cælites in cultu splendidissimo conspectos dixisse: *Dicas Guardiano, vt curet in Choro horas Canonicas lentius recitari. quia nihil in Ecclesia, post vsum Sacramentorum, DEO gratus est, recitatione horarum Canonicarum.*

Jacobus Cardin. Vit iacensis ait Sancto cuiquam visum Dæmonem in humeris conuictum sacro pleno syllabarum in horis canonicis celeritati præcipiti omissarum.

Iusti.

Iustinum in extasim raptum Anno 1547. narrat è Bouerio Nebridius, peruenisse in Ecclesiam, cum Religiosi matutinum Officium peragerent. Sperabat se auditurum concentum Angelorum; sed ecce nihil aliud percipere potuit, quàm horrendos latratus canum, grunitus porcorum, mugitus bouum, & verba blasphemiarum. Mirabatur! Et vox ad eum. Illorum Religiosorum preces, qui eas negligenter persoluunt, qui Regulam negligunt, aliosq; rectè viuentes impediunt, nihil aliud esse, quàm voces belluarum.

Post Diuinum Officium.

Orationem sequentem deuotè recitantibus Leo X. defectus in eo persoluendo ex humana fragilitate contra eos indulget.

Sacrofanctæ & Indiuidualæ Trinitati, Crucifixi Domini Nostri IESV Christi Humanitati, Beatissimæ & Gloriosissimæ, semperq; Virginis MARIÆ fecundæ integritati, & omnium Sanctorum vniuersitati, sit sempiterna laus, honor, virtus, & gloria ab omni creatura, nobisq; remissio omnium peccatorum, per infinita secula seculorum.

Beata viscera MARIÆ Virginis, quæ portauerunt æterni Patris Filium, & beata vbera, quæ lactauerunt Christum Dominum.

Oratio, quam Christus Dominus B. Gertrudem docuit, post Horas recitanda.

Blos. Mon. c. 3.

O Bone I E S V propitius esto mihi peccatori. Ego tepidum, distractum, & imperfectum seruitium meum commendo mellifluo cordi tuo emendandum, & perficiendum, tibiq; ipsum offero, in vnione illius attentissimæ orationis, quâ tu Patrem orasti & laudasti in terris. Responde quæso satisfac, & supple pro me plenissimè.

O Pijissima Mater supple hoc imperfectum obsequium meum apud dilectum Filium tuum. Monstrate esse Matrem.

O piissime I E S V, suscipe hoc idem de manu SS. Matris tuæ, vnitumq; tuis ac ejusdem, omniumq; Sanctorum meritis offer æterno Patri.

S. Gertrudis ora pro me. Offer preces meas cordi I E S V, à quo has didicisti.

Affectus post Horas Canonicas vel alias priuatas Orationes eliciendi.

O Pater misericordiarum! scio & verè cognosco, quòd me peccatorem miserum magis deceret coram te jacere prostratum, & cum fletu, gemitu, ac rugitu peccatorum meorum veniam postulare, quàm te ore polluto laudare.

Ignor.

Ignosce Domine, ignosce pie Saluator, ignosce & miserere. Noli me tanquam temerarium reprobare, quod audeam Seruus valde malus te omnipotentem DEVM terribilem, ac nimis tremendum, sine cordis contritione & lachrymarum fonte, sine reuerentia & tremore laudare.

Vtiq; Domine Angeli te Dominum suum adorantes & laudantes tremunt mirâ exultatione repleti: ego peccator dum tibi affisto, laudes dico, peccatorum veniam postulo; cur non corde paueo, vultu palleo, labijs tremo, toto corpore inhorresco, sicq; obortis lachrymis coram te indefinenter lugeo. Volo sed non valeo! O amor vim patior! tu responde pro me, quia nescio, quid dicam DEO vitæ meæ.

Et quia mi Domine, non est speciosa laus in ore peccatoris. Laudet te pro me Domine DEVS tua æterna Deitas, immensa Majestas, infinita bonitas. Laudet te pro me tua altissima Sapiencia, tua latissima misericordia, tua profundissima iustitia.

Tibi Domine DEVS meus jubilet & benedicat Humanitas I. C. Sanctissima ejus vita, diuinissima ejus virtutes, pretiosus ipsius Sanguis & lachrymæ, dirissima ejus vulnera & liores, cor illius apertum.

Jubilet tibi pro me Mater gloriosissima Filij tui, tabernaculum admirabile gloriæ tuæ.

Tibi Domine DEVS meus cantet & jubilet SS. Mater Ecclesia, te honorent omnes Psalmi & preces, omnes ejus affectus, & amores, omnia

omnia ejus vota & desideria, quibus ad te gemit in hac lachrymarum valle.

Jubilent tibi pro me omnes Sancti Angeli. Omnes Sancti & Sanctæ, omnis Electorum tuorum exercitus.

Jubilent tibi pro me & laudent te omnes creaturæ, quæcunq; cæli, terræ & abyssi ambitu continentur.

Benedictum sit in omni loco totius universi nomen tuum Domine, quod est Sanctum, & laudabile & gloriosum in sæcula.

Jubilent etiam tibi & gratias agant cor meum & anima mea, tibi seruiant omnes corporis & animæ meæ vires: tibi jubilent omnes nervi & arteriæ meæ, omnia ossa & carnes meæ, omnis intellectus, memoria & voluntas mea.

Nunquid enim Domine ideo te non laudabo, quia me indignum & immundum esse agnosco?

Nonne & vermes & ranæ immundæ coarctantes in paludibus suis te suum creatorem laudare cupiunt, prout sciunt & possunt?

O Domine amoris! quamdiu halitus erit in ore meo, benedicam te Dominum meum in omni tempore, semper laus tua in ore meo. Lingua etiam deficiente omnis respiratio mea sit laudis significatio. Corpore verò extincto & in pulverem redacto laudes tibi infinitas dicant minutissima quæq; pulveris, grana usq; ad extremum judicii diem.

Actus ante Meditationem.

O DEVS Omnipotens, adorande, conde-
tremen.

tremende, ante cuius conspectum omnis Beatorum exercitus cum summa reuerentia & tremore procidit, teq; iugiter adorat, reueretur, te contemplatur: quomodo & ego vermis immundus, canis mortuus, cadauer putridum, ego ingratus & infidelissimus peccator, non tantum coram te assilire, & nomen tuum laudare, sed ad tuæ diuinitatis contemplationem, fruitionem, & vñionem aspirare audebo?

O Domine! quia tanta tua est dignatio, vt velis & gratum habeas à me adorari, & mecum colloqui, ideo ingredi in solitudinis meæ requiem, & concede, vt hic secus pedes tuos cum Sancta amante tua Magdalena, discam modum, ac rationem, quā vni necessario sollicitè vaccem, atq; vnicè intendam.

Excita me Domine ab omni negligentia & sensuum euagatione. Da vt in meditatione mea exardescat ignis. O si vt ferrum igni, ita & ego vniamur tibi amoris meo. O si vel ad vnicum momentum transferar in te, absorbearq; à te DEO meo.

At quomodo seruus tam inutilis inueniet gratiam in conspectu tuo? Respice o Pater in faciem Christi tui, in quo tibi bene complacuit: in cuius nomine supplex rogo, vt clementer exaudias me.

Vt felicius tibi succedat Meditatio.

IN primis imaginare quasi cælum apertum, & Ipse te videre DEVM Patrem ibi Angelis circum-

circumdatum, teq; considerantem, quidnam agere velis. Roga eum, vt auream sagittam aduersum te dirigat, quâ cor tuum Sancto amore suo vulneret.

2. Puta te videre DEVM Filium cum vulnorum suorum cicatricibus mirificè radiantibus; deprecare eum, vt tuo pectori immittat guttam Sanguinis sui, quâ cor tuum veluti viuo igne succensum in amore Diuino incalescat.

3. Imaginare te contemplari Spiritum Sanctum solè longè splendidiorem; roga eum, vt ad te candidam gratiæ suæ columbam demittat, & inflammet cor tuum.

4. Finge te à latere obtueri Virginem Beata[m] stellis coronatam, ei cor tuum præsentat, vt ipsa Filio suo offerat.

5. Imaginare deniq; te cernere innumeras Beatorum Spirituum phalanges, qui ei mysterio, quod contemplaturus es, assistent. Tu vero postea perge ad pedes IESV assumpta similitudine vel serui ingrati, vel proditoris, vel exilio damnati. &c.

Post Meditationem.

Te DEVM laudamus, vel Collectæ consuetæ cum versibus recitentur.

In ingressu Ecclesiæ.

ERgone credibile est, quod verè DEVS habitet super terram? si cælum & cælorum

rum te capere non possunt, quantò minus hæc domus?

Domine in multitudine misericordiæ tuæ, introibo in domum tuam, adorabo ad templum Sanctum tuum, & confitebor nomini tuo.

Omnes Sancti & Sanctæ DEI, quorum reliquæ & imagines hic sunt, saluto & veneror vos, intercedite obsecro pro me.

Saluete omnes Christi fideles animæ: det vobis requiem ille qui est vera requies, IESVS Christus Filius DEI viui, ille benedicat vos, & à pænis liberet, faciatq; resurgere in die iudicii, Angelisq; suis sociari.

Visitando SS. Sacramentum.

COram te ô Sanctissimum SACRAMENTUM cum summa reuerentia procido, & cum omnibus Angelis & Archangelis, cum Thronis & dominationibus, cumq; omni militia cælestis exercitus hymnum gloriæ tuæ concino dicens: Centies millies laudetur Sanctissimum Altaris SACRAMENTUM.

Credo nō IESV firmissimè, quòd sub his speciebus tu Dominus meus & DEVS meus continearis. Innouo & offero tibi omnes affectus & actus, adorationis, salutationis & recognitionis hic elicitos & impensos. Et non tantum hic sed in omnibus Ecclesijs per totum mundum existes.

Gratias tibi Domine pro thesauris omnibus bene-

beneficiorum, quos hic aliquando effudisti, effundes. Doleo de omnibus peccatis & irreuerentijs, quibus aliquando in hoc loco offensus es & offenderis. Desidero ut laus & gloria tua hic permaneat usque ad tempora Antichristi.

O si accendere tibi possem cor meum tanquam lampadem, ut hic ante te arderet continuo, & totum consumeretur! O si continuo assistere possem tibi DEO meo hic presenti!

Quia mi Domine id prestare, non possum, saltem anticipato, omnes affectus laudis, amoris, adorationis ab omnibus fidelibus hic tibi impendendos nunc approbo, tibi innouo, & repræsentato.

Vos vero Sancti Angeli, SS. Patroni ad quorum Ecclesiam viuo, & in qua sepeliar, adorete, magnificate pro me istum Dominum meum, hic presentem, omni modo, omni tempore, in æternum.

*Praxis offerendi Sacrificium Missæ,
cum Sacerdote celebrante.*

SVscipe Clementissime Pater hoc SS. Missæ Sacrificium à Sacerdote celebrandum in unionem illius SS. Sacrificij quod Christus in vltima cæna ac demum in ara crucis tibi obtulit. Et imprimis.

In gratulationem de infinitis thesauris gloriæ quos habes in te & à te.

In adorationem & amorem, quo in æternum cupio amare te propter te.

In

In gratiarum actionem pro beneficijs omnibus quæ habeo, & quæ habent omnes creaturæ à te.

In satisfactionem omnium peccatorum quibus unquam offensus es.

In impetrationem gratiæ illius, quam mihi nunc & in ultimo puncto vitæ meæ maximè necessariam scis esse, vt veniam ad te.

In impetrationem gratiæ tuæ omnibus in horrendo mortalis peccati statu existentibus: omnibus in agone luctantibus, peregrinantibus, viduis, orphanis, benefactoribus.

In auxilium animarum purgatorij præcipue N. vt leuamen pœnarum consequantur.

Praxis Communionis Spiritualis.

ITa est, Domine I E S V, indignissimus sum quia omnibus peccatoribus & ipsis damnatis deterior sum, indignus omni bono, & dignus omni malo. Sto tamen pauper & inops ad mensam magni Regis & amantissimi Patris mei, tuam Christe I E S V: & credo tibi ô æterna veritas quod verè è summo cælorum ad verbum, Sacerdotis, vt me visites, venire dignatus es; verumtamen conscius infirmitatis meæ & peccatorum meorum, de quibus propter te vehementer doleo, non audeo sacramentaliter suscipere te, sed dico ex ore tui cum Centurione: Domine non sum dignus vt intres sub tectum meum; sed per os sacerdotis veni amantissime

I E S V in animam meam. Munda quæso illam à malis omnibus & imperfectionibus, orna bonis & virtutibus.

Actus petitionis pro statu Ecclesiæ.

O Pater misericordiarum, respice in faciem **I E S V** Christi tui, qui clamore valido & lachrymis interpellat pro Sponsa sua Ecclesiâ, Matre nostra.

Ecce mi Pater profusus ille corporis Sudor, horrendæ capitis spinæ, calidi fontes oculorum, clavi manuum & pedum, liuores & vulnera, & vox sanguinis Fratris nostri **I E S V** Christi clamat ad te de cruce.

Audi ô Pater! ad hujus suspiria & gemitus moti sunt cæli; scissi sunt lapides, & tenerrima misericordiæ tuæ viscera non flectentur?

Protege & defende Pater Clementissime populum tuum, contra hostium ferociam. Ne tradas bestiis animas confitentes tibi, & animas pauperum tuorum ne proicias in finem.

Custodi omnes Domine & conserua, qui te sincero corde & ore confitentur, ne à falsis Prophetis, qui veniunt in vestimentis ovium, intus autem sunt lupi rapaces seducantur. Coerce potentiam illorum, machinationes detege, & consilia aduersus Ecclesiam tuam dissolue.

Da fidelibus tuis misericors Domine, ut in pace & tranquillitate ac vnione incessanter amemus, & laudemus te, ut doctrinam tuam agnoscamus, teq; ad mortem vsq; constanter sequamur.

Depre-

*Deprecatio pro felici successu Sacrae
Religionis.*

Domine DEVS Rex omnipotens, in ditio-
ne tua cuncta sunt posita, & non est, qui
possit resistere tuæ voluntati, si decreueris salua-
re & conseruare nos indignos seruulos mille ti-
bi votis ac desiderijs mancipatos. Tu fecisti
cælum & terram, & quicquid cæli ambitu con-
tinetur. Dominus omnium es, nec est qui re-
sistat Majestati tuæ. Et nunc Domine Rex
DEVS Patrum nostrorum miserere congrega-
tionis tuæ, quam possedisti ab initio.

Ne despicias Domine partem tuam, & hære-
ditatem tuam, quam tuo sanguine acquisuisti.
Exaudi deprecationem meam, & propitius esto
forti & funiculo tuo. Intende oculos pietatis
tuæ in omnes Religionis nostræ Præsules & Pa-
stores, & fac eos super commissum sibi gregem
fideliter excubare.

Conuertere oculos tuos misericordes in omnes
Religiosos seruos tuos & Fratres nostros, quos
de hoc seculo nequam eripuisti, ad te benignè
traxisti, vt hæreditatem capiant salutis. Da il-
lis in virtute & vocatione profectum, & in cun-
ctis feruorem accende. Da vt viuentes per to-
tum mundum laudent nomen tuum Domine,
& ne vnquam cessas ora te canentium Domi-
ne DEVS oriter.

Postulatio gratiarum.

Siquidem bone IESV, sine gratia tua nihil
boni

boni fieri potest, quocirca peto à te dona & auxilia ad meam & proximorum salutem procurandam necessaria. Peto auxilium gratiæ habitualis Sanctificantis. Peto continuas gratias efficaces, excitantes, & cooperantes. Peto intensiores habitus virtutum, fidei, spei, charitatis, iustitiæ, prudentiæ, temperantiæ, fortitudinis.

Largire dona & fructus Spiritus Sancti, Largire opera misericordiæ Spiritualis & Corporalis. Largire etiam gratias gratuitas ad salutem proximorum & amplificandam gloriam tuam. Tribue gratiam orationis mentalis & vocalis, examinis vtriusq;, frequentis recollectionis, silentij, intimæ tecum vnionis, pietatis erga Virginem Beatissimam, cultûs erga SS. Patronos,

Concede vt perfectè obseruentur Regulæ, & vota paupertatis, castitatis, obedientiæ. Auge in me amorem vocationis, & da mihi Spiritum statûs, & aptitudinem ad omnia ejus munia peragenda. Da virtutes solidas, humilitatis, mortificationis heroicæ, & abnegationis in omnibus, sitim insatiabilem contemptûs & injuriarum. Da vt nunquam te peccato mortali & veniali deliberato offendam. Da vitam plenam meritis, & tuo amore feruentem. Da perseverantiam in Religione, & felicem in optimo animæ meæ statu mortem.

Petitio brevior.

V. Confirma hoc D E V S quoniam operatus es in nobis.

Ex. A templo Sancto tuo quod est in Hierusalem.

ORA-

O R A T I O,

DEVS qui nos à sæculi vanitate conuersos
ad brauium supernæ vocationis accendis,
pectoribus nostris purificandis illabere, & grati-
am nobis, quâ in te perseueremus infunde, vt pro-
tectionis tuæ muniti præsidijs, quod te donante
promissimus impleamus. & nostræ Professionis
executores effecti, ad ea, quæ perseverantibus
in te promittere dignatus es, pertingamus. Per
Christum Dominum nostrum.

*Actus ad Virginem Beatissimam &
Sanctos Patronos.*

Formula dedicandi se Beatif-
simæ Virgini.

SANCTA MARIA Mater DEI & Virgo, Im-
maculata, Ego N. peccator vilissimus, vn-
dequaq; purissimo conspectu tuo indignissimus,
impulsus desiderio tibi seruire, ac fretus piete-
te tua singulari, coram benedicto Filio tuo, & cu-
ria celesti vniuersa, dedico me tibi hodie in ser-
uum & mancipium tuum, eligoq; te in singula-
rem meam Dominam, Matrem, & Aduocatam,
& firmiter propono. Me nunquam te derelictu-
rum, neq; contra aliquid vnquam dicturum,
sed semper tuum in honorem defensurum.

Te itaq; Virgo Sacrosancta per Sanguinem
vnigeniti Filij tui IESV Christi oro, vt me

inter alios Tibi deuotos in seruum perpetuum
admittere digneris, ad sisq; mihi in omnibus ne-
cessitatibus meis, & super omnia non me dese-
ras in hora mortis meæ.

*Christus proprio ore dictauit in Regula
Saluat. c. 5. has duas Orationes.*

OMnipotens sempiterne DEVS, qui pro no-
bis de Castissima Virgine nasci dignatus es, fac
nos quæsumus tibi casto corpore seruire & hu-
mili mente placere.

ORamus te pijsima Virgo MARIA, mun-
di Regina & Angelorum, vt eis, quos pur-
gatorius examinat ignis, impetres ^{reuerentiam} peccatoribus indulgentiam, iustis in bono per-
seuerantiam: nos quoq; fragiles ab instantibus
defende periculis. Per Christum Dominum
nostrum.

*Beatissima V. M. hæc dixit S. Brigitte l. 1.
eius Reuelat. c. 8. Sic laudare
debes me.*

Benedictus sis tu DEVS Creator omnium,
qui in vterum MARIAE Virginis descende-
re dignatus es.

Benedictus sis tu DEVS, qui cum MA-
RIA Virgine, esse sine grauidine voluisti, &
de ea immaculatam carnem, sine peccato sumere
dignatus es.

Bene-

Benedictus sis tu DEVS, qui ad Virginem cum gaudio animæ ejus, sine peccato, de ea processisti.
 +venisti, &

Benedictus sis tu DEVS, qui MARIAM Virginem Matrem tuam post Ascensionem tuam crebris consolationibus lætificasti, & per te ipsum eam consolando visitasti.

Benedictus sis tu DEVS, qui corpus & animam MARIÆ Virginis Matris tuæ in cælum assumpsisti, & super omnes Angelos juxta Deitatem tuam honorificè collocasti, miserere mei propter preces ejus.

Deuota ad V. B. Commendatio.

Memorare pijsissima & gloriofissima Virgo MARIA Mater misericordiarum, & totius consolationis; à sæculo non esse auditum, quæquam ad tua præsidia currentem, tua implorantem auxilia, aut tua petentem suffragia à te Virgo MARIA derelictum. Idcirco tali animatus fiduciâ, ad te Virgo Virginum, Regina cælorum & Domina Angelorum, ô MARIA Mater Domini nostri I. C. confugio; ad te Stella maris curro; coram te miser gemens & tremens assisto,

Noli ô Domina munus clementissimas aures tuæ pietatis ob ingratiuinem meam, ad clamorem meum claudere. Noli Mater omnium ab omni benignitate me excludere: sed benignè fac mecum propter nomen Sanctum tuum. Noli porta cæli ob scelera mea jugiter obserari, sed

reporta me ad portam gratiæ, à quâ ingratus exiui, per quam tu mundo vitam & salutem reportasti.

Noli Regina gloriæ, obtusæ celsitudinis gloriam mei peccatoris obliuisci, sed memor esto fragilitatis meæ, & adiuua me propter magnitudinem gloriæ tuæ. Noli solitam pietatis tuæ manum retrahere, sed tolle quod metuo, largire quo careo, indulge quod offendo. Noli æterni verbi Mater verba mea despicere, sed audi propitia, & exaudi me miserum ad te in hac lachrymarum valle clamantem, nunc & semper, & in hora mortis meæ. O clemens ô pia ô dulcis Virgo MARIA.

Pro felici morte ad Beatissimam.

O Dulcissima IESV Mater, Virgo MARIA, Patrona mea, visceribus misericordiæ plena, succurre mihi misero peccatori, antequam mors subitanea & improuisa superueniat, ne subitò & imparatus de hoc mundo transeam.

Ora pro me MARIA Virgo benedicta ob vnigeniti Filij tui D. N. I. C. passionem ac mortem amarissimam, vt peccati detestatione, Diaboli & operum ejus abrenuntiatione, vera contritione, pura & humili confessione, pænitentia & satisfactione, dignâ DEI acceptione, & proximi dilectione, filio tuo reconciliatus de hoc mundo transeam.

Et fac mecum misericordiam tuam ô Beata V. M. Mater DEI, in illa tremenda hora, quando Spi.

do Spiritus vitales deficient, & mortua lingua se nequibit mouere ad inuocandum te; neq; oculi mei lucem capere poterunt, auresq; meæ nulli voci pateſcent. Memoreſto o MARIA precum, quas nunc fundo ad aures tuæ pietatis, & ſubueni mihi in illa vltima hora neceſſitatis meæ, vt liberer à miniſtris Diaboli, collocer cum Chriſti Fidelibus, Filij tui ſeruis & amicis, Amen.

Ad SS. Angelos & SS. Patronos

OMnes Sancti Angeli & Archangeli. Omnes Sancti Throni & Dominationes. Omnes Sancti Principatus & Potestates. Omnes SS. Virtutes cælorum. Omnes SS. Cherubim & Seraphim. Omnes SS. Patriarchæ & Prophetæ. Omnes SS. Apostoli & Euangelistæ. Omnes SS. Martyres & Confessores. Omnes SS. Episcopi & Doctores. Omnes SS. Sacerdotes & Leuitæ. Omnes SS. Monachi & Eremitæ. Omnes SS. Virgines & Viduæ. Omnes SS. Coniugati & Innocentes. Omnes Sancti & Sanctæ DE I. Et præsertim S. Michael, S. Gabriel, S. Raphael, S. Petre, S. Paule, S. Ioannes, S. Andrea, S. Benedicte, S. Bernarde, S. Auguſtine, S. Domini-ce, S. Franciſce, S. Ignati, S. Antoni, S. Caſimire, orate & intercedite pro me indigno peccatore. Veſtrâ me ſeruâ, vndiq; hoſtibus irruentibus vallate, ne non accedat ad me malum, & flagellum non appropinquet tabernaculo meo.

f 4

Veni.

Venite in subsidium fortissimi Athletæ, vt auxilio vestro vltionem videam ex inimicis meis, & vobiscum in æternum laudem & glorificem Dominum DEVM nostrum in terra viuentium, Amen.

Ad Angelum Custodem.

ANgele DEI Sacratissime, mihi à DEO in custodiam deputate, gratias tibi ago pro omnibus beneficijs, quæ mihi in corpore & anima vnquam exhibuisti.

Laudo & glorifico te, quod mihi miserrimo tam fideliter altare, atq; me contra omnes hostium insultus tueri dignaris.

Benedicta sit illa hora, quâ mihi in custodiam datus, & in defensorem atq; Patronum deputatus es.

Benedicta sit tua in me charitas omnisq; tua sollicitudo, quâ salutem meam promouere non cessas.

In recompensationem omnium obsequiorum mihi à iuuentute exhibitorum, offero tibi nobilissimum Cor IESV Christi: rogans mihi ignosci quod toties Sanctis tuis inspirationibus renitendo te contristauerim: firmiter nunc propono tibi obedire, Deoq; meo fideliter seruire.

*Ad S. Ioannem Baptistam
pro conseruanda castitate.*

Ana. Ille est Ioannes, qui supra pectus in cæ-
na iace.

CHRISTIANVS.

81

na recubuit: Beatus Apostolus, cui reuelata sunt
Secreta cælestia. *Ps.* Hic est Discipulus. *R.*
Quem diligebat *I E S V S.*

O R A T I O.

Pectoris illius delicias & Diuinissimi cordis
dulcedinem, supra quod felicissimè decubui-
sti *S. Ioannes*, ad nos quoq; famulos tuos feli-
citer extende, vt abjectis mundi illecebris in pu-
ro Christi amore quiescamus. *Per. &c.*

Ad S. Iosephum.

An̄a. Salue Patriarcharum decus, & Eccle-
siæ Sanctæ *DEI* Oeconomus, qui panem
vitæ & frumentum Electorum conseruasti. *Ps.*
Ora pro nobis castissime Ioseph, *R.* Vt digni
efficiamur. *&c.*

O R A T I O.

Virginum Custos & Pater *S. Ioseph*, cuius
fidei custodia ipsa innocentia Christus *I E-*
S V S & Virgo Virginis *MARIA* in terris
commissa fuit, te per hoc vtrumq; charissimè
pignus tuum *I E S V M* & *M A R I A M* obse-
cro & obtestor, vt me ab omni immunditia præ-
seruatum, mente intamnatâ puro corde & casto
corpore *I E S V* & *M A R I Æ* semper facias
castissimè famulari. *Per. &c.*

Votum ad eundem Sanctum.

Sanctissime Ioseph *M. R I Æ* Matris *DEI*
& Vir-

& Virginis Sponse periclitantium & agonisantium aduocate. Ego N. te hodie coram I E S V & M A R I A Sponsa tua in Dominum Patronum & Aduocatum pro tota vita mea & morte eligo, firmiterq; statuo ac propono, me nunquam te derelicturum, neq; contra te aliquid vnquam dicturum, neq; permissurum vt à meis subditis aliquid contra tuum honorem vnquam agatur.

Suscipe me ergo in seruum tuum, & me M A R I A Sponsæ tuæ in perpetuam protectionem, & in æternas I E S V misericordias commenda; adsis mihi in omnibus actionibus meis, quas omnes offero in perpetuum, ad maiorem I E S V, M A R I A, & tuam gloriam, nec me deferas in hora mortis, ad quam te nunc Sanctum Patronum inuito: vt tunc quod possibilitas mea non obtinet, tua mihi intercessione, donetur per I E S V M D E V M animæ meæ.

Gratias tibi D E V S meus, pro omni donorum thesauro quem in I E S V M M A R I A M & S. Iosephum effudisti.

Gratias tibi ago dulcissime I E S V & tibi SS. Virgo M A R I A pro omni amore & beneuolentia, ac honore, quo Sanctum Iosephum complexi estis.

Gratias tibi SS. Ioseph pro omnibus laboribus & doloribus, quos pro I E S V & M A R I A libentissime sustinuit.

Gratias vobis omnes Sancti & Sanctæ D E I, quæ peculiari studio I E S V M M A R I A M I O S E P H V M coluistis: adeste mihi vos omnes

omnes vna cum IESV, MARIA, IOSEPHO, semper, sed potissimum hinc migranti.

Per merita agni immaculati IESV Christi, ex quo est fons omnis puritatis, & per Immaculatam Conceptionem, SS. Virginitatem, & innocentissimam puritatem Beatæ semper Virginis Matris DEI MARIÆ, & intercessionem castissimi Sponsi ejus Iosephi emundetur, & immaculatum conseruetur Cor & Corpus meum.

In Nomine Patris, & Filij, & Spiritus Sancti.

Ad S. Antonium de Padua.

**Responsorium à S. Bonaventura
conscriptum.**

SI quæris miracula, mors, error, calamitas, Demon, Lepra fugiunt. Ægri surgunt sani. Cedunt mare vincula, membra, resq; perditas petunt & accipiunt Iuvenes & Cani. Pereunt pericula cessat & necessitas: Narrent hi qui sentiunt, dicant Paduani. Cedunt mare, &c.

V. Ora pro nobis B. Antoni Prædicator egregie. **R.** Ut interueniente tua gratia percipiamus cælestis vitæ gaudia.

G R A T I O.

Clementissime Domine IESV Christe, qui Beatum Antonium Confessorem tuum perpetuis illustras miraculorum splendoribus, concede.

cede propitius, vt per ejus merita pacem Regni
istius, & gratiam consequamur æternam.

Sanctissime famule DEI Antoni, qui inter
opera mirabilia, in quibus elucet, meritorum tu-
orum efficacia, ad conquirendas res perditas accur-
ris, assitis, & instruis, Quæsumus, nobis deper-
ditam gratiam reperire certantibus benignè sub-
ueni, vt & illam amissam, & gloriam promissam
percipere mereamur. Per Christum Dominum.

Ad S. Barbaram.

Henricus Koch ad Ossa vsq; exustus
sequenti Oratione meruit esse su-
perstes. *sur. 4. Dec.*

O Sanctissima Virgo Barbara, quodcunq;
Sponsi tui viribus potes, mihi in mortis ar-
ticulo, obsecro, vt suppedites; adjuua me mise-
rum, ne in peccatis moriar: effectum tunc habe-
at tua intercessione primitus à Christo tibi facta
promissio, cum fidem ejus tuo Sanguine conse-
crares: Redeat in memoriam Sponso tuo Vir-
gineus collo tuo exuberans Sanguis, recorde-
tur ardentissimæ tuæ charitatis, nec animam me-
am à corpore exire permissas, nisi confessione
expiatam, & SS. Eucharist. Sacramento refe-
ctam. Amen.

*Ad S. Patronum cuius nomen in
baptismate sortitus es.*

O Beatissime N, Patrone fidelissime, inuictis-
sime

sime miles purpurati exercitus subterno me tibi in feruum perpetuum, commendo vitam & mortem meam, maximè autem extremum Spiritum meum.

Obsecro mi Patrone Sanctissime per amorem, quo tam feruenter DEO adhæcisti, vt nunc liberari possim à cunctis malis animæ & corporis, ac te duce & comite securior peruenire merear ad vitam æternam.

O DEVS omnipotens & misericors, nomen meum mellifluo nomini tuo digneris subscribere in libro vitæ, & qui me famulum tuum Sancti tui N. nomine voluisti gaudere, da vt in omnibus tibi placitis ejus vestigijs insistam, & tandem cum illo Beatissimam faciem tuam contemplari valeam.

*Modus bonorandi quemcunq; Sancto-
rum in eius festiuitate.*

O DEVS æterne infinitarum perfectionum Author, adoro te creatura tua, vt supremum rerum omnium Dominum, & principium omnium donorum, naturæ, gratiæ, & gloriæ, quibus Sanctus N. in terra ornasti, & nunc ornas in cælis.

Gratias tibi boni IESV, gratias Sanguini tuo, ex quo omnia Sancti hujus merita fluxerunt.

Gratias tibi ô Patrone fidelissime ob tuos istos amores, quibus Diuinam Majestatem olim in terris, & nunc amas in cælis. Gratias tuo benedicto

nedito cordi, gratias sanguini (si est Martyr) quem effudisti.

Gratias ob tot exempla virtutum nobis relicta, & beneficia multis per merita tua collata.

Benedicta sis B. V. M A R I A, benedicti Sancti Patroni & Angeli Custodes, quorum ope ad hanc paradisi gloriam peruenisti.

Confundor & erubesco, quod vitijs meis sim adeo tibi dissimilis, & præsertim tuæ puritati.

Recipio te in Patronum & Aduocatum meum, ac me tibi trado in seruum & clientem in vita & in morte.

O S. Patronè cæli Princeps per amorem I E S V & M A R I Æ impetra Ecclesiæ Sanctæ pacem, omnium infidelium, Hæreticorum, ac peccatorum conuersionem.

Offero tibi ô SS. Trinitas merita omnia SS. Patroni mei ad gustum Diuinissimi cordis tui, & gaudeo de omni amore & seruitio, quod exhibuit tibi fidelis iste Seruus tuus.

Offero preces omnes, quæ in ejus honorem funduntur, vt ante Tribunal tuum Altissime D E V S præsententur, & per eas mihi beneficias.

Gratulor tibi ô S. Patrone, de omni honore & cultu, quem in terra habes, & quem in regno gloriæ consecutus es.

Actus Antememoriani.

Memento Domine per viscera misericordiæ tuæ, per merita Filij tui, per merita Beatissimæ Virginis M A R I Æ ac cælium Sanctorum

Glorum & Electorum tuorum inprimis Ecclesiæ Sponsæ tuæ: auge in ea fidei puritatem, & labore virorum Apostolicorum dilata eam toto orbe terrarum.

Da summo Pontifici nostro N. Spiritus Sancti abundantiam, ut populo sibi commisso verbo & exemplo præluceat. Intende oculos pietatis tuæ in vniuersos Ecclesiæ Præsules & Pastores, & fac eos super gregem sibi commissum fideliter excubare.

Adesto Párochis & Presbyteris, & omni Clero, ut nulli præbeant scandali occasionem, diligant puritatem, & ea sequantur, quæ pacis sunt.

Esto propitius omnibus Religiosis, da illis continuum in virtute profectum, votorumq; ac regularum exactissimam obseruantiam. Da huic domui bonorum temporalium sufficientiam, & Spiritum excita in Prælatiis nostris, & in cunctis feruorem accende.

Effunde miserationes tuas Domine Principe Regum terræ in omnes Reges, & Catholicos Principes, eisq; tribue in obedientia fidei & Ecclesiæ perseuerantem famularum, subditorum curam, iustitiæ Zelum, & obseruantiam mandatorum tuorum.

Da Virginitatem & castitatem, Coniugatis Sanctimoniam, pœnitentibus indulgentiam, viduis & orphanis sustentationem, peregrinantibus seditum, nauigantibus portum, iustis perseuerantiam, bonis ut meliores fiant; tepidis ut feruescant, malis & peccatoribus, qualem me dolens esse confiteor ut conuertantur.

Con-

Conserua cælum in salubritate, terram in fertilitate, mundum in prouidentia ex omni parte sufficienti.

Respice omnes ægrotos, tentatos, afflictos, agonisantes, incarceratos, & in aliquo periculo, vel necessitate constitutos, da illis auxilium & consolationem, prout expedit ad gloriam tuam, & salutem illorum.

Miserere Domine omnium consanguineorum meorum, affinium, amicorum. Miserere inimicorum meorum, quos intimè amore tui diligo. Miserere omnium, quos ego scandalisavi & offendi.

Respice etiam Clementissime Domine, Paganos, Turcas, Idololatrias, Hæreticos, Schismaticos, Iudæos, & gentes omnes à fide alienas, collustra eas Domine veritatis tuæ splendore, ne pereant tot imagines tuæ, pro quibus pretiosus Filius tui Sanguis effusus est.

Memento demum Rex æterne, cui omnia viuunt, animarum omnium fidelium defunctorum, præcipuè earum quæ suis carent iussufragijs, & pro quibus orare censeor. Extingue earum ardorem optato rore misericordiarum tuarum, & cito purgas in conspectum tuum adiuuare.

Pro meipso tantum infelicissimo peccatore Clementiam tuam humillimè imploro. Miserere mei secundum magnam misericordiam tuam, Dona mihi virtutes statui meo necessarias. Da terrena despiciere & amare cælestia.

Actus Meridiani.

O Candor lucis æternæ Domine mi IESV!
 ô ignis qui dulciter ardes, secretè lucēs, sua-
 uiter odoras! quando? ô quando nox ista sicut
 dies illuminabitur, in qua tuo in lumine videbo
 lumen tuum?

O quando veniet dies illa, cui nox non suc-
 cedit, quæ temporum vices nescit, sed semper lu-
 cet & diescit!

Quando mi suavissime IESV flammis tuæ
 immensæ charitatis transflammatuſ ego Te so-
 lo & Te solum ardere incipiam? quando arde-
 ſcet pigrum frigus meum igne tuo, & accensus
 in te paruus erit mihi omnis amor, quo creatura
 quæuis diligit te? quando mi IESV vitali a-
 moris tui morte moriar, & in igne tuo consum-
 ptus fauiescam, abiboq; in cineres dilectionis
 tui?

O Domine! quando ero tuus totus & tu
 meus! quando suspensus de te, deficiam à me
 & transibo in te? quando in loco tabernaculi
 admirabilis reficiar in admittitione gloriæ tuæ?
 quando gustabo & videbo quam suavis sis Domi-
 ne IESV?

Quia mercenarij abundant in domo Patris
 mei panibus, & ego hic fame pereor! ô si citius
 possem surgere & ire ad Patrem meum. Quam-
 uis verò ille panis non sit dandus canibus, quo-
 rum vnum me meum facit peccatum, attamen
 & catelli edunt de micis, quæ cadunt de mensa
 Dominorum suorum.

O DEVS cordis mei! quemadmodum desiderat Cervus ad fontes aquarum, ita desiderat anima mea ad te fontem vivum.

Quis indicabit mihi, quàm diligit anima mea, vbi cubet in illo meridie, vbi pascat? & quando requiescam in meridie illo: meridie jucunditatis & lætitiæ? O merities præclarus & pulcher nesciens vespærum, non habens occasum.

Veni suspirata quies amantis animæ meæ, vt nulli mihi dies, nullæ noctes eant sine te, nullus mihi somnus, nulla requies sine te: te solum esuriam & sitiam, qui pascaris inter lilia mi Iesu suauissime.

Actus Pomeridiani.

O Bonitas! ô misericordia mea, Deus meus! quid retribuam tibi pro omnibus, quæ tribuisti mihi? en vilissimus terræ vermiculus immensas tibi gratias ago.

Quia ex æternitate vidisti & dilexisti me (vt de tua misericordia spero) me ad gloriam tuam efficaciter elegisti, & per conuenientiam media ad eam prædestinasti.

Quia per Creationem me ex nihilo condidisti, ad tuam imaginem & similitudinem fecisti, & innumeris donis in anima & corpore donasti.

Quia me & omnia propter me tam longâ duratione conseruas, sine cuius actuali concursu in nihilum rediremus, nec possemus vno momento subsistere.

Quia me pretioso vulnerum tuorum sanguine re-

ne redemisti & per merita ac passiones tuas à
seruitute Diaboli liberasti.

Quia me cum paucis respectu multorum ad
Ecclesiam tuam, & ad tui cognitionem & ob-
sequium vocasti.

Quia me cum paucissimis ad statum Reli-
giosum, & ad hunc amabilissimum, quem pro-
fiteor, misericorditer adduxisti.

Quia Sacramentis, inspirationibus, Sancto-
rum exemplis, spiritualibus libris, & alijs plu-
rimis medijs ad bonam Vitam adjuvisti, & ad-
iuuare non cessas.

Quia me ab innumerabilibus periculis per-
dendi gratiam liberaisti & liberare non desinis.

Quia plurimis donis tum internis, tum ex-
ternis, tum naturæ, tum gratiæ ditasti.

Quia mihi (vt spero) ab æterno certum,
secundum tuam prædestinationem, gradum,
gloriæ efficaciter præparasti.

Quia me hodie ad orationem & tui col-
loquium admisisti (pretioso corpore & san-
guine satiasti) & per totam vitam infinitis alijs
beneficijs, ac postea per tuam æternitatem
afficies.

Infunde gratias tibi Domine, quia cuiusvis
benignè provides corpori, & animæ, & das
escam omnibus in tempore opportuno. Neque
tantum hominibus, sed & iumentis das escam
ipsorum, & pullis cornuorum invocantibus te.
Ergo pro omnibus & in omnibus sis benedi-
ctus in æternum.

Actus Anteuesperitini.

O Æterne Deus! principium sine fine! scio & verè cognosco, quia corpus meum in dies ruinam minatur, mors semper insidiatur, & mox post lucem in tenebris sternam lectulum meum, ideo dum claudentur oculi mei, lingua etiam mea, & cor meum in tuis deficient laudibus. Proinde mi DEVS! quia te vitam meam, Centrum cordis mei, vnicum animæ meæ delictum, in sepulchro dormiens & putrescens, non amplius laudare & amare poterò. Ideo omnia bona opera, post exitum meum è vita hac vsq; ad tempora Antichristi tibi in toto mundo impendenda, nunc offero, dono, & dedico.

Præcipuè offero tibi mi DEVS omnium Sanctorum Angelorum ac hominum laudes Tui, adorationes, amores, & omnes actus bonos, Tibi siue in Via, siue in Patria exhibendos.

Offero omnium Electorum tuorum persecutiones, dolores, mortificationes, & omnia Martyria. Omnia demum Sacrificia in toto orbe celebranda.

Omnia quæ fecimus aut facere debuissimus omnes creaturæ: omnia corda alij, & alij affectibus impedita & occupata, & omnia obsequia, quibus dignus es, ac si revera omnia Sanctissime erga te facta fuissent.

Insuper dilecte IESV hoc adijcio desiderans corde affectuoso, ut quando corpus meum fuerit in pulveres minutissimos redactum, & lapide

fide clausum, vt videlicet de qualibet particula minutissima vox amena laudis, & intensissimi amoris tui exurgat; quæ durissimum lapidem penetrans cælorum altitudinem transcendat, & vsq; ad extremum iudicij diem viuæ laudis præconium extollat: donec in resurrectione beata corpus & anima pariter vnita in tuæ laudis glorificatione copulentur.

Actus euntis Dormitum.

CRedo Domine, quicquid de te credit S. Romana Ecclesia, & quicquid illa damnat ego damno & anathematizo, imo pro hac fide sum paratus ac opto mori.

Spero Domine etiam si vilis, indignus, & abiectus homuncio in abyſſo miſericordiarum tuarum, & in Sanguine tuo cum tanta charitate pro me effuso, quia me ſaluum facies, & in carne mea videbo te **DEVM** Saluat rem meum.

Amo te **DEVS** cordis mei, & amare volo in æternum. Et quia parum amo te, cum amorem quo anima Christi, beatissima Virgo, & omnes Sancti te amarunt, imo infinitum, quo te ipsum amas, tibi offero, & si possem omni illo amore tuum te amare in æternum.

Laudo & approbo omnia bona opera facta in toto mundo, & desinens ad finem mundi facienda, & si possem, ea milies nunc vellem multiplicare ad gloriam tuam.

Gratias tibi Domine pro beneficijs proprijs, pro beneficijs communibus, gratias tibi pro beneficijs

neficijs cuicunq; quantumvis irrationali creaturæ hodie concessis.

Doleo mi I E S V, quòd te summum bonum, bonum infinitum, bonum amabilissimum toties hodie & tam grauitè offenderim, & doleo ex corde, non propter amissionem cæli, aut metum inferni, sed ob amorem tui solius.

Detestor simul & abominor peccata totius mundi hodie præcipuè commissa. Opto ex animo vt compensari aliquatenus meo sanguine possent.

Protestor coram te Domine, quòd millies potius impendere eligam vitam, quàm posthac ulli peccato etiam veniali consentiam. Hucusq; sit terminus delictorum meorum, & non ultra in æternum.

Parco Domine omnibus qui me aliquà molestiâ in vita affecerunt, & eos propter te sincere amo.

Offero me ad omnem nutum diuinæ voluntatis tuæ. Visne bone I E S V vt hac nocte moriar? lubens moriar. Offero me & ad omnia mala pænæ tolerantia, etiam ad ipsas infernales pænas, renunciâs iudicio, voluntati, amori meo proprio.

Et quia vitæ & salutis incertus veni. Sepulchrum ingredior somnum capturus, voueo (si est Religiosus,) coram tota Curia cælesti, Paupertatem, Castitatem, & obedientiam.

Omnia quæ feci aut facere debui substerno pedibus I E S V. Et quia non impleui mensuram meritorum meorum, quam hodie implere debui,

dehui, inuestio me superexcessiuo Sanguine
Domini IESV, quia quod potuit Sanguinis
gutta redemit vnda.

*Sacratissima IESV & MARIE nomina
sepleri ante somnum, digito in fronte efformare con-
tra mortem repentinam docuit ipse Christus Da-
minus S. Edmundum Cantuar. Archiep. Tu
similiter fac.*

PER signum + Sanctæ Crucis de inimicis meis
libera me **DEVS** noster (Hoc ter dicat)
Procul recedant somnia & noctium phantasma-
ta: hostemq; nostrum comprime, ne polluan-
tur corpora.

Dignare Domine nocte ista sine peccato nos
custodire. Miserere mei **DEVS** secundum
magnam misericordiam tuam.

Pax Domini Nostri IESV Christi & Vir-
tus Sacratissimæ Passionis eius, signum S. Crucis
& titulus triumphalis IESVS Nazarenus Rex
Iudæorum. Integritas quoq; B. M. V. Custo-
dia SS. Angelorum & Suffragia omnium Ele-
ctorum sint inter me & omnes inimicos meos.

O Cor IESV dulcissimum tibi commendo
hac nocte & Corpus meum, vt in te dulciter
requiescat. Et quoniam ego obdormiturus **DE-
VM** laudare nequeo, hoc tuum mi IESV sua-
uissimum Cor pro me supplere dignetur.

Sancte Angele Custos SS. Patroni mei vos
etiam pro me assistite SS. Trinitati, Humanitati
Christi Domini, & Beatissimæ Virgini Matri SS.

Patroni ad quorum Ecclesiam viuo assistite SS.
Eucharistiae, in persona vestri mancipij adorate,
laudate, benedicite, perpetuo & interruptè, D E-
V M, Humanitatem Christi Domini, Virginem
Beatissimam Dominam meam.

IESVS Nazarenus Rex Iudæorum præ-
feruet me à subitanea morte. IESV sis mihi
IESVS Virgo MARIA sis mecum in via.
Omnes Sancti & Sanctæ DEI intercedite pro
me. Nos cum prole pia benedicat Virgo MA-
RIA.

IESVS MARIA IOSEPH dono vo-
bis cor & animam meam.

Cum iam decumbis.

A Nequam obdormiscas breuiter tecum reuoluerè
poteris, quibus illi, qui infernalem regionem in-
colunt, lecti stantur: quàm etiam mollibus lectis
ij, qui amena caelestis paradisi loca inhabitant, ac-
cubent. Postea imaginare te somnum capturum,
esse circumdatum ab Angelis, qui custodia tua inui-
gilent. Vel mente corripe te aliquando cum Christo
dormire in stabulo & in deserto: aut in carcere
Capha, aut sub Cruce. Sic tibi nox & dies illu-
minabitur, & nox illuminatio tua erit in delicijs
tuis.

*Quando non potes capere Somnum
dic saltim corde:*

O Crux! ô Corona spinea! quàm durum le-
gitum præbuitis IESV Saluatori meo!
In hoc

In hoc lectulo dormiam & requiescam in cogitatione animæ meæ.

O IESV! quid erit de me, quando oportebit sternere in tenebris lectulum meum? quando sternetur subter me tinea, & operimentum meum etunt vermes?

O Domine IESV! utinam feliciter obdormiam in sinu amoris tui, & lux perpetua luceat mihi in lumine viventium, videntium & amantium te.

Peto mi IESV & desidero, ut cunctæ respirationes meæ, hac nocte, sint aspirationes, & actus ardentissimi amoris tui.

O si animus ad amoris lucernam vigil hæret dum somnum corpus capit, ita ut dicere possem cum Sponsa: ego dormio & Cor meum vigilat.

S. Gertrudis cum quodam tempore dormire non posset hanc Orationem à Christo didicit l. 3. c. 25.

PER tranquillissimam suavitatem, quâ ab æterno in Sinu DEI Patris accubuit: & per amplexum in pausationem in utero virginali, quâ eodem mensibus quærenisti: & per jucundissimam delectationem, quâ vnquam in amante aliqua anima dignatus es delectari: rogo te misericordissime DEVS: ut non ad meum commodum, sed ad æternam laudem tuam mihi concedere digneris aliquantam requiem, quâ lassata membra corporis vsui exercitationis relaxentur.

Actus brevis pro defunctis.

Miserere pijsſime I E S V, miſerere, & reſpice de ſede magnitudinis tuæ, ad miſeras animas in purgatorio detentas, quia tibi proprium eſt miſereri ſemper & parcere. Miſerere gemituum, miſerere lachrymarum quas ad te fundunt, & condona eis pœnas peccatis ipſarum debitas.

Præcipue verò animabus Fratrum, amicorum, & benefactorum meorum: animabus bellis, peſte, fame ſublatorum: item pauperum, egenorum, & quorum nulla extat memoria: ac demum iſtorum quos à me iuuari viſ: per Sanguinem totius corporis tui, per crucem & mortem tuam, per merita omnium Electorum tuorum, per SS. Miſſæ Sacrificia, & omnia bona opera ad gloriam tuam in toto mundo facta: Requiem æternam dona eis miſericordiſſime Domine, & lux perpetua luceat eis. Requieſcant in lumine viuentium, videntium, & amantium te in æternum. Amen.

CAPVT IV.

Alphabetum Amoris DEI per
Hebdomadam dispositum.

*Relinquitte infantiam, & uiuite & ambula-
te per vias prudentiæ. Prou. 9. A, a, a,
Domine DEVS: ecce nescio loqui, quia
puer ego sum. Ierem. 1.*

DIE DOMINICO.

Amo te DEVS meus. Et ideo.

1. **A** Doro te cultu patriæ tibi soli debito, affe-
ctus totius Ecclesiæ militantis & trium-
phantis, in cæle. Eucharistia ac ubiq; præsen-
tem.

2. Adoro te in peccatoribus, blasphemis,
ingratis, infinitam bonitatem tuam leualibus pec-
catis offendentibus. Adde o beneficientem pro-
bis & improbis, omnia in o. be sanctissimè dispo-
nentem. Adoro pro omniis & in omnibus
creaturis.

3. Adoro omnium Dæmonum ac damnato-
rum loco, totiesq; honorem omnem vitâ meâ
compensare desidero, quoties blasphemaris.

4. Admiror, antetereo te omnibus. Amo vt
Filius amantissimum Patrem, cuius amore vitam
ponere

ponere si occasio ferat, pro honore, & Catholica fide, pro auertendis peccatis, libentissimè discerno.

5. Amore tui vellem extinguere infernum, comburere cælum, vt nemo te DEVM meum amet ob timorem pænæ vel spem præmij, sed propter solam bonitatem tuam.

6. Amore tui desidero obstruere meipso locum inferni, ne in posterum quidquam tibi peccet.

7. Agnosco subjectionem meam, secundum infinitam à te distantiam, recedo & resilio in abyssum nihili mei.

8. Assumo, mihiq; vnio corda amore tuo ardentia omnium Sanctorum hominum & Angelorum, adeoq; Cor ipsius Deiparæ Virginis, & Cor humanitatis Christi, hisq; omnibus te intensissimè ac ignitissimè amo.

9. Approbo omnia bona opera hominum & Angelorum, quæ tibi ⁱⁿ omine vnquam placuerunt vel adhuc placebunt, & illa ad gustum tuum millies ac millies per omnia instantia temporis & æternitatis immouari ab omnibus cupio.

10. Abominor omnia peccata quæcunq; in hoc vniuerso fuerunt sunt & erunt, & illa super omne malum detestor, & retracto, quia tibi displicent, teq; amo super omnia, in recompensationem aliquam pro illis.

11. Agnosco, quod si ego infidelissima, ex omnibus creaturis tuis & malitiosissima, quæ si ex merito suo tractandus esset, jam tu illam centies & millies, in ima inferni præcipitem darte debuisses.

Amo

Amo te DEVS meus. Et ideo.

1. **B**enedico tibi omnium cælitum benedictionibus, propter honorem, excellentiam, Sanctitatemq; tuam infinitam.

2. Benedictus es Domine DEVS Patrum nostrorum: & laudabilis & gloriosus in sæcula.

3. Benedictum nomen gloriæ tuæ, quod est Sanctum & laudabile & gloriosum in sæcula.

4. Benedictus es in templo Sancto gloriæ tuæ: & laudabilis & gloriosus in sæcula.

5. Benedictus es super thronum Sanctum Regni tui: & laudabilis & gloriosus in sæcula.

6. Benedictus es super Sceptum Divinitatis tuæ: & laudabilis & gloriosus in sæcula.

7. Benedictus es, qui sedes super Cherubim & intueris abyssos: & laudabilis & gloriosus in sæcula.

8. Benedictus es, qui ambulas super pennas ventorum, & super undas maris: & laudabilis & gloriosus in sæcula.

9. Benedicant te omnes Angeli & Sancti tui; & laudent & glorificent in sæcula.

10. Benedicant te cæli, terra, mare, & omnia quæ in eis sunt, & laudent, & glorificent te in sæcula.

11. Benedico tibi mi DEVS! & omnibus sceleratis Iudæis ac infidelibus te blasphemantibus me oppono, qui dum tibi maledicunt, ego pro illis & nomine illorum clamo intensissimo

ssissimo affectu: Benedictus DEVS in æternum!

Amo te DEVS meus. Et ideo.

1. **C**redo quòd sis, & quòd remunerator sis. Credo omnia quæ reuelasti de tua vnitate & Trinitate, de Incarnatione verbi Diuini, de Sacramentis, de Ecclesia, ejusq; capite, de cultu Sanctorum.

2. Credo specialiter illa omnia, quæ nostri temporis Hæretici non credunt, sed blasphemant.

3. Credo MARIAM Virginem DEI Genitricem esse quæ Virgo ante partum, Virgo in partu, Virgo post partum fuit.

4. Credo imagines Christi Domini, Deiparæ semper Virginis MARIÆ necnon aliorum Sanctorum colendas, & venerandas. Credo purgatorium esse animasq; ibi detentas fidelium Suffragijs adjuuari.

5. Commendo tibi mi DEVS Spiritum meum, Spiritum vocationis meæ. Commendo omnia proposita & decreta mea, quæ Tibi seruare, vel Tui causâ facere debui & decreui.

6. Commendo tibi vniuersam Ecclesiam, ejusq; Prælatos & superiores, ac omnes Religiosos, Reges & Principes, diuites atq; pauperes, afflictos, captiuos, carceri mancipatos, ægros, & in extremis positos, atq; animas in purgatorio existentes.

7. Concentro Domine omnem amorem in Cor meum, quo in æternum totum cælum amabit te,

bit te, & illo singulis momentis vitæ meæ millies ac millies vellem te amare.

8. Claude si fieri potest, obsecro mi Domine: januas inferni, vt nemo eò descendat vbi omnes te oderunt: aperi portas cæli vt omnes eò conscendant, vbi omnes te diligunt.

9. Cupio tibi omnes illas laudes, quibus te afficere possent innumerabiles Angeli, homines, quæ possibiles, & creaturæ aliæ non creandæ.

10. Contemni & pati volo pro te mi DEVS: proijciant me, abijeiant me omnes à facie sua. Ego sum ille qui cum Lucifero locum in inferno promerui infimum ad delitescendum.

11. Caream mi DEVS cælo, & dato quod carebo te in cælo, hæc ipso nolo te carere in terra, ne sim bis miser, ibi & hic, & ne sim ante tempus infelix.

DIE LVNÆ.

Amo te DEVS meus. Et ideo.

1. **D**oleo ex toto corde de omnibus peccatis meis quomodocunq; commissis contra te summum Bonitatis & Sanctitatis Oceanum. Ita doleo de peccatis meis, more tui mi DEVS: vt velim sanguine meo redimere tempus, quo peccaui vt non peccassem.

2. Doleo, quòd tu amor meus ab alijs non ameris. Doleo quòd tu amor meus contemnaris.

3. Desidero cum dispendio omnium bonorum & vitæ meæ, vt agnoscaris, ameris, adoreris ab

ris ab omnibus creaturis rationalibus, in omnibus & super omnia

4. Detestor, damno, & anathematizo omnes blasphemias in DEVM, & omnes irreuerentias ac contemptus,

5. Desidero inferorum portas obturari ipso me, & per me, ne quisquam amplius in infernum, & damnationem æternam descendat

6. Desidero quicquid habent Seraphini omnes & omnes dilecti, ac Electi tui vna cum IESV Domino ac Rege nostro, ac MARIA Virgine omnium Electorum Regina

7. De iustitia, meritis, dignitate mea despero, spero autem in sola tua Bonitate & gratia, in Christi meritis & morte, in pretiosissimæ Parentis patrocinio, in communione Sanctorum.

8. Decretum mortis à tua manu diuina, eo animo excipio, quo animo excepit Christus decretum mortis suæ.

9. Desidero Domine te amare, te diligere, Seraphicè, Christiformiter, & omnipossibiliter, & tantum quantum amabilis es, quantum dignus es amari. Requiris à me Domine cur velim ita diligere te? causa diligendi te DEVM meum. Tu ipse DEVS es.

10. Desidero mi DEVS! & in ipsam infernum descendere, & ibi amare te. Nam si potentes potenter tormenta patientur, cur amantes amabiliter tormenta non paterentur?

11. Dono tibi cor meum mi DEVS! suscipe illud, quia melius & securius apud te erit, quam apud me,

Amo te DEVS meus. Et ideo.

1. **E**xulto in te solo rebusq; tuis, nihil in hoc mundo habere volo, quod me afficiat, nisi te sapiat.

2. Exulto in te solo mi IESV. Alij alia quarant, te solum mi IESV ego quero, te solum desidero, hoc millies dicam, hoc millies repetam, DEVS meus & omnia.

3. Exulto mi DEVS: quod Tibi fideliter seruiatur à multis seruis tuis. Quod honor tuus & gloria tua per totum mundum innotescat, quod te omnis creatura DEVM ac Dominum summum recognoscat.

4. Exulto, quod tibi publicus honor deferatur in Templis, Processionibus, famulatibus Religionum ac sodalitatum. Quod omnes Cæsares & Reges terræ, te sicut vermiculi creatorem suum potentissimum cognoscant & venerentur.

5. Exulto, quod millia hominum amore tui moriantur, vitam & sanguinem alij profundant, alij profundere sint parati.

6. Exulto in iudicijs tuis quantumvis terribilibus, idem volo approbare, & reprobare, quod tu, idem velle & nolle, quod tu.

7. Exulto & tibi congratulor, quod DEVS sis summè bonus & perfectus, immentus, infinitus, iustissimus, sapiens, & incomprehensibilis, Gaudeo de omnibus his bonis tuis, ob hanc solam causam, quia bona tua sunt.

H

8. Esu-

8. Esurio desideranter omnia peccata mea, per tuam iustitiam in me digne castigari, & puniri: vt sicut peccando te inhonorauī; sic libenter pānam pro peccatis meis patiēdo, te honorem & glorificem.

9. Esurio per totum mundum gloriam & honorem tuum ubiq; propagari prācipuē vbi nec cultus, nec amatus es.

10. Ejuro omnia peccata carnis, ejuro etiam nūuos, quantumuis minores venialissimis imperfectiōibus, volēdo imitari ter Sanctissimam Virginem, ante partum, in partu, & post partum.

11. Erubesco, quōd sim creatura tam ingrata & exosa tibi: indignus sum mi Domine, vt me inter homines tanquam monstrum abominabilissimum foueas & conserues.

Amo te DEVS meus. Et ideo.

1. **F**eror (toto corde meo) ad te summum bonum meum; in immensa gloria tua exultō: gaudeo quōd ames te, quantum amari dignus es, ames te, quantum amari potes, & quantum amare potes.

2. Fero & patior libenter omnes corporis & animi molestias. His prāsertim & illas, quae tibi omnia pro gustu imprimis & gloria tua, deinde in tatis actionem pro peccatis meis offero.

3. Fero & patior amore tui omnem dispositionem aeris. Intēperiem cāli quācūq; sit, omnes vilipensionēs injurias, sitim, famem, humilem opinionem, sinistra iudicia, despectus, & labores omnes

4. Fædus tale tecum mi DEVS inire desidero, quoties dixerò amo te, vellem amare te eo amore, quo nunquam ab vlla pura creatura amatus es, vellem amare amore omni possibili creato.

5. Firmissimè mi DEVS in misericordia tua & meritis tuis confido me saluandum. Vtiq; homines & iumenta saluabis Domine? salua etiam hoc iumentum tuum.

6. Fieri potest mi Domine, quia damnabor, volo ergo nunc in vita mea satiari amore tuo Divino.

7. Fugere volo delicatè nutrire aut molli-ter vestire corpus meum, vt pote rem vilissimam, quod nihil aliud est quàm esca vermium, fætor & horror.

8. Fame vellem me enecare, vt non ampli-ùs offendam te, vt citiùs veniam & transeam ad te.

9. Famelicus sum mi Domine! te solum esurio & sitio! ô quando gustabo & videbo, quàm suavis sis Domine! quam magna multitudo dulcedinis tuæ quam abconditi amantibus & videntibus te?

10. Fædus tale in eo tecum; quoties dixerò: mi DEVS adoro te! roges adoro te tum Angelorum, tum Sanctorum omnium adorati-onibus, quibus & modo adorant te, adorauerunt, & adorabunt labente tota æternitate.

11. Fateor mi DEVS, quod sum sentina iniquitatum, vitiorum pelagus: quod sum sacrilegis & latronibus, publicanis & veneficis, damnatis & demonibus prior.

DIE MARTIS.

Amo te DEVS meus. Et ideo.

1. **G**ratulor tibi, quòd solus tu sis, qui es.
2. Gaudeo de omni bono tuo, quod es, quod habes, & operaris, & de pleno dominio ac beatitudine, de tuo honore & voluntatis tuæ implementatione.
3. Gratulor tibi, quòd adæquate amari tantum, quantum amabilis es, nonnisi à te ipso possis.
4. Gratias ago tibi pro beneficijs, quæ Humanitati Christi Domini, Sanctissimæ illius Matris, quæ Sanctis Angelis, Sanctis omnibus præsertim meis Patronis contulisti.
5. Gratias ago pro omnibus spiritualibus & temporalibus beneficijs, Ecclesiæ huic regno & Religioni meæ concessis.
6. Gratias ago pro creatione, conseruatione, redemptione, pro instituto venerabili SACRAMENTO, pro extirpatione hæresibus & erroribus ex hoc regno.
7. Gratias pro omnibus aduersitatibus, cruce hac & illa, pro omnibus incommodis, fame, peste, bello. Item pro omnibus beneficijs iustis & iniustis, damnatis & dæmonibus aliquando præstitis.
8. Gaudeo Domine propter bona opera, quæ vnquam facta sunt, hodie fiunt, fientq; deinceps propter amorem tuum.
9. Gaudeo ob ea quæ Dominus noster IESVS

CHRISTIANVS.

III

S V S. Christus, Sanctissima ipsius Mater, Sancti Angeli & beati omnes egerunt ad gloriam tuam.

10. Gaudeo ob amorem intensissimum, quo te Electi tui æternum prosequuntur, & laudes, quas tibi in perpetuum dicent.

11. Gratulor mihi, quod per te solum possum beatus fieri: unde nec placeret mihi beatitudo, nisi per te illam haberem.

Amo te DEVS meus. Et ideo.

1. **H**onoro & reuerëor infinitam Majestatem, Excellentiam, & Sanctitatem tuam profundissimo affectu. Dominus meus es ego Seruus tuus & Mancipium tuum ex natura. Vita mea & mors in manibus tuis.

2. Honorem & cultum Dulciæ exhibeo Sanctis tuis: Sanctissimæ DEI Genitrici MARIÆ debitam Hyperdulciæ venerationem & cultum offero.

3. Hactenus te Domine mi non amaui, habere nunc cupio Cor I E S V, Cor MARIÆ, vt his cordibus te amare possim.

4. Habere desidero mille vitas, quas omnes in augmentum gloriæ tuæ impenderem: mille corda & linguas quibus te glorificarem.

5. Habere cupio amorem intensissimum Seraphinorum. vt omnes homines in tuo amore succendere possem.

6. Horas omnes, omnia momenta vitæ meæ volo honori & gloriæ tuæ dedicare, in omni a-

atione & cogitatione mea volo inclamare: Sanctus Sanctus Sanctus Dominus DEVS Sabaoth.

7. Hæreses omnes, & omnia perfidiæ monstra damno & anathematizo, præcipue vero Atheismum, Paganismum, Iudaismum, Arianismum, Lutheranismum, Calvinismum, & omnes alias Hæreses ab Ecclesia damnatas.

8. Horas omnes & annos meos malè peractos, item tam omnium hominum quam Angelorum prauorum cupio retrovertere, & peractæ ætatis spatia amoris tui actibus replere.

9. Honoro & reuerentor tuos Vicarios superiores meos, quibus me amore tui subijcio, voluntatemq; meam, imitando eum, qui factus est obediens usq; ad mortem.

10. Honorem & gloriam tuam mi DEVS tanti facio, vt eligam potius manere in inferno, & pati omnia tormenta, quàm vt tu vel vnico momento priueris tuo honore.

11. Halitus vltimus quo animam efflabo, vtinam halitus amoris sit. Moriar amore tui mi DEVS, & quia vitam ab amore non inchoaui, da mihi vitam amore finire. Vltimus vitæ actus sit amare.

Amo te DEVS meus. Et ideo.

1. **I**ESV nomen suauissimum & dulcissimum in persona omnium Cælestium, Terrestrium, & Infernorum supplex adoro, adoratumq; vellem in perpetuum ab omnibus creaturis rationalibus.

2. Igno-

CHRISTIANVS. 113

2. Ignosco amore tui omnibus, qui me injurijs affecerunt totâ vitâ meâ, & illos amo propter te sicut meipsum, vt & tu Domine dimittas mihi peccata mea.

3. Indulgentias lucrandi gratiam & industriam peto à te.

4. Immolo tibi mi DEVS Sacrificium laudis pro omnibus, qui te ignorant vel blasphemâr.

5. Iuro & statuo custodire judicia justitiæ tuæ, & quicquid in oppositum vnquam fecero, puta Domine nolenti irreplisse.

6. Ieiunia omnia quæcunq; faciam per gratiam tuam vnio cum tuo, & Sanctorum tuorum jejuniis.

7. Iuro & protestor me Pretiosissimæ DEI Parentis esse perpetuum seruum, & mancipium.

8. Ignis amoris tui semper ardeat in altari cordis mei, & in tantum crescat incendium, vt non solum Sacrificium, sed & ipsum altare comburat & consumat.

9. Ita te diligo mi DEVS, vt si scirem me fore annihilandum, adhuc tibi omni studio seruirem, non enim tibi seruiis propter me, sed propter te.

10. In balneo sanguinis, odoris, lachrymarum, in vulnere cordis tui IEŒV mi dulcissime immergo & depono me totum, omnes actus meos, & alienos, vt in eo detenti atq; sublimati per Te & per Matrem tuam, SS. Trinitati pro me & pro omni creatura offerantur.

11. Ignis, crux, bestia, confractio ossium, & totius corporis contitio, & cuncta tormenta.

Diaboli veniant in me, tantummodo IESV amore meo vnico fruar.

DIE MERCVR II.

Amo te DEVS meus. Et ideo.

1. **L**aborabo purè pro gloria tua constanter & fideliter vsq; ad mortem, nihil aliud intendens, quàm gloriam tuam.
2. Laborem & laboris præmium, omnes coronas & merita resigno ac transfero in solam gloriam tuam. Hâc vnâ in cælo coronâ contentus ero, quod omnibus meis meritis & coronis in te translatis Te magis gloriosum videbo.
3. Laudes omnes, & tantos honores desidero tibi exhibere, quantos nosti exhiberi posse, & quantos mereris. Sed quia non est speciosa laus in ore peccatoris, laudet te pro me totum cælum & terra.
4. Laudent te omnes Chori Angelorum, & vniuersæ turmæ Sanctorum: quos tu ab æterno ad gloriam tuam præelegisti.
5. Laudent te pro me infinita Sanctorum Angelorum castra, quos mittis in ministerium, propter acquisitionis tuæ genus electum.
6. Laudent te viginti quatuor Seniores cum omnibus Patriarchis & Prophetis, qui deponentes coronas suas procidunt ante thronum tuum.
7. Laudet te amicissimorum Fratrum tuorum Apostolica dignitas, quorum suffragijs Sanctam Ecclesiam tuam mirabiliter sustentas.
8. Lau-

8. Laudet te victoriosa Martyrum tuorum turba, quorum scola pretioso sanguine tuo est purpurata.

9. Laudet te Confessorum agmen perfectissimum, quorum Spiritum transtulisti in admirabile lumen tuum.

10. Laudet te & jubilet tibi pro me hoc novum Canticum, quod resonat in ore eorum, dum te sequuntur quocunq; ieris, IESU sponse Virginum.

11. Libenter mi DEVS pro te omnes persecutiones, injurias, afflictiones, morbos, & quacunq; alia mala vsq; ad mortem si oportuerit, me tolerare, volo tolerare.

Amo te DEVS meus. Et ideo.

1. **M**ARIAM Matrem tuam, Matrem pulchre dilectionis amo feruentius & intensius præ omnibus Sanctis, quia hæc est voluntas tua teste Bernardo. Per illam peto à te Spiritum modestiæ, mansuetudinis, mortificationis, misericordiæ erga viuos & defunctos, & mortem amoris tui plenam.

2. Malo Domine milles mori, millies damnari, quàm deliberato peccato fædari.

3. Mori milles desidero in tuæ immensæ miserationis profluvio; sicut moritur Scintilla, ignis in fluminis impetu validissimo.

4. Malo Domine propter te amatum esse in interno, quàm propter te odio habitum esse in cælo.

5. Mo-

5. Momentis singulis vitæ meæ vellem te amare non meo, sed ipso amore Diuino, quo te ipsum amas, amore Theandrico quo te Christus amat, amore latreutico, quo te iusti amant, amore omnium hominum & Angelorum.

6. Mortificationes omnes, omnia martyria, & omnia mala pænosa animæ & corporis, quæ pro te passi & passuri sunt homines, siue in mundo, siue in inferno, siue in purgatorio, tibi offero: ita, vt si tibi placeret in augmentum gloriæ tuæ, omnia talia libenter vellem perpeti.

7. Mori cupio, quia te amo DEVM meum. Dulcius est mihi mori, quàm viuere & offendere te summum bonum meum.

8. Mori desidero, vt immoler tibi DEVS meus, cui me totum debeo: mori desidero ob gloriam tuam, & in meorum criminum pænam.

9. Moriar mi DEVS, vt in te sine fine viuam, in ardentissimo amoris tui igne consumptus.

10. Mundi hujus opes & voluptates omnes alijs non inuideo, mihi DEVS meus & omnia. Quis enim sic delectat quàm ille qui fecit omnia quæ delectant?

11. Magnifico, Adoro, laudo, glorifico, omnes & singulas perfectiones tuas Diuinas, affectu tibi gratissimo, mihi possibili, imo affectu beatifico, Seraphico, Mariano, Theandrico, quo dignus es.

Amo te DEVS meus. Et ideo.

I. **N**Olo viuere sine vulnere, quia IESVM meum totum video vulneratum.

2. Nomen dulcissimum I E S V vellem infixi cordi meo, vt fuit infixum cordi Ignatii Martyris.

3. Nouerim te mi D E V S, nouerim me, nec aliud cupiam nisi te.

4. Noscant te Domine omnes peccatores & timeant. Noscant te Iusti amplius, ac tepidi vt tibi feruentius seruiant. Noscant te Gentiles ac Hæretici & conuertantur.

5. Negotia omnia, quæ à me geri vis, tibi committo, iuuua me, vt illa amore tui faciam diligenter.

6. Negligentiam omnem à me amoue velut pestem exosam tibi.

7. Non merui te D E V M meum beatificè videre, nec merebor in æternum. Cupio tamen videre, quia tu me mi D E V S ad hunc finem, condidisti, & redemisti.

8. Nullam cupio ex vlla creatura habere voluptatem; omnis mea delectatio est & voluptas vt delectetur D E V S.

9. Nolo ire in cælum mi Domine, si tu non vis, eligo potius infernum, si tibi ita complacuit; illum tamen nollem habere in pœnam meorum peccatorum, sed in pœmium mei erga te amoris.

10. Nolo vnquam in rebus illicitis delectari, & potius malo mori, quàm talem delectationem deliberato animo admittere.

11. Nolo vnquam magnificè aut arroganter de me sentire, illud potius desidero vt obscurus & inglorius delitescam; nec oculis alijs, quàm tuis appaream.

VIATOR DIE IOVIS.

Amo te DEVS meus. Et ideo.

1. **O**ffero tibi cor dulcissimum & suauissimum IESV, cor purissimum MARIE, & omnium cœlitum.

2. Offero vitam, passionem, & sanguinem Domini IESV in horto perfusum ac puncturis spinarum expressum, & illud pretiosissimum balsamum sanguinem cordis Filij tui.

3. Omnes omnium creaturarum substantias, potentias, actus, affectus, circumstantias bonas mihi approprio atq; assumo: atq; ita me cum omnibus in tuum omnimodum amorem & honorem sacrifico

4. Opto habere tot corda, quot in aëre atomi volitant; quot arenæ in mari, ut amare te possem cordibus his vniuersis, vel ut ita dicam rectius corde vnico, quod omnibus istis æquivaleret.

5. Offero tibi omnes laudes & adorationes, quibus te Angeli & Sancti omnes adorauerunt, & centum millenos adorationum milliones, quas omnes Sancti & iusti Ecclesiæ militantis faciunt.

6. Offero tibi omnes cultus, deuotiones, & omnia bona opera post vitam meam tibi ad finem mundi impendenda.

7. Offero tibi cor meum in laudem æternam ad perficiendum corpore & animâ omne beneplacitum tuum.

8. Omnia vota & proposita mea in honorem tuum aliquandò à me facta fideliter exequi curabo.

9. Offe.

9. Offero omnia Sanctissimæ Missæ Sacrificia peracta in Ecclesia & ad finem sæculi peragenda.

10. Offero tibi omnes pœnas, cruciatus, vulnera effusiones sanguinis, & omnia martyria: omnem pœnitentiam, jejunia, vigiliæ, & austeritates omnium confessorum: omnem amorem, continentiam & puritatem Virginum.

11. Odi, auersor, & execror omnes contemptus & irreuerentias quæcunq; fuerunt, sunt, & erunt in toto mundo.

Amo te DEVS meus. Et ideo.

1. **P**roijcio & prouoluo me ante te in cælo, Eucharistia ac ubiq; præsentem.

2. Peto vt tuo amore ames te pro supplendo exili amore meo erga te.

3. Pauper esse tui amore volo, exspolians me totius mundi possessione; & si rebus vtor tanquam tuis à te concessis mihi vtor & non meis.

4. Pauperculam suppellectilem è domo Parentum meorum me concernentem non tantum ejuro, sed totius mundi diuitias, si illas possiderem: Tu mihi Domine sufficis.

5. Peccata mea omni proijcio in immensum ignem amoris tui, demergo in exuberantium meorum Filij tui pelagus.

6. Peto vt perditò me, omnibusq; creaturis nihil videam, nihil quæram, nisi solum te, vt viuam ego, non ego, sed tu viues in me.

7. Peto mihi alijsq; concedi ea, quæ vis à te postu-

postulari, ea quibus maximè indigeo aliq; , & per quæ obtenta maximè tibi placere possimus.

8. Protestor coram te, quòd in omnibus actionibus meis, nihil aliud intendere totâ vitâ meâ volo, nisi solum purum honorem, gloriam, amorem, & beneplacitum tuum.

9. Propono per gratiam tuam, & eligo milles mori, quàm te vel leuissimè D E V M meum offendere.

10. Protestor quòd propter peccata mea deterior sim mortuo cane, fæx hominum & labe, indignus qui suspiciam cælos, dignissimus qui post mortem meam in olido fimeto aut sordium receptaculo defodiar.

11. Patiar quæso pro honore tuo, si vis, pænam omnium damnatorum, & laudem te laude omnium Beatorum.

Amo te DEVS meus. Et ideo.

1. **Q**uotidianas meas actiones, occupationes tibi offero. Da vt in illis quæram te non me, amorem tui non mei.

2. Quicquid est auri, argenti, lapidum pretiosorum atq; gemmarum in mundo: quicquid homines sæculares æstimant & amant, totum illud, vt nihil præter te amem, ego nihili æstimo, & vt lutum despicio.

3. Quinq; talenta tradidisti mihi Domine, itaq; diligenter operari volo, vt alia quinq; valeam super lucrari. Non vt me excludas à cælo, sed vt per hoc placeam tibi, tuam Sanctissimam voluntatem faciendo.

4. Quæ-

CHRISTIANVS.

122

4. Quæso Domine: vt mihi dones cognitionem tui ac mei, donum perseuerantiæ finalis, & omnes virtutes statui meo necessarias.

5. Quoties ad me aërem attraho, toties cupio cordiali quodam affectu te Dominum meum IESVM Christum, & Matrem tuam intra me attrahere.

6. Quotiescunq; corde vel ore dixerò: DEVS, DEVS meus: vellem hoc nomen tuum infinite reuereri, & repetere corde ac ore omnium Angelorum ac Electorum tuorum.

7. Quia te amo mi DEVS: vellem hinc pasci à vulnere, hinc lactari ab ubere, vellem constam mihi attolli ad latius amandum te cum S. Philippo Nerio: vellem continuò cordialiter dicere cum S. Francisco: DEVS meus & omnia!

8. Quærere primum volo regnum DEI & iustitiæ eius, postmodum vitæ hujus necessaria.

9. Quoties vnquam respiro: toties in me volo trahere corda & affectus electorum tuorum, atq; illis toties te amare & laudare.

10. Quæcunq; tibi DEO meo proposui, promisi, iuravi, quæ pretiosissimæ itidem Parenti, & omnibus Sanctis Patribus meis, ea omnia promitto, propono, voueo, juro ad gultum tuæ Diuinæ voluntatis.

11. Quia ego & omnia mea nihil sunt, & infra te infinites sunt, ideo non meis, sed affectibus tuis Te per Te superexalto, te per te superexaltatio. Sis per te super benedictus, superlaudabilis, superexaltatus.

DIE

V I A T O R
DIE VENERIS.

Amo te DEVS meus. Et ideo.

1. **R**esigno tibi mea omnia Domine IESU. Dispone de me liberè, vt de tuo proprio iumento in tempore & æternitate, prout tibi placet.

2. Resigno me tuæ adorandæ voluntati ad inopiam, ad contemptus, ad infamiam, ad extremos dolores, ad mortem, imò ad ipsam condemnationem æternam.

3. Restituo me tibi, te super omnia appetio, præligo, appeto & quero: paratus cæteris omnibus propter te abrenuntiare, quotiescunq; & quomodocunq; volueris.

4. Renouo tibi laudabilia animi decreta, itemq; vota mea, piaq; desideria omnia erga te, erga Virginem MARIAM, erga Angelos & SS. tuos facta.

5. Ratifico Domine & innouo omnes actus bonos tibi oblatos & offerendos; omnes laudes à quocunq; Sanctorum impensas & impendendas.

6. Retracto & corrigo omnia opera totius vitæ meæ, quanta quanta sunt mala & imperfecta.

7. Rata habeo omnia bona opera mea per gratiam tuam facta, & ea quæ facere debui.

8. Religiosum statum approbo, amplector, & exnunc ingredior totiusq; mundi res & spes pro tuo amore & ser. oro calco.

9. Retracto & anathematizo omnes blasphemias, irreuerentias, contemptus contra te siue hic siue in altera vita commissos.

10 Re-

10. Reuereor tua horrenda iudicia, tuam dispositionem. & quidem æternum de me duraturam approbo.

11. Regum omnium ac Principum etiam infidelium te non credentium, colla & corda tibi subijcio licet oppositum volentium, quia tibi Regi sæculorum immortalis & inuisibili debetur summa laus & gloria ab omnibus.

Amo te DEVS meus. Et ideo.

1. SACRAMENTA omnia mihi ad salutem necessaria desidero. Da vt illa Sanctè frequentem, & accipiam non tantum SACRAMENTVM, sed etiam rem & virtutem SACRAMENTI.

2. Spem omnem salutis meæ pono in tuo dulcissimo nomine ô IESV! quod Saluatorem significat: igitur ô IESV, sis mihi IESVS! dic animæ meæ, salus tua ego sum.

3. Si scirem quod damnandus sum, Tibi DEO meo seruire vellem & volo, tantò etiam magis & intensius, quantò hoc spatium temporis breuius mihi esset.

4. Si de salute mea æterna certus essem, imò si eam jam haberem, & placeat tibi DEO meo, me hic cum incertitudine salutis viuere, aliquid autem insigne ad tuam gloriam & voluntatem perficere, præligo hoc posterius illo priori, pure propter gustum tuum, & adorandæ voluntatis gloriæq; tuæ æstimationem.

5. Si omnia creata corda, omniumq; cordium
I
affe-

affectus in meum cor immergere & includere possem, vellem te sic amare dulcis amor meus.

6. Si placet tibi mi DEVS! exure Paradisum, extingue infernum. Non requiro aliam mercedem obsequij à me tibi præstiti, quàm illam gloriam, quæ est Tibi seruisse.

7. Si nossem velle tuum mi DEVS esse, vt in æternum torquerer in inferno, me ipsum statim sponte in illas flammæ præcipitarem, solummodo vt tuæ Diuinæ satisfacerem voluntati.

8. Si possem mi DEVS! vellem ab omnium cordibus amorem, qui non est tuus euellere, & tuum inferere, vt amore tuo omnes arderent & languerent.

9. Si mihi in omnibus corporibus replicari liceret, cuperem te in illis millenis adorationum Seraphicarum millionibus adorare.

10. Siquidem (teste S. Bernardo) dum amas mi DEVS animam, amat tua æternitas, tua immensitas, tua Sapientia, & ego vellem te redamare immensè, æternaliter, omnipossibiliter, ita vt tuo amori correspondeat amor meus.

11. Sum ita affectus erga te mi Domine, vt velim res omnes mundi in linguas, odium omnium peccatorum & damnatorum in tui amorem, blasphemias eorum in laudem tui commutare.

Amo te DEVS meus. Et ideo.

1. **T**imeo te: non vt Seruus emptitijs ob pœnam; sed vt filius charissimus ne tuam Diuinam offensam incurram.

2. Ti.

2. Timeo iudicia tua horrenda inscrutabilia, quia scire non possum, an amore sim dignus vel odio. Idcirco enitar constanter, vt te nunquam deinceps deliberatè offendam.

3 Timeo te timore reuerentiali & instar Beatorum reuereor infinitam tuam Majestatem, ex toto corde me tibi subdens, ac me velut nihilum in conspectu tuo agnoscens.

4. Te solum vnice & cordialiter diligo præ omni dulcedine & gustus suauitate, præ omnibus corporis mei commodis, præ omnibus mundi diuitijs, præ omnibus honorum titulis.

5. Totus sum tuus mi DEVS, eroq; in æternum, sicut totus tu meus esse voluisti.

6 Talem voluntatem habeo mi DEVS, & illam tibi offero, si nimirum haberem omnia, quæ tu habes, omnibus vellem abdicare, & tam liberaliter omnia tibi dare, vt tu posses dare cuicumq; velles.

7. Tuum beneplacitum in me, de me, per me, & in omnibus semper & vbiq; perfici & impleri in tempore & æternitate, in aduersis & prosperis opto & postulo.

8. Tibi Domine mi hoc corpus meum nutrio, tibi hanc vitam meam conseruo: largire mihi vires, vt soli seruiam tibi.

9. Te æstimare mi DEVS te amare, plusquam possum, plusquam valeo, desidero, sed æstimando nescio quid factururus sum pro te. Si radius essem, tu autem sol, adderem me tibi, & esses lucidior. Si essem gutta & tu mare, affunderem me tibi, & esses plenior. Si essem ato-

mus & tu mundus, apponerem me tibi, & esses major.

10. Tibi Te ipsum mi DEVS offero, nihil enim est teipso dignius: offero tuam Excellentiam, tuam pulchritudinem, tuam de te voluptatem.

11. Tibi offero cor meum, vt te solum amet, & nihil aliud nisi te vel propter Te.

DIE SABBATHI.

Amo te DEVS meus. Et ideo.

1. **V**oueo & renouo fidem tibi in baptismo datam.

2. Voueo, sicut me tibi obligauit coram tota curia cælesti, paupertatem, obedientiam, & castitatem perpetuam.

3. Voluntatem meam, tuam, volo dedicare, in victimam holocausti. Vis me Domine, viuere volo. Vis mori, & in ipsum infernum abijcere volo. Volo velle, quicquid velle tu me vis.

4. Volo potius quolibet bono priuari, & quodlibet malum perpeti, quàm à tua gratia & amicitia excidere, & tuam indignitatem incurere.

5. Vtinam possem DEVS meus omnium fidelium intellectibus in te credere, omnium cordibus te amare, omnium viribus tibi seruire.

6. Vtinam possem efficere, vt nullus te offendat, & nullus pœneat, libenter etiam vitam meam impenderem, & sanguinem profunderem.

7. Vti-

7. Utinam omnes infideles, Hæretici, Schismatici, Apostatæ, & peccatores obstinati conuertantur! utinam omnes homines te agnoscant, te solum diligant, tibi seruiant.

8. Volo & per te propono, te in omnibus, & ante omnia purè intendere: nullumq; opus internum aut externum aggredi, nisi propter amorem & beneplacitum tuum.

9. Volo & desidero, vt quoduis momentum vitæ meæ, omnis pulsus & motus cordis mei & arteriarum idem sit, idem significet, quod hæc verba, Sanctus, Sanctus, Sanctus Dominus DEVS Sabaoth.

10. Vellem te mi DEVS amare amore continuo & infinito, si possem, omnibus momentis vitæ meæ, & desidero, dolore quodam velut infinito ex illius amoris infiniti fonte profecto dolere de meis ac totius mundi peccatis.

11. Vellem oblatas tibi omnes laudes, quæ sunt, fuerunt, & erunt in cælo & in terra, quas possunt & possent conferre illæ creaturæ, quæ id neglexerunt, negligunt & posthac negligent ob ingratitudinem suam, millies ac millies, per gratiam tuam, quouis respirio & ictu oculi mei multiplicare.

Amo te DEVS meus.

Et ideo IESV.

1. Xcifixi meritis conjungo, quidquid ago: Quicquid in posterum cogitaturus, dicturus, vel facturus sum, totum hoc sudore Christi sanguineo rigatum tibi sacrifico.

2. Xcifixi Domini gloriam & honorem desidero per totum mundum etiam cum dispendio vitæ & animæ meæ propagari. Imò cupio, vt hoc nomen dignissimum, & dulcissimum I E- S V S, etiam ipsi dæmones & damnati reuerentur, laudent, & nullus omnino non amet I E- S V M, qui potest amare.

Amo te DEVS meus. Et ideo.

3. **Z**elo tuæ Excellentię, adoro Tuam diuinam Essentiam, vnitatem, Trinitatem. Tuam Potentiam, Dominium, magnitudinem, Sanctitatem, Perfectionem, Dignitatem, Tuam Iustitiam, Misericordiam, Gloriam, & Beatitudinem.

4. Zelo tuo, adoro vnionem Hypostaticam, verbi & Filij DEI Personam, Hominisq; & Filij Virginis naturam.

5. Zelo tuæ Sanctitatis, æstimo & Veneror profundo affectu, Tuam purissimam Matrem Virginem, ex eaq; operante Spiritu Sancto Incarnationem. Tuam Ecclesiam militantem ac triumphantem ex SS. Angelis hominibusq; constitutam.

6. Zelo glorię tuę desidero millies ac millies extensione ad omnia tempora, & ad omnia omnium temporum instantia, ad omnia quoq; momenta æternitatis, ea tibi omnia exhiberi ab omni creatura rationali, quę tibi homines Sancti & Angeli, Humanitas Christi & Beatissima Virgo exhibuit & exhibebit.

7. Zelo tuę puritatis, vellem continuis actibus adorationis, appetitionis, doloris & amoris in-

ris intensissimi compensare omnes & singulas tam hominum quàm Angelorum prauorum malitias, ac injurias tibi illatas, & illis bonis actibus implere omnia instantia, & momenta actionum peccaminosarum.

8. Zelo tui honoris, doleo quantum possum de omnibus & singulis peccatis à quocunq; commissis & committendis.

9. Zelo charitatis in proximos, opto anathema esse à Christo, pro Fratribus meis in Christo. Opto meipso obturari portam inferni, ne quisquam amplius pereat.

10. Zelo tuo & amore tui solius, renuntio omnibus hujus mundi bonis, omnibus voluptatibus, honoribus, excellentijs, & vanitatibus.

11. Zelo tuo vellem omnibus diebus vitæ meæ quoad vixero, illud facere, quod tibi summe placet.

Finis Alphabeti.

1. **T**V scis ô IESV plusquàm amabilis! quia amo te. Amo ex toto corde meo, ex tota anima, ex totis viribus meis.

2. Amo te castissime Sponse supra omnes spurcas & brutas carnis voluptates; supra omnem harmoniam & muscorum concentum.

3. Amo te plusquàm mundum vniuersum.

4. Amo te plusquàm me, plus vitâ & animâ meâ.

5. An
absq; te
in
m, quod infernus
m,
nfi

6. Amo te & plus in dies amare volo, quàm te oderint reprobi & damnati omnes.

7. Quia te amo mi DEVS! ideo omnibus me Sancti tui superent in cælo donis tuis, vellem nemo me superaret amore tui.

8. Quia te amo mi DEVS! ideo pro auersione à te summo Bono & Creatore nostro, & conuersione ad creaturam per peccatum cuiuscunq; peccatoris, nunc tibi restituo honorem, cultumq; tibi & amorem debitum à quocunq; denegatum offero: te super omnia æstimo & appetio.

9. Quia te amo ô DEVS cordis mei! vellem nunc omnes horas & annos meos, & omnium hominum ac Angelorum prauorum, reuocare, retrouertere, & peractæ ætatis spatia amoris tui actibus replere.

10. Quia te amo mi DEVS, offero tibi omnia corda, quæ tam in cælo, quàm in terra te ardentissimè amant, ita quidem, vt ea omnia simul habere, & immensum quoddam purissimi amoris tui incendium ex illis facere vellem, in quo assiduè incessanterq; consumar.

11. Non ideo te amo mi DEVS! quia bonis tuis me cumulas: sed etiam, si his retractis, omnibus malis me subiceres. Te amarem; quia te amo
ore Tuo,

CAPVT V.

Solitudo Septemdialis.

Seu quotidiana familiaris cum
DEO Viatoris conuersatio.

*O anima sancta sola esto, ut soli omnium,
serues te ipsam. S. Bern.*

Hanc breuem solitudinem & secessum suadent tibi Viator, non tantum mundi huius miseriae, sed ipsius solitudinis deliciae. Quid enim potest deesse deliciarum homini, cum illic adest, cuius deliciae sunt esse cum filiis hominum. Quod per Isaïam Dominus promissit dicens : *Pones desertum eius quasi delicias, & solitudinem quasi hortum Domini, gaudium & latitia inuenientur in ea.* Vnde in hac solitudine de perenni diuinitatis fonte limpidissimis consolationibus affluens S. Benedictus, non semel in *Uno solis radio totum mundum collectum conspexit.* Et S. Ignatius in eadem solitudine interna suauissima celi gaudia libans erumpebat in hæc verba : *Quam sordet mihi terra dum calum conspicio !* Ideo Hieronymus sæpius de suo deserto : *Mihi cætera carcer & solitudo Paradisus.* Ut ergo anima his possit vacare delicijs, fugiendo hominum contubernium, & cum solo DEO habens commercium, scire refert ad quem se locum conferet. *Gemina est solitudo, altera*

altera exterior corporis, altera interior animi. Prima, secundum Ascetas, est locus remotus in abdito recessu, vel extra urbem, à familiæ strepitu, & inanium rerum agitatione: vnde ille præcursor Domini S. Ioannes Baptista, inter natos mulierum maximus, ab incunabulis solitudinem adiuit pluribusq; annis coluit. S. Magdalena licet singulari gratiâ DEI prædita fuerit, tamen totum vitæ suæ tempus post passionem Christi, videlicet triginta annos in spelunca quadam transigere voluit.

Carolus Imperator, vt solitudine liberiùs frueretur, Regnum suum in Philippum filium deriuauit, de quo sic testantur Annales: Carolum Majorem fuisse in sua Eremo, quàm in Imperio. Ejus nepos Philippus morti vicinus in hæc verba prorupisse dicitur: *utinam Corona caput non cinxisset!* pænitet fuisse Regem! melius in aliquo deserti angulo, extra munianorum negotiorum tumultum vixissem!

Potes tali frui solitudine etiam in populosa ciuitate. Qualem sibi fabricata est Iudith, de qua ita sacri Annales: *In superioribus domûs sua fecit sibi secretum cubiculum, in quo cum puellis suis clausa morabatur.* Non est igitur, vt sis solus, excusationi locus, quia ubiq; est solitudini locus,

Altera est solitudo non loci, sed animi, non montium sed mentium, non eremi sed cordis. Non te ab hominibus sejungas, sed cum DEO conjungas: non recessus ab urbibus sed accessus ad cælum, attentâ meditatione faciet te solitariû. *In populosa Urbe,* inquit Petrus Damiani,

amor

amor artifex solitudinem reperit. Ideo nullum vitæ genus est adeò negotijs addictum, adeò curis implicitum, in quo solitudo animi mentisq; secessus nequeat reperiri. Quare in turba, itinere, conuiuijs etiam, faciat sibi cogitatio secretum, faciat solitudinem, & familiarem cum DEO conuersationem,

Særgo secedere non potes ad hebdomadas aliquot, si non potes ad aliquot dies, animum colligendi gratiâ. saltem horam vnam aut alteram concede DEO loquenti in solitudine ad Cor. Benè suasisit cuidam Hieronymus: *Adhibe tibi in urbe solitudinem, & remotus ab hominibus iunge te DEO.* Nam talis solitudo, est quidam paradysus cælestis voluptatis, est via recta ad cælum, conscientiæ cathedra, magistra silentij, est nuptialis thalamus in quo Sancti Spiritus annulus tribuitur, & cælesti Sponso felix anima fæderatur.

DIE DOMINICO.

Meditatio Prima.

De Beneficio Prædestinationis.

Pralud. 1. Statue te coram DEO, in quantum Prædestinator est, cui soli cognitus est numerus prædestinatorum & præscitorum.

Pralud. 2. Pete vt possis cognoscere media ad finem prædestinationis consequendum,

Punctum 1. **C**onsidera hoc beneficium non esse commune sed peculiare, eorum

eorum duntaxat, qui ab æterno electi sunt à DEO ad vitam æternam, quod est omnium beneficiorum maximum, non solum quia datur ante omne meritum, sed quia cæterorum est fundamentum.

2. Cogita tecum: Quis scit an nomen meum scriptum est in libro vitæ, vane sum in honorem an in contumeliam, hædusne an agnus? Ingessit olim hanc cogitationem S. Bernardus Fratribus suis dicens: *Quis scit an omnium vestrum quos hic video nomina scripta sint in libro vitæ? Multi enim vocati pauci electi.*

3. Admirare tam sublimem finem creationis tuæ, vt in æternum fruaris DEO, viuas cum DEO.

4. Rumina & expende tam magnam DEI propter te resolutionem ac impensam sanè sumptuosissimam: quam, vt scopum æternæ prædestinationis assequeris, in vita sua contemptissima, & morte probrosissima ostendit.

5. Colloquere cum Domino DEO: Homo vanitati similis factus est, & quomodo mi Domine reputas eum, & apponis erga eum Cor tuum, vt inhabitet in domo tua omnibus diebus vitæ suæ, qui es te ipso beatissimus ac felicissimus?

6. Interroga Diuinam Clementiam: Quis effecit quia homo gratus factus est in oculis DEI, qui dignus erat æterno odio iræ DEI? vnde illi quia è massa æternæ perditionis ac reprobationis eum Diuina bonitas secreuit, qui merito suo eidem cum reliquis præscitis inuolendus erat?

7. Te.

7. Testare cælum & terram, quòd majori cum homine Dominus misericordiâ vsus sit, quàm cum omnibus Angelis Apostatis.

8. Alloquere iterum Dominum IESVM; & dic: Quæ tua mi Domine liberalitas & humanitas! potuisti hominem cum reprobis Angelis supplicio damnare perpetuo, & ecce non tantum pepercisti illi, verum etiam decreuisti pro illo homo fieri, & cum omni opprobrio mori?

9. Interroga te ipsum, quid pro his omnibus Domino DEO retribuisti? Eheu! reddidisti mala pro bonis, quia toties tam grauitè, tam impudenter Dominum tuum offendisti.

10. Non fle sed ejula cum gemitu cordis tui quia Diuinæ vocationi & ordinationi restitisti, & auxilia contempsisti. Sanctorum & Angelorum societate te indignum fecisti. Odium, & indignationem SS. Trinitatis incurristi. Fructu vitæ & passionis Domini te priuasti.

Pro Colloquio.

Actus Contritionis.

HEu me miserum! quid cogitavi, quid dixi, quid vnquam feci demens! Peccaui contra rationem, contra conscientiam, & in quem, & quis?

Egonè vile & projectum cadaver, nihili homuncio re quauis deterior, & nequior ausus sum, & qua fronte impudens in ipsius numinis & Angeli.

Angelicarum mentium conspectu, scelere meo impetere Creatorem meum, qui me ex nihilo fecit, Redemptorem qui me sanguine redemit, prædestinatorem, qui priusquam me formasset in vtero, nouit me, & antequam ex illo progrederer recordatus est in sua æternitate nominis mei, quasi guttulæ in vasto mari & arenulæ in vniuerso hoc!

O me infelicem! ergonè pro momentanea voluptatula infamis mercator D E O contempto æternos mihi ignium inferorum cruciatus comparari! Ah pudet me mei, etsi nemo alius conscius foret, quid vero erit, cum toti mundo reuelabuntur fæditates ac turpitudines meæ?

Sed quàm immani ingratitude vitio scelus est à me perpetratum, in eum, qui me tot beneficijs præuenit ac persecutus est! Quid tot beneficia contempsisse me amaro recordor animo? ô me ingratißimum!

O D E V S meus! peccaui! jam non sum dignus intueri altitudinem cæli, non sum dignus vocari creatura tua. Quid tamen faciam miser, quo fugiam à facie iræ tuæ? cui conquerar ô Domine omnia mala aduersum me, nisi tibi Saluatori & Redemptori meo!

O bone I E S V ne permittas me damnari, quem pretioso sanguine redemisti, Manus tuæ Domine I E S V fecerunt me, manus inquam illæ, quas cruci affixas tenes pro me, ergo opera manuum tuarum ne despicias, vulnera manuum tuarum precor vt aspicias, ecce in manibus tuis descripsisti me, fac vt nomen meum, hic beatæ præ-

prædestinationis liber per totam æternitatem adscriptum retineat.

Fieri etiam potest mi Domine, quòd sim damnandus, ergo saltem hic in vita mea volo satiari amore tuo Diuino. Imo si in ipsum fundum inferni descendero, etiam ibi volo & desidero te amare intensissimè, vt sic euacuato per amorem inferno, vbi solus amoris ignis deinceps arderet, omnibus damnatis te blasphemantibus, opponere me possim, clamando in æternum: Benedictus DEVS! Iustus Dominus!

Spero tamen mi Domine in bonitate & misericordia tua! Quid spero? Te ipsum! Animant me omnes miserationes tuæ, quas mecum ab infantia exercuisti vt non cessem sperare in te. Appello viscera tua Paterna, appello misericordiam tuam abyssalem, appello illum actum, quo crucifixus pro peccatoribus orabas, quo peccatores ex visceribus diuinæ tuæ misericordiæ saluare decernebas. Et spero in misericordia illa quod ego sim saluandus.

Tantam enim de te mi bone IESV habeo fiduciam, quòd licet millies plus peccâssem, quàm feci, sciremquæ, certò te grauissimè iratum mihi, attamen licet penes me esset eligere mihi iudicem, nullum tamen alium, quàm te eligerem, certiusquæ, à te misericordiam expectarem, quàm ab optimo meo amico.

Etenim si toties tamquæ; grauiter contra aliquem amicorum meorum, sicut contra te, peccâssem, certissimus essem, quòd mihi non ignosceret, licet charissima Mater esset. Si enim ei
ita

ita rebellis, ac injurius fuisset ac tibi, vel millies me abjecisset, & execrata fuisset. Tu verò post tot graues acceptas injurias, foves me nihilominus ac nutris.

Actus Amoris DEI.

O Bonitas infinita DEVS meus! ecquid est homo, putredo & cinis! ut tu ab æterno ad Salutem & beatitudinem æternam eligeres illum ac prædestinares? unde inuenit hanc gratiam in oculis tuis, quòd ostendere volueris diuitias misericordiæ tuæ in illo? Cur vnum mi Domine vilem & inutilem homuncionem elegisti & assumpsisti, & innumeros Angelos, qui semel tantum peccauerunt, reliquisti & projecisti?

Tunè mi DEVS super hujuscemodi peccatore dignum duxisti aperire oculos tuos? Tibinè mi Saluator ab æterno nos lutea vasa cordi fuimus ut non veniremus in obliuionem coram te? Tantinè nos æstimasti vilissima mancipia tua, rebelles tuos inimicos, immemor scelerum, ingratorum, ac vilitatum nostrarum? Quid aliud in nobis inuenimus, nisi omni-moda impedimèta, & obstacula æternæ saluationis, tuæ fruitionis, cui suauissimi complexus?

Quomodo te non exaltabo DEVM meum dignissimum salutis meæ? quomodo non benedicet tibi anima mea? quomodo tota se non euiscerabit exinanietq; in dilectionem Bonitatis & charitatis tuæ! O bonitas! ô benignitas! vti-nam ab æterno fuisset, & te ab æterno amare-potuis-

potuiffem! vtinā nunc faltem, amem te, fed amem ex toto corde, ex tota anima, amem millies millibus cordium, & igne ardentiffimorum Seraphimorum.

Vtinam femper te dilexiffem fuperoptime. DEVS, ex quo fum homo, quia tu me dilexiffi ex quo es DEVS! vtinam te magis ac magis diligam, quia eripuiffi animam meam de morte, quia refpexiffi canem mortuum & pulicem vnum.

O mi Domine! vtinam faltem ex hoc momento in æternum tot bonis prouocatus à te, non declinē à mandatis tuis, neq; derelinquam te fontem aquæ viuæ! fed cheu! nescio, nescio quid ierus vefper vehat; nam audio: Qui ftat, videat ne cadat: & poft hæc dona tua omnia horrefco, dum cogito, quòd ecce Domine mi, nifi tu adiuuares me, etiam hoc momento calcarem te, & rurfum crucifigerem te mihi pro tot fcilicet donis tuis.

En ergo, Saluator piiffime, minimus feruorum tuorum in timore & tremore fupplico tibi, ne me proijcias à facie tua, nec à participatione Sacratiffimæ Paflionis tuæ, fed iuxta magnam, mifericordiam tuam da mihi congrua falutis media, vt in æternum cum Eleëtis tuis mifericordias tuas concinam.

Eodem Die.

Meditatio Secunda.

De Beneficio Creationis.

Pralud. I. Constitue te coram DEO, & imaginare

K

ginare teipsum quasi vas quoddam recenter manibus DEI efformatum, Cogita tecum quo fine?

Prælu. 2. Pete vt finem ad quem creatus es cognoscere possis, & ad illum peruenire.

Punctum 1. **C**onsidera bonitatē DEI! quanta fecit animæ tuæ! nouisti quòd ante annos paucos nihil fueris, & nullibi. Ecce elegit te **DEVS** ex millibus imò infinitis possibilibus, & condidit in hunc mundum, vt thesauris bonitatis suæ te ditaret in tempore & æternitate.

2. Ad imaginem & similitudinem fecit te, quem ante præuidit vilem & inutilem, indignum & ingratum, inimicum sibi & exosum.

3. Creauit **DEVS** animam tuam eo fine, vt cognoscas eum, illum ames, ei seruias, & tandem saluus fias. Finis Sanctissimus, nobilissimus, celsissimus. Quid enim suauius, quàm amare amabilissimum, quid iucundius, quàm æternum cum & in **DEO** viuere?

4. Aperi oculos & vniuersum mundum vno quasi obtutu comprehende, in illo omnia tibi subiecta reperies. Tibi seruiunt Angeli, tibi bruta viuunt, diffunditur àér, fluit aqua &c. Vide homo, dicit totus mundus, quomodo amauit te, qui propter te fecit me: Seruio tibi quia factus sum propter te, vt seruias illi, qui fecit me & te, si accipis benignitatem redde humanitatem.

5. Lauda Dominum ob admirabilem potentiam

CHRISTIANVS. 141

tentiam & sensum in Creatione. Quia nimirum ex nihilo propter te tam multa, tam varia, tam solida, tam perfecta creauit.

6. Gratias agas pro beneficio existentie actualis, quam tibi Diuina bonitas contulit. Item quod habueris Parentes Christianos, ex quibus natus es non Iudæus, non Paganus, non etiam Hæreticus, sed Christianus. Quod natus sis cum membrorum integritate, complexionis bonitate, non cæcus, non claudus, non monstrum aliquod.

7. Humilia te ante DEVM & dic: O Domine! ego sum verum nihil ante te! & quid recordatus es mei, vt creares me, sciens me grauissimum fore peccatorem, & tuum capitalem inimicum?

8. Confunde te coram cælo & terra, & erubescere, quia toties deturpasti imaginem Domini DEI tui: quia toties rebellis factus es Creatori tuo, ita, vt iuste possit de te tactus dolore intrinsecus conqueri. Pænitet me hunc hominem fecisse.

9. Interroga Diuinam Clementiam, cur propter scelera tua sicut alter Nabuchodonosor non fueris toties in bestiam conuersus? nonne merebaris, vt te DEVS in canem, qui fatore peccatorum putidus fuisti, aut suem, qui non semel ad volutabrum sordium tuarum redijsti, aut in aliam bestiam, qui iumentis deterior & insipientior factus es. iuste verteret?

10. Miraberis, quod creaturæ te hucusque sustinuerint. Confiteberisq; te dignum jam priorem fuisse, quem dehiscens terra subrueret, aqua demer-

demergeret, ignis consumeret. Resume postea fiduciam, accurre ad pedes IESV, tene illos nec dimittas, donec misertus fuerit tui. Protestare in posterum de tua fidelitate, & emendatione vsq; ad mortem.

Pro Colloquio.

Actus Contritionis.

Pater peccaui in cælum & coram te, jam non sum dignus vocari filius tuus, sed nec creatura tua. Me miserum! quid feci ego demens? ubi est præcellens illa imago, quâ similitudinem Creatoris mei per omnia gerebam? ob grauissima facinora & factores peccatorum meorum denigrata est super carbones facies ejus; non est agnita in plateis cælorum, erepta est à consortio Angelorum, deputata est cum perditis inferorum

Dicarnè ô Domine amplius Creatura tua? non sum dignus Creatura tua esse, etiam in quacunq; pæna constitutus. Si enim ego solus haberem illam partem infernalem, quam omnes Dæmones & damnati habent, non sufficienter secundum peccata mea punirer.

Nemo tibi Domine tam ingratus exitit ut ego. Latrones ipsi & Sacrilegi perfectius tibi famularentur, si eos tot, ut me, affecisses beneficijs. Animalia ipsa pro captu suo tibi appropinquant: solus ego infinita turpitudine vitæ meæ à te recedo,

Nescio ô Domine! quomodo hucusq; sustinuerunt

nuerunt Angeli perduellem Creatori? quomodo perexerunt Sol & astra benignis me aspectibus obseruare? elementa confouere? quomodo non irruerunt in me volucres cæli, pisces maris & bestię terræ? Cur non insurgit in me rebellem tibi, & non clamat terra vsq; & vsq;. Quare tam nequissimum sustineo? cur non dicit àér: Quare non deficio? ignis: quare non comburo. Infernus; quare eum non deuoro? quomodo dignantur homines me societate sua? Profectò pijsime DEVS, ego deberem in sterquilino jacere à cæterorum hominum conuictu sequestratus, ne illos peccatorum contagione inquinarem.

Heu me miserum! quid dicam ô Creator! Creatura tua sum en perij! Creatura tua sum, jam morior! Dominus & Plasmator meus es tu, & nunquam vidi te! tu me fecisti & refecisti, & nondum noui, imò jam amisi te! Quid ramen miser faciam, recurram ad te, ô IESV, fontem misericordiæ.

Expande ô Domine expande super hunc nequissimum Seruum, pallium immensæ Clementiæ tuæ, cui proprium est misereri semper & parcere. Non pereat in malitia sua, quod operata est bonitas tua. Quæ enim utilitas in creatione tua erit, si descendero in corruptionem & damnationem æternam? Ipsa te vincat charitas ad saluandum me, quæ te vicit ad creandum me.

Fac iterum Domine IESV lutum ex spūto, & lini oculos meos, vt qui cæcus sum, videre valeam deturpatam in me imaginem tuam. Ite-

rum atq; iterum aperire digneris latus tuum, mihi nequissimo peccatori, vt oculi mei, qui de-
prædati sunt animam meam, in tuo latere in-
ueniant prædā suam.

Reduc Domine oculos tuæ Majestatis super
opus ineffabilis tuæ pietatis. Ego autem con-
tra meipsum armabor, & ero præ cæteris cru-
delior mihi Iudex. Et quia non sufficio me
detestari; contra me vniuersum creaturarum cœ-
tum congregabo, & à qualibet confundi & pu-
niri desiderabo, quia eorum contempsi Creato-
rem.

Actus Amoris DEI.

Siccine ô Creator meus: ô bonitas infinita!
ô DEVS plusquàm amabilis in charitate
perpetua dilexisti me, & ideo ad imaginem &
similitudinem tuam creasti me miserans mei?
quomodo ita amante me redamare potero?
Quā in re animum meum, & ingenium nunc
occupo, si non excogito mille modos, quibus
testificer me diligere te?

O mi sint corda mille, & millies mille, e-
aq; omnia plena ijs affectibus, ijs ardoribus,
quibus abundauit Cor IESV, Cor MARIE,
cor maximi Sancti tui, vt desiderijs meis, & a-
mori tuo respondeat amor meus.

O si ego solus omnium Angelorum corda
posuiderem, quibus te incessanter summum bo-
num, & vnicum animæ meæ centrum diligerem.
O si haberem omnium hominum amorem & af-
fectum, quo te mi DEVS complecterer.

O si etiam mi Domine tot habere possem corda, quot sunt in vniuerso creaturæ, vt illis omnibus earum nomine te diligerem & glorificarem, quas propter hominem condidisti, redens tibi debitum, quod illæ nequeunt, & cuius ego illarum causâ debitor sum.

O si possem singulas guttas aquæ, & singula grana arenæ maris, ac singulos atomos incensolos conuertere, pro gloria & honore tuo!

O si incessanter eâ amoris flammâ arderem, quâ ardent Seraphini, quâ ardet totum cælum, quâ ardes tu, vt omnes ad amorem tui succendere possem! O si in omnibus locis, in omnibus mundi partibus repleri possem, & ibi te amarem!

Sed superabundo gaudio Domine, & infinitas tibi gratias ago, quòd Tu ipsemet meum & omnium creaturarum officium suppleas in amando Te ipso & dignificando. Summo etiam gaudio afficior, quod quicquid creaturæ omnes præstare conantur tui amore, longè sit impar tuæ dignitati. Hunc ego ipsum amorem tui ipsius offero tibi in gratiarum actionem, pro omnibus thesauris beneficiorum in creaturas omnes effusis.

FERIA SECVNDA.

Meditatio Prima.

De Mundi Vanitate.

Pralud I. Statue te ante Christum Dominum
& admirare altissimam illius sapientiam respuen-

spuentem, quæ mundus amat, & præeligen-
tem, quæ mundus detestatur. Dic cum S. Ber-
nardo: *aut Christus errat, aut mundus, sed Chri-
stus errare nequit, quia æterna Sapientia est, er-
go errat Mundus.*

Pralud. 2. Pete, vt gratiâ Diuinâ adjutus, siue
blandientem, siue terrentem mundum, DEO
inimicum feliciter effugas.

Punctum 1. **C**onsidera, quomodo Dominus
IESVS inter plagiarior, pa-
tibularios, sceleratos deputatur, & ambiet Chri-
stianus magnus inter homines reputari? Intole-
randæ superbix est, vt vbi maiestas humiliatur,
vermiculus infletur & intumescat.

2. Aduerte, si quid sensus habes: Mundus
clamat, ego deficiam, caro clamat, ego inficiam,
diabolus clamat, ego interficiam, Christus dicit,
ego reficiam: cur tamen decipientem & interfi-
cientem, & non reficientem sequeris?

3. Considera, quia bona terrena, quibus hic
pascimur siliquæ sunt porcorum, quæ appeti-
tum nostrum infiniti boni capacem non explent
sed contaminant. Conuenitne ergo tanti Pa-
rentis filium siliquis porcorum ventrem infarci-
re? Decetne te Dom'nium tuorum pedibus sor-
didis conculcandum subdi?

4. Audi quid de mundo S. Bernardus senti-
at, ita ille: O homo! quid tibi cum mundo, qui cito
transit & concupiscentia eius? quid tibi cum terre-
nis diuinis? aurum & argentum Vere terra rubea
est & alba, quam solus error hominum, facit, aut
magis

*magis reputat pretiosa? quid tibi cum carne, quâ
haud aliud vilius sterquilinum inuenisti.* 2

5. Interroga damnatos, vbi deliciae vestrae
maledictae? vbi honores? vbi amatus pra DEO
mundus? Ah quàm infructuosè miseri in illis
inferorum tîremibus deplorantes responde-
bunt, & dicent, quod Ionathas Patri suo Sauli:
Gustans, gustavi paululum mellis & ecce morior!
Ita illorum quilibet Eheu! propter stillam vo-
luptatulae carnem titillantis, amisi, quo refici
poteram, torrentem voluptatis!

6. Alloquere omnes mundi amatores: O
miseri! quis ita fascinavit oculos vestros, vt
non videant vanitatem hanc, quâ maior nequit
inueniri sub sole! erumenae, quas hic mercator
perduellis mundus ostentat, vento magis quàm
aere turgent, coronae nitentes auro sentibus &
spinis horrent, torques aureae ferrearum com-
pedum instar, non honorant sed onerant, quid
vestes? bombycum excrementa apud nos, quia
rara, ideò chara.

7. Desce quantum potes cæterorum homi-
num insaniam, qui pro eo, quòd debeant dili-
gere Dominum DEVM suum ex toto corde
diligunt mundum, non mundi conditorem, di-
ligunt dæmonem DEI inimicum, non DE-
VM super omnia benedictum.

8. Elice contemptum rerum terrenarum, &
alloquere omnes illas nugas, quæ te à DEO
retrahunt, & dic: DEVS meus pender in pa-
tibulo, & ego vanitatibus & voluptatibus ope-

ram dabo? absit! non decet sub spinoso capite membrum esse delicatum.

9. Argue & desle tuam dementiam, quia stultus negotiator fuisti, dum pretio bonorum omnium extremum malum mercatus es.

10. Pudore suffundere, quia pro caducis, inanibus, fallacibus, æterna, solida, vera pectum dedisti, pro vna voluptatula animam, pro cæno cælum erogasti.

Pro Colloquio.

Actus Contritionis.

O Anima mea sceleratissima non vitâ, sed morte perpetua, ex tuis actibus digna, quid tibi cum mundo, qui in momento transit, & ejus concupiscentia? ô perfida anima, quid fecisti? ob vnam sordidam voluptatulam, de sublimi in profundum, de gratia in peccatum, de cælo in infernum cecidisti!

Quid ergo dicam infelix esca totius inferni homo miser, projectus à facie oculorum Domini Creatoris mei! vendidi cheu! animam meam sine pretio. Quid enim sunt hæc vniuersa, quæ Apostolus arbitratur vt stercora, quorum finis est interioris? Heu me de quanto bono in quantum malum cecidi! quò tendebam & quò deueni? quæsiui bona & ecce turbatio. ecce jam morior, & IESVS non est mecum, Certè melius mihi erat non esse, quàm cum his omnibus vanitatibus sine IESV esse.

Proh pudor! quem fructum habeo miser,
in qui-

in quibus nunc erubescō! Quid? caduca, vana,
& prope nulla infelix & insanus præferre non
erubui æterni Patris amorī & honorī?

Istane est ô bone IESV viuæ vocis tuæ
doctrina in operibus meis expressa? Pompasne
mundi & honores nudus in infami crucis ligno
suspensus docuisti? deliciasne carnis doloribus
grauissimis ad mortem compulsus prælegisti?
superbiamne Sathanæ in ultimo agone obedi-
entiam Patris fideliter prosequens professus es?

Me miserum! quānam fronte attollam jam
oculos ad vultum Patris amantissimi tam ma-
lus & peruersus filius? Pudet indigna gessisse
genere meo, pudet tanto Parenti vixisse dege-
nerem. Exitus aquarum deducite oculi mei,
operiat confusio faciem meam, gemitibus, quia
dereliqui te fontem aquæ viuæ, quia dilexi va-
nitatem, & persecutus sum umbras, quæ nos
fugiunt.

Et an aliquid ultra, me separare poterit à te
ô IESV! ô vita, ô amabilissima charitas! ô
omne bonum DEVS cordis mei & omnia!
cur oculos meos conuertam ad vanitatem, &
non potius ad te ô IESV, ubi solum, pu-
rum, & omne bonum meum? Abhinc, quic-
quid mihi dare vis ô DEVS meus, aufer to-
tum, & te solum mihi da, & sufficiet mihi.

Actus Amoris.

O Summum & vnicum bonum me-
um

um DEVS meus! hoc millies dicam, hoc millies repetam, DEVS meus & omnia! neq; enim vel majus dicere, vel majus cogitare, vel dignius optare possum, quàm hoc ipsum, DEVS meus & omnia! Alij alia quærant, alia desiderant, vnum ego DEVM quæro, DEVM desidero, DEVS meus & omnia! Opes & honores, voluptates & gaudia relinquo, montes gemmeos & aureos alijs non inuideo, mihi sit DEVS meus & omnia!

O DEVS meus & omnia! nihil quæso præter te requirat anima mea. Tu mihi sufficis Domine, ideo habens & possidens te, omnes mundi spes derelinquo, omnem libertatem, inclinationes connaturales abduco, omnia quæ mundus amat rejicio.

Sum etenim mi Domine, ita erga te affectus, vt etiamsi mihi ad voluptatem & absolutum dominium, tot deliciosissimi mundi darentur, quot sunt possibiles arithmetici numeri, nunquam defererem te, neq; præponerem illos tibi. Si omnia mundi bona haberem hoc momento, (si ita opus esset, & ad gloriam tuam cederet) illis amore tui renunciarem. Imò etiamsi cum æquali gloria tua & pari merito meo possem esse pauper & diues, vilis & honoratus, infamis & gloriosus, afflictus & deliciosus, eligerem nihilominus contemptum propter te, quia tu mihi sufficeres DEVS meus & omnia!

Duo sumus ô DEVS! Tu & ego! & nihil aliud! quia minus te amat Domine, qui aliquid

quid tecum amat, quod non propter te amat,
Extingue me Domine in corde omnium homi-
num, & cunctos homines in corde meo occide,
vt tu solus in me, & ego solus in te vitam.

O si etiam possem à cordibus omnium, a-
morem, qui non est tuus auellare & tuum inse-
rere, vt amore tuo omnes arderent & langue-
rent! vtinam tibi subdere possem mi DEVS!
omnia colla filiorum Adæ, vt te solum requi-
rerent & amarent.

Vtinam plurimi Sancti sint in mundo, qui
omnes mundi illecebras amore tui conculcent,
te perfectissimè æstiment, ament, honorent! vti-
nam omnes peccatores mundo dediti & immer-
si ad te conuertantur!

Produc Domine austrum ardentissimæ dile-
ctionis tuæ, qui nos omnes tam valido impe-
tu à mundo impellat in te, vt à nobis ipsis
translati, deinceps Spiritum non habeamus ex-
tra te.

Eodem Die.

Meditatio Secunda.

De Breuitate Temporis.

Pralud. 1. Statue te ante DEVM, cujus oculi
semper in te respiciunt, & quare: quot
sunt dies serui tui Domine, quoniam nume-
rus mensium eius apud te est?

Pralud. 2. Pete, vt totum tempus vitæ tuæ fru-
ctuosè impendas, & particula boni diei nun-
quam te prætereat,

Pun-

Punctum 1. **C**ogita, quænam occupatio Domini DEI tui? cogitare de te. Cur non reddis vicem Domino tuo?

2. Erubescere de tua ingratitude, qui cum scias DEVM continuò ita super custodiam tuam vigilare, veluti si totius creaturæ oblitus te solùm curaret & haberet, tu ex toto corde tuo, DEI tui obliuisceris.

3. Præsentis diei viginti quatuor horas in computum voca: quot ex his sæpiùs sibi rapiunt somnus non necessarius, gula, otium, ludi, confabulationes. O vitam miserrimam! hæcne tu ratione te DEO satisfacturum arbitraris? ita sanguinem Christi remuneraturum?

4. Interroga te ipsum, quot infernos tibi debet iustitia DEI, qui totum ferè vitæ tuæ tempus non DEI obsequio, sed mundi & Dæmonis impendis seruitio?

5. Finge regressum in vitam offerri ijs, quos jam in infernum præcipitavit DEVS, vnaque conijce, quàm sanctè concessos sibi dies agerent, quàm exactam & rigidam agerent pœnitentiam? & tu dicis: cras & cras, emendabo vitam. Cur non hodie, cur non hæc horâ finis malorum & turpitudinis tuæ?

6. Apprehende, quanta tibi exhibeatur gratia, dum tibi spatium pœnitendi conceditur.

7. Interroga Clementiam diuinam, quare tam diu te sustinuit, nec condemnari permisit? Quot jam millia animarum ardent in inferno, quæ minus peccauerunt! quis ligauit manus DEI vindicis tuorum scelerum? quid retribues

Domini.

Domino, quia tantum tibi contulit spatium pœnitentiæ?

8. Elice actum agnitionis, coram omnibus damnatis, quòd majori misericordiâ Dominus tecum vsus sit, quàm cum omnibus illis, qui minus peccauerunt, & tamen jam ad inferos descendunt.

9. Ingemisce cum S. Anselmo & dic: O DEVS meus! cur amari? quare concupiri in omni Vita mea quidquam prater te IESVM DEVM meum? cur intermisi illo tempore te IESV & versare in corde, te tota mente amplecti? Sibi eram quando tecum non eram? quò defluerunt, quando non te solum habuerunt desideria mea?

10. Obstupesce, quomodo tot annis, tot diebus à DEO tuo propter peccata tua elongatus & exclusus, esse & viuere potuisti?

Pro Colloquio. Actus Contritionis.

O Me miserum! quantum tu mihi Domine temporis dedisti ad te amandum, tibi seruendum! & quid ex eo jam superest? nihil mi IESV! nisi bonorum tantorum amissorum tristes recordatio, & malorum commissorum erubescenda memoria!

Infelix ego homo! quis me liberabit de corpore mortis hujus? vt quid viuo diutius! vt quid terram occupo ego lignum aridum & infrugiferum, ego semper ingratus in DEVM meum, & non nisi peccata peccatis toto vitæ
meæ

meæ tempore, accumulo, & sic thesauriso mihi iram in die iræ & iusti iudicij!

Heu me! iustus scelerum vindex, fortè jam inexorabilem sustulit manum, scribens contra me amaritudines, consumere me vult peccatis adolescentiæ meæ?

Quis dabit capiti meo aquam, & oculis meis fontem lachrymarum, & plorabo die ac nocte, quia serò te cognoui ô pulchritudo antiqua! serò te amavi, ô bonitas infinita, imo tam exositis peccatis offendi te ô misericordia mea! ô D E V S meus! ô me miserum! cur non amavi te semper, Amor semper amabilissime! semper infinite! Tu es in mediò cordis mei, & quomodo ad latus meum, ausus sum terrenum aliquid congregare?

Omnia corda hominum, qui sunt, fuerunt, & erunt, & omnes voluntates Seraphinorum & reliquorum spirituum, non sufficiunt, vt occupentur in D E O, cur ego pusillus homuncio, vnicum Cor meum occupabo in alijs vanitatibus, & non efficiam, vt tradatur D E O meo?

Serò nimium ad te venio ô I E S V Crucifixe! optimam vitæ meæ partem peccatis consecraui! vel nunc tempus est, vt gratiam tuam quæram.

Suscipe ô bonitas infinita D E V S meus in manus ineffabilis pietatis tuæ residuum annorum meorum. Pro his verò, quos viuendo perdidisti, quia perditè vixi, Cor contritum & humiliatum D E V S non despicias. Dies mei sicut umbra declinauerunt, & perierunt sine fructu,

tu, impossibile est, vt reuocem eos. Placeat, ergo, vt recogitem eos in amaritudine animæ meæ.

Volo dignissime DEVS, grandem hanc amoris iacturam nunc & singulis residuæ vitæ meæ momentis pensare. Volo amabilissime DEVS, vt abhinc totus Spiritus, totum Cor, totum corpus meum, tota vita mea viuat tibi vita mea dulcis. Addo, totus dies, totæ hebdomadæ, toti menses, toti anni mei viuant tibi æternitas mea.

Actus Amoris.

O Satietas cordis DEVS meus! nunquid non sufficis amanti? quid extra te euager? quid aliud desiderem? Eja quæso vulnera animam meam amoris tui jaculo. Imple omnia desideria mea, vt nihil me extra te delectet, nihil afficiat, te solum ardentissimè in omni creatura diligam, ad te semper æstuantissimis desiderijs toto vitæ meæ tempore anhelem.

Potesnè mi Domine sustinere, vt aliqua creatura non diligat te? quæso hoc in me non sustineas, sed irrumpas in cor meum, & vim facias mi potentissime, vt sicut tu à me amando cessare non potes, ita fac, vt & ego seruentius & intensius in singula momenta te amare possim.

O si te ab instanti conceptionis meæ cepissem amare & nosse! ô si primo rationis impetu mentem animumq; coniecissem obstrinxissemq; tibi mille votis, nulla postmodum culpâ dissoluendis! ô si pueritiam & iuuentutem sce-

leris puram incastissimis & sanctissimis tuis amoribus exegissem! Heu optima vitæ pars non ampliùs reditura vnquam, vt velociter fugisti, nec vidisti bonum! liceat mi Domine dānum hoc saltem desiderijs compensare.

Desidero abhinc Domine vt nullum sit deinceps momentum temporis & æternitatis, in quo tibi debitum amoris, laudis, venerationis, ac exaltationis non exhibeam, quod tibi deuotissimè Sancti & Electi tui exhibuerunt, & in æternum exhibebunt. Desidero vt omnis mea actio sit ad te aspiratio. Volo Domine, vt omne momentum vitæ meæ, omnis motus substantiæ meæ, omnis cogitatio & respiratio nihil aliud sit, aliud spiret nihil & sonet. nisi Sanctus, Sanctus Dominus DEVS.

O amor diuine! vtinam è singulis residuæ vitæ meæ momentis vsq; ad momentum extremum possem facere totidem secula amoris tui! fit in posterum omnis cogitatio mea, omnis respiratio, viuum holocaustum Amori tuo, & honori profundissima humilitate, altissima charitate oblatum.

Et quia omnes dies & momenta annorum, meorum non transegi in castissimis tuis amoribus ô vita mea dulcis IESV! omnia momenta vitæ tuæ Theandricæ, tum ea quæ ab æterno vixisti cum Patre, tum ea, quæ ex tempore viuere cepisti genitus ex Matre, & quicquid in illis à te gestum toleratumq; est tibi offero. Offero & SS Matris tuæ merita, ac omnium Electorum tuorum amoris incendia, labores, affectus

fectus cum his omnibus veluti nullius momenti obulum, infiniti valoris pretio junctum me ipsum & residuum vitæ meæ tempus, in tuum mi Domine omnimodum amorem & honorem offero & sacrifico.

FERIA TERTIA.

Meditatio Prima.

De peccatis.

Prelud. 1. Statue te coram DEO veluti reum aliquem grauissimorum criminum, qui stet ante Iudicem catenatus, vinctus manibus, & pedibus arctissimè constrictus.

Prelud. 2. Pete à DEO lumen, quo rectè malitiam peccati mortalis & miseriam agnoscas, & vt illud tibi ignoscat, si fortassis eo animam tuam aliquando contaminaueris.

Punctum 1. **C**Ogita quid sit peccatum mortale. Est offensa & contemptus DEI summi boni, imo voluntas perendi DEVM si perdi posset, cumq; perimendi quidam conatus, quo (vt ait S. Bern.) *homo peccando vult interimere aut sapientiam DEI, volendo ne suum peccatum videat, aut iustitiam volendo ne puniat, adeoque peccatum est quoddam in seipso Decidium.* Est demum sanguinis Christi conculcatio. Est rebellio creaturæ contra supremum Principem, & cum hoste ipsius Diabolo conjuratio.

2. Quæ damna operatur in te peccatum.

Primo peccatum te turpissimum facit, ac exosum omni creaturæ. Per peccatum mortale committis Sacrilegium, quia violas templum DEI: apostasiam, quia à mandatis DEI ad pedes Diaboli transis; quia datam fidem in baptismo frangis. Per peccatum amittis gratiam vniuerso orbe pretiosiore. Per peccatum iteratò Christum crucifigis &c. Vnde S. Thomæ Aquinati mirum etiam videbatur posse hominem aliqujus peccati mortalis conscium in eo damnationis æternæ periculo ridere vnquam & lætari. *Ribad. 7. Mart. S. Ludouicus Rex Galliarum maluit vitâ exui quàm fædari peccato mortali. Surius 25. Aug. Similiter S. Geminus.*

3. Considera, quanta fuerit iniquitas, malitia, & audacia tua, qui summæ bonitatis & Majestatis DEVM peccatis tuis aggredi ausus es, & eo vsq; amaritudine compleuisti ipsum. incircumscriptæ bonitatis Oceanum, vt dolor cordis, & pænitudine intrinsecus tangeretur, quod te hominem creasset.

4. Interroga teipsum, quid tibi malifecit DEVS! quare illum toties tam grauitè offendisti & contristasti? quid tibi dedit Damon, quia ad ejus pedes transijisti?

5. Admirare non esse vltas ipsas creaturas, omniaq; simul elementa contemptum & injuriam Creatoris sui à te per omnia irrogatam.

6. Testare cælum & terram, quod peccâris super numerum arenæ maris, quod omnibus peccatoribus & ipsis damnatis deterior sis.

7. Cogita te non tantum pejorem esse dæmone,

mone, sed ipso, qui fuit pessimus Dæmonum princeps: inter homines verò pejorem pessimorum pessimo ipso Iuda, qui Christum quidem vendidit, sed nondum mortuum vidit: pejorem ipso Antichristo, qui non toties vt tu, experietur in se Christi gratiam.

8. Exclama cum filio prodigo: Pater peccavi in cælum & coram te, jam non sum dignus vocari filius tuus, sed nec creatura tua.

9. Opta tibi tot lachrymas, quot sunt guttæ in mari, aut guttæ Sanguinis tui, quibus defleas miseram & miserabilem conscientiam & vitam tuam.

10. Projiciās te ad pedes IESV cum lachrymis postula veniam. Quid enim tibi superest misero, nè pereas miserè, quàm vt te conferas ad illum, cui proprium est misereri? Protestare, quòd abhinc eligas millies mori, quàm peccato fædari.

Pro Colloquio.

Actus Contritionis.

Heu me miserum! peccaui tibi ô bonitas! ô misericordia mea! peccaui & super numerum arenæ maris multiplicatæ sunt iniquitates meæ: non est peccatum super peccatum meum: non est iniquus super iniquitatem meam.

O si vastus in lachrymas vertatur Oceanus & exundet ex oculis meis! quis mihi det, vt præ acerbo dolore omnes guttæ sanguinis mei mutantur in lachrymas, aut lachrymæ mutantur in sanguinem, nec vnquam taceat pupilla oculi

culi mei! Quis mihi det, vt sit magna velut mare contritio mea, ex quo semper lachrymarum flumina exeant, & in illud intrent, vt iterum perenniter fluant!

O Pater misericordiarum! esto placabilis super multitudinem malitiæ meæ, quia vox sanguinis Fratris nostri I E S V Christi clamat ad te pro nobis de Cruce.

O I E S V! ô M A R I A! ambo offensi estis, sed ambo estis abyssus misericordiæ & dulcedinis, parce ergo misericordissime I E S V, parce seruo Matris tuæ, misericordissima Mater M A R I A, parce mancipio Filij tui.

Displicent mihi Domine: displicent singula peccata mea: quia ex se mala & peruersa, quia supremæ tuæ Majestati amabilissimæ bonitati ac voluntati injuriola: Odio perfecto, quo tu D E V S meus detestaris peccata mea, detestor odiq; & ego, odissq; volo in æternum. Horreo illa, & contremisco totus ad memoriam illorum.

O vtinam nunquam te mi D E V S offendifsem! non corde, non opere, non omissione, nec vlla prorsus ratione! vtinam prius extinctus fuisssem!

Spero tamen omnium ac singulorum peccatorum meorum plenam perfectamq; à te misericordissimo Patre condonationem. Propter bonitatem tuam, propter I E S V Christi amarissimam mortem, propter pretiosissimæ Filij tui Matris, omniumq; Electorum tuorum intercessionem & merita.

Actus amoris DEI.

O Charitas abyſſalis ! ô bonitas infinita DEVS meus ! quàm triſte quàm durū mihi eſt, quòd vnquam in te ſic & ſic peccauerim ! cur ô DEVS meus vel momento vnico receſſi à te ? cur tibi ô dulcedo animæ meæ tam amarus & felleus fui ? cur inebriaui te abſynthio, qui mille benedictionibus dulcedinis præueniſti me ?

O anima mea ! dic mihi : quid tandem illa bonitas illa miſericordia fecit tibi, aut in quo vnquam contriſtauit te reſponde mihi ? Eja diſrumpere inmani dolore vel nunc !

O mi IESV ! cur intermiſi vllò tempore te verſare in corde, te totā mente amplecti & delectari in dulcedine tuā ! Ad te nunc ô Amor ſuſpiro, clamo, anhelō. Te ſtringo intimis cordis mei medūllis, & totis præcordiorum affectibus. O ſi ſemper te ſolum cogitaſſem, te dilexiſſem digniſſime perpetuo amore DEVS ! O ſi omnia deſideria cordis tui adamuſſim expleuiſſem ! confidentius nunc irem in tuos amplexus Sanctiſſime amor ! nunc autem conſcius pudor infamem animam confundit reiſcitq; ad oscula pedum tuorum nitentem !

Et quid vltra poterit me diuellere & ſeparare à charitate tuā ô DEVS meus ! an voluptas brevis ! opes caducæ, honor falſus ? an vmbra vmbraſum, nugæ nugarum & vanitates vanitatum ? & iſtæ & illæ ? non facient ô bone IESV non facient ! In æternū ex hoc momento, tu es mihi carorum omnium cariſſimus, tu dulce-

do, tu vnicum centrum cordis mei, & vita animæ meæ, tu thesaurus, diuitiæ, & delicia meæ.

Te solum mi I E S V ex hoc momento querere, te solum ex toto corde diligere constituo. Et non solum corde meo, sed etiam omnium ac singularum, possibilitumq; creaturarum, omnibus genere, specie, numero, possibilitate, distinctis desideriis cordibus & affectibus vellem te mi D E V S amare: idq; in omni istorum omnium desideriorum intentione ab ipsa pretiosissima Parente, I E S V q; Christi humanitate elici possibilibus: ac etiam in extensione ad omnia loca, & spatia etiam imaginaria extensione quoq; ad omnia tempora, ad omnia momenta æternitatis tam ante quàm post.

Eodem Die.

Meditatio Secunda.

De morte & circumstantijs ejus.

Pralud. 1. Imaginare te in extremis constitutum. Efferi Christi cruci affixi imaginem, accendi cereum, atq; intonari tibi à Sacerdote: Proficiscere anima Christiana; plurimis interim circum orantibus, & animæ excessum præstolantibus.

Pralud. 2. Pete vt ante mortem diligentem rationem temporis & occasionis, quæ modo offeruntur habere possis.

Punctum 1. **C**onsidera, quia in separatione animæ & corporis, anima cuiusq; suam ingreditur viam. Ah! quam viam tuam.

tuam ingredietur? si tunc à corpore separata foret, quid cum illa fieret? dignanè esset, vt. ab Angelo deduceretur? dignanè esset, cui Mater Virgo obuiaret?

2. Reuoca tibi in memoriam, quæ tibi in morte erunt graua. Erit graue, quando ponetur ante oculos tuos imago crucifixi! & quomodo in eum quem pupugisti, cuius sanguinem peccatis tuis conculcasti oculos desiges? Erit graue, quando dabitur lucerna in manu index bonorum operum, quæ non thesaurizasti.

3. Considera extremum cum vita agonem & angorem mortis, quando in clamabitur auri- bus, vt corde saltem, si non ore te DEO com- mendes. Quo pacto etiam Sanctissimi viri magno metu tunc concuti solent, vt S. Hilarion etiam clamasse dicitur: *Egrede anima mea, septuaginta annis, seruisisti DEO, quid times?*

4. Cogita, quomodo tunc totus pallefces, oculi concident & euertentur, pectus palpitabit, cor supra modum saliet, interius verò cum ma- ligno Spiritu bellum geretur.

5. Concipe insuper affectum maioris timo- ris, quia in illo iudicio particulari vides iudi- cem iratum, qui te conturbato vultu respiciens ad tuam confusionem aperit cicatrices & cruenta vulnera, tibiq; tuam ingratitude, malitiam & impietatem exprobrat.

6. Imaginare quòd audias Angelum tu- um custodem contra te instigantem, omniaq; occulta peccata tua coram Iudice recensentem.

7. Puta te videre à sinistris Diabolos terri- biles.

biles vt catulos, leonum rugientes, & præparatos ad escam, tibiq; inclamantes: *Euge, euge denorabimus eum.* Qui etiam motus desperationis excitare solent & dicere: *si iustus vix saluabitur, impius & peccator vbi parebunt?* Et: *Qualis vita, finis ita*

8. Interroga te ipsum, quid tunc miser facies, quando infra te os inferni apertum, tetrum odorem exhalans aspicies? intra vermem conscientia senties: sursum cælum occlusum & DEVM iratum conspicies, ad tanta quomodo non deficies?

9. Gralias age diuinæ bonitati, quia tam diu te sustinuit, & concessit tibi spatium penitentia, vt pretiosam in conspectu ejus mortem promereri, & à morte peccatorum pessimâ liberari possis.

10. D. testare peccata tua, quæ te sola perdere possunt, & mortem æternam adferre, & statue firmissimè nunquam deliberatè peccare.

Pro Colloquio.

Actus Contritionis.

O Inscrutabilis abyssus pietatis Domine DEVS meus; quomodo apparebo ante faciem tuam in illa terribili hora exitus animæ meæ de corpore, portans iniquitatem meam, reatum deperditionis vitæ meæ, & pondus multæ nimis negligentia meæ. Talentum temporis mihi creditum non solum expendi in vanum, sed & amisi,

amisi, depravaui & perdidit totum. Quo ibo, quo me vertam, & quo à facie tua fugiam?

Væ ingratitudini, impietati, & cæcitati meæ, quia peccaui Domino, quia te DEVM meum offendi, qui vt me exaltares, humiliasti, te vsq; ad mortem mortem autem crucis. O lachrymæ vbi vos subtraxistis, vbi estis fontes lachrymarum!

O æquissima DEI mei Iustitia, quæ nulum peccatum impunitum relinquis! cum omni humilitate accepto sententiam mortis meæ egredientem ab ore tuo, tanquam dignum supplicium, quod millies & millies promerui malo vsu vitæ meæ.

Accepto separationem corporis & animæ meæ, fateorq; has geminas partes essentia meæ esse hanc pænâ dignissimas, quò toties vnâ conspirauerint in transgressionem mandatorum tuorum.

Accepto priuationem vsûs omnium sensuum meorum, quia januæ fuerunt, per quas peccatum intrauit in animam meam. Accepto putrefactionem & corruptionem carnis meæ in pænâ illecebrarum, quas prætuli diuino amoris tuo, & consentio, vt sub terram abijciatur, quia animam meam, ne se in cælum attolleret, impedivit.

O mi DEVS! accepto solitudinem tumbæ atq; sepulchri mei ad reparandam injuriam, quam irrogavi Majestati tuæ, amando & sectando societates, conuersationes, & amicitias creatura-

turarum, quæ me toties auerterunt, & fortè etiam separarunt à Sancto amore tuo.

O Diuina iustitia, quàm recta sunt iudicia tua! vt per hæc ipsa nos punias, per quæ te offendimus! puni ergo me DEVS, puni superbiam, & vanitatem meam per humilitatē mortis meæ. Puni sensualitates meas per dolores & acerbitates ægritudinis meæ. Vlciscere cupiditates insatiabiles auaritiæ meæ. Et dum iustitia tua exequitur sententiam condemnationis meæ, ego cum Fratribus Iosephi dicam humiliter: En tandem DEVS vlciscitur illatas sibi injurias. Et nos iustè hæc patimur, quia peccauimus non tantum in Fratrem, sed in DEVM nostrum.

Actus Amoris DEI.

Quid possum mi DEVS facere ad declarandum tibi ardorem amoris mei pro omnibus, quæ tu tribuisti mihi, nisi vt tibi sacrificem & offeram vitam meam?

Quod pignus amabilissime IESV reddam tibi amoris mei, vt aliquantum accedat ad excessum illum incomprehensibilem amoris, quo tu acceptasti mortem crucis amore mei, qui non tantum pati, sed & ignominiosè coegit te mori pro me in cruce inter duos latrones, tanquam caput omnium sceleratorum scelestissimum & infame!

O Saluator amabilissime, cum te in hoc miserando statu mori videam amore mei, nonne oportet Cor meum aut saxo durius aut glacie frigi.

frigidius esse, aut me ardere & mori in flammis amoris tui? O IESV amor meus, cur non habeo mille vitas, quas relinquam amore tui?

O si in mea dispositione & potestate essent, omnium hominum vitæ, protestor mi DEVS! quod darem illas omnes libentissimè pro tuo amore. O possim saltem mori morte per omnia simili illi, quam tu Domine pro me subijisti! O gloriosi Sancti Martyres, quàm vestram vobis gloriâ inuideo, qui Saluatori meo vitam pro vita, sanguinem pro sanguine reddidistis!

O IESV amore mei crucifixe! siquidem non sum dignus mori & effundere sanguinem meum amore tui intra manus carnificum, saltem volo totam vitam meam gloriæ & amoris tuo dedicare. Utinam & vitæ halitus, quo animam efflabo, halitus amoris sit. Moriar amore tuo DEVS meus, & quia vitam ab amore non inchoavi, da mihi vitam amore finire, vitæ meæ actus sit amare.

Hoc etiam insuper de me certum tibi esse velim ô dulcis amor DEVS meus, ut cum etiam virtus loquendi mortis horâ defecerit, & te dulcissimum meum IESVM amplius proferre non valebo, supplex peto, ut saltem nutus oculorum, vel extensio digiti, vel palpitatio cordis, sit innouatio & confirmatio omnium desiderabilium affectuum, verborum, atq; operum præteritorum, ac futurorum, quæ usq; ad extremum iudicii diem amore tui cum deuoto famulatu offerre vellem, si tamdiu vivere possem.

FERIA QVARTA. Meditatio Prima.

De Iudicio Vniuersali.

Pralud. 1. Imaginare quòd videas, quomodo Angeli tuis assumptis, omnia horrendo sonitu complent, mortuosq; è cineribus ad summum Iudicij tribunal citantes intonant: surge mortui.

Pralud. 2. Pete gratiam, quâ illuminatus præcognoscas, & animo præsentias horrorem iudicij, & discrimina, quæ manent impios, præcipuè malos Christianos, in futuro DEI iudicio.

Punctum 1. **M**ente concipito te videre innumeras hominum myriades à quatuor mundi partibus in vallem Iosaphat congregari. Sed ah! quali differentia? Plurimi enim comparebunt, in corporibus sædis, deformibus, horridis! quid de tuo speras corpore? an gloriosâ & coruscanti, an tetrâ & horribili apparebit formâ?

2. Imaginare, quòd sub tuum conspectum ex infernali abyssò, aliqui infelices raptentur damnati in squalidis corporibus, ardentibus onerati catenis pallidi, vermibus scatentes, vlcerosi, verbo velut quædam monstra horribilia.

3. Imaginare, quòd videas plurimas Dæmonum cateruas, quorum plurimi contra te fremunt & instigant: item quòd audias Angelos, institus diuinos & omnia beneficia tibi recententes,

con-

conscientiam propriam viscera tua corrodentem
& te inculantem

4. Puta te videre iratum Iudicem assurgere, eundem cruenta vulnera ostendere, quibus veluti tot linguis loquetur damnatis: Ecce hominem, quem crucifixistis, videte vulnera quæ infixistis: agnoscite latus quod pupugistis, quoniam per vos & propter vos apertum est, nec tamen intrare voluistis. Tunc demum indignabundo vultu dicit: sanguis meus sit vobis in condemnationem, *Ite maledicti in ignem æternum.*

5. Contemplare Dæmones reproborum, Carnifices, auditæ Iudicis sententiâ velocissimè ad prædam suam accurrere, viuos ignitis compedibus oneratos, in stagnum sulphure & flammis horrens cum summa rabie pertrahere.

6. Intuere apertam teterrimam abyssum infernalem fumo denigratam, in illaq; conspice fornaces sulphureas, turbidos fumos, vasa toxico & felle plena, ferramenta ignita, quibus cruciantur damnati

7. Imaginare, quòd post feralia Iudicis verba tanquam è flammeis nubibus excussa tonitrua, audias stridorem dentium, maledictiones, execrationes, horribiles in DEVM blasphemias damnatorum clamantium: Væ! væ nobis miseris! cur nati sumus? cur lucem vidimus! cur non felicitas bestiarum datur nobis!

8. Interroga te ipsum: potestnè fieri, ut tam horribilis sententia irati Iudicis, ac æternæ reproborum confusio & perditio, medullas ossum tuorum non penetret?

9. In-

9. Inquire ex anima tua: an non millies propter pessimam vitam & malitiam suam audire meruit hanc terribilem sententiam ex ore iusti Iudicis. *Ita maledicta in ignem æternum.*

10. Ingemisce & ejula, quia DEVM tuum incircumscriptæ bonitatis Oceanum eousq; amaritudine toties compleuisti, vt dolore cordis intrinsecus tactus, te opus manuum suarum maledicere, & execrari debeat.

Pro Colloquio.

Actus Contritionis.

O Anima mea miserabilis! & quid est, quod innumeris coinquinata peccatis infelicissimum tuum statum non consideras? cur non paves ludicis vultum ipsis quoq; tremendum Angelicis potestatibus? cur non contremiscis ab ira Potentis, à facie furoris ejus, à fragore ruentis mundi, à conflagratione elementorum, à tempestate valida, à voce Archangeli, & à verbo aspero?

Cur non contremiscis anima mea à dentibus bestię infernalis, à ventre inferi, à rugientibus præparatis ad escam? cur non horres vermem rodentem, & ignem torrentem, & Spiritum procellarum?

Heu me miserum! quid dicam vel quid faciam, cum venerit tempus tremendi iudicij? quis eruet me de manu potenti, & brachio extento contra me? quis præservabit me à ventura, ira ab æterna morte, à laqueis infernalibus?

quid

quid faciam, cum cæli reuelabunt iniquitatem meam, & aduersum me terra & omnis creatura confurget?

Quid dicam infelix esca totius inferni? incidam in foveam quam feci? nunquid laqueo desperationis præcurrere contendam sententiam quam merui æternæ damnationis? Absit! recurram ad pedes tuos mi dulcis IESV!

Recordare IESV pie, quòd sim causa tuæ viæ: ne me perdas illa die. Die illâ tremendâ, quando cæli mouendi sunt & terra; quando veneris iudicare, noli me condemnare. Quærens me sedisti lassus, Redemisti crucem passus; tantus labor non sit cassus. Sedisti lassus ad fontem: flexisti lassus in horto: steristi lassus ad columnam: iuisti lassus ad montem. Ah! tantus labor & dolor, sudor & cruor: tantus amor non sit cassus.

Caro tua sumus ô Iudex viuorum & mortuorum. Sanguis tuus sumus, membra tua sumus, qualiacunq; tandem Carnem igitur tuam ne despexeris Carnem tuam odio ne habueris, Carnem tuam ne condemnaueris.

Non gloriamur de nostris meritis, in hoc soli gloriamur, & confidimus, quòd membra simus illius corporis tui, quod pro nobis passum, crucifixum, mortuum, abundè pro peccatis totius mundi satisfecit. Quamobrem si merita à nobis quæris, ecce tibi proferimus meritum carnis tuæ, meritum passionis tuæ, meritum mortis tuæ. His meritis freti coram Tribunali tuo nos sistimus intrepidi. Nescia sunt, quia nostri

M

sunt

sunt capitis, nostri sunt corporis, cui per lacrum regenerationis in virtute sanguinis tui incorporati sumus.

Tua merita mi IESV ponimus intra nos & iudicium tuum, aliter tecum iudicio, contendere recusamus.

Actus Deprecationis.

O Bone IESV: plene misericordiâ & pietate; ne me perdat iniquitas mea, quem fecit omnipotens bonitas tua, *recognosce*, quod tuum est, & absterge quod alienum est. Misere mei benignissime IESV dum tempus est miserendi ne damnes me in tempore iudicandi. Quæ enim utilitas in sanguine meo, si descendero in æternam corruptionem & damnationem?

Non patiaris benignissime DEVS, ut quem in filium adoptasti, tota æternitate habeas inimicum. Non patiaris, ut cui naturæ tuæ infudisti imaginem, ille tuorum hostium præda fædissime dilaceretur. Non patiaris ut cui inter cælestes Spiritus lumen gloriæ præparasti, ille ad inferorum tenebras condemnetur. Non patiaris, ut quem cæli sedibus destinasti, ille damnatorum incendijs triste pabulum obijciatur.

Hoc, tuæ bonitatis inclinatio, hoc, naturæ tuæ benignitas suadet, hoc, paterni affectus suauitas exigit; hoc, viduata Angelorum sedes suspirant, hoc, sanguis filij tui postulat, qui clamore valido interpellat pro nobis, ut miserearis mei in tempore iudicandi. Exhibe hoc mundo amœnissimum spectaculum; ex quo discat, nunquam
apud

apud te irritas esse pœnitentium preces; & quoties contrito corde timeris Iudex, toties te Patris affectum exhibere.

Si verò Domine DEVS, placebit tibi damnare & proicere me in æternos cum reprobis gehennæ cruciatus, hoc decretum libentissimè accepto, hoc tamen vnicum postulans, vt in illis ardoribus sempiternis majori amoris tui igne, quàm flammis inferni ardere possim. Et dum tibi omnes ~~Demones~~ & damnati rabido ore maledicent; ego inter blasphemias eorum, intensissimo affectu & amore clamare possim incessanter: Benedictus DEVS! misericordiam & iudicium cantabo tibi Domine! Quia dignus es Domine, vt in omni loco dominationis tuæ benedicat tibi quæuis anima & laudem tibi dicat: tum quia adhuc citra condignum punies me. Scio enim Domine omnes gehennæ pœnas non sufficere ad vlciscendas & dignè puniendas tot & tantas meas contra te offensas: cum vnica mortalis offensâ gehennæ supplicia mereatur æterna.

Eodem Die.

Meditatio Secunda.

De pœnis Inferni.

Pralud. 1. Interroga te ipsum: Quo discedis peccator cogitationibus tuis! vt tuæ tam peruersæ vitæ horrorem concipias, ad tenebrosam, horridam, fœtidam, ac fumo denigratam inferni cauernam te conuertere.

M 2

Pralud.

Pralud. 2. Humiliter supplica, vt igne diuini amoris emolliatur, & liquefiat peccatis induratum cor tuum, ex quo vberimæ lachrymæ fiant, ne in locum tormentorum descendas.

Punctum 1. **S**tatue te in fundo inferni coram illis igneis & fumosis cathedris damnatorum, Aspice in hac terribili fornace refertâ flammis inextinguibilis ignis, innumera damnatorum inextinguibilis ignis, innumera damnatorum ejulantium & vlulantium millia, & quomodò ex oculis, naribus, ore ardentem & sulphureas ignis flammâs, quibus aduruntur, spirent,

2. Interroga te ipsum, potesne tu his ardentibus prunis vnica tantum manum, vnus duntaxat horæ spatio immittere? quomodò in iisdem æternum cruciari sustinebis?

3. Conuerte te ad aliam partem ad gelidissimum illud stagnum glaciæ, cui damnatæ animæ ex ardentissimis ignibus immani cum furia immerguntur. O glaciæ! ô gelu horridum! Heu quis frigidissimo hyemis tempore per vnâ horulam nudus immerfus glaciæ stare posset?

4. Insuper considera, quia continuò damnatorum aures puniuntur infelicissimis gemitibus, vlulatibus, terribili rugitu. Ah! qualis hæc musica æternum non finienda! quàm canina est hæc musica!

5. Aspice, quomodò à venenosissimis bestiis alij torqueantur, cum capillis eorum serpentes cerebro

bro ranæ, visceribus vermes, pectori basilisci, dorso dracones adhæreant.

6. Imaginare, quòd audias maledictiones damnatorum, maledicentium diem, in qua nati sunt, Parentes, complices scelerum. Item execrantium Christi Incarnationem, Passionem, mortem, gloriam, Christi Matrem, Sanctos omnes; peccata propria non ad pœnitentiam sed rabiem.

7. Imaginare quòd sentias factorem ex ambustis damnatorum cadaueribus. Caro enim verminans & putrida prunis imposita quale thus redolebit!

8. Puta te videre damnatos arctè vinctos sicut canes ac porcos fœtidos, sicut haleces in canistro, sicut lateres ardentes in fornace, sicut hædos jugulatos in macello, continuo conturbari, gemere, fremere propter Dæmones insultantes, & vermem conscientiæ eorum viscera corrodentem, & illis continuò exprobrantem: En tanquàm bestia, tanquàm canis putridus à DEO in hanc cloacam projectus es! en frustra pro te Christus mortuus est!

9. Inquire nunc ex anima tua: an non milies jam pridem has flammæ infernales, illa horrida tormenta suis sceleribus debita promeruit? quis continuit vltices Christi manus, ne tua tam exosa puniret scelera? quis obstruxit os inferni patulum, ne excæcatus peccatis, eo præceps cum cæteris descenderes?

10. Elice actum agnitionis coram omnibus te viuente, in infernum detrusis, quòd majori te-

cum misericordiâ Dominus vsus sit, quàm cum illis omnibus, neq; cum illis damnari permittit. Denum postula indulgentiam, & spatium pœnitentiæ.

Pro Colloquio.

Actus Contritionis.

Quis dabit capiti meo aquam, & oculis meis fontem lachrymarum, vt præueniam fletibus fletum, & stridorem dentium, & pedum dura vincula, & pondus catenarum præmentium, stringentium, vrentium, nec consumentium? Heu me Mater mea, vt quid me genuisti filium doloris, filium amaritudinis, & plorationis æternæ? cur exceptus genibus, cur lactatus vberibus natus in combustionem, & cibus ignis?

Heu me! factus sum sicut Sodoma, combustus sum sicut Gomorra! Quis miserebitur cineri meo? O quàm acerbus est fructus peccati amarior felle, crudelior gladio!

Væ animæ meæ peccatrici! væ mihi quia tibi Domine soli peccaui nimis in vita mea & malum coram te feci: cui vni soli semper à me, & ab omnibus creaturis summa laus, honor, amor, & gloria debetur: omnibus autem creaturis à te tua benedictio, gratia, & miseratio: sed quia solus ego peccaui tibi, idcirco nulla mihi à te debetur venia, gratia, & miseratio, sed potius omnis tuus furor, ira, damnatio, & perditio. Idcirco infernus domus mea est, ego inferni incola & hæres sum.

Idcirco etiam omnes damnatos, reprobos, præ-

præscitosq; ex inferno facessere, ac mihi locum meum cedere jubeo: quia præ me omnes illi innoxij sunt, & præ omnibus illis mihi vni & soli infernus debetur: ego solus inferni pœnas pœnis meis exhaurio, & adhuc inferno dignus sum alio atq; alio. Idcirco etiam infra omnes Luciferos, Asmodæos, Beelzebubos, infra Cainos, Iudas, Pilatos descendo ac me demergo: omnibus enim ingratis, perfidis, abjectis, malignis, ego magis ingratus, perfidus, malitiosus.

At misericordissime Domine, quamuis ego infelix commisi multa nimis, vnde me iustissime damnare & abicere in æternum debes: quia tamen tu misericordiarum Pater non amisisti, vnde misericordissime saluare potes: propterea ego de profundissimis miseriarum mearum abyssis clamo ad te: Tibi soli peccaui & malum coram te feci, miserere mei: Istud in me peccatisq; meis displicet, quia tibi soli peccaui. Amare cordialissime & æltimare te solum super omnia debui, & tibi soli peccaui.

Non ergo Domine deprecor amissionem cæli, aut deprecor supplicium inferni, sed deprecor offensam tuam. Nec ardere metuo, sed peccasse doleo. Nec me contristat damnum meum, sed afficit & affligit injuria tua & iniquitas mea.

Actus Amoris DEI.

O DEVS meus! quanta mihi felicitas eueniret, si possem ego supplere defectum pravorum Angelorum, prosequendo te actibus illis

amoris, quibus ipsi prosequi te deberent, & non solum ipsorum defectum, sed etiam hominum damnatorum, qui pro amore & laudibus execrabili contra te odio iraque flagrant longè pejus, quàm flammis inferni.

O si per meam ad inferos relegationem & condemnationem honori & gloriæ tuæ posset aliquid accedere, rogarem te hanc gratiam. Et si mihi in profundissimo interni loco sedem præparares, in quem ego maximus totius orbis peccator & abominabilissimus recluderem, & tantquam incus omnium carnificum malleis exposita tormenta omnia, quæ sunt, fuerunt, & erunt, meo corpore excipere possem, quæ omnibus Dæmonibus & damnatis debentur, ego ex cordis mei intimo affectu offero me continuò ad has pænas subeundas, plùs inde capiens voluptatis, quòd inferno exhausto, nullæ amplius blasphemix in te DEVM meum erumpereht, & ex tot animarum redemptione, quæ te DEVM meum æternis laudibus prosequerentur, quàm de mea vnius salute.

Amo te DEVS meus, quàm intensissimè possum, & opto supra id, quòd possum, omnes omnium creaturarum affectus & amorem transferre in te, odium peccatorum omnium & damnatorum in tui amorem, blasphemias eorum in laudem tui commutare, arenas omnes, & guttas, & atomos in ardentissimos Seraphinos.

Et quia te amo mi Domine! malletm ex voluntate tua acerbissimas inferni pænas sine fine tolerare, quàm sine te gaudijs perfrui sempiternis.

ternis. Ibi enim locus meus est, vbi est locus majoris gloriæ tuæ, paradysus sine majori gloria tua, infernus mihi esset, infernus autem mihi paradysus erit cum majori gloria tua.

FERIA QUINTA.

Meditatio Prima.

De Gloria Cælesti.

Prælud. 1. Contemplare magnificentiam, altitudinem, & pulchritudinem illius ciuitatis supernæ, quæ margaritis & auro ornata constat; odores suauissimos spirat, radijsq; splendidissimis vndiq; illustratur.

Prælud. 2. Roga vt prægustatis interiori sensu istis paradisi cælestis delicijs, & Ægypti pepionibus ac paludibus cænosis, mundi inanes siliquas ac sordes nauseabundus semper despicias.

Punctum 1. **F**Inge animo te per ciuitatem cælestem ambulare: in eaq; palatia vicos, hortos, Reges, Cæsares, aliaq; similia intueri. O Patriam desiderabilem!

2. Erige postea oculos ad altissimum hujus cælestis aulae fastigium, ibiq; conspice SS. Trinitatem in coruscanti & splendidissimo throno gloriæ suæ innumeris Angelorum millibus cincto residentem.

3. Intuere ibidem gloriosam Christi Humanitatem, ac cicatrices ejus mirificè resplendentes. Ad latus Filij inspicere Reginam cæli stellis coronatam,

natam, ac omnes Beatorum cætus velut lucidissimos soles.

4. Expende tecum, quomodo felices illæ cæternæ simul cum Angelis gaudeant, & in continuis cantibus & suauissimis symphonijs vitam jucundissimam viuant. Quàm fragrantia lilia! quàm odoriferæ rosæ videntur esse singuli!

5. Cogita quantâ felicitate delicijsq; Beati in singulis sensibus corporum & animæ potentijs perfruantur. O felicem æternitatem!

6. Gratulare Sanctis omnibus tantam gloriam & beatitudinem, tantam summi boni possessionem & æternam fruitionem.

7. Accendere famelicissimo desiderio adnumerandi & adjungendi te Sanctis, cum illis DEVM videndi, DEVM possidendi, & cum SS. Angelis de illorum felicissima beatitudine participandi.

8. Concupisce quàm plurimos Sanctos, quàm maximos, ut ab ijs DEVS laudetur, honoretur & exaltetur, & quibus viduata cælestis Hierusalem instauretur.

9. Confunde te coram cælo & terra, quòd tantum deuiaueris à via gloriosæ Sanctorum habitationis, & æternæ DEI visionis, quòd pro voluptatibus tam sordidis deserueris æternas & infinitas cæli delicias.

10. Arguendo tuam stultitiam exclama: O magna domus DEI! o patria desiderabilis, quàm vilis mihi fuisti, & quàm turpiter te pro nihilo toties contempni!

Pro

Pro Colloquio.

Actus Contritionis.

O Periat confusio faciem meam Domine DEVS meus, quia tam dissimilis factus sum fratribus meis & filijs matris meæ Ecclesiæ! Heu quomodo apparebo in conspectu tuo Domine, & in concilio iustorum tanta charitate ardentium! Illi cum timore & tremore operabantur salutem suam. Alij castigabant corpus suum, & in seruitutem redigebant, cæteri non vestiebantur molli- bus, sed de pilis camelorum tegebant lumbos suos.

Alij ludibria & verbera experti sunt, lapidati sunt, secti sunt. Ego autem vilis, exosus & ingratus peccator, non tantum crucem propriam tollere & Sanctis tuis assimilari renuo, sed etiam, quod grauius est, te DEVM meum centrum omnium bonorum grauis- simis peccatis offendere non desino.

Quomodo ergo tam exosus peccator dignus erit aliquandò DEO, qui offendit & contempnit DEVM? quomodo possidebit DEVM, qui eum abiecit? quomodo videbit intuitivè DEVM, qui totum intellectum auertit à DEO? quâ fronte gratiam requireret, qui æterno odio eis dignus? & cui pœna debetur, qua temeritate gloriam deposcet? Quid mi Pater dicam, merui mortem, & præsumam petere vitam? non- nè dulcem affectum Patris stultus exacerbat Filius, qui post illatas Patri contumelias adhuc contumax hæreditatis sibi usurpat celsitudinem?

Ergo-

Ergonè mi Domine, & ego deinceps audebo te offendere & nihilominus petere regnum tuum? Ergonè deinceps audebo delicatus miles molli strato vti, indui splendide & epulari? si beati qui lugent, eheu! quomodo felices erunt, quibus nil placet, nisi jocus, cibus, & ludus? Itanè me non pudebit sub spinoso capite membrum esse delicatum? Quomodo potero carni indulgere ac nihilominus petere regnum tuum, qui non habuisti mi IESV vbi caput tuum reclinares? qui & fame cruciatus fuisti & felle potatus?

Eruntne fortiores ac prudentiores filij huius sæculi, quàm serui tui? tolerabunt illi omnia pro supplicio, & ego nihil pro præmio æterno? An ad hoc veni ô bone IESV, vt ignauus sicut miles in castris tuis?

O DEVS cordis mei! non vltra mihi sapiet mundus aut bona illius, quando gustavi & vidi, quàm suavis sis Domine! Imo etiam ignis, crux, bestia, contractio ossium, membrorum diuisio, & totius corporis contritio, & tota tormenta Diaboli in me veniant, tantùm te DEO meo fruar.

Aspirationes ad Celestem Patriam.

O Domus DEI magna & spatiosa nimis, quando inhabitabo te! ô terra viventium quando viuam in te! ô ingens locus habitacionis DEI, quando capies me! ô vbertas domus DEI, quando inebriabor abs te! ô terra lacte & melle fluens, quando perueniam ad te! ô tem.

templum Domini quando visitabo te! ô cœna magna, quando accumbam ad te! ô torrens voluptatis quando potabis me! ô fons vitæ, quando sitim extingues in me! ô gaudium super gaudium vincens omne gaudium, quando intrabo te, vt videam DEVM Deorum in te.

O IESV! ô IESV! quàm dilecta tabernacula tua, Domine virtutum! concupiscit & deficit anima mea in atria tua! sitiuit anima mea ad te DEVM fontem viuum. O quando induces me in purum, in excessiuum, in absorptiuum tui amorem? quando demittes me in abyssum amorosissimi cordis tui, vt omnium præter te solum oblitus, etiam me ipsum nunquam inueniam? quando in lumine tuo videbo lumen tuum?

O quando suauissime mi IESV licebit Sacros pedes tuos pro me perforatos osculari & lambere? os aperto lateri ad mouere? ad pedes tuos in æternum sedere?

O Si hoc gaudio! ô si te solo & vnico post aliquot miseros dies frui, & vocari possim ad cœnam agni & DEI mei! O IESVM DEVM meum! ô omne desiderium meum! quem admodum desiderat Ceruus ad fontes aquarum, ita desiderat anima mea ad te ô IESV. Quid enim mihi est in cælo & à te quid volui super terram? defecit Caro mea & Cor meum in salutare tuum DEVS cordis mei & pars mea DEVS in æternum!

Infelix ego homo quis me liberabit de corpore mortis huius? cupio dissolui & esse tecum
mi bo-

mi bone IESV! Creasti nos Domine ad te, & inquietum est Cor nostrum, donec requiescat in te. Nam vbi Pater meus est, ibi Spes mea, & patria mea, portio mea in terra viuentium. Vade vade Cor meum, ad DEVM tuum, ad amorem tuum IESVM. Ecquid vis agere diutius in huius pectoris mei cloaca? vade, vade Cor meum, vade ad DEVM tuum, tam dulcem, tam pium, tam amabilem! nonne anima mea, ibi debet esse Cor tuum, vbi est thesaurus tuus?

O amor meus! ô DEVS meus! ô mellifluum osculum & amplexus dulcissimus, ô indissolubilis conjunctio, ô pabulum suauissimum, ô inflammatio incentiua, non amplius, non amplius possum viuere sine te. O conflagrem! ô liquefiam amore DEI mei! ô vtinam nunc mori possem præ amore Domini mei IESV! ô anime mi quis te adeo beatum efficiet, vt confestim ex hac ærumnosa vita, aut morte potius euoles in DEVM!

Age bone IESV dulcis amor cordis! educ vinctum amore tui animum debitum charitatis tuæ triumphum. Videant te oculi mei dulcis IESV, videant te, & hic moriar, vt te fruam! Ne patiaris me diutius præ tui amore & desiderio languere & diu interire.

Eodem Die.

Meditatio Secunda.

De Æternitate.

Prælud. I. Statue te cum S. Dauide cogitante.
dies

dies antiquos & annos æternos in mente habente, atq; infige diligenter cordi tuo: quid sit æternitas,

Præluđ. 2. Pete humiliter, vt felicem & beatam æternitatem promereri possis.

Punctum 1. **C**onsidera, quid sit æternitas! an duratio nunquam fluens, semper præsens, perpetuum aliquod hodie! an circulus cuius centrum semper & periphæria est nunquam! an rota quæ perpetuo voluitur & quiescit nunquam! an oceanus sine fundo, litore, termino & sine!

2. Cogita, quid sit damnatorum æternitas? an mors semper reuiuiscens, & vita semper moriens? an ignis viuacissimæ flammæ nunquam extinguendæ? an vorago profundissima aquarum semper ardentium? an triceps cerberus omni tempore latraturus! an vermis continuo rodens & nunquam moriens! an Basiliscus mortifero oculo! an Draco ignitis visceribus semper nocens & nunquam interimens.

3. Quære: quid æternitas vtrorumq;? O exoptata Beatorum æternitas! ô exoptata cælum patria! ô detestandum exilium damnatorum! Quam placet ista Chanaan perpetim manans lacte & melle! quam displicet illa Ægyptus repleta absynthio & felle! Euge euge fortunata ter & amplius filia Syon! Væ væ ter & amplius filia Babylonis misera.

4. Considera quam diu hi & illi? semper & nunquam! nunquam & semper! durabit ignis

ignis in stygio sepulchro semper, torquebit semper, extinguetur nunquam. Hi dilatato corde lætabuntur in cubilibus suis semper. Illi præ angustia Spiritus gementes latrabunt in antris suis semper. Verbo tam diu durabit æternitas, quàm diu DEVS erit DEVS.

5. Ingemisce & desce maledictam damnatorum æternitatem, quorum vnica erit in tota æternitate occupatio, sine fine, sine terminò ejulare, rugire, flere, in igne sulphureo torqueri, dentium stridore concuti præ desperatione finis malorum suorum, æternùm ardere.

6. Obi animo omnes miseræ animas, & damnatos omnes, illosq; alloquere: quot sæcula vobis hic cum alijs contubernalibus restant transigēta? quamdiu erunt vestri cruciatus? an non videbitis Dominum in æternum in terra viuentium?

7. Interroga Dominum IESVM, an non sanguine suo has infernales flamas mitigabit? an non Diuino suo cruore ardorem hunc sempiternum post myriades sæculorum extinguet? nunquid in æternum proijciet DEVS? respondebit tibi: In inferno nulla est redemptio. Damnatis jam non possunt prodesse vel integra lachrymarum effusa Maria, nec sanguis Martyrum, & ipsius Christi licet infiniti valoris in cruce effusus.

8. Inquire ex animata tua, an non detestabitur vitam suam tam pessimè traductam! an pro momentaneo, quod delectat, eliget æternum quod cruciat? an pro vnica gutta consolationis præliget mare ærumnarum & æternæ plorationis!

9. Computa vires tuas an poteris habitare
in

in æternum cum igne deuorante & ardoribus inferni sempiternis? an poteris exul esse à DEO, æternùm execrari cum damnatis DEVM, blasphemare Sanctos ejus?

10. Resolue te pro commissis peccatis tuis ad maximam pœnitentiam. Desidera vt ex oculis tuis sanguineæ erumpant lachrymæ, vt cor tuum præ immuni dolore scindatur, ita, vt hic vultum amantissimi Patris toties offensi deprecari possis.

Actus Contritionis.

Iustissime DEVS, quî fieri potest, vt æternitatem mihi miperis pœnarum, neq; tamen iustitiæ tuæ metum extorqueas à durissimo corde meo? an nondum apprehendo, tametsi fornicem videam æternùm arsuram, quantus peccatis hostis, & quàm enorme sit delictum, te offendere Dominum vniuersorum?

Quî fieri potuit vt tanta insania nidularetur in corde meo, vt viuere auderem, vel momento duntaxat vnico tibi inimicus? neq; momento tantum, sed & mensibus & annis integris persisti in hoc miserabili statu, nihil interea immemor veterum mearum deliciarum; & quamuis tot peccatorum gravatus pondere, scannum tamen capio quietissimum.

O insaniam omnium, quæ vnquam occupauere hominis animum, insanissimam! merebar dudum plecti sententiâ, ad emendationem vsq; meam tam diu dilata, merebar equidem, fateor, sed tu Clementissime DEVS bonitate tua malitiam

litiam meam superasti; age igitur, ne dedignare, diutius etiam sufferre me. En victum me, & captivum Divinæ misericordiæ tuæ; qui me fugitium tanto labore quæsiuisti, ne repellas supplicem à pedibus tuis, ah! ne reijcias animam, tam carò tibi emptam.

Largire fortitudinem, vt fugiam peccatum, quod ducit ad damnationem, da gratiam, vt timeam infernum qui separat à te, timeam æternos cruciatus, dele sanguine tuo sententiam, quâ toties damnari debui ad infernum. Sic ergo his omnibus liber, velut viuum bonitatis tuæ trophæum, misericordias tuas in æternum cantabo.

Actus Deprecationis.

O Infinitè misericors DEVS! si tu me ejcis, quis me recipiet? si tu me despicias, quis me aspiciet? Et quid proderit mi dulcis IESV, Majestati tuæ pro me tam humiliter exinanitæ, si me in æternum à facie tua projectum & exclusum in abyssum inferni æternis trades cruciandum tortoribus?

Cujus utilitatis erit ineffabile pretium tui sanguinis adeò pro me abundè effusi? & quomodo mors tua morte mortua erit, cum tartarus deglutiens imaginem tuam, simul in obliuionem absorbeat infinita merita tuæ durissimæ passionis, & animam igni inextinguibili destinatam à tua beatissima præsentia perpetuò separet.

Quomodo relinques ô Pastor bone ouiculam tuam solam in terra horroris & vastæ solitudinis, inter leones, vrsos, & tygrides infernales? pote,

poterisne vocem spernere balantis hujus miseræ ouiculæ & fugientis ad te?

Nunquid mi IESV cognoscentur in tenebris mirabilia tua, & justitia tua in terra oblivionis? Nunquid narrabit aliquis in sepulchro misericordiam tuam? nunquid cum iratus fueris, misericordiæ nunquam recordaberis? nunquid hæc iratam tuam delebis, & claudes ora te canentium? nunquid facies hominem, quem creasti ad laudem tuam, gaudium sempiternum inimicis tuis?

O Pater misericordiarum! ô DEVS æternæ consolationis! qui non lætaris in perditione peccatorum, sed magis vis ut conuertantur & viuant: en habes ad thronum misericordiæ tuæ prostratum supplicem, cui vnicum hoc, pro totius vitæ gemitu relictum est. Peccaui! & heu petulantissimè iram tuam. Tibi soli peccaui ô Pater benignissime! mereor mille infernos. Non habeo vnde solvam: mea satisfactio est tuus sanguis.

Non auertas bone IESV faciem tuam ab hac anima mortis æternæ affecta doloribus, quam non auertisti ab ijs, qui eam sputis & colaphis malè tractarunt. Noli benignissime IESV filij tui licet prodigi in æternum obliuisci, quia in manibus tuis descripsisti me. Noli in æternum à facie tua creaturam & opus manuum tuarum repellere: utiq; Domine nihil horum odisti quæ fecisti. Hic potius vire, hic calciga, ut in æternum parcas.

FERIA SEXTA.

Meditatio Prima.

De Passione Domini.

Pralud. 1. Statue tibi ob oculos cordis IESVM totum liuidum, sanguinolentum, vulneratum, dilaniatum, de cruce pendulum, & discēptum in toto corpore.

Pralud. 2. Roga Dominum IESVM, vt ex ipsius laboribus, sumptibus, & sudoribus vberes fructus colligas,

Punctum 1. **C**onsidera, quis & qualis pro te patitur? Dignitate DEVS & homo: Quid mirabilius! quid horribilius! quis vnquam cogitauit simile! potuitne vitā mori! DEVS flagellari! potentia DEI funibus ligari? imago æterni Patris conspui! DEVS deniq; nudus inter duos latrones suspendi!

2. Quære: quid & quanta patitur? Tam magna, tam multa, tam ignominiosa tormenta, passus est, in vrbe Orbis principe, in oculis innumeræ multitudinis, post tot miracula, in tēnerrima corporis constitutione, omni genere inhumanissimo suppliciorum. Fuere tanta, vt Angeli pacis amare planxerint: tanta vt rupes scissæ, cælum, terra, omniaq; elementa trepidārint.

3. Pro quo patitur? Non pro diuinissimis illis Spiritibus Cherubinis aut Seraphinis, sed pro hominibus vilissimis: pro te in particulari luto & cinere: pro suo inimico: pro te abjectissimo

limo & ingratiſſimo homuncione: te damnationis æternæ reo: te nequam & prodigo filio.

4. Quo tempore incepit Chriſti paſſio? Duæ fuerunt Chriſti cruceſ, vna ſpiritalis, quæ à primo inſtanti conceptionis cæpit: altera corporalis, cui principium datum in præſepio. Spirituſalis Crux conſiſtebat in continua triſtitia interna, quam cauſabat viua futurorum vulnerum & mptis crudeliſſimæ apprehenſio: priuſq; Chriſtus ab amore, quàm ab odio crucifigi voluit.

5. Quare patitur? nulla illi patiendi neceſſitas; non quòd indigeat nobis, vt pote ſe ipſo feliciffimus, non quòd accedat quidquam aut detrahatur, ſi vitam aut damnationem æternam incurramus. Patitur ergo ex ſolo amore, pietate, miſericordia, vltro, ipſonte, alacriter.

6. Tunc demum dulce cum I E S V tuo inſtitue colloquium: Quid facis bone I E S V! nos mori debuimus, & tu ſoluiſ! nos peccaui-
mus & tu luiſ! quæ non rapuiſti reddiſ! Opus ſine exemplo, gratia ſine merito, charitaſ ſine modo.

7. Deinde admirare effuſiſſimam ipſius in redemptione & paſſione liberalitatem & dic: Quæ tua mi I E S V humanitaſ & liberalitaſ? vna guttula non dico cruoriſ ſed ſudoriſ, ad redimendum vniuerſum mundum, & mille alioſ, ſi extarent, ſufficeret, & tu non guttam, ſed torrentem ſanguiniſ tui effundiſ?

8. Reuoca tibi in memoriam illa verba amoris plena Chriſti Domini ad S. Gertrudem prolata:

prolata: Vide quomodo crucifixus sum amore vestri, quomodo pendeo nudus, despectus, toto corpore vulneratus, per singula membra distentus! & adhuc te ita amo, vt si aliter salutem consequi non posses, vellem iterum mori pro te. Et si fieri posset, vt toties morerer, quot sunt animæ in inferno, ego promptissima voluntate corpus meum traderem, eandemq; passionem pro qualibet anima sustinerem, quam sustinui pro omnibus.

9. Cogita nunc atq; delibera: Quo ille dignus sit? quid tu illi debeas? quid retribuisti Domino tuo pro omnibus quæ tribuit tibi!

10. Erubescere & confundere, quod tanta, tamq; indigna mala pro tantis bonis & donis retribuas: quod tantis ejus ærumnis, malitiâ tuâ & perditione causam dederis: quod illi compati & crucem tuam tollere nolis.

Pro Colloquio.

Actus Contritionis.

O IESV pro me crucifixe! quantorum ego tibi dolorum causa fui! verè languores meos tulisti bone IESV & dolores meos portasti! O IESV! ô amor! vix pro justo quis moritur, tu pro inimicis & pro injustis mortuus es? O ardentissima charitas! ô quàm suaviter vris! quàm fortiter trahis in funiculis Adæ & charitatis? vulnerasti Cor meum IESV mi, vulnerasti Cor meum: vtinam amore tui mori possem & vivere tibi!

O me

O me ingratum hominem! quid pro his omnibus reddidi tibi? pro tantis beneficijs tanta reddidi mala! pro his omnibus toties tam grauitur contra te benignissimum Patrem ego ingratus filius, contra te supremum Principem, ego rebellis Seruus: contra te DEVM & Redemptorem meum ego ingratissimus & vilissimus terræ vermiculus insurrexi: toties sanguinem tuum peccatis meis conculcaui: iterum atq; iterum te in crucem adegi: tot animas tuis vehementissimis doloribus & pretioso Sanguine emptas occidi!

O Zelosissime & profusissime amator & Pater animæ meæ induo & superinduo sicut diplode faciem meam confusione peccatorum meorum. Sto pudore plenus ante te. Et non me mouet ad confusionem & dolorem horrendus infernus, quia offendi te, non me mouent acerba vincula & æterni gehennæ cruciatus! Tu me moues mi DEVS! non me mouet cælum, quod propter peccata mea amisi. Mouet me, quod videam te totum excarnificatum, & in toto corpore discerptum. Mouet me Caput tuum, Spinis coronatum. Mouet vultus tuus sputis, alapis, & luore deformis. Mouent manus & pedes clauis saucij. Mouent me opprobria, & mors tua, & Sanguis tuus, & ita mouent, vt si non esset infernus vllus, & si nullum esset cælum, tamen peccata mea detestari & execrari amore tui vellem.

O si vel nunc tota abyssus ingentium aquarum recipiatur sinu cordis mei, illamq; effundam.

in signum doloris mei ! ô si præ acerbo dolore omnes guttæ sanguinis mei mutentur in lacrymas, aut lacrymæ mutentur, in sanguinem, quia toties ausus sum contemnere ô bone I E S V præ-tium sanguinis tui.

O si etiam daretur in me vnicum æterno pri-ûs in te amore donatum, & in eo confirmatum omnium damnatorum & damnandorum pænas colligi & acervari, sic vt cæteri omnes, qui modo impiè calcant pedibus suis tuum sanguinem, te Saluatorem suum laudarent, & nullus omnino non amaret, qui potest amare ! profecto mi I E S V non diceres ampliùs, iustè conquestus, quæ utilitas in sanguine meo ?

Actus Compassionis.

Quis mihi hoc tribuat, vt pro te moriar amantissime I E S V ? tuas angustias considerans in me ipso deficio, & præ dolore, exanimis efficior, dum te pro me tanta mala sustinere conspicio. Quid fecisti Domine ? quare pro me vilissimo ascendisti crucem ? & quid sum, ego putredo & vermis, pro quo tu Dominus omnium debeas sic affligi ?

Quare talem mi I E S V commutationem fecisti, vt dares vitam pro morte, veritatem pro vanitate, gratiam pro malitia, & gloriam pro miseria ? Nonnè meliùs erat mi bone I E S V, vt non essem, quàm vt factus te occiderem ? & cur carnes meas non lacero præ dolore ? aut quomodo me omnis Creatura non occidit, qui fui occasio tuæ mortis ?

Nonnè

Nonnè mirabile videtur me cogitare, te tam nobilem & benignissimum Dominum pro me vilissimo mortuum, & non statim deficere, præ nimia tristitia? O Frater dilectissime & primogenite, tristitiâ nimîâ affecte, quomodo ego frater tuus, si hujus tristitiæ tuæ conscius non contristor! O IESV benignissime, qui pro me angustatus & afflictus es, flagellis laceratus, & terribili morte peremptus, quomodo ego filius tuus, si hæc videns mærore non consumor! O Sponse dulcissime pro me tantâ amaritudine plene, quomodo ego Sponsa, si tuam amaritudinem non participo?

Morior mi IESV morior, nisi videro in manibus meis fixuram clauorum tuorum, & in pedibus meis cicatrices & vulnera pedum Sanctorum tuorum: Morior mi IESV, nisi videro pectus meum tuâ lanceâ transuerberatum, & Caput meum tuâ spinea coronâ redimitum. Certè mi dulcissime IESV nolo viuere sine vulnere, quia te totum pro me video vulneratum.

O cur crucis illius loco non fui, vt tu Domine mi fuisses manibus meis & pedibus con-clauatus! certè illi Ioseph ab Arimathæa dixissem: non auferas IESVM à me, sed mecum illum sepelias, & deponas in sepulchro.

Eodem Die.

Meditatio Secunda.

De Pænis Purgatorii.

Prelud. 1. Descende viuens in purgatorium, domum

rum flammarum ingentium, lacumq; intue-
re maximum & ardentissimum, ac ibidem in-
tuere hominum myriades, & inter illos Prin-
cipes, Prælatos, Sacerdotes, Religiosos, ple-
beos conspice.

Pralud. 2. Pete lumen, vt agnoscas, quàm sit
intensius ignis purgatorij.

Punctum 1. **C**onsidera, quia pænæ purga-
torij tantæ sunt, vt S. Augu-
stinus dicat: *Ignis durior est purgatorij, quàm
quidquam in hoc sæculo panarum sideri, excogitari,
aut sentiri potest.* Ser. 42. de Sanctis. Et S. Tho-
mas 3. p. q. 46. a. 6. asserit pænis martyrum o-
mnium, imò ipsius Christi Saluatoris cruciatibus
esse acerbiores pænas purgatorij.

2. Quære ob quam causam, hæ animæ, crea-
turæ nobilissimæ, genus electum, gens Sancta,
tantas & tam atroces patientur pænas? Ideo, quia
*etiam stipula, etiam fenum in iudicium & panam
sentiant.* 2. Cor. 3. *Etiam de verbo otioso reddetur
ratio in die iudicij* Mat. 12. *Etiam minutissima
cogitatio, diuinis oculis discussa non placuit.* S. Gre-
gor. 21. Homil.

3. Tunc demum imaginare, quòd videas
igne in flammis purgatorij corpora, lacrymas,
quas fundunt, ignes esse.

4. Postea adorare sulphureum illum & te-
rerrimum odorem, & gusta quàm amarus sit ca-
lix punientis. **DE I.**

5. Deinde si quam illæ flammæ animam
extulerint ad conspectum tuum, percunctare:

CUR

cux tot annis in igne deuorante & ardoribus sa-
uissimis misera permaneat? certè respondebit
tibi, vt ille Paralyticus, qui 48. annis iacuit ad
Piscinam Probaticam: *Domine hominem non ha-*
beo, qui me è loco isto moueat.

6. Insuper inspicie mentis oculo, quantus sit
in animis illarum dolor & mæror. Vt clamant
querulæ: Quia lumen cæli non video! quia à
D E O meo centro & vltimo bono meo tam
diu arceor & exulo!

7. Gratias age nomine animarum purgato-
rij, Diuinæ bonitati, quòd temporaliter in il-
las igne & pænis aduertat, ne in æternum igne
gehennæ puniat.

8. Opta tibi tantam felicitatem. O si Diui-
na misericordia te etiam hoc igne purgatorij di-
gnaretur! O si hic potius vreret, hic secaret, vt
in æternum parcere possit.

9. Excita in te desiderium, quòd velis ex
corde animas purgatorij, tanquam ardentes sti-
pulas lateri Christi aperto adinouere, vt ex illo
ceu limpidissimo fonte guttæ Sanguinis, aut a-
quæ stillæ bullientes effluant ad extinguen-
dum vel saltem mitigandum ardorem purgatorij.

10. Pete gratiam, vt totum vitæ tuæ tem-
pus benè & fructuosè impendere possis, & pro
peccatis hic satisfacias; ne cogaris ibi soluere.
vsq; ad nouissimum quadrantem.

Actus pro Defunctis.

Respice pie Pater de sede magnitudinis tuæ,
ad miseras animas in purgatorio detentas,
Respi-

Respice pœnas & cruciatus, quibus tam miserabiliter torquentur. Considera gemitus & lacrymas quas ad te fundunt: audi preces & supplicationes, quibus misericordiam tuam implo-rant, & esto propitius peccatis eorum.

Offero tibi Pater Clemen-tissime animam dulcissimi Filij tui IESV cum omnibus ejus actibus, & animas omnium Sanctorum & Sanctarum, vt è pœnis liberentur electi tui.

Offero tibi pie Pater IESVM flagellatum & crucifixum, & Sanguinem ejus in terra effusum, IESVM morientem & lacrymantem pro omnibus peccatis animarum purgatorij, quæ vnquam perpetrarunt, ac pro illarum negligentijs offero tibi seruentissima ejus desideria: pro omissionibus bonorum operum, offero tibi ejusdem meritorum abundantiam.

Demum pro omnibus pœnis, quibus obnoxia detinentur offero tibi omnes pœnitentias, jejunia, vigilijs, orationes, labores & afflictiones, vulnera, linores, passionem & mortem, quam innocentissimè & promptissimè Filius tuus sustinuit.

Insuper offero tibi misericors DEVS venerabile SACRAMENTVM in omnibus templis per vniuersum mundum, omnia Sacrificia jam peracta, & ad finem seculi peragenda, omnia Martyria, omnia vota & obsequia justorum, quæ tibi dant gustum, vel quæ tibi placuerunt, & in æternum placebunt, omnem pœnitentiam, mortificationem, jejunia, vigilijs, & omnia merita totius militantis Ecclesiæ. Et offero

offero hæc omnia pro peccatis animarum purgatorij humiliter obsecrans, vt per hæc libertatem vel saltem leuamen pœnarum consequantur.

DIE SABBATHI.

Meditatio Prima.

De beneficio vocationis.

Pralud. 1. Constatue te coram D E O totaq; cœlesti Curia, & cogita quantâ tecum Dominus misericordiâ vltus est, qui te cum paucis alijs, imò paucissimis respectu multorum ex prædestinatione, vt speras, vocauit ad Religionem Sacram.

Pralud. 2. Pete lumen cœleste, quo clarè cognoscas beneficium vocationis tuæ, & ad quem finem vocatus es.

Punctum 1. **R**euoca tibi in memoriam inquantis periculis versabaris viuens in sæculo commemorando peccata tua, occasiones, & misérias, in quibus ceu in limo profundi hærebas.

2. Perpende, quanto in periculo versentur ij, qui sceleribus implicati viuunt in sæculo, vel qui gratiam similis vocationis arreptam deseruerunt. Quis hoc effecit, vt ab illis auulsus ad portum securitatis peruenires?

3. Considera, quomodo singularem beneuolentiam, familiaritatem, & intimos amores SS. Trinitas exhibet castis & à mundo auulsis. Nam tota anima sanctificante gratiâ nobilitatur, Deiq;

Deiq; filia electa dulcissimis affectibus DEVM semper intra se complectitur. Deinde gaudent Religiosi, quia nomina illorum scripta sunt in libro vitæ. Imò jam corde in cælo fixi ea gaudia prægustant. Tanta hæc est exultatio, ut Xaverios exclamare cogat: *Satis est Domine satis est.* Et Antonijs Macarijs Bernardis breues dulcesq; reddat totas intomnes noctes cum DEO transactas. Verissimè S. Aug: *Iustis non subtrahuntur deliciae, sed commutantur illicita in licitas, fluxa in solidas, fæda in puras.*

4. Commemora, quid S. Bernardus dicat de Cella Religiosi, ita ille: Cæli & cellæ Religiosi habitatio cognata est; à celando enim cælum & cella, nomen habere videntur, & quod geritur in cælis hoc in cellis. Quid enim aliud est hoc? vacare DEO & frui DEO? à cella sæpè in cælum ascenditur, rarò à cella in infernum descenditur.

5. Adora Dominum in illo loco in quo tibi primùm data gratia efficax ingressus in Religionem. Item in loco, in quo vestem Religiosam assumpsisti: vota & Professionem fecisti.

6. Gratias age Sancto Religionis Fundatori, quòd te inter suos adlegerit, cùm tu millies indignus fueris hâc veste Religiosa, indignus omni gratiâ, & cælestibus inspirationibus.

7. Inculca & argue te coram cælo & terra: O si hoc medium salutis alij haberent, vocationis scilicet beneficium, quàm Sanctè illo vterentur!

8. Interroga te ipsum: quoties Religionem Sacram

Sacram tuâ pessimâ vitâ diffamasti? quot à te neglectæ inspirationes Diuinæ? quot occasiones DEO seruiendi præteritæ? quàm exigua talentorum à DEO concessorum, temporis pretiosissimi, consiliorum piorum, & exemplorum bonorum cura?

9. Plange itaq; super te, quia te plangunt. Angeli, te plangunt guttæ sanguinæ Christi, plangunt lacrymæ Sancti Patris tui, quia peccasti, & mali illius, quod commisisti penitentiam non egisti, quinimò grauius in Religione deliquisti.

10. Protestare de tua fidelitate & emendatione, quod velis in posterum sanctius in Religione viuere, & districtius vota emissâ obseruare, continuò ad perfectionem debitam aspirare.

Pro Colloquio.

Actus Contritionis.

Obstupesco Domine! quomodo ampliùs sustineas conspectum meum, cum sim creaturæ tibi tam ingrata & rebellis. Profectò Domine ego sum vilior peccator omnibus reprobis, & credo neminem tam longè vnquam à te recessisse, quàm ego recessi per mea flagitia. Imò credo, si maximi quiq; peccatores mundi habuissent talia auxilia, qualia ego à te accepi, maiore sinceritate cordis & festinatione ad teredituros. Latrones ipsi & sacrilegi perfectiùs tibi Domine famularentur, si eos, tot vt me affectisses beneficijs & vocasses.

Ideo,

Ideo, prorsus me indignum reputo, mi Domine, vt tibi seruiam, tuq; exaudias orationes meas, indignus sum hâc veste Religiosa, indignus omni gratiâ. Indignus sum etiam, cùm tibi sum inobediens & refractarius, qui habitem inter tuos seruos à quibus si pro meritis me tractare vellent, nihil aliud audire me oporteret quàm contumelias & conuitia.

Quin etiam procul amandari me conueniret à consortio tuorum seruorum, ne fortè putredo abominabilem vlcerum & vitiorum meorum quenquam illorum inficiat.

O IESV mi Clementissime! en grauissimus peccator, seruus tamen tibi mille votis mancipatus recurro cum fiducia ad pedes tuos, summoq; cum dolore animi meam ingratitude & malitiam accuso, confitendo omnia peccata, præcipuè in Religione commissa, quorum me summopere pœnitet.

Nihil inferni, mi dulcis IESV, timor, neq; amittendi cæli metus in detestatione scelerum meorum loci habet. Solus ante oculos meos Tui amor obuersatur. Non aliam doloribus oppressi cordis propter iniquitates meas reperio causam, quàm quia te IESVM amo.

Largire quæso Domine vt omnia peccata in posterum longè à me fiant: & quamuis ego naturâ non possim esse impeccabilis, saltem ô bonitas infinita fac mihi hanc gratiam, ne vnquam mortaliter peccem. Deinde fac Domine, vt loco vitiorum in me imprimantur omnis generis Sanctæ

Sanctæ virtutes, quod totum tibi cedat in gloriam, gratiarum actionem, & salutem animæ meæ.

Actus Amoris DEI.

O Fons amoris perpetui bone IESV, quid dicam de te? quomodo potero tui obliuisci, qui mei dignatus es recordari, etiam postquam perij? quis hoc misericordissime Domine effecit, ut cum ego in peccatis mortuus & sepultus jacerem me tua gratia excitaret! Quid feci ego? quid merui? nihil; sed vox sanguinis tui ô IESV! ô IESV! clamavit ad Patrem, & inueni gratiam in oculis eius, & venisti, & sustulisti me, ex medijs periculis.

O altitudo iudiciorum & magnitudo miserationum tuarum! quot homines interea in medio peccatorum suorum cursu subita morte sunt abrepti, qui nunc miserè torquentur in inferno! quid factum fuisset de me, si tu me tunc ad strictum euocasses tribunal? quis cum ego dormiebam pro me deprecatus est?

Quid in me dulcissime IESV inuenisti obsequij, ut tantum rependeres præmij? quid in me vidisti amplius, quam in alijs quos reprobasti? Toto vitæ meæ tempore te non cognoscebam, te non amabam, abyssus eram iniquitatis & tenebrarum; & tamen tu mi IESV super huiusmodi peccatore dignum duxisti aperire oculos tuos.

Benedictus sis Domine IESV in illo primo intuitu ad peccatricem animam meam, & cum in

tota collectione animarum, nullam indigniorem haberes, quam respiceres, in eam tamen indignissimam respexisti. Benedictus sis Domine I E S V in hoc triumpho bonitatis tuæ de Te ipso, in quo tam magnificè, & gloriosè triumphauit, de te Bonitas & misericordia tua. Laudent te Domine omnes Sancti tui, quia respexisti super vnum canem mortuum.

Quomodo ergo mi bone I E S V non exaltabit te anima mea pro tantis miserationibus tuis, omnibus diebus vitæ meæ? quomodo non rota se euiscerabit exinanietq; in dilectionem, bonitatis & charitatis tuæ? O D E V S meus! ô dulcis amor meus! hoc tibi de me certum esse velim, quôd abhinc tam firmâ, tamq; constanti voluntate statuerim te diligere, vt etiam si mihi nihil vnquam, neq; in hac, neq; in altera vita, boni conferre voles, imò si in hac vita omnibus ærumnis, pænis & cruciatibus, & in altera vita, supplicijs æternis me afficeres, nihilominus amare te velim, & ex intimis cordis mei medullis tibi seruire,

Eodem Die.

Meditatio Secunda.

De Cultu magnæ D E I Matris.

Prelud. 1. Statue te in conspectu Pretiosissimæ D E I Parentis Virginis M A R I Æ,

Prelud. 2. Petas vt pretiosissima D E I Parens, tibi sit Domina, tu autem illius sis Seruus, & mancipium,

Punctum 1. **G**ratulare Beatissimæ, quod sit
arctis vinculis illigata affinita-
tis & consanguinitatis cum Diuinissima Trinita-
te. Est enim Filia Patris æterni: est Mater Fi-
lij **DEI**: est Sponsa Spiritus Sancti: est tem-
plum **SS. Trinitatis**.

2. Gratulare ipsi de illo gustu & complacen-
tia, quam habet **SS. Trinitas** de hoc singulari o-
pere suo.

3. Exulta, quod **DEVS** amet Beatissimam
super omnia opera sua.

4. Gratias age **DEO** pro electione hujus
Virginis in Matrem, pro conjunctione Virgini-
tatis & Maternitatis.

5. Adora in B. Virgine relucens **DEI**
Puritatem, Sanctitatem, Sapientiam, Misericor-
diam &c.

6. Gratulare duo dona soli Beatissimæ pro-
pria: donum Virgineæ Maternitatis diuinæ, &
donum Immaculatæ Conceptionis.

7. Congaude illi, quod sit Domina & Regi-
na totius vniuersi & omnium creaturarum: cre-
aturas autem omnes & singulas illius esse subdi-
tas ejusq; mancipia. Quia enim Filius ejus est
verus **DEVS**, & ideo absolutus rerum Domi-
nus, omniaq; ei subiecta naturaliter fiunt: inde
consequenter; Mater hujus **DEI** ac Domini
omnium, est etiam naturaliter omnium Domi-
na, & omnia sunt ejus mancipia.

8. Cum tota Ecclesia ages gratias **DEO** pro
omnibus donis naturæ, gratiæ, & gloriæ, pro o-
mnibus

mnibus fauoribus & priuilegijs, super omnes Sanctos Beatissimæ à DEO collatis.

9. Protestare coram DEO quòd gloriæ ipsius integritatem redimere, augmentumq; illius procurare cupias, etiam cum tui ipsius iecturâ, in quantum id gustui diuino conforme esset.

10. Exulta & gaude, quòd Beatissima (teste S. Anselmo) sit Aduocata, Patrona, & Mater nostra, *tam pia tam potens, Et omnem ad eam conuersum* *Et ab illa respectum impossibile sit perire.* Imò nullus est, qui saluus fiat, nisi per hanc Sanctissimam: nemo est qui libereatur a malis, nisi per hanc purissimam: nemo cui celeste donum conferatur nisi per hanc charissimam, inquit S. Germanus.

Affectus varij erga B. Virginem.

E Minentissima DEI Mater & Virgo, adoro Te cultu Hyperdulciæ, cum tota Ecclesia, tanquam Matrem DEI & Dominam mundi.

Saluto te in vnione amoris & per Cor dilecti Filij tui, atq; omnium te amantium dicens cum S. Mechilde: Aue ex Omnipotentia Patris: ex Sapientia Filij: ex Clementia Spiritus Sancti, dulcissima Virgo MARIA cælum & terram illuminans.

Saluto te eo affectu, quo salutat te Æternus Pater, tanquam Filiam suam: eo affectu quo te salutat verbum æternum, tanquam suam Matrem: eo affectu, quo te salutat Spiritus Sanctus tanquam suam Sponsam.

Saluto te, eo affectu, quo te salutârunt Sancti, qui

Qui, qui ante nos fuerunt, quo te salutant nunc,
& salutabunt ad tempora Antichristi. Saluto
te & omnibus Salutationibus, Sanctorum omni-
um, tota æternitate duraturis.

Pretiosissima DE I Parens, amo te post DE-
VM super omnia: quia DEVS super omnem
puram creaturam amauit & amat te: quia o-
mnes ciues cæli amauerunt & amant te: quo-
rum amore amo te.

Tantum te diligo, dulcissima DE I Mater,
vt si ego solus possiderem omnium Electorum,
gratissima corda, libenter illa omnia amoris tuo
impenderem.

Agnosco te & recipio, dignissima DE I
Mater, in Matrem & Dominam meam, meq;
Tibi in filium & mancipium perpetuum offero.

Monstra, ô MARIA, te veram esse mihi
Matrem, ama me vsq; in finem, & fac vt te re-
damare totis visceribus cordis mei contendam.

Accipe ô Serenissima Regina, & Domina
mea, accipe jam ex hac hora possessionem abso-
lutam, & perpetuam mei.

Tibi tuoq; seruitio, omne tempus, quantum
possum dedico: & opto momenta singula illius
conuerti in æternitates, quibus Tibi inseruiam.

Doleo, quod hætenus non seruiierim Tibi vt
debui. Panitet me, quod tibi aliquando ingratus
fuerim ô dulcissima Domina mea, confundor,
quod nihil dignum hucusq; honore tuo fecerim.

Vtinam, vtinam omnia momenta vitæ meæ
pro maxima gloria tua impendissem, & seruiuis-
sem Tibi corde perfecto.

O Mater dilectissima, de filiis tuis semper sollicita, accende nostrum in te affectum, ut te Matrem nostram ex corde veneremur, diligamus, & colamus.

CAPVT VI.

De pœnitentia vera salutis semita, quâ homo ex regione longinqua ad DEVM & salutis viam reuertitur.

Itinere trium dierum Israelitæ ad montem DEI Oreb profecti sunt, ut sacrificarent Domino DEO. Viator postquam reuertitur ad viam salutis aternæ, & vult contritioni operam dare, veluti quodam itinere tridui pergat in desertum ex Ægypto, & de Pharaone & exercitu ejus triumphabit. Hujus tridui spirituali intellectu dies primus est contritio, secundus confessio, tertius satisfactio.

Motiuâ ad maturam & seriam conuersionem Viatoris ad DEVM.

1. Seria cogitatio aternitatis.

O Viator! continuo veloci cursu pergis ad aternitatem nullo termino concludendam & finiendam, & audes vel vno momento manere in statu peccati mortalis? in quo si moriaris, in puncto descensurus es in infernum! cur non recogitas, quia, si in statu peccati decesseris, habitabis

tabis infelix in igne deuorante & ardoribus sem-
piternis? quia totus DEVS vacabit ad p̃nas
tuas, & vacabit per omnem æternitatem suam,
vsq; ad inferni nouissima, vsq; dum compleat ine-
brietq; sagittas furoris sui iustissimi in te. Com-
puta vires tuas, num poteris sustinere irruentes
super te montes vindictæ DEI!

Quod si nunc sub tuo n̄ conspectum ex infer-
nali abyſſo (DEO ira iubente) infelix ille
Christi discipulus (aut alius ob vnicum solum
peccatum mortale damnatus) raptaretur, catenis
oneratus igneis; quem si huiusmodi compellares
verbis: Expone Iuda, quinam & quam diu
tulerunt cruciatus? quot sæcula tibi cum tuis
contubernalibus pro diluendo tuo peccato re-
stant ibidem transigenda? cruciatus nostri, red-
det ille, sunt acerbissimi. Vos in plumis ster-
tis, nos in flammis æternas agimus vigilias, vos
ridetis, nos dentibus stridemus, vos gulæ litatis,
nobis pix & sulphur propinatur. Quid multis?
Cruciatus nostri æterni sunt! vnica noxa, vni-
cum peccatum tota æternitate diluendum est.

2. Incertitudo Mortis.

DEVS p̃nitentibus promisit veniam, sed
peccantibus spatium p̃nitendi non promi-
sit. Quotidie efferuntur cadauera, cadunt ju-
venes & senes, audis & legis, ille hodie occubuit
gladio, ille ceruicem fregit, ille somnum produ-
xit in mortem, alius peste, fulmine, latrocinio
interijt. Quid si & tuam hac nocte, hac die re-
pentem animam à te? Quot millia hominū delusit

ista spes, aut potius stulta præsumptio? at nunc in inferno positi sunt, mors depascit eos; præcisâ enim est velut à texente vitæ eorum, dum adhuc ordiri viderentur. Omnem ergo diem crede tibi diluxisse supremum & vltimum, & cum mane fueris, puta te ad vesperum non peruenturum.

3. Passio Christi Domini.

Inspecte vulnera penitentis, sanguinem morientis, pretium redimentis. Caput habet inclinatum ad osculandum, Cor apertum ad diligendum, brachia extensa ad amplectendum. Et his non moueris vt peccata deferas? Moueat te amor boni IESV, & ad eum reuertere. Crudelis es, si fructu laboris sui IESVM tuum defraudes, frustra pro te mortuus est. Sanguinem tuum serio de manu tua requiret, & tota passio Christi stabit contra te ad maiorem damnationem tuam,

Quædam obseruanda ante Confessionem Sacramentalem.

1. **D**ispertire totum tempus à nouissima Confessione incerta spatia, tum menses, hebdomadas, & dies singulos percurrere, qualibus cogitationibus, verbis, & operibus vsus fueris: quibus te peccatis contaminaueris: quibus cum personis, quo loco, tempore.

2. Postea institue comparisonem inter DEVM & te ipsum, inter opera ejus & tua.

Quis peccauit? Ego quoddam phantasma, horror, & factor, & pene nihilum. Ego sans malitiæ

malitiæ, sentina prauæ concupiscentiæ. Ego vernis terræ vilissimus, damnationis æternæ pridem reus, Sponsa adultera.

Inquem peccaui? In DEVM Creatorem, summum bonum, amorem infinitum. Peccaui filius rebellis in optimum Patrem. Seruus infidelis in benignissimum Dominum. Vilis & abjecta creatura in conditorem vniuersi, Peccaui in eum, cui Angeli seruiunt, cui omnes creaturæ obediunt, illi ego solus fui refractarius.

Quid peccando feci? Animam meam interemi, & ad infernum detruxi: Chirographum meæ fidelitatis conscripsi Dæmoni: ex corde meo Angelos exturbaui. Heu! quis vnquam crederet ipsum Spiritum Sanctum à me expulsi & libellum repudiij dedi DEO.

Cur peccaui? Obres caducas & vilissimas, pro luto & cinere. Sine metu, sine horrore peccati, in præsentia DEI, ac si vnius idoli, quo tempore à DEO conseruabar, & beneficijs obruebar.

3. His peractis, imaginare tibi SS. Angelos te fugere, contra te instigare. Ipsam B. Virginem, te vltra pati non posse, SS. omnes te abominari.

4. Insuper concipe affectum adhuc maioris timoris, quia ipse DEVS te detestatur, ac iratus præcipit, ne coram eo vltra compareas, ne ipsius amplius creatura dicaris.

5. Deinde conuertere ad Cor tuum, illudq; de duritia sua increpa, quod nihil tot considerat: onibus emolliatur. Inuoca contra illud in te.

Amo.

stimonium cælum, terram, Elementa, & Creaturas omnes. Sicq; coram illis conquerere Cor tibi esse lapideum.

6. Post hæc tunde pectus tuum perseverans in oratione & compunctione, brachia in modum crucis componens imaginem crucifixi intueri.

7. Adextremum humi prostratus cum gemitu cordis plora clamans: O Domine pietatem, lacrymas, contritionem, misericordiam, & veniam humiliter efflagito, qui veniam publicanis, meretricibus, latronibus, prædonibus non denegasti. Ne patiaris me diuini præ contritionis desiderio languere aut interire.

Ante Confessionem, *Actus Contritionis.*

Quis dabit ô bone I E S V! capiti meo aquam, & oculis meis fontes lacrymarum, vt diebus ac noctibus rigare possim stratum meum rugiens à gemitu cordis mei. Exitus aquarum deducite oculi mei, operiat confusio faciem meam, deficiat in dolore vita mea & anni mei in gemitibus; quia offendi D E V M meum! Patrem meum! ego rebellis seruus.

O anima mea: dic mihi, quid tandem illa bonitas, illa Majestas, illa Misericordia fecit tibi? aut in quo vnquam contristauit te responde mihi? Cur inebriaui te dulcis I E S V absinthio, qui mille benedictionibus dulcedinis præuenisti me?

me? Cur me tibi DEO meo ego improbus & rebellis opposui?

Fieri potuit mi IESV, vt credens ego te ad iracundiam prouocarem in re vilissima & momentanea & pudenda, & despicerem te, & lacrymas, & vulnera, & Sanguinem tuum! O caput mille dignum inferis! si pro vno delicto infernum, pro tot, quot infernos promerui? Quot scelera tot onera, tot vincula, tot debita sunt, quibus dissoluendis, nec si memet ipsum vendam satis sum!

Cur terra tam diu sceleratum pondus portas tanti patiens flagitij? Cur non aër pro conditore tuo contra tam insensatum mille pugnas fulminabis? Cur mare non mille concitas tempestates in me Iona multo nocentiorum? Cur non omnis creatura in me armata peccatorem adeo impudentem in Orcum præcipitat?

Væ mihi quia peccaui! væ mihi quia DEVM, & Sanctos contra me prouocaui, iram tremendi iudicis in me concitaui! Quis eruet me de manu potenti, & brachio extento contra me?

O quam bonum mihi erat, si natus non fuisset neq; enim vitam mihi dedisti, vt te offenderem DEVS meus. Vtinam prius repentina morte extinctus fuisset, quàm te o IESV offendifsem! Quanto suauius flammis infernalibus in gratia tua arderem, quàm extra gratiam paradiso gauderem!

Quid tamen grauissimus & ingratus peccator faciam? en ad tuos Sanctissime IESV pedes pronus confugio. Hi sunt afflicti & contriti

triti cordis mei solatium. Abhinc juro & statuo custodire judicia justitiæ tuæ. Malo millies mori, quàm te offendere. Vtinam nunc omnia corda, omnium lacrymas haberem! omnium cordibus, omnium lacrymis peccata deflerem! cum neq; sic sufficerem, offero tibi Pater dolorem & lacrymas Filij tui. Aspice in Filio, quod propitius in seruo.

Effusio contriti & humiliati cordis.

O Pater amantissime! cujus ego unicum terræ monstrum ob grauissima facinora mea non sum dignus vocari filius, qui Patrem in inferis elegi sceleribus meis; aperio tibi abyssum peccatorum meorum.

Tentarem Domine flumine lacrymarum ablucere scelera mea, sed nonnisi cruor amantissimi mei IESV lixiuum peccatorum est. In inferno nequitiae meae descriptae sunt, ideo non guttam aquae, ut ille diues à Patre Abraham, sed guttam sanguinis Christi postulo, ego diues & locupletissimus plenus omni iniquitate.

Hâc vero mea petitione ô Pater misericordiae! nolo fraudare justitiam tuam, sed volo deprecari bonitatem & Majestatem tuam. Non deprecor amissionem cæli, non deprecor supplicium inferni: sed deprecor offensam tuam, nec ardere metuo, sed peccasse doleo.

Quin imo optarem in ipsum infernum descendere viuens, ne amplius vultus tuus horrendis peccatorum meorum spectaculis lædi possit.

Sed

Sed quanta arrogare audeo? an in profundo inferni sub pedibus Luciferi aut Iudæ collocabor? an sub pedibus eius, qui alapam IESV dedit? an expectabo præcipitium Antichristi? an ad januam inferni collocabor, ut omnes introeuntes me dilacerent & pessumdent? nihil horum! cum ego non infernū, sed novos millies ac millies infernos comeritus sim! Ac proinde indignū me censeo etiā societate Dæmonū ac damnatorum, quia mihi soli infernus vilior & atrocior præparandus esset, quia ego omnium peccatorum maximus!

Ego sum opprobrium naturæ, pudor generis humani! si in te Creator dignissime verecundia aliqua cadere posset, nullius rei te puderet, nisi quod tam horrendum & abominabile monstrum conserues in mundo, ut meæ culpæ me fecerunt.

Quin & ipsis Dæmonibus dedecori sum, & à sua societate infernali meritò me repellerent. Nam licet illi peccauerunt, non tamen experti erant tantam misericordiam DEI: non peccauerunt contra DEVM, qui pro ipsis crucifixus fuit, qui se ipsum dedit in cibum. At ego peccaui! Ergo indignior & deterior sum Luciferò, indignior Iudæ, qui nondum viderat IESVM pro se mortuum, indignior Antichristo, qui non toties experietur gratiam ut ego, indignior omnibus Dæmonibus, qui semel peccauerunt.

Quid igitur miser faciam? nunquid cum Cain præcurrere contendam laqueo desperationis sententi.

tentiam quam merui æternæ damnationis? Misericordia Domine Misericordia! Hoc solum verbum relictum mihi est: in reliquis os meum apud te sine voce, & silentium meum loquitur tibi: Ne proijcias me à facie tua misericors IESV, & propitius sis mihi maximo peccatori. Et cum præ multitudine iniquitatis meæ loqui non audeam, gemitus meos & lacrymas cordis mei intellige misericordissime Domine.

Breviores Actus Contritionis.

1. **H**eu mihi! heu millies dicam! peccavi! super numerum arenæ maris multiplicatae sunt iniquitates meæ! non est peccatum super peccatum meum! non est iniquus super iniquitatem meam. Indignus sum miserationibus tuis Domine, sed misericordia tua superat malitiam meam.

2. O IESV Fili DEI viui miserere mei, & propitius esto mihi peccatori, quia tibi nihil impossibile est, quàm miseris nolle misereri.

3. O Pater misericordiarum! patientiam habe in me, & omnia reddam tibi, non de meo sed de pretio sanguinis Filij tui.

4. O dulcis IESV, quia te amo, detestor omnia peccata mea supra quidquid detestabile & execrabile est, & si possem de illis infinito dolore semper dolerem.

5. O DEVS meus! summa bonitas omnium creaturarum, tuoque ipsius amore infinitè digna; doleo quòd tam impudenter te offendere: doleo, non quia timeo, sed quia amo. Si sanguis.

Oratio ante Confessionem

Per Sanctos omium Angelos Archangelos Patri-
archas Prophetas Apostolos Martires Confes-
sors atq; Virgines ipsiusq; Sanctis fidei
Sanctos omium Principes et Reges Fi-
lij Tui virginitatis Parentes optime meritis
orationes, intercessiones, Passiones, Supra-
gias, infunde coram meo Clementissime De-
i per gratiam Spiritus Sancti compunctio-
nem fontemq; lacrimarum ut possim reatu-

Conscientiis meis, perfecte agnoscere et de-
licta peccatorum meorum plenarie confiteri et de-
vote commissa accusare, et de omni peccato omni-
bus dignam poenitentiam agere, et de his
Tua prestante misericordia Christe Jesu
Filij Tui dilectissimi Passione, et morte p-
fectam consequi remissionem, et veniam
per eundem Christum Dominum Nostrem Amen
O Deus in eius misericordia

sanguine meo fieri posset, vt non sis offensus; ecce me, discerpe me, paratum cor meum. Si tormentis inferorum deleri possit, ecce me: nullum est, quod non merui; nullum quod amore tui non præligo peccato, quod tantopere odisti.

6. O si omnes præteritos dies, horas, momenta pro maxima gloria tua impendissem mi DEVS! ô si ex corde perfecto tibi toto vitæ meæ tempore seruissem, te intensissimè amâssem! ô pretiosum tempus non amplius redituum!

*Hic peractis omnibus perge cum omni compuncti-
one ad pedes Confessarij, tanquam ad pedes ipsius
Christi Domini. Erubescere & confundere ad tanta
facinora, quæ cum summo dolore confiteberis.*

Ad quodcunq; peccatum, quod profers, puta te videre venenosissimum bufonem egredi per os, ex visceribus cordis tui.

Postea persuade tibi, te cernere Angelos imo ipsam Angelorum Reginam tibi congratulantem & applaudentem.

Contrario aspice aduersariorum tuorum rabiem, qui tanquam maximâ clade affecti, & optimâ prædâ spoliati, præ inuidia, rabie & furore rumpuntur.

Actus post Confessionem.

O DEVS meus! ô misericordia mea! quis sum ego homo miser & mirabilis, vt memor sis mei, imo vermis sum ego & non homo, omnium malitiosissimus & ingratus. Et dignum

gnum ducis super huiusmodi peccatore aperire oculos tuos, & vel semel respicere de summo cælorum? Quis hoc effecit & Sponse animæ meæ, quia me ingratiſſimum homuncionem, me vilissiſimum terræ vermiculum tam benignè respexiſti, ad pœnitentiam vocaſti, & in gratiam yt ſpero ac in dilectionem tuam recepisti.

Quoties vero & inexhausta bonitas in iſſis peccatis mortî me in ſpolium permittere potuiſſes, & æternum perdere, & hucusq; tamen conſeruasti? Et nunquid millenæ animæ in igne inextinguibili jam ardent æternũq; ardebunt, & minorum, & pauciorum, quàm ego ſclerum rerũ? & ego nondum ardeo toties læſæ reus Maieſtatis?

O Domine! quàm diu halitus erit in ore meo, miſericordias tuas in æternum cantabo. Benedicam te Dominum meum in omni tempore, ſemper laus tua in ore meo, qui propitiariſ omnibus iniquitatibus meis, & ſanas omnes infirmitates meas, qui redimis de interitu vitam meam, & coronas me in miſericordia & miſerationibus.

Quis ergo me ampliùs ſeparabit à te & bone IESV! an Diabolus? an caro? an mundus? an tribulatio? an voluptas? an mors? nihil horum cum gratia tua mi DEVS! O vtinam nunc mi IESV, opere monſtrare poſſim, quòd abhinc ſincere te ex toto corde, ex tota anima, & ex totis viribus amem! vtinam meus amor in te adæquet omnium Seraphinorum, omniumq; Electorum in cælo & in terra ar-

Oratio post Confessionem.

Omni misericordissime Dñe mi Iesu Xte infinitam bonitatem tuam p merita Sñd Passionis tue et Dilectis Sñd Matris tue Oumq. Sñt. tuor intercessionem rogo, ut Paternis visceribz confessionem factam suscipias defectq. omnes illic, & ubi ante imperfecta, suppleas, in contritione, puritate atq. integritate, et intercedente preciosissimo sanguine tuo plenamp. sententię pccator meo indulgentiam ut conequar ad gloriam Tuam salutem meam o Dñe mi Iesu Xte Salvator est

& o
nus
eam
pter

Redemptor meus, p merita Beatis sima Virgini
Charissime Matris Tuae, omnium Sanctorum
atq obsecro, ut grata et accepta sit Tibi ista
Confessio mea, atq inq^{ue} Deficit Tua pie-
tas in finit^{is} misericordia suppleat, et ve-
luti magnam bonitatem tuam pferre ab or-
nibus meis peccatis absolvere in celo dig-
naris, q vivis et regnas in saecula saeculorum
O Jesu ardens amore si te nunquam offe-
dissem in eo errore, o Jesu flamma ain-
ris miserere mei amen Amenor vim patie

ra ardentissimum amorem. Vtinam prius moriar in gratia tua, quàm vel vnico iterum peccato te offendam.

Quod verò mi DEVS! ad dignos pœnitentiæ & satisfactionis fructus faciendos ex mea parte vel intermissum, vel imperfectè peractum, obsecro mi IESV amantissime, suppleant tua vulnèra, suppleat tuus Sanguis, tuæ lacrymæ, tua mors, suppleant merita totius triumphantis & militantis Ecclesiæ.

CAPVT VII.

Praxis Sacræ Communionis.

*Ambulauit in fortitudine cibi illius vsq;
ad montem Dei Oreb. Exod. c. 3.*

Obseruanda ante Sacram Communionem.

1. **E**Rige primò mentis oculos ad cælum, & puta te videre DEVM Patrem innumèris cinctum Angelorum millibus, & ex ejus latere B. Virginem filium infantulum in gremio suo gestantem.

2. Prouolue te p. tibus Virginis Beatissimæ, & obsecra. vt pro te applicet, quatenus per manus ejus dulcissimum IESVM accipias. Puta eam primo quidem congressu repulsam pati propter peccata tua; at post multas preces tui gratia prolatas eum tandem placare.

P

3. Au.

3. Audi quomodo DEVS ob amorem Matris MARIÆ & preces illius tibi polliceatur filium suum.

4. Exulta, & gratias age vtriq; quod Imperator totius vniuersi descensurus sit in pauperulam domum tuam, eamq; inhabitaturus.

5. Admirare tantum DEI erga te amorem, tam effusissimam humanitatem & liberalitatem.

6. Æstima Sacerdotem esse Angelum DEI, qui à manibus B. Virginis suscepturus sit spetiosissimum Filium ejus, eumq; de cælo susceptum tibi porrecturus.

7. Eo puncto quo tibi communicandum est, puta tibi ab Angelis referari cælos: Christum à throno siue manibus Beatissimæ Matris suæ plenum Majestate & gloriâ in occursum tuum descendere; his te alloquentem: En adsum anima dilecta! En ego ipse ad te venio! Quid desideras amplius? quid vltra requiris?

8. Eja summâ animi demissione inuita Christum Dominum & pete vt his modis ad te veniat. Veni Domine cum patientia vt sustineas grauissima facinora mea. Veni cum humilitate, quia homo inops & pauper sum ego. Veni cum liberalitate, vt me donis tuis munificentissimè dites. Veni cum dulcedine, vt corda nostra in imbres lacrymarum resoluas. Veni cum charitate & amore, vt nos totos ad tui amorem, accendas, inflammes, & comburas.

9. Dum tibi Sacerdos Angelico adjutus ministerio porrigit verum DEI Filium, imaginare te os applicare lateri Christi, & sanguinem ejus

Resolutio Fiat mihi amor mi Jesu secundum
verbum tuum in veri Dñe Jesu ingredi me
Viste Dñi, qđ foris claus et portas attollite portas
Principes vestras et eleuamini portas et dñi nati on
pote cordis mei ecce enim introibit Rex glorio
Hæc est porta Dñi, et sanctus Paulus introibit per
eam, paratu Tibi cor meū Jesu, paratu cor meū
exurge igit gloria mea mi Jesu exurge pater
terium, et cithara mea mi Jesu iam veri mi Je
su, et noli tardare, Tibi dñi cor meū Dñe Jesu
veri pater mea requirit Te, et Vultum tuū ex
git, aucto, et aucto Dulcis sine Jesu recipere
Te habere Te possidere Te velle se coniungi
Tibi cor corporari Tibi Tibi D. Iun. Ut gage
Dñe Dulcis sine amor mi Jesu tener animam
meam, et non veni ad eam, ecce iam habet ipsam
vult auct, Dñe Descende festina veri priggua
moralis vita mea in me, et antequam exting
uat lucerna spiritus mei, odiosa est mihi
omnis quies sine Te, omnis dulcedo amara
omnis consolatio inuoluta est longe est mihi
omnis mora, aut tolle me aut veri ad me ubi
est expectatio mea ubi est Dñus meus, ubi est
qui dicebat ecce veris cito o Dñe iung modic
um modicum expecta, ggg istud ex pecto
ecce modicum iam transiit et Tu non repares

ades Dñe ades Desidero Te milites moriari sine
Te veri ostende mihi pacem tuam, ades mihi
Tu ades ovis, et Iudicium cordis mei proba con-
fida Tua recessa nolo angelos nolo quidquam
Te volo Tu veri Fames Caligant oculi
mei proinde dicitur Dulcissime Jesu, et non est tibi
cur & fames opprimit animam meam, et Tu non
veris, o ubi es? Dicbas caro mea vere est d-
ctus sanguis meus vere est potus, quomodo vere
est quando non est, aut si est cur, et non mihi
fames et non cibis me, sicut, et non in ebrias
me, ecce ostendunt mihi tibi sed quia non Tu
non vere tibi nolo illos Tuum cibum Te cibis
volo auerunt fauces meae substantia
reducta est in nihilum, et Tu o cibis me non
veris. Vas precum omni carni in tempore opor-
tuno et ego autem cur huius fame perco non
quis sanguinem Taurorum aut hircorum bibam
aut si exuri ero cui dicam si non tibi, cuius or-
bis terra o Deo qui pascis me a me contulit
mea da mihi panem hunc vult supercub-
stantiam gloriarum ut mortem non gaud-
sem in d-ctum. Invitatio XII O Panis
meus

CHRISTIANVS.

221

ejus pretiosum exfugere. Vel considera te videre puerum speciosissimum radijs splendidissimis circumfufum, vndiq; Angelis circumdatum. Cogita te fieri tunc templum Spiritus Sancti, & tabernaculum totius SS. Trinitatis, præcipue vero sacrarium quoddam Filij DEI.

*Actus timoris & humilitatis ante
Sacram. Communionem.*

O Amor vim patior responde pro me! quid dicam DEO vitæ meæ! ô amor quò tuam inclinas Majestatem! vnde mihi, vt tu venias de templo Sancto gloriæ tuæ? DEVS de DEO! & quo? ad me speluncam latronum, serpentum habitaculum, cloacam fætidam, vas contumeliæ toties fædatur, licet toties in sanguine tuo lotum! ad me leprosam & fornicariam Sponsam, quæ pro dilectione odium pro beneficijs maleficia reddidit!

O amor quò ducis fontem sapientiæ! stupet cælum, mirantur Angeli, certè vsq; ad abyssum miseriæ & malitiæ! Quis credat mi IESV, eo te in amore progressum, vt mihi mortuo cani & prodigo filio ad te reuerso des carnem tuam & sanguinem vnde comedam & bibam? O flos campi! ô liliū Conualium! ô panis Angelorum! quomodo factus es pabulum bestiarum! Ideonè Domine venies ad me, quia te amorem summum toties peccatis meis calcavi, spreui, & crucifixi?

Quæ pars animæ meæ munda est, in qua te
P 2
pote.

potero sepelire? quid os meum nisi sepulchrum patens, de quo nihil præter factores peccatorum meorum procedit? quid cor meum, nisi spelunca & abyssus iniquitatis? An fortè Domine vis iterum in stabulo nasci bestiarum? an denuo vis ad inferos descendere?

Non sum dignus Domine IESV! ut intres sub tectum meum. Cordialiter tibi dico, dico millies: vndequaqu; mi IESV conspectu tuo sum indignissimus. Indignissimus, quia sum vas sordidum, esca vermium, putredo & cinis. Indignissimus sum ob execranda facinora, nequitiam, & malitiam meam. Indignissimus sum ob abusum nature & gratiæ, spretum sanguinem tuum, tuam diuinam Clementiam pessumdatam. Indignissimus sum ob peccata, quæ præuides DEVS meus me in posterum commissurum.

Ergo nec oculos, nec cor audeo leuare Pater Sancte quia peccaui nimis in cælum & coram te, quia omnibus peccatoribus, ac ipsis damnatis deterior sum. Exi à me Domine, quia homo peccator sum. Non expedit hanc pretiosam cæli gemmam ante porcum proijcere. Et non est Domine bonum sumere panem Angelorum, & mittere canibus.

Scio tamen mi IESV! quia etiam catelli edunt de micis, quæ cadunt de mensa Dominorum suorum: ideo & ego miser & indignus catellus tuus Domine, pedes tuos sacros lambens, corpus tuum esuriens & sanguinem sitiens clamo post te: Da mihi dulcis IESV amor

amor meus micat panis viui, qui de cælo descendit, vt refocilletur anima mea.

*Deuote aspirationes ad Christum
suscipiendum.*

O Mi suauissime IESV! anima mea ardet, æstuat, flammescit in te, tota se exerit, quanta quanta est, tota ignescit & ebullit in te, deficit in te vsq; ad languorem & deliquium.

O amoris dulcedo! O vnicum centrum cordis mei! manducet te anima mea, & omnia interiora mea dulcissimo suauitatis tuæ liquore repleantur.

O vita & totum bonum meum! non possum viuere amplius sine te. Desidero te IESV mi intimè frui, da vt te comprehendam. Anima mea corpus tuum concupiscit, cor meum tibi vniri desiderat.

Quid dicam? quò vadam? vbi te mi IESV inueniam? quis renuntiabit dilecto, quia amore langueo? Ibo & ibo plorans quæram quem diligit anima mea. Vbi es dilecte mi? vbi requiescit cor tuum? vbi latet amor meus?

Vbi es O speciosè IESV præ filiis hominum, odorem tuum haurio, te autem non video? cur faciem tuam abscondis? an ideo quia dicis: non videbit me homo & viuet? Eja Domine moriar vt te videam, videam vt hinc moriar!

Pacifica mi bone IESV Spiritum meum ad inhærendum tibi iubilosis excessibus anhelantem. In te enim est totum, quod desiderare possum.

sum, tu salus mea & redemptio, tu spes & fortitudo, tu decus & gloria, tu diuitiæ thesaurus & possessio.

Cupio te suauissime IESV cum tali affectu, amore, & honore suscipere, cum tali fide, spe & puritate, sicut te suscepit Virgo Beatissima.

Desidero ex corde te tractare & suscipere, cum tali deuotione, gratitudine, & amore, quemadmodum multi Sancti & deuotæ personæ te desiderauerunt in communicando, qui tibi unquam placuerunt.

Desiderium & inuocatio Christi Domini.

O Pater amantissime! monstra te esse Patrem! ostende mihi Filium tuum & sufficit mihi. Quid enim mihi est in cælo, & præter illum, quid volo in terra? ille DEVS cordis mei, & pars mea DEVS in æternum.

Adjuro te Mater misericordiæ, & vos animæ Beata, nuntiate dilecto IESV meo, quia amore languco, præ magno faciei ejus videndæ desiderio.

O mi IESV suauissime, spes suspirantis animæ, te quærunt piæ lacrymæ & clamor mentis intimæ. Desidero te millies, mi IESV quando uenies, me lætum quando facies? Quemadmodum desiderat Ceruus ad fontes aquarum, ita desiderat anima mea ad te DEVS. O IESV! ne patiaris me diutius præ tui amore & desiderio languere aut interire.

Inuitatio XII. O Sancti De omnes o Sancti An-
geli o Divinissima Mater Maria non saltem
adeste, et operam vestram non denegate, abi-
te ad Sanctissimum hoc Sacramentum et
bonum vestrum amorem in eum quasi citis
et votis reverentia pro me adorare et ad
coris mei habitaculum invitate adoro Te
Sublimissime Jesu adorationibus Sanctorum
et adorationibus Sanctorum angelorum, et ado-
rationibus beatissimæ Tuæ matris et ear-
um eternum continuo invito Te ad coris
mei Domanculam Tibi desideratam apta
et pro paupertate mea paratam vers-
igis o Sanctissimum Sacramentum
veri amoris mi Jesu, ad servum Tuum, ad Domum
Tuam, cor meum arena est materia est, Tu
Architectus es omnipotens es, verbum omnia
creans es, vis palatium vis mundissimum
vis Te dignissimum es quia illud et erit

veni mi Jezu veni mi Jezu veni euge Jitici
Te mi formose mi veni unice mi columbule
mi veni, veni similis Capred hincullog cervo
veni saliens in montibz transiliens colles veni
ascensor Calor ascensor herubino qui
ambufas super pennas ventor veni en te
desidero veni, Te concupis co veni Juiamo
re languco, veni mi Jezu, veni et Deside
rium meum imple, implendo auge, ut plz
Te appetat, Te habeat, Te habere in a
ternum gaudeat / O anima mea

Alij alia quærant, te solum ego mi IESV quæro, te solum mi IESV desidero. Hoc millies dicam, hoc millies repetam: DEVS meus & omnia! Quid enim possum extra te desiderare cùm in te sint omnia? nimis avarus est cui tu non sufficis,

Veni obsecro Domine & noli tardare. Veni, descende priusquam moriar ô vita mea vt vi-
uam. Desidero te millies in quem desiderant Angeli prospicere, cujus pulchritudinem sol & luna mirantur.

Veni Domine in domum tuam, templum tuum, animam meam, quam tibi millies dedi-
ui & dedico toto corde meo. Absorbeat me vel nunc immensa & melliflua vis amoris tui: vt amore amoris tui moriar, qui amore mei dignatus es mori.

Veni IESV mi dulcissime! IESV sua-
uissime! vt quiescas & maneat in me, vt videam te, amem te, ardeam, liquecam, consumar, & consummer in te. Moriar mi IESV nisi vi-
dero te, moriar nisi gustauero, quàm suavis sis Domine.

Iam jam accessurus dic.

O Anima mea! en Sponsus tuus! en amor tuus! diuertit in pauperculum diuerforium cordis tui! En cælestis medicus accedit ad sanandum te! En amicus millies dilectissimus di-
tare vult extremam paupertatem tuam! En sol amabilissimus illuminabit densissimas tenebras tuas. O pietas! ô bonitas! ô misericordia mea!

O vtinam mi IESV nunquam te offendissem!
vtinam te semper & vnicum amassem.

Veni ergo bone IESV! Veni Sponse animæ meæ! Veni ad me & ne spernas pauper-
culam animam meam. Veni ô vnice amor meus!
O IESV dono tibi cor meum, animam meam,
corpus meum. Paratum cor meum DEVS,
paratum cor meum.

*Affectus in sumptione Corporis Christi
mente & corde ardentissimo exercendi.*

Dominus meus & DEVS meus! Quid mi-
hi & tibi ô IESV Fili MARIÆ Virgi-
nis? O res mirabilis manducat Dominum pau-
per seruus & humilis!

Quis sum ego seruus tuus, quoniam respe-
xisti super canem mortuum similem mei?

Iam quod quæsiui habeo, quod concupiui
teneo, DEVM meum possideo, & summo bo-
no gaudeo, cur jam corde non ardeo? Quàm
panis hic dulcissimus, & verè suauissimus, plus
millies gratissimus, quàm dicere sufficimus.

O Pater dono tibi cor IESV! ô IESV
dono tibi cor MARIÆ, dono tibi cor me-
um licet indignissimum! O IESV osculor vul-
nera tua, osculor pedes tuos! O IESV amo te
ex toto corde, vtinam non meo sed amore ar-
dentissimorum Seraphinorum.

Aue dulcissime IESV amor meus! aue
dulcedo cordis mei. Auete venerabiles manus
pro me crucifixæ. Aue latus speciosum pro
me vul-



Oratio ad Beatissimam. O Dulcissima Virgo
Maria mater Domini mei Te humiliter deprecor
et exoro ut mihi miserrimo peccatori assis-
tere digneris in hac hora qua preciosi-
simum filij Tui Corpus, et Sanguinem
sum percepturus sicut adisti ei con-
suegit, pro nobis inuicem morienti, te
obsecro rursus apud filium tuum pro me
ut Tuo benignissimo auxilio qua digneris
me illum ad meam eternam salutem susci-
piam, o Maria flos Virgineum cortegere
pallio misericordie. id Tuo, maculas cordis
et animi mei, comitare me eundem in
cursum filij Tui, impetra mihi benedictio-
nem ab ipso, ut illum cum omni Divina
virtute Deo cetero preparato suscipere
relinquatur gratum ac Dulce in anima
mea probere possim Amen. Salve mater
Salutare est

me vulneratum. Ave cor suauissimum mei IESV. Moriar mi IESV moriar inter desideratissimos & suauissimos amoris tui amplexus.

O IESV gaudeo de omni bono & gloria tua. O IESV omnia peccata mea & totius mundi commissa, quantum possum detestor propter te. O IESV esto mihi IESVS & Saluator nunc & in hora mortis meæ. O Domine totus sum tuus eroq; in æternum, sicut tu totus meus esse voluisti.

Obseruanda post S. Communionem.

1. Imaginare quod videas mentis oculis speciosissimum puerum in medio cordis tui radijs splendidissimis circumfusus.

2. Admirare tanti Hospitis apud te presentiam: Ergone putandum est, quod verè DEVS habitet super terram? Quid! Ergone corculum meum (ô amor meus) locus est tuus, tuum templum, tua sedes, tuum tribunal?

3. Gratias age, quas potes maximas, quia ad vnum stabulum, ad vnum grauissimum peccatorem Filius DEI descendit. Inuita omnes creaturas, ad gratias ei tecum referendas.

4. Considera postea, quæ fuerint loca minus digna, quæ tamen Christus sponte ingressus est eaq; glorificauit. Itaq; his eum alloquere,

Æstimo Domine te hodie intrasse stabulum Bethleemiticum, in quo sunt bestię indomitę & effrænata passionum mearum, conuerte obsecro illud in Sacrum tibi palatium. Persuadeo mihi te accubuisse in præsepi pleno stramine & paleis

paleis sensualitatis: conuerte illud quæso in thronum gloriæ. Agnosco te DEVM meum intrasse infernum tot Dæmonibus plenum, quot anima mea inquinata est sceleribus, conuerte, illum obsecro in paradysum Angelorum.

5. Præterea exerce omnes actus, quos cogitatione concipere potes exercuisse S. Paulum raptum ad tertium cælum. Et S. Magdalenam, quando post tot annos pænitiæ inter Angelorum melodias Sacrum hoc viaticum de manibus S. Maximini Aqueusis Episcopi suscepit.

6. Considera attentè, quid fecerit & dixerit B. Virgo, quanto cum feruore & ardore gratias DEO retulerit, quando sensit se grauidam DEI Filio.

7. Imaginare quòd videas SS. Angelos ante SS. Hosliam prostratos, & eam in corde tuo adorantes.

Actus Salutationis Christi.

Salue mundi salutare, Salue Salue IESV Charte, cordi tuo me aptare vellem vere, tu scis quare. Ore meo te contingo, & ardentè ad me stringo, in te meum cor intingo. O quàm dulcis panis iste, qui te gustet IESV Charte tuo viæus à dulcore, mori posset præ amore.

Salue Sacer Christi vultus, cæsus, consputus, incultus, qui mutasti tuum florem, pro me verius in pallorem, Salue caput venerandum totis votis amplexandum, quod dira spinæ presserunt, & vniq; confixerunt.

Aue caro delicata, flagris scissa, fatigata, quæ
pro

pro me pergens ad lethum gustasti fel & acetum.
Aue latus fons dulcoris, in quo patet vis amoris,
te saluto cor amænum, cor omnibus bonis
plenum.

Manus, pedes perforatos, & cruore purpura-
tos, corde veneror & ore, interno ductus amore.
Tuas mi IESV sacratas, & mirè vernantes pla-
gas, nunc inscribe meo cordi, vt sim gratus tuo
cordi.

Actus Adorationis.

Saluto & adoro te Augustissimum SACRA-
MENTVM, adorationibus omnium homi-
num & Angelorum vsq; ad diem iudicij dura-
turis.

Adoro te adorationibus omnium animarum
purgatorij, & omnium Sanctorum jam in cælo
triumphantium, & omnium creaturarum, quæ-
cunq; fuerunt, sunt, & erunt.

Saluto te Domine illâ præcipuè salutatione,
quâ te SS. Mater Incarnatum, genitum, rediui-
uum, in Eucharistia ad se venientem solita fuit
salutare. Illâ, quâ te Sancti cum primùm in cæ-
lum veniunt salutare solent. Illâ, quâ tu Pa-
trem Cælestem, & quâ te Pater Cælestis vnaque
omnes Angeli cælum ascendentem salutauère.

Laudo & adoro te SS. SACRAMEN-
TVM tot laudibus, quot ore proferri, quot
cordè omnium hominum excogitari vnquam po-
tuère vel possunt.

Laudo & adoro te SS. SACRAMEN-
TVM tot laudibus, quot Sanctissima Trinitas
suâ

suâ potentiâ depromere, Sapientiâ concipere, bonitate optare potest.

Actus Gratiarum actionis.

Quid retribuam tibi Domine IESV pro omnibus quæ tu tribuisti mihi? quomodo te non amabo dulcissime Hospes amorq; mi IESV, aut potius quomodo amabo te?

Non est quidquam, in omnium rerum vniuersitate pretiosius temet ipso mi IESV. Itaq; te ipsum, cum tua diuinitate, humanitate, gratiâ, donis, meritis, gloria omnibusq; diuitijs tibi offero. Offero & omnium iustorum ab origine mundi, vsq; ad ejus consummationem virtutes & merita, ac pios affectus erga te dulcissime IESV in venerabili SACRAMENTO existentem.

O quis etiam mihi det omnium Sanctorum triumphantium & militantium corda ad te mi IESV diligendum? ô vtinam haberem latitudinem cordis, sicut arena maris, sicut totus mundus, vt amare te possim latissimè mi IESV. Vtinam cor omnium hominû, cor omniû Angelorum meum esset, vtinâ cor tuû, cor Mariæ meum esset, vt ardore succensus Seraphico & diuino igne inextinguibilis charitatis tuæ ardeam, & totum me consumat, totum rapiat ignita vis amoris tui, ac me tecum vnum efficiat.

O quàm libenter te mi IESV excipio! ô quàm cupio dignè tractare te! ô vtinam ab initio semper fuisset secundùm cor tuum! vtinam nunquam te offendissem! confidentius item in tuos

tuos amplexus Sanctissime Amor. Nunc autem
conscijs pudor reijcit animam meam ad pedes
tuos hærentem.

*Actus Petitionis post S.
Communione.*

O Diues Domine in misericordia & miserati-
onibus, cujus sapientiæ & bonitatis infinitus
est thesaurus, miserere tam magni mendici, cujus
hodie pauperulam domum visitasti.

Extingue in me omnia terrena desideria, &
succende me ignita vi amoris tui, vt sim tecum
consummatus in vnum, omnino abstractus a me
ipso, & ab omni creatura. Dirige me in via tua
& doce me facere voluntatem tuam. Auge in
me fidem, spem, charitatem, & reliquas virtu-
tes statui meo necessarijs. Da mihi veniam pec-
catorum meorum, quæ multiplicata sunt super
numerus arenæ maris. Da vsum salutarem hu-
jus Sacramenti, & concede, ne vnquam te in-
mortalis peccato suscipiam, & ne sine hoc viatico
decedam ex hac vita.

Miserere omnium pro quib⁹ orare debeo, præ-
cipuè cōsaguineorū, affinium, amicorum & N. Re-
spice Domine omnes ægrotos, afflictos tenta-
tos, agonizantes & in quacunq; necessitate vel
periculo constitutos. Respice misericors D E-
V S, omnes Reges, Principes, & gentes Catholi-
cas. Respice omnes Hæreticos, Schismaticos,
Iudæos, & totum Ethnicismum, omnes gentes
à fide alienas & omnes in peccato mortali exi-
stentes ac obstinatos peccatores, da illis gratiam
vt re-

vt resipiscant, & ad te conuertantur. Miserere Domine omnium inimicorum meorum. Succurre omnibus qui se meis precibus commendauerunt, & pro quibus orare debeo. Da omnibus viuus gratiam & veniam, animabus fidelium defunctorum lucem & requiem sempiternam.

Deprecatio pro felici morte.

O Corpus Domini mei IESV crucifixi custodi migrantem animam meam in vitam æternam. O IESV esto mihi IESVS in vita & in morte. O Sanguis pretiose Domini mei, fac ne tuus infinitus valor & pretium pereat in me.

O mi dulcis IESV pro suprema illa necessitate supremam misericordiam tuam imploro. Illam gratiam peto, per MARIÆ & omnium Electorum tuorum merita, cum qua vides gratum me fore tibi in æternum. Suggere Domine mi ijs, qui circa me tunc erunt, suggere illa, quæ maximè vis fieri à me.

Anticipatò benedic mihi misericors Domine, benedic mihi morituro. Et dum Spiritus vitales deficient, mortuaq; lingua non poterit hoc tuum suauissimum nomen eloqui. Agnosce tamen tunc creaturam tuam non à Dijs alienis creatam, sed à te solo DEO viuo & vero. Non pereat in malitia sua, quod operata est bonitas tua.

Pulsant ad ostium tuum o IESV crucifixe desideria rugientium præcordiorum meorum, vt in æternum non auellar à te. Noli me o DE-

VS! in æternitatem plenam ærumnarum condemnare, qui pro me ad crucem damnatus es. Non expedit vt hæc lingua mea, quæ tunc pretioso sanguine rubescit, in æternum cum Dæmonibus blasphemet te.

Ne patiaris mi IESV! Sanguinem tuum, pretiosum perire in me, suoq; fructu priuari, quem pro salute nostra effudisti. Ne patiaris Saluator Clementissime tantos labores tuos, quos nostri causâ pertulisti fieri irritos, tantum pretium ne sustine inuanum fuisse expensum: sed compleatur in nobis fructus Passionis tuæ, labor tuus in nobis proficiat, mors tua in nobis vitam operetur.

Ad B. Virginem & Sanctos.

Respice in me gloriosissima Virgo MARIA, quia nunc habeo in corde meo amantissimum Filium tuum IESVM, illum ipsum hodie mihi dono datum tibi repræsentō, & offero tuis brachijs constringendum, tuo ore exosculandum, tuo corde amandum, & vnâ mecum adorandum.

Sancti Angeli, Sancti Archangeli, Cherubim & Seraphim, aspice primogenitum Patris æterni, quem introeuntem in orbem terrarum iussu Patris adorastis, adorate nunc eundem in corde meo, cantate illi pro me Sanctus, Sanctus.

Omnes Sancti & Sanctæ DEI vos præsertim Patroni mei amate in corde meo, laudate & magnificate mecum hunc Dominum meum, quia

quia esurientem impleuit bonis, & respexit super
canem mortuum similem mei.

Conclude.

A Nima Iesu sanctifica me. Sanguis Iesu la-
ua me. Passio Iesu conforta me. Vulnere Ie-
su sanate me. Cor Iesu recipe me. Spiritus Iesu
anima me. Bonitas Iesu reconcilia me. Pulchri-
tudo Iesu attrahe me. Humilitas Iesu deprime
me. Mansuetudo Iesu mitiga me. Pax Iesu pa-
cifica me. Amor Iesu inflamma me. Gratia Iesu
reple me. Misericordia Iesu salua me. Sanctitas
Iesu consecra me. Puritas Iesu emunda me. Crux
Iesu sustenta me. Clauis Iesu configite me. Spinæ
Iesu coronate me. Fel Iesu inebria me. Os Iesu
benedic me, in vita & in morte, in tempore &
in æternitate. Amen.

CAPVT VIII.

Praxis deuotè & reuerenter ce-
lebrandi Sacrificium Missæ.

*Ante Celebrationem, considerandum,
quanta sit Sacerdotum dignitas &
quanta debeat esse Sanctitas.*

Dignitas Sacerdotum, omnium Principum,
omnium Regum & Cæsarum fulgorem &
potestatem superat ac excedit. Ita de illa S. An-
gustinus in Psalms. 37. O veneranda Sacerdotum
dignitas, in quorum manibus DEI Filius, velut
in vte

in vtero Virginis incarnatur. O felices Sacerdotes, si sacerdotaliter vixeritis. O magnum mysterium, quod per vos Sanctissima Trinitas operatur, Cælum miratur: horrescit infernus: contremiscit Diabolus: reueretur quàm plurimùm Angelica celsitudo. Ille enim, qui creauit me sine me (si fas est dicere) creatur mediante me. Et ille, qui ex nihilo cuncta creauit sine me, dedit mihi creare se. O Sacerdotes attendite: maior est vobis dignitas collata, quàm Angelis, qui adorant, quod vos conficitis. Prouidete ergo vobis, vt nihil in vobis sit terrenum, nihil commune cum populo. Sit Angelica conuersatio vestra, vita diuina, mores illibati. Prouidete ne lingua loquendo, quæ vocat de cælo Filium DEI, contra Dominum loquatur: Et ne manus, quæ intinguntur sanguine Christi, polluantur sanguine peccatorum.

Præcognitio futuri Operis.

Quid facere aggredior? negotium omnium negotiorum maximum! Introibo in Sancta Sanctorum, hominum ad DEVM mediatorem agam! In conspectu Curiaë cælestis, coram SS. Trinitate publicam totius mundi causam perorabo! Parum est, sed etiam quod non est concessum Angelis; quod omnis creaturæ merita excedit corpus & sanguinem IESV Christi veri DEI verbis producam, & cum SS. Trinitate operabor hoc magnum SACRAMENTVM! Insuper etiam manibus tractabo! intuebor oculis! ore contingam! in viscera recondam!

Q

One-

O negotium omnium negotiorum maximum! Faceſſite quæuis alia negotia, omnes aliò auocantes cogitationes abite. Ruat mundus, pereant amici, quidquid pretioſiſſimum eſt vnius horæ inuoluatur damno. Majus præ omnibus negotium eſt. Ad hoc ſolum anima mea omnes potentiarum ſenſuumq; vires intende, hoc tracta, Cum illo jam inde occupari elige, cum quo beatiſſimè æternùm occupabere. Melior omnibus creaturis DEVS, huic omnia creata poſt-pone.

*Oblatio Sacrificij in quantum eſt La-
treuticum ſeu Adoratorium.*

O Ter magne DEVS! in vnione primi & ſummi Sacrificij & Sacerdotis Chriſti: in vnione omnium Sacerdotum noui & veteris teſtamenti & ſacrificatorum vsq; ad diem iudicij. Toto corde & corpore proſtratus ego puluis & cinis, hodie offerre tibi intendo Sacrificium corporis & ſanguinis IESV Chriſti Domini noſtri. Et inprimis

In recognitionem Tuæ admirabilis in vnitate Trinitatis, Tuarum Perſonalitatum, DEI Patris, DEI Filij, DEI Spiritus Sancti.

In adorationem infinitarum Perfectionum, Attributorum, & Proprietatum Tuarum, Tuæ nimirum Sapientiæ, quâ comprehendis te ipſum, & omnia poſſibilia, præſentia, præterita, & futura. Tuæ immenſitatis, quâ cælum & terram imples. Tuæ æternitatis & immortalitatis, quâ ſemper idem es, & anni tui non deficient. Tuæ
Omni.

Omnipotentia, Tuæ voluntatis, Pulchritudinis, Beatitudinis.

In adorationem tuorum actuum liberorum Tuæ Misericordiæ, quâ gravissimos quosq; toleras peccatores vt convertantur. Tuæ Iustitiæ, quâ nullum peccatum impunitum relinquis. Tuæ Prædestinationis Electorum ac reprobationis præscitorum. Tuæ Providentiæ & dispositionis æternum de nobis duraturæ. Tuæ liberalitatis in omnes creaturas diffusivæ.

In cultum patriæ tibi soli debitum, ac in protestationem supremi tui dominij in omnes creaturas, & nostræ subjectionis, ac omnimodæ dependentiæ à te.

In recompensationem laudis & gloriæ tibi ab Angelis Apostatis & damnatis, item ab omnibus infidelibus & peccatoribus, denegatæ & non persolvendæ. In supplementum omnium blasphemiarum, quæ sunt in terra & inferno contra Eucharistiam. In suppletionem omnium superstitionum & adorationum impensarum creaturis inanimatis & falsis Numinibus & subtractarum Tibi D E O viuo & vero.

In quantum est Gratiarum actuum.

IN vnione gratiarum actionis, quam agit & agit ab initio creationis suæ Sanctissima anima Christi, B. Virgo MARIA & omnes Sancti ac Beati. Gratas tibi Domine hoc Sacrificio ago, pro immenso gratiarum, donorum & gloriæ thesauro, quem contulisti Humanitati Christi Domini in via & in Patria.

Gratias tibi pro beneficijs concessis Beatissimæ Virgini, præcipuè verò dono Virgineæ Maternitatis diuinæ & Immaculatæ Conceptionis, ac pro ipsius exaltatione in cælesti gloria supra omnes Angelos & Sanctos.

Gratias tibi pro beneficio creationis, conseruationis, cooperationis, concursus exhibito & exhibendo omnibus & singulis creaturis. Pro Incarnatione verbi diuini, Pro vita, Passione, & morte IESV Christi. Pro doctrina ejus, consilijs, præceptis, exemplis, miraculis. Pro redemptione nostra, pro vsu & institutione Sacramentorum. Pro dilatatione per totum mundum Christianæ fidei, fundatione Religionum, extirpatione Hæresum.

Pro creatione omnium Angelorum ad gloriam tuam, & nostram custodiam. Pro prædestinatione, Vocatione, Iustificatione, Glorificatione omnium Electorum, Pro Conuersione omnium peccatorum.

Pro beneficijs concessis omnibus comprehensoribus & viatoribus, prædestinatis & reprobis, justis & peccatoribus, ingratiss & infidelibus, Dæmonibus & damnatis: imò etiam pro beneficijs, omnibus creaturis irrationalibus, quæcunque fuerunt, sunt, & erunt, præstitis.

Gratias tibi Domine & pro beneficijs mihi indignissimo collatis. Præcipuè quia me creati ad imaginem & similitudinem tuam, dono tuæ gratiæ per baptismum ditasti, Angelum ad mei custodiam deputasti, me pretioso Sanguine Filij tui redemisti, è sæculo nequam eripuisti, Sacerdotem

tem fecilli, donis tuis naturalibus & supernaturalibus ditasti, tot media ad Salutem æternam, & alia necessaria ad decentiam statûs, copiosè præbuiſti: ac pro beneficijs omnibus notis & incognitis, præteritis, præsentibus, & futuris mihi præstitis & præstendis.

In quantum est Impetratorium.

O Pater misericordiarum & DEVS totius consolationis! quia me famulum tuum, licet grauissimâ flagitiorum meorum onustum sarcinâ, legatione fungi apud te voluisti pro omnibus hominibus uiuis & defunctis. Offero tibi Sacrificium hoc.

Inprimis pro summo Pontifice Papa nostro, Cardinalibus, Patriarchis, Episcopis, Abbatibus, Parochis, Sacerdotibus, & vniuerso Clero, & omnibus alijs curam animarum gerentibus: vt omnes oues sibi commissas verbo & exemplo fideliter pascant

Pro statu Religionum omnium, & cunctis Religiosis præcipuè N. vt reducantur ad feruorem & perfectionem in qua fuerunt institutæ.

Pro Augustissimo Christianorum Imperatore, & cunctis Regibus & Principibus Catholicis, pro omnibus Magnatibus & Magistratibus, vt Ecclesiam venerentur, mandata tua custodiant, & de hostibus fidei triumphent.

Pro omnibus Benefactoribus, consanguineis, amicis, & inimicis. Pro omni statu Ecclesiæ. Pro Virginibus, conjugatis, viduis & orphanis, pauperibus, peregrinantibus, captiuis, ægrotis,

naugantibus, incarceratis, afflictis, in quacunq; necessitate & periculo constitutis: vt illis dones auxilium, remedium & consolationem, prout expedit ad gloriam tuam, & salutem illorum.

Pro omnibus Infidelibus, Turcis, Mauris, Idololatrīs, Iudæis, Hæreticis, Schismaticis, & alijs dissidentibus, ac omnibus obstinatis peccatoribus, vt ad te conuertantur & resipiscant.

Pro me ipso tandem infelicissimo peccatore: da mihi Domine veniam & remissionem omnium peccatorum. Confirma me in gratia tua, ne vquam mortaliter peccem. Da vitam plenam meritis, & tuo amore feruentem. Da mihi gratiam semper dignè celebrandi, communicandi, & viaticum in extremo agone sumendi. In particulari autem fructum quem possum & debeo illi N. principaliter applico, pro quo celebrare intendo.

In quantum est Propitiatorium.

Qvis sum ego indignissimus terræ vermiculus, vt audeam faciem meam leuare ad te, & aspicere altitudinem cæli? Christi igitur Filij tui, clementissime Pater, pretioso Sanguine & meritis onustus, offero tibi infinitam hanc propitiationem Diuinissimi hujus Sacrificij, pro omnibus peccatis, quibus offensus es à creatione mundi & offenderis vsq; ad diem iudicij.

Offero pro omnibus peccatis meis commissis, corde, ore, & opere. Accipe tremenda iustitia, DEI corpus & sanguinem Domini mei, & delicta mea, ac ignorantias meas ne memineris.

Offero

CHRISTIANVS.

241

Offero tibi Sacrificium hoc & pro omnibus, cum maiori Majestatis Tuæ indignatione perpetratis peccatis: Præcipuè per hæreses, superstitiones, idololatrias, Dæmonum inuocationes, errores, & magicas artes. Per Christicidium & Antichristi peccata.

Offero & pro animabus omnium fidelium, defunctorum præcipuè N. implorans Clementiam tuam, cui proprium est misereri semper & parcere, vt extinguas earum ardorem optato rore misericordiæ tuæ, & citò purgas in conspectum tuum admittas.

Actus diuersarum Virtutum,

Actus Fidei.

Persuadeo mihi firmiter, mi dulcis abscondite, **I E S V** me sub candido specierum Sacramentalium velamine, millies desideratissimum & speciosissimum vultum tuum latentem agnoscere.

Persuadeo mihi, videre mentis oculis roseum corpus tuum, ex quo fontes saluberrimi quinq; vulnerum tuorum, fontes aquarum viuentium, scaturiunt.

Et si non videam nunc in manibus tuis fixuram clauorum, & si non mittam manum meam in latus tuum, credo tamen, quia tu es Dominus meus & **D E V S** meus.

Et quia Te **D E V M** meum in SS. Sacramento hic latentem firmiter confiteor, ideo nomine omnium infidelium te non credentium & scire nolentium, nomine omnium Hæreticorum & Schismaticorum te blasphemantium, nomine omnium

Dæmonum & damnatorum te non adorantium, ego credo, adoro, ante te procido, tibi nomine terrestrium & infernorum inclamo: Centies milles laudetur SS. SACRAMENTUM.

Actus Spei.

SCio mi Domine: quia propter peccata mea indignus sum aëre quem respiro, indignus cælo quod aspicio, dignus mille inferis. Et quomodo præsumam accedere ad te sub his Eucharisticis speciebus verè præsentem? Ibi enim adest corpus tuum sole splendidius electum ex millibus. Ibi est sanguis pro nostra salute effusus. Ibi deniq; latet diuinitas tua.

Abyssus tamen malitiæ, nequitæ, & nihili mei, abyssum inuocat misericordiæ & bonitatis tuæ Domine. Nam licet plures sint arenæ maris iniquitates meæ, spero tamen quia non repelles me à te, spero in pretio Sanguinis tui, utique Domine nihil horum odisti quæ fecisti. Utique & catelli edunt de mensis Dominorum suorum.

Actus Charitatis.

Quid retribuam tibi Domine IESU, quia transituri de hoc mundo ad Patrem, reliquisti nobis pignus amoris immensi donans nobis pretiosissimi corporis & sanguinis tui Sacramentum?

Cur non mille habeo corda mi IESU? quæ ad tantam tui viui incendiij flammam resoluantur in cineres dilectionis tui? quomodo anima mea

mea tota se non euiscerabit exinanietq; in charitatem bonitatis & misericordiæ tuæ?

O si quantus quantus sum, totus nunc consumar, totus liquefam, totus suspensus de te deficiam à me, & transeam in te, totus vitali amoris tui morte moriar!

Actus Humilitatis.

Q Vis sum ego eminentissime DEVS, vt tantum opus aggredi audeam? quis ego sum & quistu es? Tu DEVS magnus & grandis nimis! DEVS Majestatis! DEVS cui cogitatio nulla par! DEVS nihil horum omnium, quæ cogitantur aut sunt, sed super illa omnia!

Ego autem quis sum? ego conceptus & educatus tot⁹ in peccatis! ego peccator major & vilior, quam putem, & quàm cogitare possim! ego labijs & toto corpore pollutus! ego mille titulis debitum inferno caput! ego terræ exosum pondus & cæli odium! ego tantò vilior, quantò plurium peccatorum constringor reatu! ego vilissimorum omnium vilissimus!

Tantusnè DEVS tantillo homini incorporabitur? O Sacramentum! O Mysterium! O arcanum abditum! quis vnquam id beneficii genus ausus est optare? nunquam in cor hominis descendit dignatio tanta.

O Domine! si tu ob immensitatem non agnoscis te, sine saltem, vt mea vilitas cognoscat te, & quidem merito formidet conjungi tibi.

O Cor meum, quàm audax & temerarium es, quòd vel cogitare audes accedere ad hoc Sacramen-

mentum. Estne tibi Seraphica illa cryſtallo niti-
dior puritas? Inſtar miraculi Eccleſia prædicat,
quod Filius DEI non horruerit Virginis vte-
rum, qui tamen à Spiritu Sancto pulcherrimo
gratiarum donorum ac virtutum omnium appa-
ratu fuerat inſtructus. Quomodo igitur te cu-
bile Draconum, te proſtibus, immundities, te
ſentina ſclerum non exhorreſcat? &c.

Actus Contritionis.

O Quantâ contritione ac lacrymarum fonte,
quantâ reuerentiâ, & tremore, quantâ cor-
poris & animæ puritate hoc diuinum ac cæleſte
Sacrificium eſt celebrandum mihi Domine; vbi
caro tua in veritate ſumitur, vbi Sanguis tuus in
veritate bibitur, vbi adest SS. Angelorum tuo-
rum præſentia: vbi tu Sacerdos & Sacrificium
mirabiliter & ineffabiliter es conſtitutus!

O vtinam & millies vtinam, nunc totum
mare verſum in ſanguinem, vel potiùs lacrymas
ducere poſſem per caput meum, vt vel ſic mun-
daretur ſentina extremæ vilitatis & peccatorum
meorum, quam tu inexcogitabilis dignitatis Do-
mine mi I E S V. inhabitare elegiſti.

O vtinam & millies vtinam cor meum extra-
ctum à corpore daretur mihi candentibus car-
bonibus fructatim adeo examinandum, vt deco-
ctâ ad purum ſcoriâ ejus, ſaltem & ſi non dignam,
non tamen tam nimis indignam tibi præbere
poſſem manſionem.

O vtinam mi I E S V nunquam te offendiſ-
ſem! ô vtinam te ſolum & vnicum ſemper amaſ-
ſem!

sem! Pœnitet me peccasse ideo solum quia amo-
te, semperq; pœnitebit: & si possem infinito
dolore nunc dolerem quod offenderim te. Non
amplius tamen mi IESV! non amplius. Hic
sit terminus delictorum meorum. Prius à Dæ-
mone obfidear, aut pœnas inferni patiar, quàm
peccem; & te amorem meum offendam.

Commemoratio Dominica Passionis.

OMnes Sancti Patres, Commemorationem
Dominicæ Passionis Sacrificium celebranti
super omnia necessariam esse affirmât, præcipientem
Apostolo: *Quotiescunq; manducabitis panem
hunc & Calicem bibetis, mortem Domini annuntia-
bitis donec Veniat. Quæ verba expendens Sera-
phicus Doctor dicit: Timeo nequaquam sine re-
morsu conscientia ac præiudicio animæ ad Sacrifici-
um posse accedere, nisi præmemorata ipsius institu-
entis charitate, ac eius passione & morte, in cuius
memoriam perpetuò recolendam illud Sacramen-
tum debere confici & percipi ipse præclare asseruit
& iniunxit.*

P R A X I S.

Saluete delicata membra Domini mei IESV
Christi, pro salute nostra diuersis pœnis in pas-
sione cruciata. Salue reuerendum caput pro no-
bis spinis coronatum & arundine percussum.
Salue pretiosissima facies pro nobis consputa-
& alapis cæsa. Salnete benignissimi Saluatoris
nostri oculi pro nobis lacrymis perfusi. Salue
sacrum os, gutturq; suauissimum pro nobis felle
& aceto

& aceto potatum. Saluete aures nobilissimæ pro nobis opprobrijs & cōtumelijs afflictæ.

Salue collum regium pro nobis colaphizatum, dorsumq; Sanctissimum pro nobis flagellatum. Saluete venerabiles manus & brachia pro nobis in cruce extensa. Salue pectus diuinissimum pro nobis in passione conturbatum & contusum. Saluete pedes adorandi pro nobis clavis confixi. Salue latus gloriosum pro nobis lanceâ militis perforatum. Salue corpus IESV totum pro nobis in cruce suspensum, vulneratum, mortuum, ac sepultum.

Salue cor mellissimum summæ Trinitatis gæzophylacium pro nobis in cruce disruptum. Salue ter Sanctissima IESV Christi anima ad mortem vsq; contristata. Salue Sanguis pretiosissime è vulneribus Christi copiosè effusus. Saluete adoranda Saluatoris nostri vulnera, monumenta charitatis & prælia Redemptionis humanæ. Per hæc vulnera tua mi bone IESV sana animam meam, & esto propitius mihi indignissimo peccatori.

*Pia desideria & affectus immediatè
ante Sacrum eliciendi.*

O IESV millies desideratissime ! ecce jam appropinquat hora, hora inquâ felicissima, quâ te DEVM meum in animam meam suscepturus sum. Extende igitur Sacratissimas manus tuas mi dulcis IESV ad amplexandam animam meam, & ne proijcias me à facie tua, licet id peccatis meis nullies meruerim.

O vi.

O vtinam nunc talem ac tantam deuotionem, talem ac tantum amorem, talem ac tantam munditiem, quâ vllum vnquam humanum cor ornatum fuit, in me haberem!

Vtinam & millies vtinam, omni virtute, omni desiderio repletus essem!

O vtinam & millies vtinam omnium Angelorum puritatem, omnium Apostolorum charitatem, omnium Martyrum merita, omnium Confessorum Sanctitatem, omnium Virginum habere puritatem & munditiem.

Vtinam tali reuerentiâ, deuotione, & amore te possem suscipere, sicut Beatissima Mater tua in tua Incarnatione & postmodum in Sacramento suscepit.

O quâm ego illo tempore, quo Sanctissimam Hostiam sumam, cuperem esse Cherubin & Seraphin, non propter meam sensualitatem, sed propter tuam dignitatem mi DEVS!

O vtinam & millies vtinam tuum Sacratissimum & Diuinissimum cor haberem mi IESV! vt Te in illud ipsum, tali quo dignus es modo, suscipere possem.

Vtinam me dulcis IESV totaliter ex tua præsentia accendas, comburas, & in te transmutes, vt vnus tecum efficiar Spiritus per gratiam intimæ vnionis, & liquefactionem ardentis amoris.

O si vel ad vnicum momentum transferar in te, absorbearq; à te, vt te DEO meo quantus quantus es in te, fruam & satier, poter & inebrier, hauriar & obruar, tenendo atq; fruendo, amando atq; innatando.

O Vir-

O Virgo Beatissima Mater misericordiæ! O SS, Angeli Sancti DE I omnes præcipuè Patroni mei N. N. ad vos clamo pauper, nudus, & humilis me euntem ad altare, ad immolandum corpus & sanguinem IESV Christi ornatè vestris virtutibus, fulcite meritis vestris.

O Pater da mihi filium tuum IESVM! O IESV! da mihi te ipsum! O Divinissime Spiritus da mihi corpus & sanguinem Domini mei, O IESV sis mihi IESVS.

De proxima dispositione ad Missam.

Antequam Sacras Vestes induas brevitè tacite mente institue colloquium. Et in primis.

Interroga te ipsum: Quid facere aggredieris peccator & vilis homuncio? tunè hodie apud SS. Trinitatem in conspectu Curiaë cælestis habebis audientiam? tunè introibis in Sancta Sanctorum?

Postea alloquere DEVM Patrem: O Pater! egonè mancipium tuum indignum, repræsentabo hodie Filium tuum in ara crucis tibi immolatum? Egonè labijs sordidioribus ipsius inferni faucibus, & manibus Luciferi, manibus quodammodo inquinatioribus præsumam atterere dilectum filium tuum? Egonè linguâ meâ fædis contaminatâ sceleribus è sinu tuo in terram sub species Sacramentales vnigenitum tuum euocabo?

Interroga Clementiam Diuinam, qui fieri poterit vt pro tanto ausu & temeritate ipsi Dæmone.

Dæmones tuorum scelerum conscij te è vestigio altaris abreptum in oculis hominum non strangu-
lent?

*Dum Sacras Vestes induis, velut lupum te in-
vestimentis ouium esse æstima: & Dæmones
tuorum scelerum conscios videaris audire per ir-
risum exprobrantes: En Saul inter Prophetas!*

*Postea singula sacri cultus ornamenta cum con-
sumelioso Christi amictu compara. Porro Ami-
ctus velamen illud significat, quo facies Christi
velata est, cum percutiebant eum, illudentes.
Alba, vestem albam denotat, quâ ab Herode ve-
lut stultus indutus fuit. Cingulum, funes qui-
bus in horto vinxerunt eum, siue flagella quibus
columnæ alligatum crudelissimè ceciderunt. Ma-
nipulus, vincula Stola, funes collo ejus injectos,
siue crucis patulum humeris ejus impositum.
Planeta, vestem purpuream.*

*Ad altare procedens, mente intueberis Chri-
stum quasi cruce onustum ante oculos tuos ad
montem Caluarix incedentem.*

*Cum perveneris ad altare, cælum tibi desuper
velut apertum contemplare, & effusam innume-
rabilem Angelorum & Sanctorum omnium mul-
titudinem te intueri cogita. Admirare tunc, esse
tibi homuncioni indignissimo, & exuli cantan-
da cantica Domini in terra aliena, & cantica An-
gelorum.*

*Epistolam & Evangelium lecturus dic intra-
te: Egonè in Ecclesia DEI depromam oracu-
la, qui tamdiu sedi in Cathedra pestilentix? E-
gonè*

gonè Euangelium promulgabo, qui factis & exemplis Euangelium impugnaui?

Ante tempus oblationis erubescere & confundere, tecum serio versans; quidnam animi gerere velis, qui vnicum & percarum Patri Filium, quem non semel peccatis tuis enecasti, præsumas offerre?

Quando patenam cum hostia accipis, reponere simul in ea cor tuum, cor omnium circumstantium & fidelium. Dum vinum Calici infundis, gratias ages D E O, quòd sub his speciebus se occultare voluerit, vel elicies desiderium te totum immergendi in abyssum meritorum Christi,

Dum manus lauas desidera ut erumpant sanguineæ lacrymæ ex oculis tuis, vel pretiosissimæ guttæ aquæ & sanguinis ex latere Christi ad diluenda peccata tua.

Cum dicis ante consecrationem, memento Domine famulorum famularumq; tuarum: statue tibi ob oculos cordis I E S V M recentem cruci affixum, totum sanguinolentum, dilaniatum, & descriptum in toto corpore eumq; cum lacrymis pro omnibus nobis Patri supplicantem.

Memento igitur viuorum junges cum memento Christi in cruce pendentis, ac in ipsius vulneribus depones omnes ac immerges, pro quibus orabis.

Ante Consecrationem cum summo timore & horrore Christi verba tibi ad aurem dici existina: Ecce appropinquat hora, & filius hominis tradetur in manus peccatoris. Dum accipis panem, puta te videre splendidissimos & lucidissimos refera-

referari cælos, Angelos omnes effundi, ipsum Filium DEI in Diuinis splendoribus supra panem consecrandum descendere.

Verba consecrationis prolaturus, considera te ipsius Christi personam gerere, & verba enuntiatuè in persona ipsius proferre. Proinde tunc vel maximè mentaliter intentionem actualem breuiter formare poteris. Volo in persona Christi & Ecclesiæ conficere corpus & sanguinem Christi. Vel: sicut ego conuerto mi DEVS substantiam panis in substantiam corporis tui, & vini substantiam in sanguinem tuum, ita desidero conuerti cor meum in amorem tui perpetuum.

Prolatis verbis consecrationis cum summa admiratione, amore, & timore, puta te videre aut infantulum IESVM eumq; speciosissimum formâ præ filijs hominum, ad quem adorandum eumq; custodiendum innumerabiles Angeli de cælo lapsi sunt: aut IESVM in manibus tuis quasi in cruce recens extensum. Proinde tunc cordialissimos mente affectus elice.

Dominus noster & DEVS meus: vel IESVS Fili David miserere mei vel: ô Pater! dono tibi Iesum. Vel: non dimittam te Domine Iesu donec benedixeris mihi & toti mundo, Vel: voces cælestium terrestrium & infernorum dicite, eleuato Domino: Laudetur SS. Sacramentum. Vel: Amo te DEVS meus pro omnibus & in omnibus & in æternum amare volo. Vel: O Iesu crucifixe parce mihi & omnibus peccatoribus. Vel: O Pater dilectissime respice in me quia in manibus meis habeo dulcissimum Filium tuum.

R

Vel:

Vel: O si exulcerationem illam sentire nunc possem, quæ te Dominum, dum crux attolleretur, totum excruciauit! Vel: O MARIA! electus Filius tuus.

Dum Calicem eleuas dic in corde: O Pretiosè Sanguis Domini mei ablue me. Vel: O IESV in sanguine tuo depono & deniergo peccata mea & totius mundi. Vel: Quis mihi det vt moriar etiam pro te mi IESV? O si meum scamentem in venis cruorem pro te effundere possem! Vel: O Pater! en Sanguis Filij tui clamat ad te pro nobis non vindictam sed misericordiam.

In memento Defunctorum primò commendabis animam, pro qua specialiter offers Sacrificium. Postea sine præiudicio illius commendabis animas consanguineorum, benefactorum, Religiosorum, deuotorum ad Beatissimam, fame, peste, bello sublatoz, animas quæ suis carent suffragijs. Animas, quarum corpora in hac Ecclesia, & in omnibus alijs per totum mundum requiescunt, &c.

Ante Communionem post verba: Domine non sum dignus. Imaginare Sanctos Angelos cum summa alacritate aperire penetralia cordis tui, & illuc introducere optatissimum Hospitem tuum dulcem IESVM.

Admirabundus ad tanti hospitis præsentiam clama ardentissimo corde: vnde mihi vt veniat Dominus meus ad me? Exi à me Domine quia peccator sum, & ipsis damnatis deterior. Cur tantum te mi IESV humilias? Credo, spero,

CHRISTIANVS.

253

spero, diligo. O Iesu dono tibi cor meum. Paratum cor meum DEVS, paratum cor meum. Doleo mi IESV quòd vnquam offenderim te. Misericordias tuas in æternum cantabo. Non dimittam te Domine, donec benedixeris mihi.

Ante Euangelium daturus benedictionem populo eleuatis in Christum crucifixum oculis dicit. O mi Iesu tu ipse auullis à cruce manibus benedic mihi, benedic circumstantibus, benedic Patriæ nostræ, & omnibus Fidelibus.

Actus post Missam.

Credo quia tu es Christus Filius DEI viui, qui ad me descendisti. Viuo ego jam non ego, viuit verò in me Christus, Quid sunt plagæ istæ in medio manuum tuarum mi IESV? Cor meum & caro mea exultauerunt in DEO meo. Sanctus, Sanctus, Sanctus Dominus DEVS Sabaoth. Pleni sunt cæli & terra gloriâ tuâ. Per viscera misericordiæ DEI nostri visitauit nos oriens ex alto. Gloria in excelsis Deo. Quid mihi jam est in cælo & à te quid volui super terram? defecit caro mea & cor meum Deus cordis mei, & pars mea Deus in æternum. Nunc dimittis seruum tuum Domine secundum verbum tuum in pace, quia viderunt oculi mei salutare tuum, quod parasti ante faciem omnium populo. Domine Iesu nouerim me, nouerim te, nec aliud cupiam nisi Te. Magnificat anima mea Dominum, & exultauit Spiritus meus in Deo salutari meo. Misericordias Domini in æternum cantabo,

Actus admirationis & gaudij de
D E O.

EN coram te suauissime Iesu se sistit anima mea miserijs plena! vt quid permisisti à me indignissimo peccatore te hodie tractari: & in latrinam corporis mei sceleribus multis labefactatam deponi? Quomodo tulisti vt hanc tibi execrandam injuriam irrogarem? Anni lacrymarum & pœnitentiæ mille non sufficerent ad Sacramentum tam excellens semel dignè suscipiendum, quanto minùs ego indignus aptus esse possum, qui peccare quotidie non cesso, incorrigibilis persenero, & imparatus accedo?

Pro admirando habetur, quòd ad imperium Iosue Sol in cælo steterit, sed nunquid non magis est stupendum, quòd ad vocem Sacerdotis, velut vocem meam hominis nequissimi & malitiosissimi, Deus cum tota sua imensa ac infinita Deitate sub species Sacramentales descendit, & ibi non raro indignissimè tractatur?

Quid est hoc mi dulcis Iesu? Quid inquam est hoc? Tu qui adeò immensus es, vt cuncta creata te capere non valeant à paruula contentus Hostia in mea intraisti viscera fœda? vnde mihi Domine vt tu venias ad Publicanum & peccatorem? An nescis quis sim ego pulvis vtiq; & cinis, vas sordium, esca vermium, & ad hunc tu de cælo venis? O DEVS & Dominus nostrer quàm admirabile est nomen tuum! Quam retribuam tibi Domine pro omnibus his, quæ contribuisti mihi.

O si te nunc non meo indignissimo, sed Seraphico, sed Mariano, sed tuo corde, mi Iesu intensissime amare possem! o si omnia creata corda omniumq; cordium affectus & amores in meum cor immergere & includere possem, quàm vellem te amare dulcis amor meus!

Tibi laudes concinant, tibi mecum gratias agant, te pro me mi Iesu ignitissime ament Beatissima Virgo Mater SS. Angeli, ac omnes Beati, vniuersi populi, tribus & linguæ. Iubilent tibi pro me omnes creaturæ, & misericordias tuas in æternum concinant.

Actus adorationis.

Aue augustissimum Sacramentum. Ave dulcissime & gratissime hospes amorq; mi Iesu: Saluto te salutationibus omnium creaturarum, quæcunq; fuerunt sunt & erunt.

Aue mi bone Iesu, deliriosissimum cordis mei centrum, recipe me in suauissimos amoris tui amplexus. Transfer me in te.

Osculor mi Iesu venerabiles manus tuas pro me cruci affixas. Osculor pedes tuos pro me clavis confixos. Osculor latus gloriosum pro me vulneratum.

Aue tremendum Saluatoris mei caput coronâ spineâ redimitum. Ave frons sole serenior, cruentata & in lapsu percussâ. Auete oculi pro me velati, contusi, liuore pleni. Auete aures contumelijs sauciata. Ave dulce os pro me siti & aceto cruciatum.

Petitiones post Missam.

O Domine ! cujus viscera misericordiæ patent omnibus, qui neminem vis perire, ideoq; pro omnibus hominibus mortem subijisti & hoc Sacramentum instituisti. Respice in me oculis misericordiæ tuæ, succende me ignita vi amoris tui. Dirige me in veritate tua, & da finalem in gratia tua perseverantiam &c.

Obsecro etiam Domine, ne ob respectum fæditatis meæ & peccatorum meorum illos negligas vel non exaudias, qui se per me tibi in hoc Sacrificio commendauerunt. Succurre itaq; & esto propitius benefactoribus, consanguineis &c.

Effunde miserationes tuas Domine Princeps Regum terræ in omnes Reges & Catholicos Principes, & in omnes gentes quæ te non nouerunt, Turcas, Idololatrias, Hæreticos &c.

Defende omnes fideles tuos à fame peste & bello, à cunctis aduersitatibus & periculis. Memento tot miserabilium peccatorum in peccatis mortalibus existentium. Ne sinas eos labi, qui in periculo & occasione peccandi versantur.

Succurre summo Pontifici nostro, cunctisq; Prælati & Presbyteris. Dissipa consilia impiorum ne quicquam Ecclesiæ tuæ, Regno huic & propagationi gloriæ tuæ officiant. Da huic congregationi ad quam me vocare dignatus es, bona spiritualia & temporalia. Da superioribus omnibus zelum disciplinæ, subditis obedientiam.

Succurre omnibus afflictis, pauperibus, ægrotis, agonizantibus, tentatis, incarceratis, & uni
uersis

uerſo omnium ſtatuum populo tuo. Succurre a-
nimabus purgatorii, vt refrigerium, quietem, &
lucem æternam obtineant.

Actus alij ſuperius videantur poſt Commu-
nionem, fol. 231.

Ad B. Virginem & Sanctos.

Respice me ô Domina, quoniam vnitus ſum
Filio tuo Ieſu, & cum vnitus ſim Filio tuo,
ego quoq; filius tuus ſum.


O Domina mea! ô Mater mea! doce me Fi-
lium tuum amare, vt tu illum amalli, doce me cum
illo deliciari,

Omnes Sancti Angeli & Patroni mei, vos a-
mate, vos adorete, vos laudate meum dulciſſi-
mum Ieſum, quia ego nescio, quid dicam DEO
vitæ meæ.

Conclude poſt Miſſam.

Anima Chriſti Sanctifica me: Corpus Chriſti
ſalua me: Aqua lateris Chriſti laua me: Paſ-
ſio Chriſti conforta me: O bone Ieſu exaudi me:
Intra vulnera tua absconde me: ne permittas me
ſeparari à te: Ab hoſte maligno defende me:

In hora mortis meæ voca me: & iube me
venire ad te: vt cum Sanctis tuis lau-
dem te, in ſæcula ſæcu-
lorum.



CAPVT IX.

Proponuntur quædam Praxes
seu Exercitia colendi per annum
Festa Christi Domini.

Viator DEVS.

In Aduentu Domini.

1. **O** Quando factus Viator DEVS cæli exultabit vt Gigas ad currendam viam! ô quando procedet tanquam Sponsus de thalamo suo?

2. O Pater misericordiarum! num in perpetuum obliuisceris nostri? derelinques nos in longitudinem dierum? operi manuum tuarum non porriges dexteram? Excita Domine potentiam tuam & veni, vt saluos facias nos.

3. Quemadmodum desiderat ceruus ad fontes aquarum, ita desiderat anima mea, vt te videre possit in ergastulo carnis natum sine contagio carnis.

4. O nos felices! quid audio! propter miseriam inopum & gemitum pauperum nunc exurgam dicit Dominus. Læsus est peccato DEVS; satisfaciat Deus, factus est homo reus; fiat homo Deus, vt liberetur reus. Peccauit caro, mundet caro

5. O ingenium amoris diuini! vt redimeretur homo, factus est Deus homo.

6. Ec-

6. Ecce jam Rex noster aduenit de cælis, lætentur cæli & exultet terra ante faciem Domini quia venit: quoniam venit saluare nos & dare se nobis.

7. Salue dies tot ætatibus exoptata, quæ Deus pro nobis factus est homo. Salue Gabriel Archangele tantum nobis annuntians gaudium. Salue Virgo gloriosa in cujus utero castissimo carnem assumpsit Deus!

8. O quàm potens est amor, qui ad tam infirma abijcis Deum! ô quàm Diuino est dissimilis amor meus!

9. O bonitas infinita! ô admiranda dignatio tua Domine, ut seruum redimeres Filium tradidisti:

10. Ama, amplectere Virgo Beatissima pro me dulcissimum Filium tuum in claustro uteri tui Virginalis latentem.

11. O Sancti Angeli adorate pro me primogenitum Patris æterni, quem ad nos traxit amor, rapuit charitas, reclinauit in utero Virginis misericordia, amate illum pro me, cantate illi Sanctus.

12. Tu qui in Sancto habitas excita potentiam tuam, & veni ex utero: tædet animam meam vitæ meæ, quia non video te Deum Deorum in Syon.

13. O vtinam mi Domine citius disrumperes cælum uteri Virginalis, & ad nos descenderes: ô longa mora! ô tædiosa dilatio!

14. Tibi dicit Domine Iesu cor meum, exquirat te facies mea, faciem tuam ardentissime videre

dere concupisco : sonet vox tua Diuine Pusio in auribus meis, vox enim tua dulcis & facies tua decora.

In Vigilia Natiuitatis Domini.

1. **N**ascere tandem aliquando post tot sæculorum luctum atq; squallorem ô parue Deus! ô magne puer! tam impatienter expectate, quàm vehementer expetite.

2. Nascere Domine, expectat te Mater tua, vt te osculetur osculo oris sui, ac pannis inuoluat: expectat te Iosephus, vt te Deum in carne adoret: expectat te bos vt cognoscat te possessorem suum, asinus, vt cognoscat præsepe Domini sui.

3. Natiuitas tua Infans Diuine, gaudium annuntiabit vniuerso mundo, tu enim es Sol iustitiæ, & gaudium vniuersæ terræ.

4. Egredere Domine de terra tua; euocat te militia cælestis, vt euangelizet gaudium magnum: Pastores vt te saluent: Magi vt munera offerant, Symeon vt te excipiat in vlnas suas.

5. Veni Domine propter miseriam inopum & gemitum pauperum: expectant te cæci vt videant; claudi vt ambulent, leprosi vt munden-
tur; mortui vt resurgant.

6. Age, perge Rex magne, ab ætheris palatio ad pauperrimam casam, à stellis ad paleas, ab Angelis ad iumenta, à Diuina Numinis tui forma, ad humanam Christi speciem delabere.

7. Dic mihi Virgo Mater vbi nascetur Filius tuus? num in stabulo? ô inaudita amoris prodigia

digia dilecti mei Cubile stabulum est, lectus Sponsi mei fœnum, puluillus stramen, aula vilis spelunca!

8. Opuelle Diuine! Amor magne & parue! Tu es, qui Seraphinos tuis dulcissimis ignibus inflamas, cur non stipulam & fœnum, in quibus jacebis infantulus accendes?

9. O Diuinitas tremenda! ô Humanitas amanda! ô Deus: ô Homo! ibi magnus in cœlis es! & hic parvus in terris! ibi regis sydera, hic fuges vbera! ibi sedes inter Angelos, hic jacebis inter bestias! ibi diues in throno, hic pauper in fœno!

10. Utinam mi Iesu tuæ natiuitati præsens adesse possem, dignusq; habitus, qui te halitu meo, pro brutis animalibus calefacerem!

11. At miserebuntur tui mi Iesu ipsa iumenta, quæ te suo halitu calefacient. Cognoscet bos Possessorem suum, & asinus præsepe Domini sui,

12. Veni ergo Domine & noli tardare, veni Iesu pulcherrime, clarissima gemma nata in mari diuinitatis paternæ, cujus originem nullus intellectus creatus potest indagare.

13. O puer! ô Deus! ô hominum & Angelorum amor! ô Rex cordis mei! ô Imperator animæ meæ, te videre concupisco, te desidero amplecti, osculari, tuos pedes, quia catellus tuus, lambere volo.

Media nocte Natiuitatis Domini.

1. **N**vm, quem diligit anima mea vidistis, vobis loquor Angeli Sancti? dicite mihi de Iesu.

Iesu meo, cui nunc cecinistis? indicate mihi quem diligit anima mea.

2. Pijissima Iesu Mater aperi mihi ostium dilecti mei: vadam & videbo hunc puerum natum antequam moriar.

3. Iesu Fili Dei, ostende quaeso te animæ quærenti, & vultum tuum cernere cupienti: quare enim dignatus es nasci, nisi velles etiam agnoscere?

4. Omnes Reges terræ desiderabant videre faciem Salomonis, & audire sapientiam ejus, & ecce plusquam Salomon hic: sinite ergo Pastores me introire ad Regem natum, ut osculer scabellum pedum ejus, & stabulum ejus.

5. Iam quod quaesivi habeo, Iesum meum, inuenio, & summo bono gaudeo, cur jam corde non ardeo?

6. Gaudens hodie gaudebo in Domino, & exultabit anima mea in Deo Iesu meo: inueni quem diligit anima mea, tenebo pedes ejus, nec dimittam, donec benedixerit mihi.

7. Salve millies desideratissime Hospes, salve dulcis puelle Iesu, ô Iesu Nazarene, Rex sæculorum, Rex cordium, deliciarum omnium, primæ ac summæ deliciæ, felicissima beati amoris æternitas. Salve vivificans gemma divinæ nobilitatis. Salve immarcescibilis flos humanæ dignitatis Iesu amantissime.

8. Salve Iesu, dominator omnium, speciosus Formâ præ filiis hominum, te agnoscimus & veneramur nostrum Clementissimum Dominum.

Salve

Salve Iesu decus Angelicum, fons viuus, lumen mentium, excedens omne gaudium, & omne desiderium.

9. O Mater! ecce Filius tuus. En pallent illius labella corallina: marcent rosæ genæ; vbertim stillant geminæ ocellorum gemulæ; crebrò gemit os formosulum; alternis singultit pectusculum lacteum; miserè tremunt frigidulæ manus; vndiq; titubat mollicela caro; tenerè palpitant paruula cum corculo viscera; toti trepidant infantiles artus.

10. O verè beatissima nox clarior omnibus sæculi noctibus, quæ scire meruit tempus & horam, quando de Virginali utero egressus est Dei Filius nostræ fragilitatis corpore indutus.

11. O benedicta nox, & laudent eam omnes filij lucis, quia natus est in ea Christus Filius Dei lux æternæ lucis.

12. Sed quomodo mi Deus! pusillus vagis in duro præsepio, & jaces mutus inter animalia!

13. O prodigium! en Viator Iesus cæli terrarumq; amor, procumbit inter bestias, quia non est, vbi reclinet caput suum in diuersorio, & fessus est ab itineribus æternitatis!

14. Angelus dicit: Euangelizo vobis gaudium magnum, natus est Saluator, at, quale mihi gaudium, dum plorat contemptus nec diuersorio receptus Amor?

15. O prodigium gaudij simul & doloris! Salue, inquit Deipara, Fili mi, & osculabatur eum, sed lacrymando, quia præsagiebat illud: Ave Rabbi, Ecce Deus, & canitur: Gloria in altissimis!

tissimis! sed quid illud? Ecce homo, & clamat: Crucifige eum. O quàm diuersa fors; hîc in stramine, ibi cum arundine: hîc in fascijs, ibi in vinculis: hîc tenero vagitu vitam inchoat, ibi clamore valido & lacrymis vitam finiet.

16. O Virgo beatissima, præbe lambenti Iesulo mamillam, vt ipse pro te præbeat percutienti maxillam.

17. O mi Iesu humillime & altissime plantulis tuis pronus accido, osculor pedes tuos intra præsepis angustias arctatos, osculor pro me clauis perforandos. Adoro in paruo corpusculo tuo tuam immensitatem, in paupertate tuas diuitias, in muta infantia tuam Sapientiam, in tenella ætate tuam æternitatem, in carne mortali tuam immortalitatem.

Die Natiuitatis Domini.

1. O Felix! ô ter beata hora! quâ hodie secus viam cecidit verbum caro factum.

2. Cur non ardet cor meum tenerrimo tui amore infans formosissime, qui salutem meam in ipso tui ortu operari cœpisti? quomodo non amabo te mi Domine ita amantem me?

3. O homo, quantum magnificatus es, & quantum Deus benignissimus apposuit cor suum erga te! an non clamabis vsq; & vsq;? Quid retribuam Domino pro omnibus, quæ tribuit mihi?

4. Non misit Deus Angelum, non Archangelum, non Patriarcham, non Prophetam, sed ipse venit Rex Angelorum & Dominus Prophetarum ad liberandum me.

5. O De-

5. O Deus bonitatis! nunquam magis te reddidisti amabilem, quàm cùm te exhibuisti miserabilem. Nunquam clariùs resplenduit bonitas tua, quàm cùm annihilata videbatur Majestas tua.

6. Vulnerasti cor meum tuo aduentu mi Iesu, vulnerasti cor meum, vtinam exnunc mori possem & viuere tibi.

7. Quis te adduxit mi Iesu nisi amor? & quis de cælo te traxit, & ad me inclinauit nisi amor? O amor & amor, quàm dulcis & fortis est hic amor! O etiam in me tam vehemens nascatur ardor, cui nihil sapiat, nisi Iesus æternus amor.

8. Meis affectibus paruule Iesu careo: offero tibi affectus Matris, affectus Angelorum psallentium, & Pastorum te adorantium.

9. Repræsentò tibi terra puerum natum, tibi datus, tibi natus ex intacta Virgine.

10. Non audebam ob peccata mea accedere ad te mi Iesu, nunc accedam, quia vinctus es & ligatus. Quis enim posset timere hunc paruulum? quem non succendent amore calentes Iesuli lacrymæ?

11. O dulcissime Fili Mariæ! ô dilecte mi Iesu candide & rubicunde! ô desiderate cunctis gentibus! en pauperculus seruus accedo ad te. Veni intra brachia mea. Requiesce supra cor meum. Irriga me lacrymis tuis. Inflamma me amore tuo. Benedic mihi paruulis manibus tuis. Osculare me suauissimis labellis tuis.

12. Tu es mi Iesu Pater pauperum, dator
miseris.

munerum, da mihi obsecro strenam, strenam gratiæ & amoris tui. Quid enim nobis denegare poteris, qui te ipsum nobis dedisti?

13. Quam verò & ego tibi mi Domine hodie strenam offeram? dono tibi mi Iesu cor meum, dono me totum, dispone de me, sicut de iumento tuo in tempore & æternitate. O Domine ego seruus tuus, & mancipium perpetuum. Matristuæ Mariæ.

In Circumcisione Domini.

1. **D**eus eras paruule Iesu, & eras innocens Filius Virginis innocentis; unde ergo opus tibi circumcisione?

2. O lapsus Adæ, quàm amarus es Domino meo! ego peccaui, & tu Domine pœnam exoluisti? ego in concupiscentia conceptus & natus sum, & tu suscipis in te ultionem? Agnosce ô homo, quàm graua sint tua vulnera, pro quibus necesse est, hunc Diuinum infantulum vulnerari.

3. Sponsus sanguinum tu mihi es, qui cùm voce nondum possis, ipso cruore tuo clamas ad Patrem, & infantulus, quem vix dum habes, sanguinem profundis.

4. Propter primitias sanguinis Iesu, ô Pater! benedic mihi, benedic Ecclesiæ, huic Regno, Religioni, benedic coronæ anni, & toti mundo.

5. O verbum incarnatum! ô Fili Virginis Matris æterniq; Patris! gaudeo & exulto, quia vocatum est nomen tuum Iesus.

6. O Iesu! adoro te, vt Nomen Maiestatis. Amo te, vt Nomen suauitatis, Inuoco te vt Nomen

men Potestatis. Opto sanguinem profundere, vt saluus fiam; quoniam & tu sanguinem tuum dedisti, vt Saluator esses.

7. Nomen tuum Sanctum & terribile mi Iesu! in persona omnium cælestium, terrestrium, & infernorum adoro, adoratumq; volo ab omnibus, super omnia, in æternum.

8. O Iesu nomen dulcissimum, esto mihi salus & redemptio: non enim est aliud nomen hominibus datum, in quo oporteat nos saluos fieri. Esto mihi Iesu, id quod diceris. Esto mihi turris fortitudinis à facie inimici.

9. O Iesu! pone te vt signaculum super cor meum, vt signaculum super os meum, vt signaculum super brachium meum; vt non cogitem nisi de te, vt non loquar nisi de te, vt non laborem nisi propter te.

10. Impetra mihi S. Bernarde, vt hoc nomen suauissimum & dulcissimum Iesus, semper dulcescat in corde & ore meo. Sit Iesus mel in ore meo, in aure melos, in corde iubilus.

11. Hoc sit mi Domine tecum in æternum. pactum: siue quidpiam vnquam scripsero, non sapiet mihi, nisi legero ibi Iesum. Siue vnquam disputauero, non sapiet mihi, nisi sonuerit ibi Iesus.

12. O vtinam hoc suauissimum nomen Iesus, vel saltem in extremo mortis meæ articulo, corde ardentissimo & deuotissimo pronuntiare possim! O Iesu sis mihi Iesus in morte. si quid commisi, vnde damnari possim, tu non perdidisti, vnde me saluare possis.

13. Nihil habeo quod offeram tibi, paruule Iesu! præter lacrymas contriti & amantis cordis, suscipe eas & misce sanguini tuo.

14. Quia dignus es Domine, semper accipere laudem, gloriam, & honorem; ideo desidero singulis hujus anni momentis, quolibet istu oculi, respiro, millies ac millies Seraphicè, Marianè, Theandrice, te adorare, te diligere, te appreciare, tibi gratias agere, gaudere & congratulari de bonis tuis & de gloria tua.

15. Omnes actus meritorios, omnes cultus, omnia Sacrificia tibi impendenda, anticipatò tibi offero, approbo, ratifico. Omnia instantia & momenta actionum peccaminosarum, quæcunq; erunt, desidero implere actibus Christi Domini, Beatissimæ Virginis, & Sanctorum omnium. Omnes cruces, morbos, afflictiones à me tolerandas libenter accepto. Omnia, quæcunq; cogitaturus, dicturus, & facturus sum, aspergo sanguine Domini Iesu, vnio meritis Iesu, Mariæ, & omnium Sanctorum.

16. Si vides Domine me aliquando hoc anno deliberatè contra te grauiter peccaturum, fac vt pro illo momento à Dæmone obsidear, antequam peccem, & tamdiu patiar, donec pertranseat momentum, quo peccaturus eram.

In Epiphania Domini.

1. **Q**uid facitis ò Magi, quid facitis? infantulum pauperem adoratis in tugurio vilis, in vilibus pannis? Ergone Deus est ille?

2. Quid facitis ò Reges quod & aurum offer-
tis?

tis? Ergo Rex ipse? ubi aula Regia? ubi thronus? nunquid aula est stabulum, thronus præsepium, curiæ frequentia Ioseph & Maria, serui bos & asinus?

3. O Iesu Rex meus & Deus meus, hoc Theophaniæ tuæ die, à sapientibus tribus Regibus adorate, à Ioanne baptizate, à Patre laudate; cum Matre ad nuptias inuitate, ac ibi ejus rogaru, aquâ in bonum vinum conuersâ, primo miraculo gloriose, cum summa humilitate plantis tuis accido, & cum tribus Regibus procido ante te.

4. Diuine Puer! turbetur licet Herodes, & omnis Hierosolyma cum illo, meus eris Rex, isq; vnicus.

5. Condoleo tibi mi Iesu, quia in propria venisti, & tui te non receperunt, quinimo vix es natus, & statim morti destinatus.

6. Crudelis Herodes expecta paulisper, quod nato Domino facere cupis, hoc lancea feri militis faciet.

7. Gratias tibi mi Deus, pro primitijs Gentium, & earum illuminatione admirabili.

8. Gratulor oculis vestris ô Magi! quibus vidistis Regem natum.

9. Apertis thesauris suis Reges obtulerunt tibi mi Domine munera. Aperi tibi thesaurum meum optimum, cor meum, tu habes clauem, claude illud alijs, tibi pateat soli.

10. Orere super tenebras cordis mei ô gloria Domini, ô Iesu gloria Patris & Matris. Exurge fac illud, dic animæ meæ: surge illuminare Ierusalem; quia venit lumen tuum.

11. Da mihi Domine, vt cum Abele, & cum his Regibus, optima optimè dem tibi optimo Deo meo. Accipe si quid boni habeo, vt illud amore tuo perficias, imò accipe etiam quicquid habui vel habeo mali; vt illud amore tuo exuras, & è pessimo facias optimum: vt vbi abundauit delictum, superabundet gratia.

12. Amor tuus mi Domine, præparet penitentia meæ myrrham primam in munus gratum tibi, ille me faciat thus tuum dolore contritum: ille me faciat aurum tuum, aurum ignitum: vt omnia opera mea sint è puro amoris tui metallo; & oratio mea ascendat vt virgula ex aromatibus myrrhæ & thuris, tibi Regi opera mea dedicans.

13. O Iesu stella splendida & matutina in Mariæ sinu, tanquam in firmamento splendens, fac, vt cum his Regibus, in splendore ortus tui, ambulet cor meum; ac singulæ cogitationes & actiones meæ, sicut stellæ manentes in ordine suo, sint discipulæ tuæ.

14. O mi Deus! vtinam omnes gentes, omnes tribus & populi, omnes Reges terræ & Principes cum his tribus magis venirent, teq; adorarent, ante te Deum prociderent, te solum mi Iesu fide viuam cognoscerent, te solum amarent, tibi fideliter seruirent: tunc videndo afflueret & dilataretur cor nostrum cum gaudio magno valde.

15. Quia tibi Regi sæculorum ac Dominum dominantium debetur summa laus, honor, & gloria, ideo omnium Regum, omnium Principum, tam Catholicorum quàm infidelium, etiam
oppo-

oppositum volentium colla & corda tibi subijcio, in persona illorum ante te procido, te adoro, adoratumq; volo & desidero ab omnibus, quicunque futuri sunt.

Die Cinerum.

1. **V**Is Domine me flere, jubes me flere, peccata mea & meorum? Ad Sacros tuos pedes velut ad asylum reus accurro, & ante illos toto corde prostratus clamo: Eheu! peccaui Domino. Tibi soli peccaui, quem solum amare debui.

2. Tu dixisti Domine: nolo mortem peccatoris, sed magis vt conuertatur & viuat; ideo adrepo cinere aspersus ad te, cum sim puluis & cinis, qui tuum altare olim cinere mundari iussisti: Iobum tuum cinere coopertum amasti; Dauidi cinerem tanquam panem manducanti pepercisti.

3. Ne reminiscaris Domine delicta nostra, vel Parentum, Fratrum &c. neq; vindictam sumas de peccatis nostris.

4. Ne memineris iniquitatum nostrarum antiquarum, mi Domine, cito anticipent nos misericordiae tuæ, quia pauperes facti sumus nimis.

5. Adjuua nos Deus salutatis noster, & propter gloriam nominis tui Domine libera nos: & propitius esto peccatis nostris propter nomen tuum.

6. Nonne dixisti Domine: gaudium esse in cælo super vno peccatore pœnitentiam agente? exple igitur hoc gaudium in cælis de me. Pœni-

ret me peccasse, semperq; penitebit: & si possem infinito dolore dolerem, quod offenderim te.

7. Detestor & execror omnia peccata mea, supra quidquid detestabile & execrabile est, & propono me nunquam amplius te offensurum.

8. O Iesu! O Maria! ambo quidem offensi estis, sed ambo estis abyssus misericordiae, & dulcedinis, parce ergo misericordissime Iesu, parce seruo Matris tuae, misericordissima Mater Maria, parce mancipio Filij tui.

9. Et quia mi Domine amore tui solius detestor omnia peccata mea, en etiam omnia & singula mea jejunia offero & dedico tibi in sacrificium amoris tui, cujus imperio volo tibi, ea per Ecclesiam imperanti, obedire, quae conjungo cum omnibus tuis, Mariae ac omnium Electorum jejunijs & meritis omnibus, ut tibi placeant.

10. Eo etiam sine mi Deus hoc jejunium instituo. Ut nimirum subtraham materiam vitiorum. Ut tuear castitatem meo statui convenientem. Ut seruem sanitatem virtuti impendendam. Ut animum aptem inspirationibus tuis. Ut imiter jejunium tuum & Sanctorum. Ut me comparem ad orationem & venerabilem Eucharistiam. Ut satisfaciam pro excessu in cibo & potu.

Tempore Passionis.

1. **S**I vnquam aliàs, nunc certè tempus est exhibendi te mihi Deum misericordiae ac benignitatis, Iesu mi amantissime, Conditor ac Redem-

demptor! atq; omne bonum meum. Ecce! monstrum ingratitudinis ac perfidiæ sistit se diuino conspectui tuo.

2. Quid facere poteris amplius in gratiam mei, quàm mori in cruce? poterisne maiori pretium regnum tuum ac potestatem mercari, quàm quo salutem meam redemisti?

3. Quid dixerint Seraphini, cum Deum viderent inter duos latrones cruci affixum? mori Deum & mori quidem inter tormenta tam immania, inter opprobria tam nefanda, fluctibus doloris obrutum decumanis? nunquid par erat, vt excelsæ illæ mentes attonitæ obtupecerent, tam inexpectato caritatis excessu, cuius capax non erat cor aliud, quàm diuinum?

4. Sed en! noua admirandi materies! en! prodigium ingratitudinis, supra bonitatis excessum nouum atq; insolens! post tot perpeffiones, post tantum sanguinis prodigè effusum, quos fructus refers mi Deus? nondum expugnare potuisti ingratum hoc cor meum?

5. O dedecus abominandum! post mortem mei causâ exantlatam, potui contemnere te, potui renouare vulnera tua, nouisq; sceleribus tuum conculcare sanguinem?

6. Ah! vt nunc saltem parem ingratitudini meæ sentirem dolorem, vt pænitentiam saltem pro amore, pro sanguine lacrymas redderem! Sed & istic deficio miser, neq; aliud mihi restat, quàm vt ad te confugiam mi Deus! & desiderem hunc dolorem, & ex toto corde flagitem.

7. Vides Domine & scis me dolorem non me-

rer, sed & scis, consequi me cum non posse absq;
te; ex me cadere possum, at non resurgere, auer-
ti à te, sed non redire ad te, peccare sed non pæ-
nitere.

8. Tu Amator animæ hujus fidelissime, reli-
quis miserationibus tuis etiam hanc adde, vt ope-
ri manuum tuarum porrigas dexteram, meq;
miserum subleues atq; sustentas; ego amoris tuo
victas do manus, æstimo te & amo super omne
bonum, & propter hunc solum amorem tui a-
bominor peccatum super omne malum, detestor
illud & execror, velut causam perpeffionum tu-
arum, tuæq; mortis vnicam originem.

9. Patrocinentur ergo mihi mi Iesu vulnera
tua, pro mea salute clament ad Patrem, impetrent
mihi misericordiam, gratiamq; abundantem, vt
moriar prius, quàm te rursus offendam.

Die Gane Domini.

1. **O** Mi Iesu! dum te video ad pedes Iudæ
hodie prostratum, timor & tremor veni-
unt super me! & dum considero opera tua ex-
pauesco!

2. Amabilissimam hanc charitatem tuam ô mi
Deus, admiror & veneror, æstimo & laudo,
magnifico & benedico, quantum possum: neq;
possum quantum volo: neq; velle valeo, quan-
tum debeo.

3. Exosculor mi Iesu illas tuas diuinas ma-
nus, quibus lauisti pedes discipulorum, & ipsius
proditoris tui.

4. O si & ego hodie in toto mundo omni-
um ege.

um egenorum, omnium pauperum pedes in terra prostratus lauare possem! quia id præstare non valeo, offero tibi Domine lotiones pedum ubi-
cunq; factas à deuotis tuis seruis & faciendas vsq; ad finem iudicij.

5. Exosculor mi Iesu tuas sacras manus, quibus sub speciebus panis & vini, hodie pretiosissimi corporis & sanguinis tui Sacramentum discipulis tuis tradidisti,

6. O anima Christiana! vide & considera, quomodo memoriam fecit mirabilium suorum, misericors & miserator Dominus, & fecit cænam magnam.

7. O prodigium! ecce homo quidam fecit cænam magnam. Magnam, quia à magno Deo, magnâ charitate propositam. Magnam, quia magno prodigio elaboratam. Magnam, quia magnis ferculis instructam, corpore Christi, animâ Christi, Diuinitate Christi.

8. O mi Iesu! si me totum debeo pro meo facto, quid dabo pro refectione hoc modo?

9. Vicisti Domine vicisti misericordiâ & bonitate tua omnia exempla, omnia ingenia, omnes amores, omnium amorum gradus, & omnem expectationem omnium creaturarum superasti.

10. O si possem mi Deus! reparare omnes irreuerentias, profanationes, impietates contra tuam Majestatem in hoc Sacramento verè contentam, præcipuè hodie à Iudæis, hæreticis & sagis commissas & committendas.

11. O si possem nunc tantum tibi exhibere honorem, quantum tibi dedissent darentq; omnes
simul

simul Athei, infideles, hæretici, Turcæ, idololatræ, & omnes blasphemi, si essent vel fuissent fideles, teq; totâ vitâ suâ debito cultu & recognitione honorassent.

12. Pro omnibus contemptibus & irreuerentijs, quas aliquando mi Domine tulisti & feres vsq; ad tempora Antichristi innouo tibi & offero primum sacrum à te, & primam communionem à Beatissima, Apostolis, & omnibus alijs factam, cum illa adoratione & honore qualem Spiritus Sanctus illis inspirauit.

Die Parasceues.

1. **O** Anima Christiana! respice in faciem Christi tui & intuere speciosum formâ præ filijs hominum opprobrijs, injurijs, verberibus, liuoribus, contusionibus pro te ita deformatum, vt non sit ei species neq; decor.

2. Vide caput nobilissimum spinarum punctationibus transfossus & percussionibus attritum. Vide genas modestissimas sputis fædatis, alapis cæsas, sanguine cruentatas. Vide oculos benignissimos lacrymis perfusos, & ad ignominiam velatos. Vide os suauissimâ sibi ardentissima cruciatum & felle atq; aceto potatum.

3. Vide dorsum, supra quod fabricauerunt peccatores verberibus dilaniatum & humeros crucis pondere oppressos. Vide brachia amabilissima funibus deuincta, & in cruce crudeliter extensa. Vide manus innocentissimas durissimis clauis perforatas. Vide pedes delicatos tot irine-ribus defatigatos, ac cruci tandem affixos.

4. Vide

4. Vide corpus venerabile pro nobis in cruce suspensum, vulneratum, mortuum, & sepultum. Vide sanguinem pretiosissimum vsq; ad minimam guttam pro nostra salute misericorditer effusum.

5. O Pater! quàm stupendâ, quàm inauditâ charitate dilexisti me! vt seruum redimeres Filium tuum tradidisti.

6. O mi Iesu suauissime! abyssus bonitatis, tantanè res erat salus peccatricis animæ meæ vt ei expiandæ tantum sacrificium ab æterno destinares? adeonè non taurorum aut vitulorum sanguine, non corruptibilibus auro vel argento redemptus sum, sed tui ipsius pretioso sanguine, quasi Agni immaculati?

7. Quid retribuam tibi Domine mi Iesu pro omnibus his quæ tu tribuisti mihi? quomodo amabo te, vel potius quomodo redamabo te ita amantem me?

8. O si incessanter eâ flamma amoris arderem, amando te, quâ ardes Tu, quâ ardet Mater tua, quâ ardent Seraphini! quâ ardent omnes Sancti tui!

9. O si incessanter tot millenis vicibus te adorare, & benedicere, te salutare, & amare possem, quot suspiria mi Iesu emisisti, quot lacrymas fudisti, quot dolores sustinuisti, quot lapsibus cecidisti, quot pænosis gressibus ambulasti!

10. O si tot millenis vicibus, amore tui sanguinem meum effundere possem, quot vulneribus in flagellatione concisus, quot spinis in coronatione vulneratus, quot sistentibus sputis ea macula-

maculatus, quot funibus ligatus, quot iniquis iudicijs es condemnatus!

In Solennitate Sancti Sepulchri.

1. **O** Angeli! ô cæli! ô elementa! ô creaturæ omnes! adeste! En jam Dominus Iesus mortuus est!

2. Venite omnes ad Sacrum hoc depositum jam sepulchro conditum, & mecum flete, nam pupilli facti sumus absq; Patre. Cecidit corona capitis nostri.

3. O anima Christiana! Ecce quomodo bonus Iesus amavit te! Dedit pro te genas vellentibus; faciem conspuentibus; capillos extrahentibus; corpus percutientibus; caput coronantibus; manus pedesq; perforantibus.

4. Ecce quomodo amavit te! Quando unicâ guttâ sudoris, unicâ lacrymulâ, gressu, gemitu, ictu oculi, voluntatis actu te redimere potuisset: ah! quot guttas sanguinis, quot lacrymas, gressus, gemitus, horas, dies annos impendit!

5. O dulcedo mea, quot amaritudinibus; ô gaudium meum, quot lacrymis! ô sanitas mea, quot vulneribus! ô vita mea, quot mortibus pro me obruta es!

6. Omî Creator ô mi Redemptor quantum tibi debeo! quomo lo tam exilis amor meus respondet diuino affectui & amoris tuo!

7. O si cor meum esset Salamandra, & continuo ardens viueret in flamma amoris diuini! ô si audiente toto cælo & terrâ semper & ubiq; clamare possem: Millies ac centies millies dignus est

est Agnus qui occisus est, accipere virtutem, & Diuinitatem, & sapientiam, & fortitudinem, & honorem, & gloriam, & benedictionem.

8. O si incessanter mi dulcis Iesu! tuum reuerendum caput pro nobis spinis coronatum, tuam faciem pro nobis consputam, tuos oculos lacrymis perfusos, tuas manus & pedes clauis confixos, cum gemitu & lacrymis osculari possem!

In Resurrectione Domini.

1. **E**xurge Domine! exurge de tenebris, & umbra mortis, non decet Sanctum Domini videre corruptionem.

2. O anima mea! en dilectus tuus candidus & rubicundus loquitur tibi, surge propterea amica mea & veni: jam enim hyems transijt doloris, imber abiit sanguinis, flores renascuntur lætitiæ,

3. O Pater! annuntio tibi gaudium magnum, Iesus Filius tuus viuit! quem fera pessima deuorare voluit, & ipse dominabitur in cælo & in terra.

4. Consurge, consurge Maria, induere vestimentis gloriæ tuæ Virgo gloriosa. Surge & illuminare, quia venit lumen tuum, & gloria Domini Iesu, gloria Filij tui resurgentis super te orta est.

5. O Angeli pacis! gaudete in Domino, iterum dico gaudete, en ille nuper despectus Rex vester, iterum speciosus formâ præ filiis hominum factus est.

6. Quàm

6. Quàm magna multitudo dulcedinis vestræ ô SS. Apostoli! quam habuistis videndo & amplectendo Dominum vestrum è mortuis rediuium.

7. O si possem velocissimè totam peragrarè terram, & clamore valido ubiq; vociferari: Viuit Iesus! viuit Iesus!

8. Lætare & exulta anima mea! en cui nuper non erat aspectus neq; decor, nunc resplenduit facies ejus sicut sol, vestimenta autem illius facta sunt alba sicut nix.

9. Infelix Synagoga, vidisti nuper Regem tuum & fecisti tanquam leprosum, & nouissimum virorum, en cerne! vt pulchritudinem illius sol & luna mirantur.

10. Ostende etiam mihi mi dulcis Iesu faciem tuam gloriosam! sufficit mihi illam videre, antequam moriar. O si citiùs venirem & apparerem ante te! tunc cum lætitia exclamarem: Dominus meus & Deus meus.

11. Sancte Iesu per Sanctam Resurrectionem tuam te rogo fac me Sanctum: resuscita me cum Sanctis illis de quibus dicitur: Multa corpora Sanctorum, qui dormierant, surrexerunt. Duc me in Sanctam ciuitatem tuam, in qua tu es: fac me ita viuere, sicut sancti illi, à te resuscitati vixerunt tecum.

12. O vere Agne, qui abstulisti peccata mundi! aufer & mea, qui mortem nostram moriendo destruxisti, destrue & meam; qui vitam resurgendo reparasti, repara & meam.

13. Quid verò sunt plagæ istæ in medio manuum

num tuarum? in medio pedum tuorum, in medio cordis tui? Overè sunt æterni testes amoris; diuinæ monumenta pietatis; cruentæ trophæa victoriæ; nimix symbola charitatis; verè sunt januæ cælorum; sunt claustra inferorum; sunt fodinæ gratiarum; sunt deliciæ hominum & Angelorum.

14. Exosculor mi Iesu hæc rosea vulnera, ac cicatrices tuas splendidiore sole, exosculor tuum Deificarum cor, quod in morte tua tam vehemens rupit amor & dolor.

15. O vtinam mergar & absorbear pelago pietatis istius: abyssio miserationum istarum: vtinam inter vulnera illa intra viscera illa abscondar ibiq; perpetuo stupore defixus, exclamem æternitate totâ: Deus meus & Amor meus!

16. Imprime mihi mi dulcis Iesu! cicatrices istas, & lancinent cor meum altissimo vulnere, & vulnere sempiterno: vt tui vnus desiderio langueat cor meum, tui vnus amore moriatur, & moriens resurgat, & te diligat in æternum.

In Ascensione Domini.

1. **A** Bixisti Domine in cælum, quia malè tibi in terra à nobis peccatoribus fuit.

2. O Domine! ideonè tot annis quæsitus, tot sæculis expectatus, tot votis expetitus, tot suspirijs exoptatus, tot lacrymis quæsitus fuisti, vt breui nobiscum conuersatus redires? quid displicuit tibi in nobis?

3. Quomodo mi Domine potes dicere: deliciæ

licia meæ esse cum filiis hominum, cum in altissimis habites, nos autem relinquo in infimis?

4. O Pater! quid facis nobis sic? omnes dolentes amittimus Salvatorem nostrum, & non est tibi curæ, quod nos desolatos relinquit?

5. Utinam mi Domine! disrumperes terram hujus corporis mei, & irem ad te. Quid enim mihi est in cælo, & præter te quid volo in terra?

6. O si citius de custodia corporis mei educeretur anima mea, quod videndo Deo meo officit! O si darentur mihi pennæ sicut columbæ, volarem & requiescerem sub umbra illius, quem desiderat anima mea!

7. Super flumina tantisper Babylonis hujus sedebo & flebo, quamdiu recordabor tui Syon, non quidem propter te, sed propter eum, qui habet solium suum in te.

8. Dic ergo jam anime mi ultimum vale. Salvatori tuo. Vale mi Redemptor, vale mi dulcis Amor, sed memento mei dum veneris in Regnum tuum. Vale Frater amabilis nimis! vale Sponse animarum nostrarum! sed prius ante discessum da Iesu benedictionem; da Frater amplexum; da sponse dilectæ amoris suavium.

9. Intelligistu Domine & superintelligis omnia. Intellige super me egenum & pauperem, ac me desolatum redde Matri tuæ: ne derelinquo me orphanum, da mihi dulcissimam hanc Matrem, qui dona das hominibus.

10. O qui ascendens in altum captivam dixisti captivitatem! gratulor tuæ magnificentiae super cælos elevaræ! Fac me magnificum in sanctitate.

Etate. Tu scis quid me captiuum teneat, ne liber amem te, hanc meam captiuitatem captiuam ducas in triumpho tuo.

11. Omnis pulchritudo tua eleuata est super sidera: da vt omnis amor meus habitet ibi tecum, in amore veræ pulchritudinis occupatus. Vtinam semper ibi sit cor meum, vbi est thesaurus meus!

12. O Iesu, qui es plusquam Elias curru igneo hinc abreptus: fiat super me Spiritus tuus duplex; timoris quo timeam Deum tuum, & Deum nostrum; amoris quo amplectar Patrem tuum & Patrem nostrum ad quem ascendis.

13. Dixisti Domine: Ego si exaltatus fuero à terra omnia traham ad me ipsum. Trahe me obsecro post te, & educ in altum; vt mihi quotidie ascensiones in corde disponenti, hæc infima, minora semper & minora videantur.

14. O gloriose triumphator, qui hodie super omnes celos ascendisti & iam venisti in regnum tuum, obsecro, memento nostri, memento quòd sis os de ossibus nostris & caro de carne nostra. Vtiq; & in manibus tuis descripsisti nos, lege scripturam istam & salua nos.

15. Iam non possum tristari, quia Christum Aduocatum habemus in cælis: ille pro nobis exhibebit Patri latus & vulnera, Mater Filio pectus & vbera, certè non poterit esse repulsa, vbi tot concurrent charitatis testimonia.

Die Pentecostes.

1. **Q**uod munus pro Saluatore nostro dabis
T calum

cælum nobis? emitte obsecro Spiritum tuum, & renouabis faciem terræ.

2. Utina n Diuinissime Spiritus disrumperes cælos, & ad me descenderes, quia anima mea velut terra sine aqua tibi.

3. Quemadmodum desiderat ceruus ad fontes aquarum ita anima mea Te desiderat, desiderijs Virginis Matris & Apostolorum.

4. Veni Creator Spiritus, & emitte cælitus lucis tuæ radium: Veni Pater pauperum, veni dator munerum, veni lumen cordium. Consolator optime dulcis hospes animæ dulce refrigerium. In labore requies, in æstu temperies, in fletu solatium.

5. O lux beatissima reple cordis intima tuorum fidelium. Sine tuo numine, nihil est in homine, nihil est innoxium. Laua quod est fordidū, sana quod est saucium, flecte quod est rigidum, foue quod est frigidum, rege quod est deuū.

6. Da tuis fidelibus in te confidentibus sacrum septenarium. Da virtutis meritum, da salutis exitum, da perenne gaudium.

7. Recipe me (ô Sponse) inter suauissimos amoris tui amplexus, quibus contrictus Spiritus meus totus ardeat & comburatur.

8. Accende cor meum frigidissimum igne tuo Deus meus; tu enim ignis comburens es, & facis ministros tuos ignem vrentem.

9. Produci diuinissime Hospes austrum ardentissimæ dilectionis tuæ, qui me tam valido impetu à mundo impellat in te, vt à me ipso translatus deinceps Spiritum non habeam extrinsecum.

10. O si vulnerares mi Deus hanc animam meam peccatricem igneo & potentissimo telo tuæ nimæ charitatis, vt ex ipso vulnere amoris tui vberissimæ fluant lacrymæ die ac nocte.

11. Meis affectibus careo optatissime ac desideratissime Hospes! ideo offero tibi affectus & amoris æstus, quibus ardebat cor Virginis Matris & Apostolorum in tuo aduentu.

12. O si linguis omnium hominum & Angelorum loqui possem, irem per vniuersum mundum, & annuntiarem hoc gaudium magnum: Spiritus Domini repleuit orbem terrarum.

13. O Patris ô Filij amor æterne Ss. Spiritus: gratulor quòd sis Deus! Gratulor quòd infinita illa pulchritudo & bonitas ametur à se ipsa tantum, quantum est ipsa.

14. Quicquid boni accepit vllus à te, gratias ago tibi! Quicquid boni fecit vllus gratulor tibi & illi! Opto vt ameris tot Seraphicorum chororum cordibus, quot tu mente tua infinita potes concipere. Opto vt omnes homines tuo amore semper ardeant, & nullus non amet, qui potest amare.

15. Displicet mihi quidquid mali fit, aut vnquam factum est contra te. Vtinam prohibere possem mala omnia; & bona quæ fiunt augere omnia, ac omnium cordibus amare te, singulisq; momentis vitæ meæ tantum facere boni, quantum factum est ab omnibus vnquam!

16. Vtinam mea & omnia omnium peccata possem in pretiosissimos tibi; gratissimos excellentiæ & ardentissimæ erga te charitatis actus, adeoq;

ipſas inferni flammas (ſi id tibi placeret) in æternum tui amoris ignem convertere, ac omnia corda frigida linguis igneis tibi accendere !

In Feſto SS. Trinitatis.

1. **C**redo te Deum Patrem ingenitum, Filium vnigenitum, Spiritum Sanctum ab vtroque procedentem. O credam & fruam ſemper, quia tu Deus meus es principium meum & finis vltimus, & mea æterna beatitudo.

2. O Deus immenſæ maiestatis ! in omni loco cæli æris, terræ, aquæ, purgatorii, inferni, in omni loco dominationis tuæ ante te procido, tibi genu flecto, te ubiq; præſentem adoro.

3. O Pater, principium abſq; principio ! gaudeo, quòd intra te verbum æternum concipias, Filiumq; generes, adeo tibi ſimilem, vt ſit vnum & idem tecum in eſſentia.

4. O Deus infinite quies trinus in perſonis, ſed vnus in eſſentia ; & ita Diuinitatem communicas, vt vnitas non lædatur, communica mihi copioſam gratiam, vt ſim vnus tecum charitate perfecta.

5. O Deus vnitas ! ô Deus Trinitas ! Credo, adoro, & laudo te, pro omnibus, qui te ignorant, vel blaſphemant, ſiue in terris, ſiue in inferno.

6. O ſi fidem annuntiare poſſem in vniuerſo mundo, & omnes infideles ad te Deum convertere ! quàm libenter id facerem, etſi propterea omnia tormenta omnes cruciatus ſuſtinere deberem.

7. Vtinam possem Deus meus omnium infidelium intellectibus in te credere, omnium affectibus te amare, omnium viribus tibi seruire. !
vtinam possem blasphemias omnium damnatorum in laudem tui commutare !

8. Detestor mi Deus contra te trinum & vnum omnes errores, & irreuerentias vbicunq; in toto mundo factas, ac omnes blasphemias anathematizo.

9. Pro omnibus & in omnibus creaturis, quæcunq; fuerunt, sunt, & erunt siue rationales illæ, siue non, te adoro, te laudo, tibi gratias ago, tibi inclamo: Benedicite omnia opera Domini Domino: Sanctus, Sanctus Dominus Deus Sabaoth: Gloria Patri &c.

10. Desidero vt quæuis creatura rationalis tibi seruiat, te laudet, te amet, propter solam & maximam gloriam tuam, ob amorem & beneplacitum tuum, ob tuæ voluntatis impletionem, ac in adorationem & latriam tibi debitam.

11. Desidero per quamlibet creaturæ rationalis actionem, exhiberi tibi, quicquid vnquam te dignum cogitari & exhiberi tibi debet potestq; à quocunq; & omnibus in toto mundo.

12. Opto per quamlibet actionem meam produci, approbari, & ratificari omnes actus sanctissimos, siue in cælo, siue in terra elicitos & eliciendos ad gloriam tuam.

13. Quicquid boni de te scriptum habent bibliothecæ omnes; quicquid boni de te scripsit vel cogitauit vilius; quicquid in thesauro scientiæ

tia tuæ est, quod tibi offerri à me possit, id omne tibi offero.

14. Quicquid vnquam per totam vitam meam cogitauero, dixero, vel fecero, id totum offero tibi & consecro, in gratulationem de bonis tuis, in gratiarum actionem pro donis tuis, in satisfactionem pro malis meis, in impetrationem amoris, quo te magis ac magis amare velim semper.

15. Quotiescunq; ad te sustulero animum meum, atq; de te cogitauero, audiero; toties cordialiter cupio dissolui & videre te in cælo: toties omnes & singulos omnium actus peccaminosos desidero per intensissimos ac elici possibiles, amoris, doloris, & appretiationis affectus compensare: toties cupio in persona omnium peccatorum restituere honorem Excellentia dignitati & Immensitati tuæ Diuinæ.

In Festo Corporis Christi.

1. **V**ENITE omnes audite, & narrabo vobis, qui timetis Deum, qui amatis Dominum Iesum, quanta fecit animæ nostræ! En Deus & homo fecit nobis cænam magnam! fecit conuiuium magnum!

2. Ores mirabilis, manducat Dominum, pauper seruus & humilis! ô prodigium! en catelli non tam de micis edunt, quæ cadunt de mensa Domini, sed panem Angelorum manducat homo catellus Domini.

3. O quàm suavis est Domine Spiritus tuus, qui vt dulcedinem tuam in filios demonstrares,
panc

pane suauissimo de cælo præstito esurientes reple, & diuites dimittis inanes.

4. Vicisti Domine vicisti misericordiâ & bonitate tua, omnia exempla, omnia ingenia, omnes amores, & omnem expectationem omnium creaturarum superasti.

5. Utinam hodie replicari possem, & in omnibus Ecclesijs, quæ sunt in toto mundo, tibi mi Deus Eucharisticè existenti offerrem & innovarem omnes actus adorationis, salutationis, recognitionis, impensos & impendendos!

6. Utinam cor meum extractum à corpore in tot minutissimas diuidi posset particulas, quot pulueris pyrii grana in cineres hodie redigentur, ut totum redactum in cineres, in cultum Eucharistiæ consumeretur!

7. Utinam in omnibus Ecclesijs, in omnibus plateis, processionibus, loco lampadum & candelarum ante Eucharistiam suspendere possem in venis cor meum, ut arderet continuo, & totum combureretur, totum consumeretur, totum abiret in cineres amoris diuini!

8. Gaudeo & exulto mi Iesu! quod tibi in Sacramento latenti publicus per totum mundum honor deferatur in templis, processionibus. Quod omnes Reges & Principes tibi Regi potentissimo cum summa humilitate & reuerentia, genu flectant, ante te procidant, te agnoscant, & venerentur.

9. Desidero in locum omnium idolorum & falsorum Numinum, quæ sunt inter Ethnici, unum & infideles omnes, introduci SS. Eucharistiam,

stiam, ipsiusq; cultum ubiq; promoueri & celebrari.

10. Doleo mi Deus, doleo cordialissimè, ob infinitam Majestatis & bonitatis tuæ excellentiam de omnibus sacrilegijs, hæresibus, blasphemijs, irreuerentijs, abusu Eucharistiæ, contemptibus, quibus vnquam à sagis, hæreticis, malis Catholicis, in hoc Sacramento verè præsens, offensus es & offenderis.

11. Desidero, vt ab omnibus creaturis rationalibus adoreris & glorificeris in hoc Sacramento & dignè suscipiaris.

12. Effundo tibi mi Domine in hoc Sacramento præsentem mare illud affectuum, adorationum, & salutationum, quas Virgo Beatissima, quas Angeli, quas omnes deuotissimi serui tui edicuerunt, eliciunt, & elicient ad tempora Antichristi.

13. Desidero mi Iesu exhibere tibi tantum honoris, laudis, & benedictionis, quantum damnati tibi exhibent contumeliarum toto tempore suppliciorum suorum, & quoniam ipsi te adorare & benedicere nolunt, ego nomine ipsorum te adoro, laudo & benedico.

14. Gratias tibi Domine pro omnibus Communionibus sumptis & sumendis à me & à quocunq; in toto mundo, itemq; à me accipiendæ (vt spero in gratia tua) communione viatici.

15. Desidero potius mi Iesu milles mori, quàm te vnquam indignè, in Eucharistia præsentem suscipere, te tractare.

16. O si semper mi Deus! Communionem
sumen

sumendo, illos omnes amoris æstus concentrare possem in cor meum, quibus ardebat cor Virginis Matris, cor maximi Sancti tui!

CAPVT X.

Breues Meditationes de Passione Domini.

Sive peregrinatio Viatoris cum Christo patiente,

O vos omnes qui transitis per viam, attendite & videte, si est dolor similis, sicut dolor meus. Thr. I.

Perge Viator plorans, quò trahent funes, quò raptabunt catenæ, quò crudelis feritas incutabit. Perge quò rapit dolor & amor. Seque-
re Iesum, qui doloris passibus, immensum nostrorum scelerum, & infinitæ suæ bonitatis campum dimittitur. Defluit ex vulneribus Christi sanguis pro te ô Viator, sed non in te, nisi tu facias eum per gratitudinem recurrere ad principium suum.

Amor SS. Trinitatis totus consistit in Passione & vulneribus Christi, illa enim mouent Deum ad fundenda liberaliter in nos beneficia, vt docent Doctores, qui ajunt, omnia dona gratiæ effectus esse & præmia meritorum ac vulnerum Christi. Si cupis à Deo diligere, ama vul-
nera

nera Christi, commorare in illis sacris cauernis. Tota tua occupatio sit cum S. Comite Elſeario in vulneribus Domini. Sic ille ad conjugem suam ſcribit: Si me videre cupis, quære me in vulnere lateris Christi: ibi enim habito, & ibi me poteris inuenire.

Vnde exclamat S. Bonau: *O cecitas filiorum Ada, qui per hæc Vulnera in Christum nesciunt intrare. Ecce apertus est thesaurus diuina sapientia & charitatis æterna. Intra per Vulnerum aperturam & delicias obtinebis. Certa enim & secura expectatio promissa beatitudinis* (inquit S. Leo) *ubi est participatio Dominice Passionis.*

Christus S. Gertrudi dixit: Filia qui amanter crucifixum in vita intuetur, eum amanter Crucifixus in hora mortis respicere dignabitur.

Virgo quædam Crucifixum fixè intuens amore æstuans exclamabat: O Deus! ô amor! ô excessus amoris da mihi tantam vocem, quæ audiatur ab Oriente ad occidentem, à calo vsq; ad infernum, vt te Amorem meum omnibus inclaimem, vt ab omnibus agnoscaris & ameris.

S. Edmundus Episc. Cant. Dæmonem in virtute sanguinis Christi adigit ad significandum sibi, quo potissimum modo superari potest. Adjuro te, inquit, per asperſionem sanguinis Christi, in quo facilius te vincere possum. Respondit Dæmon: Deo sic ordinante, in eo quod nominasti, illius sanguinis virtute facile vincor.

Simplex recordatio Passionis Christi (teste B. Alberto magno) multò plùs valet, quàm si quis integrum annum in pane & aqua ieiunaret;
vel

vel si quotidie virgis & flagellis caderetur vsq;
ad effusionem sanguinis; vel si quotidie legeret
integrum Psalterium, Apud Discipul. Ser. 1.
in die Parasceues.

Cuidam Viro eximæ Sanctitatis inter pre-
candum, medium efficacissimum pro excitando
in se amore diuino flagranti, respondit Chri-
stus: exerce te in humanitate mea passionata &
vulnerata, nam in ea maximè lucet mea charitas
non aliter, quàm sol in suo splendore, rosa ruti-
lans in suo odore, ignis vehemens in suo æstu &
ardore.

Christus in horto sudat.

1. **E**Gredere Viator ac plorans comitare Iesum
euntem in hortum Oliuarum, vel potius in
montem myrrhæ & collem thuris. Primus
Viatori Deo ad hortum erit passus, non vt flos
campi transplantetur in amariorem locum, sed
vt lilium collocetur inter spinas acerbissimo-
rum cruciatuum.

2. Cogita, dum jam egreditur Christus ad
montem Oliuarum, cum quanto dolore vniuer-
sa Matri suæ, quæ sibi in passione euentura erant,
prædicat: quia omnino oportet Filium hominis
conspui, flagellari, crucifigi.

3. Vide quomodo mæsta Mater ad tantum
nuntium exanimata in brachia Filij sui procidit.
O dolorem cruentum Matris!

4. Penetra hîc viscera Filij & Matris! &
quomodo vberimæ ex oculis vtriusq; erum-
punt lacrymæ!

5. Aspi-

5. Aspice, quàm triste spectaculum sit hoc, Matrem DEI & Filium lacrymis diffuere ! Eheu ! quò vadit dilectus tuus ô Nòémi, ô pulcherrima mulierum, quò vadit ? ad hortum vbi sudabit sanguinem ; ad Annam vbi alapis cruentabitur ; ad Herodem vbi illudetur vt demens ; ad Prætorium vbi cadetur vt reus ; ad montem vbi suspendetur vt latro.

6. Cogita, quem putas eum dolorem sensisse in egressu portæ ciuitatis, dum intra se diceret : Non sum vltra transiturus per portam hanc, nisi vinculis & catenis constrictus.

7. Cum lacrymis inspicere, quantis angustijs prematur bonus Iesus in hortum veniens. O triste spectaculum ! en protinus Dei Filius geniorum caelestium voluptas expallefcit, submittit genua, procumbit humi, diuinum os solo adsternit, cum morte luctatur.

8. Imaginare, quòd videas per poros & venas, sanguineas erumpere guttas. Heu qualis hortus hic est Gethsemani ! in hortis alijs sunt deliciae, in hoc mæror & dolor.

9. Interroga Dominum Iesum : cur tam præmaturè ex illius corpore erumpit sanguis, sudant pori, stillant venæ, ora lacrymis rigant oculi, pluunt cuncta membra ?

10. Cogita, si primo in passu Viator sanguinem sudat, quis sperandus est tam atrocis transitus ac itineris progressus ?

Affectus.

O Mibone Iesu ! quò tua demum in nos abibit

bibit liberalitas? paulo ante sub extremæ cænæ finem, tuum nobis in calice sanguinem propinasti, jam illum iterum in tuo corpore, in veste, in horti pavimento propinas?

Cur ita ô amor meus, ipse tormenta præcipitas? nondum adsunt carnifices, nondum te flagella lacerant, nondum aculeatæ spinæ diuinum verticem perfodiunt, nondum prægrandes clauī manus pedesq; configunt, & tamen jam nunc, tam vberes cruoris fonticuli fluunt? Quid cras tecum fiet, cū totum corpus vnus erit, liuor, vulnus vnum?

O nimium amorem istum, cui explendo mors vna satis non fuit, sed ante mortem vitam hanc nostram mori coegit! ita vt nostri amantissimus Dominus membratim interire, guttatim contabescere, & per lenta sanguinis stillicidia, diuersis vijs animam abire voluerit.

O felicem te terram! quæ Domini tui cruorem combibisti, nunquam tam pretioso rore irrigata. Quis mihi det, vt sexcentis osculis fatigem & amplectar locum, quem Saluatoris mei præferunt vestigia, genua contigerunt.

Quid verò purpureum hunc & tam copiosum sudorem è corpore Iesu eliquauit? Eheu! peccata & scelera mea. Hoc prælum fuit, hoc torcular, quo hortus succo plenus fuit expressus! sub isto culparum mearum onere bonus Iesus ingemiscit, mæret, plorat, fatiscit, sudat largiter.

Tantane res erat salus nostra mi Domine! vt eam tanti æstimares, & perditam tantis impendijs sarcires? Tam pretiosæ in oculis tuis erant,
animæ

animæ nostræ, vt eis redimendis tantum & tam copiosum destinares pretium? Adeonè diligens me, tradidisti temetipsum pro me, ne perennibus traderer flammis? Ergo non diligam te, sed tradam me concupiscentijs meis, tradam me iuratis hostibus tuis?

Meliora Deus meus meliora! Potius trado me tibi, vel nunc, vt disponas de me in tempore & æternitate, vt cantem miserationes tuas stupendas, & magnas in æternum & ultra.

Christus in horto comprehenditur.

1. **P**Enetra cor Saluatoris: vide cum quam promptitudine & charitate morti se offerat, cum qua alacritate obuiam procedat proditori Iudæ & Carnificibus.

Iuda quid agis? amoris signo vulnus infligis? mellis oblatione venenum propinas? charitatis officio sanguinem fundis? instrumento pacis mortem irrogas?

2. Vide, quomodo vnico verbo omnes satellites strauerit in terram, ne prosterneret in inferno.

3. Considera duritiam satellitum, qui nec horrore mortis perterriti, nec blandimento charitatis commoti, quem noluerunt propitium habere Saluatorem, sibi elegerunt Iudicem seuerissimum.

4. Obstupesce, quomodo viles & barbari nebulones in Agnum innocentem cum ingenti clamore irruunt: alij caput benedictum pugnis, alij fustibus cædunt: brachia cæteri funibus tam

tam arctè stringunt, vt sanguis proflire debeat è venis.

5. Intuere, quàm immanem catenam ferream (vt multi volunt) Carnifex iniiciat collo ejus. O miserabile spectaculum, onustum videre catenis & funibus Creatorem cæli & terræ! Quis vnquam publicus latro, quis prædo tanta cum rabie tractatus?

6. Comitare vlteriùs Christum, quem ad impiam pertrahunt ciuitatem. O quot antiùs hastis & calcibus te propellunt mi Iesu! quot à tergo te lapidibus, luto, & puluere impellunt! Eheu! nulla fera tam malè fuit habita à canibus venaticis.

7. Interea mente concipe Christum appropinquare torrenti Cedron. Intuere illos gradientes per pontem, Christum verò, tanquam indomitam bestiam raptari per gelidas aquas.

8. Inspice cum lacrymis, quomodo lapides præacuti illius torrentis calcaneos Domini vulnerant, & ita cruentant, vt per totam viam sanguinis veltigia relinquat.

9. Insuper comitare Christum raptatum ad Tribunal Annæ, capite discooperto, facie liuida, manibus post tergum vinctis pedibus sanguinolentis.

O prodigium! en innocentissimus sol iustitiæ ad iniquitatis Tribunalia consistit. Stat sine Aduocato Innocentia, sine Patrono veritas, sine voce verbum. Quid enim loqueretur, cui jam nuper ferale Herodis imperium, ad salatriculæ votum, ipsam vocem eripuerat?

10. Considera, quàm toruis & ardentibus oculis Basiliscus ille aspiciat Salvatorem! quàm superbè interroget & sciscitetur ab eo de doctrina & discipulis.

Eheu! obstupesce, vt mox ad primam æternæ sapientiæ vocem, à quopiam ministrorum, armatâ manu, tam crudelissima alapa ei infligitur, vt dentes excusserit, & ex labijs sanguinem elicuerit.

Exhorrescat Cælum ad tam inauditum facinus! contremiscat terra! alapâ Deus percussit potuit! ô Angeli, quomodo manus continere potestis? an attonitos vos tenet facti insolentia?

Loquitur interim ad focum Petrus, eliquatis ad prunas verbis, cui antea pauor ora congelauerat. Loquitur sed mendacium, quia veritas post crudelem ictum conticuerat. Loquitur sed insipienter, quia Sapientia obmutuerat.

Affectus.

Quid retribuam tibi Domine Iesu pro omnibus ludibrijs, percussionibus, vilipendijs, derisionibus, & pro innumeris opprobrijs, quibus pro me saturatus fuisti?

Heu mæstissime, heu dulcissime Iesu! Cur adeo ferreum ac lapideum cor habeo, quod compassione ac dolore non scinditur? cur præ dolore non tabescit anima mea, quandoquidem tam immanium dolorum & cruciatuum causa est pessima vita mea?

Potuitne fieri, vt pro me vilissimo vermiculo talia Deus pateretur? Eheu patitur! quia pro

pro me conculcatur, pro me Deus ligatur, irridetur, à satellitibus nefarijs, nunc pugnis, nunc calcibus tunditur.

O amor infinite! quid retribuam tibi, qui pro me seruo nequam tantum, & innocentissimus, & amabilissimus luis? Fundam sanguinem! sed nocentissimus est, dignissimus, quem canes lingant, & porci spurcissimi conculcent. Fundam lacrymas, sed peccatrices sunt, immundæ sunt.

O æterna Sapientia dulcis Iesu! pro hisce contumelijs, injurijs, irrisiõibus, insanijsq; clamoribus, te honorent, te glorificent, & extollant omnium Beatorum mentium agmina. Vel in solo tuo nomine benedicte Iesu, omne genu flectatur, cælestium, terrestrium, & infernorum.

Christus apud Caipham.

1. **C**ogita, qualiter Dominus noster, Rex Regum & Domini dominantium, sub vilissima specie pessimi serui, ab Anna ductus fuit ad Caipham Pontificem illius anni.

2. Considera, quomodo crudelissimi satellites, magis Dæmoniorum inferni naturam gerentes, quàm hominum, non sinentes illum pedibus incedere, vi (catenâ collo circumligatâ) raptabant per terram, conculcantes & percutientes illum.

3. Attende, quia ibi iuramento Christus adstrictus apertè se dixit esse Filium Dei. Caiphas scidit vestimenta sua, dicens coram omnibus eum blasphemasse.

4. Vide nunc, quomodo eâdem omnes, quâ scelestus ille Pontifex rabie in satellites in Iesum, insiliunt! Vnus te Domine pugnâ cædit, alter conuellit capillos, hic te impellit calcibus, ille calcaribus vulnerat.

5. Insuper obstupesce. En expuunt in faciem Domini! ô nouum & inauditum in terris spectaculum! ô faciem Domini alapis liuidam! ô faciem fædis sputis maculatam!

6. Considera homines spueri volentes ad sordidos domûs angulos se conuertere. Scilicet impij illi sordidius nihil æstimarunt faciem Saluatoris, in quam desiderant Angeli prospicere.

O Pater respice in faciem Christi tui, & miserere nostri, pro quibus sic fædatur. O si vel modò incipiant oculi mei vbertim flere, vt vel ita eluant faciem Saluatoris mei!

O Mater! nunc soluis cum vsura, quod in partu non habuisti à natura, Filium pariendo, dolorem non sensisti, quem millies replicatum, Filio sic patiente, passa fuisti.

7. Vltcrius obstupesce immanium bestiarum, non hominum truculentiam, quomodo hâc non contenti carnificinâ, in profundissimum carcerem, præter tenebras densissimas, plenum fátore & horrore protrudunt Dominum ferreis constructum compedibus.

8. Ingredere cum Domino tuo carcerem; quid ibi non tentat Carnificum rabies? en tota, nox in crudelissima paupertatis Christi, & innocentiae supplicia extenditur.

9. Considera anima mea celsitudinem Domini Dei

ni Dei tui adeo profundè exinanitam, vt verè nunc non homo, sed vermis, & opprobrium hominum ac abjectio plebis nunc dici debeat.

Affectus.

ONox, quam meus Iesus habuit vltimam in carne mortali, quale tu spectaculum exhibuisti mundo & Angelis & hominibus! Ecce dum medium silentium tenent omnia, en Deus & homo! ab homine & pro homine à gehennæ circumdatur doloribus! en lamentabiles Domini preces audiuntur ad Patrem!

O horror cæli! ô scelus mundi! ô dolor & amor Dei mei! ô luna, quæ tam luctuoso spectaculo testis sola assistis, quando tu demum obscuraberis, si lucet? quando conuerteris in sanguinem, si serena es?

Quid tibi mi Iesu cum terra? quid tibi cum homine? quis audiuit vnquam tale? vt redimeres seruum Te ipsè n seruo illudendum tradidisti?

O quàm indebita miseratio, quàm gratuita & probata dilectio, quàm inopinata dignatio, quàm stupenda dulcedo! Regem gloriæ pro vilissimis mancipijs, ij. q; suis inimicis assumere formam serui, tot suscipere labores & dolores!

Quis vnquam parens simile quid fecit pro liberando filio, aut filius pro parente, aut amicus pro amico, quale fecit Deus pro homine, Creator pro creatura suprema Majestas pro vermiculo?

O Cor meum plusquam lapideum, cur non accen

accenderis amore tui Iesu? lapis calore solutus in cinerem vertitur, & tu ad tantum calorem immutabilis perseveras? O utinam mi dulcis Iesu! mille amoribus amem te! mille obsequijs seruiam tibi, mille millenis laudibus prosequar te, omnibus diebus ac noctibus vitæ meæ; ac deinde totâ, quâ patet, æternitate.

Christus apud Pilatum & Herodem.

1. **V**ide, quod necdum dies illuxerit, & jam rumor captiuitatis Dominicæ per totam ciuitatem increbuerat: itaq; omnes certatim currunt ad palatium iustitiæ: vbi à senioribus populus aduersus Christum concitatur.

2. Obserua, quomodo Christum decernunt offerre Pilato præsidî morti condemnandum. O bone Deus! quantis cum ludibrijs improperijs per mediam ciuitatem rapitur!

3. Inspice præsidem Pontium prodire ad solium plenum arrogantia; Christum verò plenum confusione, catenis ligatum coram eo consistere.

4. Audi, quomodo reprobi illi satellites aduersus Dominum, tanquam canes effrænes latrant, falsò Iesum insimulantes, quod se Deum faceret & Regem, & subuerteret populum.

5. Considera, quod cum in multis Iesus accusaretur, nec in eo præses causam mortis inueniret, remisit Christum ad Herodem, sub cuius erat potestate.

Eheu miserandum spectaculum! vix se Christus commouere poterat, & tamen barbari milites

tes per mediam urbem Iesum trahunt, multis
probris & sannis afficiunt.

6 Cogita, quòd cum videret eum Herodes,
putans eum mente captum spreuerit cum exerci-
tu suo; ac illudens remiserit iterum ad Pilatum.

O bone Iesu! quàm ignominiosè ex con-
spectu Herodis abstractus sis! quantis ludibrijs
à tanto militum numero exceptus! quot sordi-
bus petitus! nec enim stulti aliter tractari solent.

7. Contemplare hic cum deuotione & com-
passione, quartam Domini raptationem ad Pila-
tum. Quousq; tandem o Domine hæc barbara
mancia te protrudent, colaphis cædent, comas
euellent?

8. Obserua. quòd Pilatus volens illum libe-
rare dederit sortem ejus cum Barabba homicida
scelestissimo, & concesserit populo, vt peteret
ex his duobus, quem vellet dimitti.

9. Obstupesce incredibilem Christi patienti-
am! qui cum esset Deus verus de Deo vero, pas-
sus est non modò se cum Barabba, infami nebu-
lone comparari, sed etiam, quod indignissimum
est, illi postponi.

Affectus.

O Admiranda mi dulcis Iesu, tuæ circa nos
pietatis dilectio! Quomodo tu, qui tribus
digitis appendis terræ molem, qui sedes super
Cherubim & intueris abyssos, tam crudeliter,
tam immaniter torqueri à reprobis permisisti?

Quid commisisti Domine, vt sic judicareris?

quid fecisti mi dulcis Iesu, vt adeo crudeliter traheris? quod scelus tuum? quæ noxa tua?

O glacies non cor! cur non liquefcis ad calorem hunc? nullum prope fingi potest, quod auribus non percepit conuitium, nullum quod corpore pro te Iesus non excepit supplicium. Vincit ut fur, consputus vt blasphemator, derisus vt sacrilegus in Deum.

O mirabilis milterij dispositio! peccat iniquus & punitur iustus, offendit impius & damnatur pius, quod perpetrat seruus exoluit Dominus, quod commisit homo sustinet Deus.

Quid ad hæc ô anima mea? vtinam nunc saltem amem te mi Deus! sed amem ex toto corde, amem ex tota anima, amem ex omnibus viribus meis.

Vtinam obuerseris semper menti meæ ô vita mea! ô amor meus! vtinam ad te semper suspirum ô desiderium; ad te semper confugiam ô asylum meum; semper aduoluam pedibus tuis ô mi Deus; semper exosculer manus tuas ô mi Domine, semper inuolem in amplexus tuos ô mi Sponse!

Christus flagellatur.

1. **V**ide, vt agnum mansuetum impius Præses ad sedandum populi furorem, prædæ Tigrium & Pantherarum tradit, vt eum flagellis cædant.

Ah quantâ cum rabie te mi Iesu adoriuntur! vestibus violenter spoliant, & eas proijciunt humi! Quis ausit te denudare ô Rex Regum? Ah! quan-

quanto cum rubore nudus confistis coram illa, maledicta multitudine, Virgo Virginum Sponse.

O execrandum seræ posteritati facinus! nudatur Deus, & Virginea illa candidissimi corporis membra deteguntur! Quo vno scelere, tot mortes Deo inferri crediderim, quot sunt oculi spectatorum.

2. Inspice cum qua ferocitate Christus alligatur columnæ, alijs manus vincientibus, alijs brachia contorquentibus. Et ne multis ita Dominum stringunt, vt carnes dirumpi, & foras sanguinem proflire compulerint.

3. Admirare nunc cum lacrymis, Iesum ferri crudelissimè, cutem dilaniari, viscera denudari, partes carnis in àëra exilire.

4. Vide in tenerrima carne Domini sulcos, vide sanguinem defluentem in terram instar rivulorum.

5. Respice humeros, brachia, pectus, ventrem, & totum corpus tui Saluatoris dilaniatum, totum corpus discerptum.

O quantum prodigium! amor cruciat, fundit sanguinem, dilacerat, & nisi ipse sibi obtitisset, interemisset.

6. Interroga Dominum Iesum, quî sit, vt post tot flagellationes, quæ ad numerum perueniunt sex millium sexcentarum sexaginta sex, etiamnum vitâ frui possit, cum decem tam immanium percussionum sufficissent ad te occidendum?

7. Meditare hîc, quomodo lictores percutiendo lassî sunt, & Christus necdum fatigatus est

pro te feriri. Quare cū amplius non possent crudelitatem suam in ipsum exercere, illum à columna soluunt.

8. Vide, vt agnus innocens volutatur in suo sanguine propter nimiam debilitatem, & animi deliquium non valens vltra pedibus insistere. Ah! vt truculentæ illæ bestiæ calcibus eum protrudunt clamantes: surge seductor: surge Rex Israel.

9. Inspice, quòd doloribus plenus, totus dilaceratus præ frigore tremat, nudus, dilaniatus, & sanguine madidus, vbicunq; firmat pedes, vestigia sanguinis relinquit.

Affectus.

Obstupescite cæli super hoc, & portæ ejus desolamini vehementer. Iesus Dei Filius in flagella nudatus est. Iesus meus Dominus in flagella paratus est. Nudatus, qui etiam omnia lilia agri sic vestit. Nudatus est, qui sub vmbra alarum suarum nos protegit. Vides hoc sol nec obscuraris? Aspiciis Angeli, nec mortalium omnium oculos percutitis cæcitate?

Si hoc corpus templum Domini est, vbi nebula? si Sanctum Sanctorum vbi velum? si tuus est Filius Virgo Mater, vbi tunica inconsutilis? si hic Filius tuus dilectus Pater æterne, vbi nubes lucida est?

O mæstissima Virgo, quos fontes lacrymarum dicam erupisse de pudicissimis oculis tuis, cum cerneres Filium tuum coram te ligari, flagella:

gellari, & carnem de carne tua tam crudeliter & immaniter dissecari!

O Virgo dolorosa, quomodo viuere poteras, quando in tuo conspectu, tot rabidi canes in tene-ram damulam: tot sanguinarij lupi in innocen-tissimum agnum, tot carniuori accipitres in sim-plicem columbam ungues ac dentes exacuebant?

Quo obsecro Nate Dei, quò tua descendit hu-militas? quò processit pietas? quò tua flagra-uit charitas? Ego crimen edidi, tu torturæ subij-ceris; ego fruor delicijs; tu ad columnam in-sanguine natas; ego pomi dulcedinem, tu fellis gustabis amaritudinem? Quid est hoc? quid fe-cisti Rex meus & Deus meus? quid retribuam tibi pro omnibus, quæ tu tribuisti mihi?

Benedicant te Domine millia millium, & de-cies centena millia Angelorum. Non hoc satis. Benedicat te benignissime Iesu, multitudo mise-rationum tuarum, & amoris tui melliflui suauis-sima viscera, in quibus visitasti nos oriens ex al-to, in quibus redemisti nos, & lauisti nos à pec-catis nostris in sanguine tuo, & vulneribus tuis.

Christus Spinis coronatur.

1. **V**ide nouam truculentiam, & immanita-tem nefariorum satellitum, qui horridam coronam de spinis, & acutissimis juncis marinis capiti jam satis cruentato infigunt & imponunt.

2. Considera (vt dicit S. Bernardus) illas spinas, non solum carnes & neruos perforasse, verum etiam ipsa ossa, necnon ipsum cerebrum penetrasse.

3. *Ima*

3. Imaginare, quòd videas sanguinem cerebri humore mistum ex omni parte per capillos & faciem defluere.

4. Dic ex corde: O Pater! jam istud caput non semel sudavit sanguinem! cur spinis eundem elicit iustitia tua?

O sacratæ spinæ parcite, parcite sacro illi & innocuo capiti, venite potius & vertite aculeum contra me, pungite cor meum puncturis pœnitentiæ, vt si non sanguinem, saltem vel lacrymam possitis è corde duro elicere. Dilatare coronam, vt inter istas spinas caput quoq; meum inferam.

5. Vtteriùs mente progredere, & vide, quomodo velant faciem Domini turpissimâ vittâ, & percutientes faciem & caput ejus alapis, illudunt ei.

6. Cogita, cur velat faciem Domini hæc barbara Tenebrionum turba? An quia oculis diuinis sua videri scelera pertimescebant? an quia, qui vno ejus aspectu emollitam in lacrymas petram conspexerant, suam quoq; mitigandam crudelitatem metuebant?

7. Consilte hic parumper, & accuratè perspicere factum Pilati, qui rabiem infernalis turbæ volens sedare, Christum totum deformatum, deturpatum, & tam crudeliter dilaniatum ad propeleum jussit duci.

8. Ausculta verba Pilati Christum plebi monstrantis: Ecce Homo. Ac si diceret: veniat vobis in mentem hunc esse hominem non bestiam;

am; satis immaniter in eum scuitum, immani-
as quolibet latrone.

9. Conuertere tu hæc verba Pilati ad Patrem:
O Pater! Ecce Homo! ecce Filius tuus dile-
ctus, tam crudeliter dilaniatus! ecce Homo
plusquam barbarâ, plusquam belluinâ Iudæo-
rum scuitiâ tractatus.

O Mater! ecce Homo! vide an hæc non
tunica, sed caro Filij tui sit? verè fera pessima,
deuorauit eum. O Angeli pacis! ô anima Chri-
stiana! ecce Homo! sed eheu! jam verè excla-
mare poteris, quia non noui hominem, nam non
est ei species neq; decor.

O peccator! Ecce Homo! ecce caput pro te
spinis coronatum! ecce facies pro te sputis &
alapis liuida! ecce oculi in lacrymis & morte
natantes! ecce os & labia mox felle replenda!

Affectus.

O Anima mea, non diffluis lacrymis! amore
non conflagras! Ecce tuus Homo! en vi-
de nouum crudelitatis inuentum dolorosissi-
mum! en furore quanto! nisu quanto! dolore
quanto! sciuissimi lanienæ immanis ministri, co-
ronam spinis, sentibus hispidam, visu horren-
dam solo, capiti Saluatoris imponunt, & ipsum
penetrant cranium!

Ah dolorosissime Iesu! viuis! natura non
succumbit adeo læsa? miraculis opus est, vt
grauiora pro me patiaris.

Egredere nunc filia Syon, egredere ô Virgo
Mater, & vide Filium tuum Iesum in diadema-
te, quo

te, quo coronauit eum Mater sua, Mater improba Synagoga. O Rex mundi! o gloria cæli! hocce est regnum tuum, in quod natus es?

O innocentissimi, & diuini corporis benedicta terra, rigata non jam rore tantum, sed sanguine, quomodo spinarum & tribulorum cælamum maledicto obnoxia facta es?

Ergone, qui me gloriâ & honore coronauit, dolore ipsemet & dedecore coronatur? Qui dedit ornamenta aurea capiti meo seruauit tegumenta spinea capiti suo? qui coronat me in misericordia & miserationibus, spinis ipse & sentibus non renuit coronari? qui mihi repositam habet coronam iustitiæ, solam sibi coronam patientiæ reseruauit?

O patientissime Iesu! quis tibi animus? quem summâ humilitate iussu Patris adorant omnes Angeli, hunc coronatum summo ludibrio adorant caculæ vilissimi? O quale amantissimi Iesu opprobrium! irident, insultant, blasphemant, alapas ingeminant, & sputa færentissima agglomerant vsq; & vsq;.

O mi Creator, o mi Redemptor, quantum tibi debeo! o si mille corda & linguas haberem, quibus misericordias tuas in æternum concinerem! o si nunquam è memoria mea excideret amor tuus! o si die noctuq; clamare possem cum omni creatura, quæ in cælo est & in terra: Sanctus, Sanctus Dominus Deus.

Christus crucem bajulat.

I. Inspice cum lacrymis, quomodo humeris
mitissi.

mitissimi Agni eneruatis & con fractis impo-
nunt ponderosam illam crucis molem, cæteris o-
mnibus hoc lignum ferre recusantibus. Eheu!
eheu! quid facies bone Iesu, quia viribus es de-
stitutus?

2. Cogita tecum, quis vnquam vidit reum,
ferre crucem suam & patibulum, cui affigendus?
contra commune jus gentium est; portare ta-
men innocentissimus Iesus cogitur.

3. Contemplare Dominum vnâ manu ligatâ,
alterâ crucem bajulantem. Heu quàm illa in-
humaniter ô Iesu corrodit, & conquassat hume-
ros tuos, quàm profundè carni vsq; ad ossa in-
figitur. Quid ultra facies mi Iesu?

Perge tamen, perge mi Redemptor, constan-
ter progredere, erige te mi Iesu, nouas assume-
vires, deducat te Pater tuus cælestis & confortet,
stipent latus tuum Angelici Spiritus & solentur.

Proficiscere mi bone Viator proficiscere, vt
nos redimas, peccata nostra te ligarunt, & in mi-
serias has adduxerunt.

4. Considera, quoties ob nimiam lassitudi-
nem & Carnificum furiam, sub crucis pondere
in medio plateæ Christus corruit; quoties nefarij
satellites è vestigio in eum insiliunt, capillis
trahunt, calcibus protrudunt, à tergo luto & la-
pidibus impetunt.

O prodigium! en cadit Verbum Dei secus
viam, & conculcatur ab hominibus. En cadit,
per quem cuncti stant, infirmatur, per quem
omnes roborantur, in terra Deus jacet, per quem
homines eriguntur in cælum,

5. Intuere, vt occurrit & mæsta Mater in montem Caluariæ eunti Filio. Quo pergis ô Virgo Mater, inter militum armatorum cateruas? Ergonè dilectum Filium tuum extremo supplicio affici conspicias?

6. Vide, quomodo subsistit Dominus, fatigatus saxo cuidam insidens, vltimo Matri inter amplexus valedicens.

7. Meditare nunc, quo cum ardore, quibus lacrymis inuicem se se complexi sunt. Quoties ingemuisse putas tunc mæstam Matrem lugendo Filium & dixisse: Fili mi Iesu, Iesu Fili mi! quis mihi det, vt tecum & pro te moriar, Fili mi dulcis Iesu?

8. Contemplare, cum qua rabie, canes illi, inhumano quodam impulsu impropere ei, Matrem à Filio repellunt, & eum semimortuum protrudunt.

9. Vide ô homo! quomodo patiuntur & lacrymis diffuunt pro te Iesus & Maria! cur ergo tu ferreum cor non commoueris? cur nos flet pro te ipso?

Affectus.

TVus ô Domine ingressus in mundum, & egressus è mundo, quàm dispar est! cantantibus Angelis ingressus es, Angelis pacis amare flentibus egressus es. Ingredientem te Virgo Mater vtero brachijsq; portauit, egredienti tibi grauis crux, ingens illud & infame tormentum, portanda imponitur.

O potentia æterni Patris, quàm imbecillis facta

facta es! ô virtus mundi, quàm infirma effecta es! ô sustentator vniuersæ terræ, quàm infra omnia abiectus es!

Tu æthera firmasti sursum, & nemo te confirmat, tu appendisti fundamenta terræ & nemo te sustentat, tu cum ceciderit è nobis aliquis supponis manum tuam; tibi postquam tam dirè collapsus, imò collisus es, nemo ex omnibus adhibet in auxilium vltimum manum suam?

O manus ita victæ! quid mali patrastis? num quem fortè occidistis aut vulnerastis? nunquid fortè rapuistis, quod furum & prædonum instar, constrictas funibus vos intueor? absit! illæ, illæ manus sunt, quæ omnibus benefecerunt.

Quis ergo mihi nunc dabit aquas, imò quis omnes venas, arterias, neruos, ossa, & vniuersa membra corporis mei vertet in Oceanum lacrymarum, vt plangam in amaritudine animæ meæ. Iesum meum sanguine decoloratum, sputis fædaturum, post sanguineum sudorem, post dura vincula, post crudelem flagellationem, post horridam coronationem crucifigendum?

O Angeli! ô creaturæ omnes lugentes lamentemini, currite abundanter, currite, quia ecce Filius Dei in extremis est. Ecce mundi salus extinguitur. Ecce Saluator noster ad atrociora tormenta, ad vestium spoliationem; ad vulnorum innouationem; ad fellis potum; ad acerbissimam fossis manibus pedibusq; lanienam; ad infame suspendium; ad novos gemitus, ad
clamo-

clamorem validum & lacrymas, & amarissimam mortem pergit.

Christus crucifigitur.

1. **S**ubsiste jam cum Christo in monte Caluariæ, & diligenter inspice, quomodo Carnifices detrahant cum immani violentia vestes Christi, vulneribus ob sanguinem concretum adhærentes.

2. Audi cum lacrymis, quomodo mæstissimæ Matri illas vestes ostendant, horribili cum blasphemia dicentes: Aspice ô improba mulier, num hæc sint vestimenta sceleratissimi Filij tui?

3. Intuere Christum præ summo frigore, toto corpore tredientem, cum nudus vento & aëri alperrimæ hyemis tempore exponatur.

4. Cogita, quàm ingens confusio ejus fuit, cum videret se nudatum in præsentia tantæ multitudinis consistere.

5. Vide cum lacrymis, quomodo Ministri illi infernalibus furijs agitati, instar pantherarum rabie percitarum adoriuntur Christum, calcibus impetunt, & primo ictu atrocissimè in terram subiternunt, horribili clamore vociferantes: Ades dum ô seductor populi; ocyus super hoc lignum te extende, expande brachia, & manus porrige.

6. Deinceps finge animo te coram intueri vnum Carnificum, Christum capillis tenere, ne se commoveat, alterum pedibus, tertium insigere clauos, & mandis extendere.

7. Penetra hîc, si potes, cor benedictæ Matris, quod exanimabatur ex auditu ad tam diros, ictus. Ah! cur vnus horum ictuum non dirumpit & emollit pectus meum adamantinum? Eheu! dimittite clauis istas innocentissimas manus, configite cor meum, illudq; compassione vulnerate.

8. Vterius inspice quâ immanitate Carnifices fune pedes constringunt, & tantâ cum rabie trahunt, vt ossa omnia laxent ac loco moueant, & omnia vulnera dilatent, propter manuum & pedum extensionem.

9. Obstupesce, quàm largi sanguinis riui per brachia, corpus, & crucem diffuunt, lacusq; roseos efficiunt humi! ô Deus! quàm lacrymabile & inauditum tormentum, & necdum Christus moritur!

10. Vide, quot machinis, quot funibus satellites illi vtantur, qui Christum in cruce pendentem nunc in hanc nunc in aliam partem impellunt: demum crucem erigunt, & in excauatam scrobem immenso cum sonitu cadere permittunt.

O quantâ cum angustia ad terribilem hanc concussionem disjuncta sunt Christi membra, conturbata interiora ejus, & cuncta ossa, cum incredibili dolore loco mota.

Quælisti sæpe ô anima Christiana à Domino tuo Iesu, & dixisti: Indica mihi, quem diligit anima mea, vbi pascas, vbi cubes in meridie? Ecce cubat in monte Caluariæ, medius in-

ter latrones, nudus, lividus, cruentatus, illic jacet exporrectus in duro lecto crucis.

Affectus.

O Spectaculum ab orbe condito lucuosissimum! Deus suspenditur! Deus occiditur! laxentur in gemitus ora, mergantur oculi in oltri lacrymarum pelago.

Veni, accurre, Oriens, occidens, Septemtrio, Meridies. Ecce panditur terra Sancta, beati pedes, venerandæ manus, benigna brachia, amabile pectus.

Aspice nunc ô Pater caput Filij tui propter tot canales sanguineos defecisse! intuerere ceruicem, olim instar nivis candidissimam, nunc inclinatam & exsanguem.

Defige oculos ô mæsta Mater in faciem dilecti Filij tui, & in membra conquassata Christi tui! vide quàm obscurata sit pulchritudo oculorum! quantum palleat color regij vultus!

O Deus! ô Iesu mi! adoro te in hoc throno doloris & ignominia. O Si mihi liceret per te, vt sacram tuorum pedum aram millies exosculer, manantemq; inde cruorem lacrymarum imbre diluam.

O si submitteres tantisper verendum cælo & terris caput, vultum miserabilem, sanguine innatantem suo, ora illa plumbeo mortis calore pallentia, amoris roseo igne purpurascentia.

O anima mea! dic saltem a longè vltimum vale Saluatori tuo. Vale ergo mi Redemptor! Vale ô Frater amabilis nimis! vale ô Sponsus anima.

nimarum nostrarum. Sed prius ante discessum,
da benedictionem, da Frater amplexum. Da
crucifixoribus tuis orationis affectum, latroni
paradisum, Matri filium, filio Matrem, mortuis
vitam, toti mundo sanguinem tuum.

*Christus clamans voce magnâ
expirat.*

1. Intuere anima mea, quia jam tandem exacto
tormentorum itinere, se se durissimum in-
lectum fessus Viator quieturus reponit: & au-
di quid loquatur ad te de lectulo crucis.

2. Audio, clamat Iesus: Pater dimitte illis.
Quid est hoc? Iesus flagellis cæsus est, spinis
coronatus, affixus patibulo, omnium tamen do-
lorum immemor ait ignosce illis. Cygnea ver-
ba? is, qui hactenus in propria causa tacuit, nunc
causâ inimicorum disertus est.

3. Deus Deus meus vt quid dereliquisti me.
Derelictus es mi Iesu, sed propter me, quia ego
sæpius dereliqui Deum meum, fontem aquæ vi-
uæ & recessi à Deo salutari meo.

4. Sitio clamas mi Iesu! Attendite animæ,
quantum diligat vos, tot dolores perpessus Iesus
propter vos, adhuc tamen dolores propter vos
sirit, sitit sanguinem effundere, quem adhuc ce-
lauit in corde.

5. Domine memento mei. Hiccinè nu-
dus ô latro, sanguine perfusus socius ac particeps
patibuli tui Dominus est? hæccinæ spinæ sunt
diadema Regis? Beatus es latro, quia caro &
sanguis non reuelauit tibi, sed Pater qui in cæto

est. Memento & nostri Domine, dum veneris in regnum tuum.

6. Ecce Mater tua. Breue testamentum, paruum peculium facile dispensatur. Nihil tibi ex suo restabat præter Matrem, & hanc tradidit discipulo.

7. Ecce Filius tuus. O voces miras, mortaliūq; cordibus optatissimas. Filium effici Virginis, quid dulcius? Matrem habere Mariam, quid securius? O Mater non dedignare nos filios, quoniam Deus non est dedignatus te Matrem.

8. Consummatum est. Quod consummatum est Domine Iesu? dolores tui, passio tua, charitas tua? ita sanè. Omnia transierunt, consummata sunt, perfecta sunt, præcipue autem charitas tua, quā cum dilexisses nos, vsq; in finem dilexisti.

9. In manus tuas Domine commendo Spiritum meum. O si & meum mi dulcis Iesu in agone egredientem de corpore Spiritum in manus tuas susciperes! & si me reciperes & omnes mecum agonizatueros in lateris tui aperti patentem aulam, miserorum arcem, pœnitentium triclinium!

10. Et inclinato capite emisit Spiritum. Ergonè meus Iesus clamans voce magna, inclinato capite, vt mihi amplexum, mihi det osculum reconciliationis, inclinato capite, vt mihi dicat ad aurem cordis mei: morior, & libenter morior amore tui; inclinato capite, vt inspiret in faciem

ciem meam spiraculum vitæ, inclinato capite tradidit spiritum?

Affectus.

O Anima mea! tradidit pro me Iesus Spiritum & ego spiro? verbum æternum pro me gluit & ego loquor? Deus meus pro me mortuus est, & pulcherrimus ille nexus purissimæ carnis cum Sanctissima anima dissolutus est, & ego viuo?

Cur non venies ô hora, vt & ego moriar, si & Dominus meus Iesus mortuus est? cur non saltem compassione morior ego, cum jam exspirauerit in cruce vita mea?

Et si non habeam mi Iesu puritatem & sanctitatem tuæ Matris, vt digne tibi compatiar, latronis tamen prauitatem habeo, vt ad latus tuum crucifigi debeam. Et si non sum tanquam velum nobilissimum templi, vt in morte tua scindar, sum tamen monumentum fætidissimum, vt ad apertionem tui lateris aperiri debeam.

Quid in me quæris dulcissime Iesu? si in morte tua petra scissæ sunt, & ego durior sum petra. Si terra mota est, & ego terrenissimus sum. Ipsum etiam ferrum voluisti tuum corpus vulnerando intrare, & me intrare per faciem. jam vulnera non permittes? Nunquid cor meum est durius omni ferro?

Et si cælestis non sum in compatiendo tibi, nequeam cum sole obscurari, tamen infernalis conuersationis sum, vt saltem in triduo mortis tuæ à te debeam visitari.

Cur enim me fecisti Domine, si non debeo esse tibi coniunctus? aut si tibi sum coniunctus, quare pariter tecum non sum vulneratus? Nolo mi Iesu vivere sine vulnere, quia te pro me video vulneratum.

CAPVT XI.

Proponuntur Praxes colendi
Deiparam Virginem & quosdam
Sanctos in Festis Ipsorum.

In Festo Conceptionis Beatissima.

1. **Q**Uæ est ista, quæ progreditur quasi aurora
consurgens, pulchra ve luna, electa vt sol,
terribilis vt castrorum acies ordinata.

2. Ave ex omnipotentia Patris; ave ex sapientia Filij; ave ex dulcissima bonitate Spiritus Sancti Maria cælum & terram illuminans.

3. Ave candidum lilium fulgidæ semperq;
tranquillæ Trinitatis, rosaq; præfulgida calicæ
amanitatis, de qua nasci & de cuius lacte pasci
Rex cælorum voluit.

4. Salve consecratum Regis palatium. Salve thalame, in quo Humanitas Christi desponsabitur. Salve electa Deo, antequam nata fueris. Salve diuina cum hominibus reconciliatio.

5. Saluto & veneror Animam tuam gratiâ
plenam; Tuum intellectum tam scientiâ in-
stanti

stanti Conceptionis infusâ, quàm Lumine gloriæ & visione Dei illuminatissimum. Tuam voluntatem impeccabilem, omnibus habitibus & actibus virtutum ab ipsa Conceptione tua ornatissimam.

6. Saluto & veneror tuum corpus sacratissimum Deo Homini in primo gradu consanguineum. Tuum cor semper immaculatum, semper amore Dei ardentissimum. Tua omnia Sanctissima & purissima membra.

7. Gaudeo de omnibus virtutibus tuis, quòd eas habueris origine Maternitatis altissimas, in gradu perfectissimas, in instanti tuæ Conceptionis infusas, singulis vitæ mortalis momentis crescentes, heroicas, Angelicas.

8. Gaudeo de tua Puritate, quòd sis præservata ex meritis Christi non solum à peccato originali, sed etiam à debito proximo illud contrahendi; quòd sis semper libera ab omni peccato actuali etiam veniali.

9. O felicissima & beatissima mulierum, jam præuenio omnium generationum benedictiones, & loco earum omnium te millies & infinities beatam prædico, & esse gaudeo, plusquam dicere possim.

10. O puella sine macula concepta, tu sola eris gloria Hierusalem, tu honorificentia populi nostri.

11. O Augustissima Mater Dei! fiat cor meum immaculatum; vt plus amet te, honoret te, apud omnes extollat te, plus quàm vlla vnquam creatura possit inhonorata vita sua offendere te!

12. Tu inchoasti Virgo, ora vt ego finiam, vitam sine macula. Impetra cordi meo, illam, quæ ad benè videndum Deum requiritur munditiam. Habeam cor, quod cordis tui Sancti amores omnes offerat pro te Filio tuo, Deo Iesu! doceat me cor tuum amores immaculatos. æternos!

13. Vtinam possim esse totus Virgineus, totus diuinus, vt cor meum totum, sit amor Virgineus, sit amor diuinus.

14. O Sancta Mater Dei! vtinam Filius tuus, in morte mea intuens animam meam dicere posset: Tota pulchra es amica mea & macula, non est in te.

In Purificatione.

1. **O** Mater Domini mei monstra te esse Matrem, depone Filium tuum in manibus meis, sufficit mihi vt videam & exosculer, quem diligit anima mea, antequam moriar.

2. O bone Iesu? apud te os meum sine voce, & silentium meum loquitur tibi; vsquò quando tardat venire Dominus meus ad me? quando videbunt oculi mei ô Pater salutare tuum, quod parasti ante faciem omnium populorum?

3. Diuine paruule, in sinum meum licet angustissimum, amore tamen tuo, & tui diuini cordis dilatandum aduola, requiesce in sinu meo, vt sic amore tui moriens in amplexibus tuis cantem: nunc dimittis Domine seruum tuum in pace.

4. Suscipio hodie in medio templi misericordiam.

cordiam, & amorem meum, gaudium & vitam meam, Iesum & Deum meum. O delictum sine deliquio! & exultationem sine supplicio! & lætitiā sine fastidio!

5. Intelligis tu paruule Iesu superintelligis omnia: intellige super egenum me & pauperem, maximè in occasu meo.

6. O Purissima Domina mea, dulcissimum, amarissimi agonis solatium! da mihi Iesum morienti, & dimitte cum Symeone me seruum tuum in æterna pace.

7. Festina ô Mater misericordiæ, & monstra te esse mihi Matrem in hora mortis meæ, veni & fac, vt in occasu meo oriatur mihi sol non tam iustitiæ, quàm misericordiæ.

8. Non recuso horrendos ignes, longum illum diem purificationis meæ. Mallem tamen, illos Dei amore, quàm pro peccata culparum pati.

9. Sim ego ô Iesu ô Maria, sim candidus vester cereus, consumar, absumar amore vestri lucis & ardens, vsq; dum hîc felici vos amantium morte extinctus immortaliter apud vos ardeam igne illo, cuius flammæ, sunt linguæ amoris Dei.

10. Respice paruule mi Iesu, respice in templo, & accende me ac mea omnia illis tuis oculis, quos tanquam flammam ignis vidit postea Ioannes tuus. Illi tui ignei oculi faciant me alis flammeis auolare illuc, vbi est templum amoris æterni, ad quod euocare soles dilectos Virginis Matris tuæ.

11. O mi Iesu! rogo te per Patrem tuum,
cui

cui hodie oblatus es, per te ipsum, qui oblatus es, per Spiritum Sanctum, cujus instinctu oblatus es, per Virginem Matrem tuam & S. Iosephum à quibus oblatus es; fac ut ego & omnes tuo diuino ac Matris tuæ amoris addicti, sinus candelæ tuæ, quas tu (quod hodie petit Ecclesia) lumine supernæ benedictionis accendere digneris, ut corda nostra inuisibili igne, id est S. Spiritus illustrata, omni vitiorum cæcitate careant.

12. Tibi me hodie sisto paruule Iesu, quem Patri hodie in templo sistit Mater; ut cum ante te mihi ad ultimam sententiam percipiendam sistendum erit, ad dexteram Electorum me sistere velis.

13. O Maria dulcissima Mater mea amantissima! quid obsecro dabis nobis in hoc festo? Purifica me Virgo Sancta, purifica totum mundum. Benedic Filio tuo mihi, quem gestas in manibus, & toti mundo. Accende me igne tuo, ut cor meum flammis amoris diuini semper ardeat.

In Festo S. Benedicti Abbatis.

1. **B**enedictus sis Domine Deus in æternum, in firmamento cæli, quia Benedictum tuum Patrem multarum Religionum constituisti, filijs ejus benedixisti, & multiplicasti eos sicut stellas cæli.

2. O dilecte Domini Benedicte! cujus hodie solenne festum omnes filij tui (quorum numerus vni Deo cognitus est) sub Sanctissimis legibus tuis militantes concelebrant. Iuua me precibus tuis.

precibus ac meritis tuis; vt ego nunc & æternum sum dilectus & benedictus à Domino, ac diligens & benedicens Dominum.

3. Seraphine terrestris! qui in materno vtero exultare & psallere es auditus. Non potui Deum amare & illum benedicere antè, quàm nascerer, fac vt saltem nunc, & in æternum totus dulcedine diuini amoris plenus, totus flammâ diuinæ charitatis incensus diligam Deum ex toto corde, totisq; medullis præcordiorum meorum misericordias ejus concinam.

4. Cælestis inter homines. Angele! qui è visæ à te olim fæminæ recordatione, immundum Spiritum fædis tibi cogitationibus importunum inter vrticas & spinas volutatus repulisti & tam diu corpus tuum senticetâ aculeis lacerauisti, donec nesciret insidiator, lilijs an rosis irascere-tur; cum innoxia inter spinas lilia efflorescere frendens conspiceret; impetra mihi cor totum, candidum, totum lilium, impetra mihi victori-am de mundo, carne, & Diabolo.

5. O felicissimi & flammei cordis vir! qui discipulorum quendam orationis tempore, mente spontè vagum, per fimbriam vestis è templo foras à nigro puero trahi vidisti, eidemq; orationis Spiritum impetraisti, impetra, ne me vnquam irretire possit Dæmon; vt deniq; non tradat bestijs meam hanc animam confitentem sibi Deus meus.

6. O Thaumaturge! cujus imperio aquas pede sicco calcavit tuus discipulus Maurus. Qui bibiturus, facto, pro more, super vasculum Crucis sit.

cis signo, illud vi diuinâ fractum, ne venenum biberes, vidisti. Qui rogatu cuiusdam parentis, filium ejus mortuum resuscitasti. Roga obsecro Iesum, vt lætitiâ Angelis Dei creet meamors non verò Dæmonibus: vt in templo Sancto gloriæ Deum meum vnâ tecum benedicam, æternûm benedictus.

7. Sancte mi! & in altissimo gloriæ throno à Deo collocae Vir: qui Sanctæ Scholasticæ sororis tuæ, & postea S. Germani Episcopi animam in cælum abeuntem aspexisti; assume animam meam, vt in morte à corde meo abeat ad te itinere Sancto!

8. Martyr amoris Dei! qui scriptis diuinâ sapientiâ plenissimis legibus, miraculorum gloriâ celeberrimus, vaticino Spiritu multa præfagiens, sumpto sacro Viatico, præmortua corporis per austeritates exhausti membra in parato tumulto inter manus & lacrymas discipulorum placidissimè composuisti. Veris pænitentiae ac amoris lacrymis cor meum imbue, vt Sanctâ verè amantium morte moriar. Impetra mihi Spiritum veriamoris Dei, qui corpus meum mortificatione assidua & animam oratione perpetuâ Deo sacrificet.

9. O dilecte Domini Benedicte! cuius anima fulgentibus circum lampadibus, pretiosissimo pallio velut Sponsa ornata visa est abire in cælum; & vox audita est: Hæc est via, quâ dilectus Domini Benedictus ascendit. Qui hoc tuo die, Sanctæ tuæ filiæ Gertrudi apparuisti, totus efflorescentibus ex te rosis vndiq; corpore toto vernans.

vernans. Ora pro pigro hoc, & ad dura pro æternitate sustinenda, delicato nimis corpore meo. Patiatur nunc ne patiatur æternum. Currat, quò anima, quò Deus vult; vt cælum non infernum comprehendat.

10. Idem etiam nunc oro, quod hodie in solenni oratione ad te clamant alumni tui: vt excites in me Spiritum illum excellentissimum, quo tu calcare mundum, mortificare carnem, subjugare infernum didicisti, ac docuisti: vt eodem repletus, Sanctissimam Regulam tuam fideliter obseruem, virtutes tuas imitari studeam, Dæmonum insidijs viriliter resistam; & te iuvante feliciter moriar.

In Annuntiatione.

1. **E**cce Angelus Domini nuntiat tibi Virgo Beata, quia tu gratiâ plena, concipies & paries Filium, Deum videlicet & Hominem.

2. Audisti Virgo, quòd concipies & paries Filium exspectat Angelus responsum, tempus est, vt reuertatur ad Deum, qui misit illum. Exspectamus & nos ô Domina verbum miserationis, quos miserabiliter premit Sententia damnationis.

3. Responde Domina per Angelum Domino verbum, & suscipe Verbum, profer tuum & concipe Diuinum, emitte transitorium & amplectere Diuinum. Da Virgo responsum, quod terra, quod inferi, quod exspectant & superi.

4. O Archangele Dei, qui legatione funge-

ris pro verbo increato, fortiter & suauiter age pro Domino tuo.

5. Deo gratias. Iam vtrinq; consensus datus est; jam Verbum caro factum est, & habitat in sacro Virginis vtero; jam puer Iesus vocatur.

6. O Mater Dei mei, quibus tibi affectibus gratulabor Maternitatem tuam diuinam? & si omnium mihi corda essent! & si cor ipse totus essem, quantum est totum vniuersum, vellem. Te toto me, gratulari æterno Deo! toto me Tibi gratulari Filium Deum.

7. Benedicta & Venerabilis es Virgo Maria, quæ sine tactu pudoris inuenta es Mater Saluatoris, & quem totus non capit orbis in tua seclausit viscera factus Homo.

8. Benedicta sis tota ô dulcissima Virgo, in corpore tuo purissimo, & anima Sanctissima.

9. Benedico beatissimum uterum tuum, in quo Dominum cæli & terræ portasti. Benedico beatissimum cor tuum, quo feruenter Filium tuum dilexisti. Benedico beatissima vbera tua, quibus eum lactasti. Benedico os & labia tua, quibus ei dulcissima oscula dedisti &c.

10. Benedictus sit Deus Pater qui te in suam Filiam adoptauit. Benedictus sit Filius, qui te in Matrem suam elegit. Benedictus sit Spiritus Sanctus, qui te in Sponsam sibi assumpsit.

11. Sancte Gabriel Archangele Mariane benedic & saluta mecum, & pro me Mariam, & doce me illam salutare; vt oret pro me, oret nunc dum viuo; nunc dum oro; nunc dum in pericu-

periculo damnationis æternæ; & in agone mortis meæ.

12. O Virgo gratiâ plena, esto mihi Maria, impetra, vt in gratia moriar, vt Dominus sit mecum & ego cum Domino in æternum.

13. O benedicta in mulieribus, ora, vt benedictus fructus ventris tui Iesus, sit mihi viuenti & morienti Iesus. Ita fiat ô Maria Mater Dei, viuentium & morientium, ac prædestinatorum Mater.

14. O Virgo Beatissima, quæ cum esses paruula, placuisti Altissimo, tantum te & ego diligo, vt si ego solus possiderem omnium Electorum gratissima corda, libenter illa omnia amoris tuo impenderem.

15. Si essem ô Domina Christus, in te, non in aliam, flumina grátiarum deriuarem. Si essem Maria, relinquerem esse Maria, vt tu sola esses Maria. Si essem supremus Angelus te non aliam, nomine omnium Angelorum optarem Reginam.

16. Si in me voluntates omnium hominum positæ essent, te non aliam Mediaticem redemptionis humanæ precârer. Si cordibus & linguis omnium loquerer, te, non aliam Dominam mundi vocarem.

In Visitatione.

1. **E**Xurge Domina, surge amica mea, Dei Mater & Virgo, gratiosa mea & veni: ostende mihi faciem tuam; sonet vox tua in auri-

bus

bus meis: vox enim tua dulcis, vox salutis est, nuntia Saluatoris.

2. Loquere Mater, & exultabit præ gaudio cor meum. Dic verbum & sanabitur anima mea. Tu enim habes intra te Verbum Dei, quod dat vitam mundo.

3. O Domina mea! ut facta est vox tua in auribus meis, cor meum & caro mea, exultant in Deum viuum. Gaudebo in Domino semper, iterum dico gaudebo, & exultabo in Deo Iesu meo.

4. O Virgo Beatissima! ad cuius hodie Elisabetham visitantis vocem infans Ioannes in Matris utero, præ gaudio exultauit! non te potui amare ante, quam nascerer, ora, ut saltem nunc, & in hora mortis, & per omnes beatitatis felices æternitates, sim in numero seruorum & filiorum tuorum lætantium in te, & amantium te.

5. Visita me cum tuo Iesu ô Maria, ita ut nunc & in hora mortis meæ visitatio tua custodiat Spiritum meum, hinc migrantem; ut in æternum vnâ tecum, magnificet anima mea Dominum, & exultet Spiritus meus in Deo salutari meo.

6. O quàm beati, quos respexerint illi tui misericordes oculi ô Maria! hos etiam oculos ad me conuerte, & Filio tuo benignè me reconcilia, & in æternum conjunge.

7. Gaudeo Virgo Beata, quòd sis inuentrix gratiæ, quòd sis thesauraria & dispensatrix gratiarum, ita ut nulla gratia de cælo in terram veniat, nisi transeat per manus tuas,

8. Gaudeo & exulto ô SS. Virgo, quòd Deus te amet super omnia opera sua, & de hac re super omnia delector.

9. Gaudeo, quòd sis Sponsa Dei, Mater verbi, ministra Incarnationis, omnium gratiarum, mare, verè illuminata Maria, Angelorum Regina, Mediatrix nostra & omnium Domina.

10. Exulto de illo amore, quo te amat Deus Pater, Deus Filius, Deus Spiritus Sanctus! & de illo amore & honore, quo te amant & colunt omnes Angeli & omnes Beati in cælo, & omnes iusti in vniuersa terra.

11. Inuenisti Virgo gratiam apud Deum: Quid non impetrabit tanta Filia à Patre, Mater à Filio, Sponsa à Spiritu Sancto?

12. Per te accessum habeamus ad Deum ô benedicta inuentrix gratiæ, genitrix vitæ, Mater salutis.

13. Sis mihi ô Maria pia semper Mediatrix apud Filium: sis de me tanquam de filio tuo sollicita: succurre erranti: deduc me in semitas iustitiæ: misericordes oculos ad me semper conuertere: & mihi in morte succurre vt pia Mater cum festinatione.

In Assumptione.

1. **V**bi est mors victoria tua? vbi est mors stimulus tuus? Non tu vitam aufers Virgini, sed ad Deum transfers, non mortalitati subijcis, sed donas immortalitati.

2. Verè fortis est mors, sed fortior dilectio

Mariæ in Deum, quæ valido impetu animam Virginis à corpore separauit.

3. Non nobis Domine Iesu, non nobis, sed Mariæ Matri tuæ da gloriam! eleuetur hodie magnificentia ejus super cælos, vbi tu Rex regum, stellato sedes folio.

4. O quis mihi daret, vt omnia mēbra mea, verterentur in linguas, tunc non aliud prædicarem nisi hoc: viuat, regnet, & triumphet Maria!

5. Si linguis hominum & Angelorum hodie loquerer, adhuc celsitudinis tuæ dignitatem & gloriam ô Virgo pulcherrima, ne adumbrare quidem, nedum effari possem.

6. Benedictus sis tu Deus, qui corpus & animam Mariæ Virginis Matris tuæ in cælum assumpsisti, & super omnes Angelos juxta Deitatem tuam honorificè collocasti.

7. Gaude Maria Virgo, quia omnes Sanctos superas tuo honore. Gaude quia totum cælum & orbem illuminas tuo splendore.

8. Gaude quia ad tuum nutum, tota tibi obedit cælestis curia. Gaude quia ad tuum votum à Deo impetras omnia.

9. Gaude quia sola es SS. Trinitati proxima. Gaude quia seruis tuis dantur à Deo præmia maxima

10. O Maria pulchra vt luna, electa vt sol, fac me videre pulchritudinem tuam, & ob eam adorare & laudare diuinam Majestatem in æternum.

11. Sitiuit anima mea ad te Dei Matrem viuē-

uentem & regnantem in cælis! quando veniam & videbo lucidiorem sole faciem tuam?

12. Speciosa facta es in delicijs tuis dulcissima Dei Genitrix, quis non diliget te? ô Regina cordium & Mater Sancti amoris, quis non amat te?

13. Amo te Virgo Beata, & desidero amare tantum, quantum te omnes beatæ animæ in cælo, quantum te amant omnes nouem Chori Angelorum, quantum te amat ipsum cor & anima vnigeniti Filij tui.

14. Saluto te ô Regina cæli & terræ! ô Mater gratiæ & misericordiæ! vita mea & spes mea post Deum! Saluto te & veneror in throno gloriæ, ad quem Deus te extulit. Video te jam in portu, dum nos iactamur procellis. Video te in patria, dum nos gemimus in exilio. O potentissima Mater memento nostri, dum tibi bene est, & ne obliuiscaris inopiæ nostræ & tribulationis nostræ.

15. Scimus quod pulchra sis mulier, dic (obsecro) quod soror nostra sis, vt benè sit nobis propter te, & viuat anima nostra ob gratiam tuam.

16. Fratres tui sumus ô Virgo, os tuum, caro tua, sanguis tuus. Obsecra Filium, vt misereatur fratrum tuorum, filiorum tuorum, ac proinde fratrum suorum.

*In Festo S. Patris. N. Bernardi
Abbatis.*

I. S ANCTE mi Iesu! Maria Dei Iesu Mater. I
X 2 gratias

gratias vobis pro donis bonisq; omnibus in Sanctissimum vestrum ac meum Bernardum largè effusis.

2. O cordis felicissimi & flammæ Bernarde, tot candidorum filiorum Pater, candidum me faciat non tam vestium, quàm animi candor. Fac ut cygneam ac candidam puritatem in moribus & cogitationibus meis præferam.

3. Melliflua Iesu & Mariæ ac cordium deuotorum apis! fac me verum Iesu & Mariæ seruum, impetra mihi hoc vnum, hoc Sanctum, ut non aliter velim viuere, nec mori velim aliter, quàm, tanquam natus ad hoc, ut viuam & moriar Iesu & Mariæ humillimus seruus & filius.

4. Felicissime nascentis Iesuli amator & spectator! qui puer vidisti natali Dei nocte nascentem Iesum; ora, ut cor meum viuat in Iesu ac vicissim in corde meo nascatur, adolescat, delectetur, & nunquam moriatur Iesus.

5. Triumphator mundi, carnis, & Dæmonis; qui turpes ignes aquâ gelidâ extinxisi, & nocte latronem pudicitiae fugasti victor; arce à me machinas immundi Spiritûs, ne quid in carnem meam, vel in Spiritum meum, dolis suis possit.

6. Martyr amoris diuini! cui fratres tuos ad Religionem pellicienti, visa est adesse non semel olim extincta Mater tua, quæ tibi arridens gratulabatur de consilio tam felici; alias quoq; à te conspecta in gloria; fac ut per te discam Deum amare, ita ut tu amasti, Dei matri seruire, ita ut tu seruisti, alta fugere, uti tu fugisti.

7. O cordium dulcis magnes! qui ad valemundo

mundo & salue cælo dicendum triginta socios vnâ tecum traxisti, tot animas ad Deum, voce, calamo, exemplo, oratione rapuisti. Ora vt tales hîc socios amem, qui me ducant, vel quos ducam illuc, vbi tu es. Iuuâ me, vt hîc, & in cælo, tuorum cætu dignus inueniar.

8. Seraphine terrestris! è cuius orantis ore visus est ignis erumpere; quem hoc tuo die, gloriosum vidit S. Gertrudis, mirifico quodam splendore de tuo pectore, ad omnia eorum pectora erumpente, qui per tua merita feruentem Dei amorem obtinere desiderant. Ecce me vnum ex illis desiderantibus, desidero amorem illum, quo cor tuum, os tuum, tuus calamus abundauit.

9. Cælestis inter homines Angele! qui singulis tuis orantibus, singulos Angelos adesse, ac nullâ omisâ syllabâ, quicquid orando dicebant, auro, argento, vel aquâ (prout quisq; flagrans erat vel tepidus in orando) adnotare vidisti. Fac vt nomen meum quotidie libro vitæ, frequentibus purissimi erga Deum amoris & laudis actibus velut aureo charactere, inscribam.

10. Potentissime apud Iesum & Mariam. Orator! qui sæpius visus es in altum cum Cathedra eleuari. Eleua Sanctissimis precibus tuis frigidâs, arentes, & distractionum pondere prægraues orationes meas, vt constanter assuetam eleuato ad Iesum & Mariam corde, ignea hæc jacula in cælum pleno affectu euibrare.

11. Felicissime Iesu collactancee! quem Virgo Beatissima dicentem sibi: Monstra te esse Matrem, purissimo sui pectoris lacte in os tuum

immissio recreauit. Clamo & ego: Monstra te esse Patrem, quod melius non præstabis, quàm si propitiâ mihi reddideris clementissimam misericordiâ Matrem. Irriga cor meum igneo hoc lacte, fac vt corde toto rationabile, diuiniq; amoris plenum sine dolo lac concupiscam.

12. Sanctissime Pater! in cuius amplexus, solutus de cruce brachijs, te se densit Christus, ac tantâ dulcedinis copiâ cor tuum inundauit; vt tunc verè cantare didiceris solenne illud tuum. *Expertus potest credere, quid sit Iesum diligere.* Inebria aridum cor meum de illa supereffluente gratiarum plenitudine, quam è fonte mellifluis Christi vulnerum bibisti. Fac vt residuum annorum meorum sit jugis meditatio dolentis & amantis Iesu: nec prius dolere & amare desinam, quàm viuere.

13. Mariæ Deiparæ cliens intime, qui moriens cuidam apparuisti dicens te velle ad montem ascendere ad discendum; hic enim nullam, ibi omnem veri scientiam reperiri: qui deniq; à Maria sanatus illam spei tuæ fiduciam, & ad cælum scalam esse dixisti, & cælum per illam moriens ascendisti. Commenda me Mariæ: vt quamuis oculi mei vitijs corrupti non sint digni illam in hac lacrymarum valle spectare, illius tamen auxilio purgati non excludantur à conspectu ejus in cælo gloriæ.

14. S. Bernarde, ad quem, cum Spiræ ad salutationem pijsimam, salue Regina à te (vt multi non dubitant) inuentam, deuotam illam claufulam addidisses; *O clemens, o pia, o dulcis Virgo*

Maria.

Maria: ex ejusdem Icone, audiente omni populo dulcis echo insonuit: *Salve Bernarde.* Licet & mihi te alloqui.

Salve Bernarde melliflue Pater & spes te amantium Salve. Ad te clamamus exules filij tui ad te in cælis regnantem suspiramus gementes & flentes peccata nostra in hac lacrymarum valle. Eja ergo aduocate miserorum, illos tuos amabiles oculos ad nos clientes tuos conuerte. Et Iesum solutis de cruce brachijs tibi constrictum, nobis post hoc exilium ostende placabilem. O clemens ô pie ô dulcis Bernarde.

In Natiuitate Beatissima.

1. **N**on possum tristari, quia nata est nobis puella Sancta, Mater Domini mei, & ipse fundauit eam Altissimus.

2. O Sancta felicissimorum Ioachim & Annæ filiola, natiuitas tua gaudium annuntiauit vniuerso mundo; quæ nata es vt ex te nascatur, Deus.

3. Ad beatissimas cunas tuas supplex accurre ô paruula Beatissima, annuntio tibi gaudium magnum: Ecce concipies & paries Filium & vocabis nomen ejus Iesum.

4. Nescio quid dicam tibi puella Sancta Virgo Maria, Regina mundi, quomodo te salutabo, dicam tibi quod per Angelum auditura es: Ave gratiâ plena, Dominus tecum.

5. Utinam omnium creaturarum corda haberem, vt ex affectu & viribus omnium te dulcissima Virgo salutare inquam: Ave Filia.

Dei Patris, Ave Mater Filij Dei, Ave Sponsa Spiritus Sancti. Ave templum SS. Trinitatis.

6. Quot maris sunt guttæ, cæli stellæ, quot beatorum Spirituum agmina, toties ex intimo cordis mei affectu te saluto Virgo Beata, tibi inclamo: Vivat Maria, cæli Regina, Domina mundi.

7. Te saluto cum Ecclesia Sancta Catholica: Ave maris Stella, Dei Mater Alma, atq; semper Virgo, felix cæli porta. Salve Regina cælorum, ave Domina Angelorum.

8. Te saluto cum S. Bonaventura: Ave Domina mea, Mater mea, imò cor meum, & anima mea Virgo Maria & Maria mea.

9. Te saluto cum S. Chrysostomo. Ave animatum Dei templum. Ave cæli terræq; pariter domicilium. Ave naturæ illius, quæ comprehendere non potest amplissimum habitaculum.

10. Æstimo te pretiosissima Dei Mater supra cor & animam meam, super omnia solo Deo minora, quia tu es honos totius creaturæ, (& præcipuè generis nostri,) quæ nec primam similem visa est nec habere sequentem.

11. Toto cordis mei affectu, & quantum possum amo te amabilissima Virgo Maria, super omnia amabilia creata.

12. Amo te decus Angelorum, honor, gaudium Sanctorum, vniuersis imperans. Amo te nostra Mediatrix, afflictorum consolatrix, nostri semper miserans.

13. Trado me tibi in seruum perpetuum, in
manci-

mancipium, te autem mihi eligo & assumo in Dominam & Reginam.

14. En corpus & animam meam, Spes & omnes res meas Tibi deuotio & mancipio in æternum, vt tibi viuam, moriar, Tibi æternum tuus. Tibi tuoq; seruitio omne tempus, quantum possum dedico: & opto momenta singula illius conuerti in æternitates, quibus tibi inferuiam.

15. Monstra ô Maria, te veram esse mihi Matrem, ama me vsq; in finem, & fac, vt te redamare totis visceribus cordis mei contendam.

In Festo Nominis Beatissima.

1. **B**enedic anima mea Dominæ nostræ, Virgini Dei Genitrici Mariæ, & omnia quæ intra me sunt nomini Sancto ejus.

2. Per singulos dies benedicam tibi ô Maria Virgo & Mater Dei Sanctissima, & laudabo nomen tuum dulcissimum in sæcula.

3. Adhæreat lingua mea ori meo, si non proposuero te ô Maria in principio lætitiæ meæ: si non meminero nominis tui, obliuioni detur dextera mea.

4. Magnificate omnes Dominam mecum & exaltemus nomen Mariæ in æternum, nam nomen Mariæ, nomen Sanctissimum, nomen dignissimum, nomen potentissimum.

5. O MARIA esto mihi MARIA! ô dulcis Maria! recognosce, quod Iesu Christi Filij tui in me est, & absterge quod mundi & amoris proprij in me est.

6. O no-

6. O nomen Mariæ nomen dulce; nomen Mariæ nomen delectabile; nomen Mariæ nomen gloriosum & salutiferum. Quid est enim Maria nisi Stella maris? ergo & Maria, propter nomen Sanctum tuum luceas mihi in procelloso mari hujus mundi nauiganti.

7. Protege me dulcissima Virgo Maria sub umbra alarum tuarum: & non recedat in æternum mellifluum Nomen tuum ab ore & à corde meo.

8. O Virgo dulcissima & suauissima fac vt mori nequeam, nisi inuocato hoc iucundissimo, hoc mellifluo, hoc salutifero nomine tuo Maria, Maria.

9. Gloriosum ô Maria & admirabile est Nomen tuum: qui illud retinent & inuocant, non expauescent in puncto mortis. Inuocabo & ego semper nomen tuum, vt me tuearis in morte à rugientibus præparatis ad escam; vt me Stella maris deducas ad portum salutis.

10. Data est tibi ô Virgo Sanctissima, omnis potestas in cælo & in terra, & in manu tua est vita & salus nostra, loquere ergo pro me bona, loquere Filio tuo dulcissimo, impetra mihi gratiam & veniam.

11. O Maria! monstra te esse Matrem, & respice filium inter adoptiuos infimum. Respice & non despiciet Filius tuus; recipe & non seducet inimicus. Quod vt à te impetrem viuus, & obtineam mortuus, per illud tibi charissimum, & mihi dulcissimum Nomen Matris supplico.

In Feflo Omnium Sanctorum.

1. **O** Ter magne Deus, fupreme infinitarum perfectionum Author, gratias tibi pro bonis donisq; omnibus naturæ, gratiæ, & gloriæ, quæ in Sanctos tuos effudifti & effundes.

2. **O** Sancti Sanctæq; omnes fideles Sponsæ Christi faluto & veneror vos, gratias ago Deo meo, quòd vos elegerit & in fublimi gloria collocauerit.

3. **O** Sanctiffima Iefu ac prædeftinatorum omnium Mater! monftra te effe Matrem, illos tuos mifericordes oculos de fupremo cælorum habitaculo ad nos conuerte, & Iefum benedictum Filium tuum nobis poft hoc exilium offende placabilem.

4. Sancti Patriarchæ & Prophetæ, qui Dominum noftrum dictis prophetaftis, & ardentiffimis defiderijs è cælo ad terram traxiftis, fuccendite me illo igne, quem Dominus mifit in terram, & voluit vehementer accendi. Feliciter ardebo, & corde ita fuccendar.

5. Sancti Apoftoli & Euangeliftæ, impetrate obfecro mihi, vt totus dulcedine amoris diuini plenus, totus flammâ diuinæ charitatis incenfus diligam Deum ex toto corde meo, totisq; medullis præcordiorum meorum, habeam Deum in corde, in ore, & præ oculis femper & ubiq;!

6. Sancti Martyrès, gratulor vobis, quia Saluatori veftro vitam pro vita, fanguinem pro fanguine reddidiftis. Vtinam & ego, ficut vos, effundere poffem fanguinem, & fieri victima in
holo.

holocausto fidei, spei, charitatis! Orate, ut sim saltem Deo meo amoris victima incruenta, si cruenta non ero.

7. Sancti Pontifices & Confessores fideles dominici gregis Pastores, ad me respicite adhuc peregrinantem in hoc exilio, & mittite de celo opem, eleuate me ab hac sordida terra, ut mihi mundus crucifixus sit & ego mundo.

8. Sancti Monachi & Eremitæ, illibatam mihi mentis & corporis puritatem obtinete, ut hujus vitæ cursu peracto mundus ab omni labe in conspectu Domini merear præsentari!

9. Adjuro vos Sanctæ Virgines & Viduæ filiæ Ierusalem, habitantesq; in ea animæ beatæ, si inueneritis dilectum meum, ut nuntietis ei, quia amore langueo, præ magno faciei ejus videndæ desiderio.

10. Omnes Sancti pœnitentes, innocentes, item conjugati olim, impetrate mihi frequentissimos ac pretiosissimos excellentissimi erga Deum amoris actus, nunc ac potissimum ultimo die atq; momento; ut sit pretiosa in conspectu dilecti Dei, vita mea, mors mea, æternitas mea.

11. Omnes Sancti, qui SS. Trinitati, Crucifixo Iesu, SS. Eucharistiæ Sacramento, Virgini SS. singulari pietate addicti fuistis in hac vita, impetrate mihi duo hæc præsidia, Crucifixi vulnera & Mariam, ut viuam & moriar in osculo Domini sicut Moyse.

12. Omnes Sancti meæ nationis: omnes Sancti, qui inter prædestinatos omnes Deo estis proximi

Simi atq; charissimi: omnes Sancti & Sanctæ Dei, quorum nomina sunt in libro vitæ: impetrate mihi, iuuate me vt Deum vobiscum videam; vt in templo Sancto gloriæ suæ Deum meum vnâ vobiscum benedicam, æternum benedictus.

In Festo Præsentationis Beatissima.

1. **O** Deo, Angelis, hominibusq; amabilis Paruula, triennis Maria, quam Ioachim & Anna, parentes felicissimi, trimulam hodie in Sanctis sanctorum victuram Deo, præsentârunt, in templo, munus præ omnibus hætenus datis majus! offer me nunc, & in agone meo munus Sanctis Sanctorum æternis!

2. O templum Dei! ô Sancta Sanctorum! ego me tibi præsentō in seruum. Ad te ô Domina vnicè id pertinet curare, vt ita viuam, ita moriar, sicut decet tuum, & à te in templum gloriæ in Sancta Sanctorum præsentandum.

3. Maternæ tuæ curæ Virgo Sancta hoc ipsum transcribo, ne me aliter, quàm tibi dedicatum, & prædestinatum decet, viuere permittas.

4. Fac me pia Mater viuum templum gratiæ Dei. Offer me templo gloriæ; vt sim ædificatio Dei, pone in corde meo altare aureum, cuius Sacerdos sit amor Dei qui ei, alendo diuino igni, ligna suggerat per singulos dies.

5. Impetra mihi ô dulcissima Paruula, vt, sim inter ignitos lapides in illa vrbe amoris Dei, cuius turres gemmis ædificabuntur, id est amoris actibus pretiosis!

6. Omi

6, O mi Deus! sint obsecro oculi tui & cor tuum in hoc templo tuo, quod tibi millies dedicavi; vt oculos meos & cor meum custodiant, & faciant, vt semper te geram in oculis, & in corde. Ita cor meum erit domus orationis assidue, locus Sanctus, inæstimabile Sacramentum.

7. De viuis & electis virtutum, tibi maxime placentium lapidibus, architecto amore tuo, in me obsecro æternum Majestati tuæ præpara mi Deus habitaculum: vt cor meum sit aurea domus tua, quies tua, deliciae tuæ.

8. Nec Salomonis templum fuit adeo sumptuosum, quàm hoc meum, seu tuum in me, cuius ædificatio, expiatio, dedicatio contitit pretio magno valde sanguine Filij tui Deus! vestias ergo illud cedris Dei. Cogitationes meæ sint in illo tibi Sancta Sanctorum. Pone in medio ejus tuæ voluntatis oraculum, & arcam fæderis æterni, Sacratissimam Virginem Matrem, quæ est fæderis arca.

9. Nihil erat in illo templo quod non auro tegeretur. Tege, imò imbue, intus & foris, quicquid cogito, dico, ago, illo tuo auro ignito, quod nascitur in montibus Sanctis, in corde tuo Deus! vt nihil in me sit, quod amore illo solido coopertum non sit.

10. Pone in me mi Deus! auro tectos Cherubinos, qui me doceant scientiam Sanctorum, id est amoris tui, adde Seraphinos, qui me pretioso illo tui altaris igne perpurgent, illuminent, ac inflamment. Vt ita igneis & aureis Seraphinorum

porum ac Cherubinorum alis, ope tua, ad te sub-
nectus intellectus meus, & voluntas mea videat
te, amet te, ac immortaliter viuat in te, in tem-
plo Sancto gloriæ tuæ.

In Feste Sancti tui Nominis.

1. **S**ancte N. cujus nomine ac patrocinio me-
jam inde ab ipsa baptismi mei hora, muni-
uit optimus Deus meus; commenda me Deo,
diuinæ Matri, ac Sanctis omnibus; illis potissi-
mum omnibus Electis Dei, quicunq; hoc tuum,
ac meum, nomen in terris olim magna virtute or-
narunt.

2. Respice ô Sancte Patrone, ex illa æternæ
securitatis ac lætitiæ vrbe, me tibi cognominem,
hic adhuc inter quotidiana æternum pereundi
pericula exulem ac timentem.

3. Effice Sancte & Electe Dei, vt sicut idem
tecum nomen gero, ita tuo & nomini & exem-
plo, Sanctâ heroicorum tuorum factorum imita-
tione respondeam.

4. Suggere cordi meo, quæ Deus vult; &
tardi cordis mei duritiem ac surditatem vince.

5. Sensus meos omnes, & cor meum guber-
na, Mariam Reginam nostram & Sanctos omnes,
ac Sanctas Dei, tibi pro auxilio adjuuge: totum
me Sacratissimæ Trinitati, per I E S V sangui-
nem, & Mariæ manus, ex toto dedica, in holo-
caustum æternum: omnes omnino (etiam quas
indifferentes dicimus) actiones meas ad maiorem
Dei gloriam, offer ad thronum gratiæ ejus, &
gloriæ.

6. Ope

6. Opetua obsecro assiste mihi cum socijs tuis Sanctis, nunc, & in hora mortis, vt omnia ac singula momenta vitæ ac mortis meæ, sint mihi, tibiq; æterno solatio; Iesu & Mariæ, æterno honori & amori, in felici Sanctorum omnium æternitate, ad quàm, quòd Deus te prædestinauerit, & dotibus ad illam necessarijs decorauerit, gratulor tibi.

CAPVT XII.

Aspirationes Viatoris pro felici morte ad Christum.

Non intres in iudicium cum seruo tuo Domine Iesu! quia non iustificabitur in conspectu tuo omnis viuens.

Ne memineris, bone Iesu, iniquitatum narum; citò anticipent me misericordiæ tuæ, quia pauper factus sum nimis.

Ne tradas Domine Iesu, bestijs animam confidentem tibi, & animam pauperis tui ne obliuiscaris in finem.

Illumina mansuetissime Iesu! oculos meos, ne vnquam obdormiam in morte, ne quando dicat inimicus meus, præualui aduersus eum.

Tuus sum ego saluum me fac Domine, & ne perdas cum impijs Deus animam meam.

Saluum fac seruum tuum, Domine Deus, sperantem in te.

O Iesu esto mihi Iesus! & salua me. Iube me

De me venire ad te, vt cum Sanctis tuis laudem te & in æternum fruam te.

O mi dulcis Iesu! quando corpus meum morietur, fac vt animæ donetur paradisi gloria.

In te Domine Iesu speravi non confundar in æternum.

Alij affectus ad Iesum agonizantem.

Iesu agonizans & in cruce moriens pro me; immitte, quæso Spiritum tuum in cor meum, illoq; animam meam viuifica, quoniam Tuo solo Spiritu viuere volo, tam in huius præsentis vitæ meæ tempore, quàm in mortis meæ articulo.

Iesu in cruce agonizans & moriens pro me; adoro te adoratione Latriæ debita Majestati tuæ diuinæ, insuperq; mori totis viribus cupio, vt morte mea quàm citissimè, & condignissimè agonizantem morientemq; Te pro me in Cruce venerer, ac morte mea quoad possum, compensem mortem tuam.

Iesu in Cruce agonizans, & moriens pro me; per hunc agonem tuum, & per Spiritum, quem in manus Patris æterni commendasti, obtestor te, vt instans mortis tuæ influat in mortis meæ instans; illudq; dignificet, & in conspectu SS. Trinitatis gratum atq; pretiosum reddat. Instanti igitur mortis tuæ, agoniq; tuo pretioso, instans mortis meæ agonemq; meum humillimè repræsentem, recomendo, vnio, consecro.

Iesu agonizans & moriens in Cruce pro me; ibidemq; orans pro crucifixoribus tuis Patrem; obsecro vt ores quoq; eundem pro me crucifixo-

Z

re tuo,

re tuo, impetresq; mihi mortem Sanctam, & charitate perfecta consummatam.

Iesu agonizans & moriens in Cruce pro me; stillantem tepentemq; amore mei sanguinem Tuum colligo, & lambo deuotus, optans simul ac petens à Te; vt in hora mortis meæ adesse mihi præsens, cum gloriosa Matre tua, Sanctisq; tuis digneris, adnumerareq; me saltem vltimis redemptionis, & electis Tuis, & in illo decretorio agonis meæ momento, secundum magnam misericordiam, copiosamq; redemptionem Tuam miserearis mei.

Iesu agonizans & in Cruce moriens pro me; cupio, propono, & à te peto, vt instans vltimum vitæ mortisq; meæ consummatium, sit ardentissimus Tui amor, quo cor meum & accensum ignescat, & vulneratum immoriatur, & consumptum incineretur, & concrematum fauillescat.

Iesu agonizans & in Cruce moriens pro me, amo te quàm possum ignitissimè, & æstuosissimè, quomodo etiam amare te volo, statuoq; in mortis meæ agone, in quo vt cor meum amoris Tui ignibus Seraphicis Marianisq; ac insuper Tuis æstuet, palpetet, concutiat, eorumq; actu & æstu conficiatur, ac emoriatur, Tu mi Iesu propter agonis mortisq; tuæ instans, misericordissimè facito.

Ad Beatissimam Virginem.

MAter Dei memento mei nunc & in hora mortis.

Adsis mihi Domina in omnibus actionibus meis, nec me deseras in hora mortis.

O Sanctissima Virgo, per pretiosissimam mortem tuam, & illos actus amoris Dei, quos tunc elicuisti; per omnem misericordiam, quâ vlli succurristi, memento mei nunc & tunc. Gere curam mei finis, vt tua defensione munitus ingrediar beatam æternitatem. Experiat te Matrem pulchræ dilectionis, & timoris, & agnitionis, & Sanctæ spei.

Per te accepi gratias pia Mater, per tuas etiam manus commendo & offero Spiritum meum Deo meo; vt illum videam, videam, videam; amem, amem, amem æternum.

O Iesu rogo te per Mariam, & Maria rogo te per Iesum: & Iesu & Maria rogo vos per SS. Trinitatem: & SS. Trinitas rogo te per amorem quo te amas; miserere mei, vt felix moriar ad maiorem tuam gloriam & amorem: vt vos amem æternum.

Ad SS. Angelos & omnes Sanctos.

Succurrite subuenite ô vos omnes beatissimi Spiritus, Sancti Angeli Dei: & cum in extremis vestram opem non amplius implorare poterò, ne me deserite.

Sancte Angele Custos, defende me in hoc prælio, vt non peream in tremendo iudicio.

Sancti Dei omnes intercedere dignemini pro animæ meæ salute.

Moriatur anima mea morte iustorum, sed viuat prius vitâ iustorum. Amen.

HOMAGIA

In Vita & Morte Deo præ-
standa.

Reddite qua sunt Dei Deo. Mat. 22.

1. **A**gnosco te ô mi Deus ! vt supremum Dominum meum, Primum Principium, & vltimum Finem meum, Authorem naturæ, gratiæ, & gloriæ : & profundissima cum humilitate te adoro Dominum vitæ & mortis tibi; sponte sacrifico vitam meam.
2. Credo te mi Deus vnum in essentia & Trinum in Personis, Patrem, Filium, & Spiritum Sanctum. Credo, teneo, ac profiteor fidem illam, quam Christus docuit, quam prædicauerunt Apostoli, quam Sancta Romana Dei Ecclesia docet ac profitetur, & singulos Catholicæ fidei articulos paratus sum sanguine meo subsignare, & morte mea confirmare.
3. Doleo Domine & quidem ex animo, quod non merui vitam meam alio modo pro obsequio tuo amittere, sanguinem scilicet fundendo cum SS. Martyribus pro nominis tui confessione, sed quia his indignus sum, en etiam hanc mortem meam lubens amplector in incruentum amoris tui sacrificium.
4. Spero misericors Domine, per sanguinem & merita Iesu Christi, ab infinita bonitate tua ac clementia remissionem peccatorum, quibus te-
sumum

sumum Bonum meum grauissimè offendi. Spero firmissimè me à paterna liberalitate tua obtenturum gratiam copiosam, & gloriam sempiternam.

Amo te amabilissime Deus ex toto corde meo, super omnia, propter infinitam Bonitatem tuam. Vellem si possem, amare te illo amore, quo te amant omnes Sancti, & Iesus Christus Filius tuus; & quo te ipsum infinitè amas. Fac ut in æternum amem te in regno amoris & beatitudinis.

6. Gratulor tibi de te. Gaudeo de infinita gloria tua. Gaudeo de diuinitatis tuæ thesauris infinitis. Vtinam Cherubinarum, Seraphinorum, Angelorum omnium, Sanctorum omnium, Beatissimæ Virginis Matris, ac deniq; ipsius Iesu corde possem amare ac laudare te, gaudere de te, & gratulari tibi.

7. Veneror, approbo, laudo, & ab omnibus laudari cupio judicia tua omnia occulta, horrenda; tuam de nobis & quidem æternum daratam dispositionem.

8. Doleo, doleo, doleo! quod vnquam vilo modo Te maximum, dulcissimum, optimum Deum meum offenderim. Doleo! non propter infernum, vel purgatorium, quæ tamen credo & timeo. Doleo! non propter cælestem gloriam: quam tamen credo & spero, sed doleo propter te, optime super omnia, pulcherrime super pulchra omnia, dignissime super omnia Deus.

9. Doleo! quòd vllum temporis momentum perdiderim, quo te mi Deus non amaui. Vtinam

nam possem redimere & excellentissimis excellentissimæ charitatis actibus implere omnes horas illas, ô Deus, qui charitas, qui ignis consumens es!

10. Detestor omnia peccata in toto mundo quomodocunq; commissa & committenda contra te mi Deus! utinam potuissem, ac possem omnia impedire, ac in toridem bona conuertere! utinam possem omnia instantia & momenta actionum peccaminosarum, bonis ac heroicis actibus implere.

11. Detestor omnes cogitationes præsumptuosas, & magnificientes merita mea, quas Spiritus malignus in mortis meæ articulo posset inspirare, humiliterq; confiteor, me non posse habere ex me ipso, nisi nihilum, nisi peccatum, nisi damnationem æternam. Ac proinde Domine Deus te solum & vnicum Authorem salutis & felicitatis meæ agnosco.

12. Rata nunc habeo mi Deus bona omnia, quæcunq; in tota vita mea, ex Te, circa Te, propter Te habui; ratos habeo pios motus ac sensus & actus meos omnes sub omni latitudine illorum ac sublimitate, eosdem nunc elicitos à me volo, imò illos, quæ possum elicio. Approprio mihi merita Filii tui, & facio illa mea, illisq; vñio & dignifico omnia bona mea. Approprio mihi omnes actus bonos à quocunq; elicitos & eliciendos, eosq; tibi mi Deus, quasi meos offero. Omnia opera totius vitæ meæ, quanta quanta sunt mala & imperfecta retracto, & corrigo ad tuum placitum.

13. Statum Religiosum (si est Religiosus)
 quaerit

quem tot annis tenui, approbo, amplector, & ex-
nunc ingredior, totiusq; mundi res & spes pro
tuo amore & seruitio calco.

14. Approbo omnia bona opera omnium
hominum & Angelorum. Approbo quidquid
bonum unquam factum vel futurum est: & utinam
augere bona illa possem in infinitum.

15. Pro omnibus, & singulis beneficijs tuis
mihi quomocunq; in tota vita mea & ante vi-
tam præstitis & post vitam præstandis, gratias a-
go tibi mi Deus, quantas possum, ago quantas
debeo, ago quantas Christus pro suis obtulit &
Beatissima Virgo, quantas omnes Sancti obtule-
runt & offerrent. Deinde ago tibi gratias pro
omnibus proximorum, atq; adedò creaturarum
omnium, bonis.

16. Volo voluntatem meam tuæ dare in vi-
ctimam. Quidquid vis, quantum vis, quomodo
vis & ego volo. Visnè Domine ut hoc anno
moriar? hoc mense? hac die? hac horâ? Hoc
momento? an lenta morte? an inopinata? Vo-
lo & ego, visnè ut in inferno omnes cruciatus &
omnes damnatorum pænas æternam sustineam?
lubens hoc faciam, quoniam sis placitum est an-
te te.

17. Nolo, quidquid non vis & Deus meus:
volo, quidquid vis. Doleo quòd fuerit tempus,
in quo nolui, quæ volebas; & volui quæ nole-
bas.

18. Decretum mortis à tua diuina manu, eo
animo excipio, quo animo excepit Christus Je-
sus Filius tuus, decretum mortis suæ pro me, in-

instanti Conceptionis suæ & in crucis morte.
Item eo animo amplector, quo animo excepit
nuntium Incarnationis, expressitq; illis verbis;
Fiat mihi &c. Pretiosissima Parens Virgo Ma-
ria.

19. Spiritum meum non alibi, quàm in san-
guinissima tua voluntate, Iesu Christi latere, Pregio-
sissimæ Parentis meæ manibus, Ecclesiæ Roma-
næ Catholicæ fide (in Religione mea) emittere
atq; deponere exeuntem ex hoc corpore volo
atq; cupio.

20. Non merui quidem te mi Deus videre
beatificè, nec merebor in æternum: cupio tamen
æstuantissimis desiderijs videre, quia tu me ad
hunc finem condidisti, sanguine Filij tui rede-
misti, gratiam largiris, & merendi per Christi
sanguinem, facultatem.

Desiderium bonæ Mortis.

Cupio dissolui & esse cum Christo

Rom. 7. 24.

Opto mori: quia mortalis sum naturâ meâ:
& Dei Creatoris mei sic factus sum volunta-
te, fiat ergo voluntas ejus.

Opto mori: in testimonium & protestatio-
nem, tum supremæ potestatis, dominijq; in me-
diuini: tum totalis meæ rerumq; omnium à Deo
dependentiæ.

Opto mori: vt primi originalis peccati pæ-
nam etiam mihi justo iudicio Dei infligam, & exol-
uam morte, tandemq; illud finaliter expiam.

Opto

Opto mori: vt sim extra periculum omne peccandi, vel in minimo, contra dignitatem, Majestatem, Sanctitatem, Bonitatem Dei mei.

Opto mori: vt mea morte mortem Iesu Christi Domini mei, quâ me ille ab æterna morte redimet, honorem, imiter, eiq; mortuo, & ipse mortuus assimiler.

Opto mori: vt sequar exemplum Pretiosissimæ Dei Matris Mariæ Dominæ meæ: quæ carens aliqui moriendi debito mori tamen voluit & ipsa, vt sua morte mortem Filij honorarer.

Opto mori: vt in articulo mortis meæ, omnes Dei mei voluntates circa me absolutissime impleantur.

Opto mori: vt citius finem vltimum, ad quem creatus sum, assequar.

Opto mori: ex desiderio quàm primùm accedendi ad Sanctos eosq; videndi: tum pretiosissimam Dei Matrem. Verbi quoq; Incarnati sacratissimam Humanitatem: præ omnibus autem Vni Trinam Beatissimi Dei Essentiam; & mediante morte mea, tandem Deo æternaliter ac beatificè jungar in gloria consummata.

Opto mori: ne amplius exosa vitâ mea alios scandalizem.

Opto mori: vt in Ecclesia sepultus nunquam ampliùs auellar & recedam à præsentia Augustissimi Sacramenti.

Opto mori: vt exilarem Cor Beatissimæ Virginis & Sancti Patris N. quando post mortem gaudebo in Domino, & misericordias Domini cum Sanctis omnibus in æternum cantabo.

Opto

Opto mori: vt finaliter de Thesauro Ecclesie Sanctorumq; communione participem.

Aspirationes Morientis.

1. **P**ater in manus tuas commendo Spiritum meum. *Psal. 39.*

2. Cupio dissolui & esse cum Christo. *max.*
lix ego quis me liberabit de corpore mortis huius. *Rom. 7. 24.*

3. Educ de custodia animam meam Domine ad confitendum nomini tuo: me expectant iusti, donec retribuas mihi. *Psal. 141.*

4. Latatus sum in his quæ dicta sunt mihi, in domum Domini ibimus. *Psal. 121.*

5. Paratum Cor meum Deus, paratum cor meum Tibi & ad Te. *Psal. 56.*

6. Ecce sponsus venit exeamus obviam ei. *Mat. 25.*

7. Quemadmodum desiderat ceruus ad fontes aquarum, ita desiderat anima mea ad te o Deus. *Psal. 42.*

8. Sitiuit anima mea ad Deum fontem vivum, quando enim & apparebo ante faciem Domini. *Psa. 41.*

9. Misericordias Domini in æternum cantabo. *Pf. 88.*

10. Adjuro vos Filie Ierusalem, vt nuntietis Dilecto meo, quia amore langueo. *Cant. 5.*

11. Tædet animam meam vita mea, quia non video Deum Deorum in Syon.

12. O quando vacabimus & videbimus, vide-

bimus.

Amamus & amabimus, amabimus & laudabimus?
ô quando erit finis sine fine? *S. August.*

13. O Fons vitæ perennis, quando sitim meam
extingues in me! ô beata æternitas, & æterna
beatitudo quando perennabo in te!

14. Iesus & Maria dulcissimi mei Amores,
patiar ego, moriar ego Amore vestri: totus sim
vester, nullus meus in æternum.

15. Æterna Sapientia dulcissime Iesu, absorbe
quæso medullas, & viscera animæ meæ ignita
& melliflua vis amoris tui: vt amore amoris
tui moriar, qui dignatus es pro me indigno in
igno Crucis mori. *S. Aug.*

16. Iesu nostra redemptio, Amor & desiderium,
Deus Creator omnium, Homo in fine
temporum. Quæ te vicit Clementia vt ferres
nostra crimina? *Hymn. Eccl.*

17. Desidero te millies, mi Iesu quando venies?
me lætum quando facies? me de te quando
faties? *S. Bernardus.*

18. Mori desidero, vt videam Christum, vivere
renuo vt viuam cum Christo. *S. Aug.*

19. Eja Domine moriar vt te videam, videam
vt hîc moriar. *Ibidem.*

20. Veni Domine & noli tardare, veni Domine
Iesu, & visita me in pace, Veni & educa
vincum de carcere &c.

Suspiria coram Christi crucifixi

effigie.

Agnosce ô Domine creaturam tuam non à
dijs alienis creatam, sed à te solo Deo viuo
& vero.

& Vero. Ne me perdat Domine iniquitas mea quem fecit omnipotens bonitas tua.

Respice Domine Sancte Pater de expulso calorum habitaculo. Ecce vox sanguinis Fratris nostri pro nobis clamat ad te de Cruce. Audi Pater vocem sanguinis Filij tui.

Respice pie Pater innocentes manus Filij tui, quæ distillant pretiosum sanguinem, ut dimittas iniquitatem meam. Intuere illud lanceâ perforatum pectus, & amore mei apertum Cor, meq; ex sacro illo fonte renoua. Defige oculos ô Patre celestis in faciem hanc dilecti Filij tui, & in membra conuulsata Christi tui, & per miseras, quas ille amore mei sustinuit, misere mei.

Eia dulcissime Redemptor Domine Iesu, per illas lacrymabiles voces, quas in Cruce moriturus edidisti: Deus Deus meus quare me dereliquisti? ne quæso derelinquas me in hora mortis meæ.

En suauissime Iesu in manibus, in pedibus, & in toto Corpore descripsisti me. Cernitur in toto Corpore sculptus amor: lege scripturam tuam h. c. & salua me.

Respice in me oculis misericordiæ tuæ Domine Iesu, Rex æterne, Deus & homo, Crucifixus propter hominem. Exaudi me sperantem in te: misere mei pleni miserijs & peccatis, tu qui fontem miserationis nunquam manare cessabis.

Recordare Domine creaturæ tuæ, quam tuo Sanguine redemisti. Illa ouis amissa ad Pastorem meum redeo: Vocem tuam noui non alienorū.

Potesne

Potesne vocem spernere balantis quiculae tuae & fugientis ad te?

Scio equidem me conspectum tuum non mereri; quia dum vitam meam considero, confusio est mihi potius appellanda quam vita. Sed in Spiritu humilitatis, & in animo contrito suscipe me o bone Iesu salus & vita mea. Suscipe me secundum magnam misericordiam tuam, & non confundas me ab expectatione mea. Aperri mihi properanti ianuam vitae, & principes tenebrarum non occurrant mihi. Tua me manus inducat in locum refrigerij, & vel in ultimam mansionem ex ijs, quas parasti seruis tuis timentibus te.

Quando moribundus animi territi signa ostendit inculcandum est ei illud de S. Bernardo Abbate, qui in ægitudine extrema grauissimis & aureis planè verbis Inimicum accusantem confudit; ita habet Author vitae, qui tunc præbens aderat.

Cumq; extremum iam Spiritum trahere videretur, in excessu mentis sua ante Tribunal Domini visus est presentari. Adfuit autem & Satan ex aduerso, improbis cum accusationibus pulsans: Vbi serò omnia ille fuerat persecutus; & Vno Dei esset pro sua parte dicendum, nihil teritus aut turbatus ait. Fateor non sum dignus ego; nec proprijs possum meritis regnum calorum obtinere. Caterum duplici illud iure obtinens Dominus meus, hereditate scilicet Patris, & merito passionis, altero ipse contentus, alterum mihi donat; ex cuius dono, iure illud mihi vendicans

non con-

*non confundor. In hoc Verbo confusus inimicus,
l. 1. c. 12.*

*Quedam clarâ voce moribundo
suggerenda.*

Protestor, quod morior verus Catholicus in Fide, Spe, & Charitate in Deum. Protestor, quod volo mori mancipium Iesu & Mariæ. Protestor, quod exnunc & pro reliquo vitæ meæ tempore nolo consentire vili tentationi Dæmonis.

In manus tuas Domine commendo spiritum meum. Iesu Fili David miserere mei. Deus in adiutorium meum intende. Domine ad adiuuandum me festina. Bone Iesu dic animæ meæ salus tua ego sum. Bone Iesu qui venisti perditum redimere, noli redemptum dimicare. Domine Iesu suscipe spiritum meum. Fiat voluntas tua.

Addantur hæc aurem.

A Brenuncio tibi Satana. Vade Satana. Domine vires patior responde pro me, ne derelinquas me. Domine Deus, ne discesseris à me.

Bone Iesu in quem credidi miserere mei. Bone Iesu in quo speraui miserere mei. Bone Iesu quem dilexi miserere mei. Recordare Iesu pie, quod pro causa tuâ viâ, ne me perdas illâ die.

O Mater Dei memento mei. Maria Mater gratiæ, Mater misericordiæ, tu nos ab hoste protege, & hora mortis suscipe. Eia bona Mater & Aduocata nostra illos tuos misericordes oculos

oculos ad nos conuertere. O clemens, ô pia, ô
dulcis Virgo Maria. Angele Dei sit tibi cura mei.

O Iesu & Maria dono vobis cor meum, ani-
mam meam. Iesu Maria, amores mei, patiar,
morian amore vestri. O Iesu, esto mihi Iesus
& Salvator. Iesu agonizans, mortituæ mortem
meam vnio. Iesu pro me mortue, mors tua
sit vita mea. O bone Iesu exaudi me, intra
Vulnera tua absconde me, & ne permittas me
separari à te. Domine Iesu suscipe spiritum
meum. Tu es Christus Filius Dei Viui, Domi-
nus meus & Deus meus.

O Maria sis mihi propitia.

Amore tui morior mi dulcis Iesu.

O Iesu, I E S V, I E S V, esto mihi Iesus.

*Cum in agone sui exitus anima an-
xiatur, dicuntur sequentes orationes.*

Proficiscere an. Christiana de hoc mundo;
In Nomine Dei Patris Omnipotentis, qui te
creauit: in nomine Iesu Christi Filij Dei Viui,
qui pro te passus est: in nomine Spiritus San-
cti, qui in te effusus est, In nomine Angelorum
& Archangelorum. In nomine Thronorum,
Principatum, & Potestatum. In nomine Cher-
ubim & Seraphim. In nomine Patriarcharum
& Prophetarum. In nomine Sanctorum Aposto-
lorum & Euangelistarum. In nomine Sancto-
rum Martyrum & Confessorum. In nomine SS.
Monachorum & Eremitarum. In nomine Vir-
ginum & omnium Sanctorum ac Sanctarum
Dei:

Dei: hodie sit in pace locus tuus, & habitatio tua sit in Sancta Syon. Per eundem &c.

Deus Misericors, Deus Clemens, Deus qui secundum multitudinem miserationum tuarum peccata penitentium deles. & prætorum criminum culpas veniam remissionis euacuas; respice propitius super hunc famulum tuum N. & remissionem sibi omnium peccatorum suorum totâ cordis confessione poscentem deprecatus exaudi Renoua in eo piissime Pater, quidquid terrena fragilitate corruptum, vel quidquid diabolica fraude violatum est; & unitati corporis Ecclesiæ membrum redemptionis annecte. Miserere Domine gemitum, miserere lacrymarum ejus, & non habentem fiduciam, nisi in misericordia tua, ad tuæ Sacramenti reconciliationis admitte. Per Christum Patrem nostrum Amen.

Commendamus tibi Domine animam famuli tui N. precamurq; te Domine Iesu Christe Saluator mundi, ut propter quam ad terram misericorditer descendisti, Patriarcharum tuorum sinibus insinuare non renuas. Agnosce Domine creaturam tuam, non à dijs alienis creatam, sed à te solo Deo Vivo & vero: quia non est alius Deus præter te, & non est secundum opera tua. Latifica Domine animam eius in conspectu tuo: & ne memineris iniquitatum eius antiquarum, & ebrietatum quas suscitauit, furor sue feruor mali desiderij. Licet enim peccauerit, tamen Patrem & Filium & Spiritum San-

Sanctum non negavit, sed credidit, & Zelum Dei
in se habuit, & Deum qui fecit omnia adoravit.
Amen.

Oratio ad Beatam Virginem.

Y Númerata & in æternum benedicta Virgo Ma-
ria, famulo tuo in hoc extremæ necessitatis ar-
ticulo subveni, illos tuos misericordes oculos ad
illum converte: ostende illi dulcissimam faciem
tuam, & in virtute Sanctæ Crucis inimicos ejus
omnes disperde. Libera eum ex omni angustia
ut tecum & cum beatis Spiritibus Redempto
suo æternas gratiarum referat actiones. Remi-
scere misericordiarum tuarum, ô Mater Miseri-
cordiæ, & secundum multitudinem miseri-
tionum tuarum animæ illius succurre.

Post expirationem

Sancti Dei, occurrite Angeli mi-
ni, et animam ejus, offerentes eam
in conspectu Patris.

V. Suscipiat te Christus qui vocavit te, & in
sinum Abrahe Angeli deducant te. R. Susci-
pientes animam ejus offerentes eam in conspectu
Altissimi. V. Requiem æternam dona ei Do-
mine. R. Et lux perpetua luceat ei. Kyrie-
eleyf. Christe el, Kyrie eleyson. Et ne nos indu-
cas &c.

V. A porta inferi. R. Erue animam ejus.
 V. Requiescat in pace. R. Amen. Domine exaudi &c.

Oremus.

Tibi Domine commendamus animam famuli
tui

tui N. vt defunctus sæculo, tibi viuat, & quæ per fragilitatem humanæ conuersationis peccata commisit, tu veniâ misericordissimæ pietatis absterge, Per Christum Dominum nostrum.

DEVS cui proprium est misereri semper & parcere, te supplices exoramus pro animâ famuli tui N. quam hodie de hoc sæculo migrare iussisti; vt non tradas eam in manus inimici, neq; obliuiscaris in finem, sed jubeas eam à SS. Angelis suscipi, & ad patriam paradisi perducì, quia in te sperauit & credidit non pœnas inferastineat, sed gaudia sempiterna possideat. Per Christum Dominum nostrum. Amen. Requiem æternam &c.

Orationes pro omnibus Christi fidei.

bus & unicuique agonizantibus.

Omnes V Crucifixe per meritum S. Angelorum, Patriarcharum, Prophetarum, Apostolorum, Martyrum, Confessorum, Virginum, & Viduarum, itemq; dilectæ Sponsæ tuæ Ecclesiæ te supplices exoramus, vt miserearis omnium illorum, qui in hora mortis constituti turbantur, & propter vehementiam hostilis imperii vacillant.

A morte perpetua & æterna, libera eos Domine. A terrificis visionibus inimici, libera &c. A regione gelidissima & feruentissima: libera &c. Ne audiant in regione umbræ mortis & tenebrarum blasphemari nomen tuum, Ne tradantur

cur in manus bestię infernalis, libera &c. Ab in-
 a fiducia & securitate non in te fundata, libera.
 A corde obstinato & in peccatis obdurato, libera.
 Per myſterium Sanctę Incarnationis tuę, per
 Natiuitatem tuam, per catenas, funes, vulnera,
 & laniamenta, spinas, crucem, & mortem tuam,
 libera. Per gloriam resurrectionis tuę, & per
 triumphum tuum in cælum ascensionis, libera eos
 Domine.

¶ Ne tradas Domine bestijs animas con-
 tentes tibi. &c. Et animas pauperum tuorum
 ne obliuiscaris in finem.

Oremus.

Clime IESV inuocamus Cl' n-
 per charitatem illam infinitam
 quę dicitur pro genere huma o im-
 pulit, & militum agonizantium, &
 ijs condempnatis, & in te cogitatione, ver-
 bo, & opere, & vt supplies, quod in eis deside-
 ratur, & illis infinita meritum passionis,
 & pretium sanguinis tui, quem pro nobis effu-
 disti.

Ante illis S. Michael Archangelus & per
 manus Angelorum deportentur ad paradi-
 sum tuorum electorum: vt liberati de princi-
 pe tenebrarum, & abyſſo pœnarum in consorti-
 um veniant Sanctorum tuorum resuscitati cum
 gloria, vt filij & heredes regni tui. Amen.

*Quidam Religiosus, ut refert Casarius, imp-
travit sibi gratiam ex hac vita migrandi sine
purgatorio ad Cælum hac præca-
tionculâ.*

Domine IESU per illam amaritudi-
nam sustinuiſti propter me in Cruce, ma-
ximè quando Anima tua benediſta gredi batur
de corpore tuo: miſerere anir: ea in egreſſu
no, *vel.* Domine Ieſu, inſtanti mortis tuæ, &
inſtanti mortis Matris tuæ, omniumq; Electro-
rum tuorum inſtans mortis meæ commendo
bene ic iſti propter illa.

CONCLVDO
Orat. **di**
tillifui Doctoris S. I
Verbis

Dignus eſt morte quoniam tu recuſas
Sine te de te lauare te & are) &
mortuus eſt: ter remetiſſum Deum: in omnia
& qui & eſſe ſibi & non tibi, nibi, inſcipit
inter omnia.

A. M. D. G. B. V. I. C. H.

FINI

INDEX.

A P. I. Proponuntur quadam Considerationes Viatori utiles ac necessaria.	pag.	1.
perita ad Cælum Via Crucis.		3.
Comitatus Via celestis est brevissimum per Heroica.		11.
Debet Viator in mente Dei sui meminisse.		13.
Orationes sacularia & motus pæagogici quid sint?		(2
Viatori per Creaturas ad Creatorem ascendendum		
CAP. II. Praxis Aspirationum seu affectuum pro qualibet occasione & Actione.		
Actus oblationis omnium actionum totius septimæ		
40.		
Actus lineis ad finem septimæ		lici
CAP. III. Praxis Aspirationum Viatori. Si		
diei		40.
Actus		49
Actus in		53.
Scintilla flammæ n. dirigis ad concipiendam.		
57.		
Actus aspirationem n. divini Officii.		59.
Actus aspirationem divini Officii.		64.
Actus aditatem.		66.
In cæsa		68.
Resistantia & Sa camentum.		69.
Praxis offerentis sacrificium Missæ cum Sacerdote celebrante.		70.
Praxis Communionis spiritualis.		71.
Actus petitionis Status Ecclesiæ.		72.
Depre		

Deprecatio pro felici successu Sacrae Religionis.	30.
Postulatio gratiarum.	31.
Formula dedicandi se Beatissima Virgini.	32.
Votum ad S. Iosephum.	33.
Ad S. Antonium de Padua. Responsorium à S.	34.
nauentura conscriptum.	35.
Modus honorandi quemcumq. Sanctorum in	36.
fratritate.	81.
Actus Antemeridiani.	85.
Actus Meridiani.	89.
Actus Pomeridiani.	90.
Actus Antevesperini.	92.
exultis dominum	93.
benignis pro defunctis	98.
P. IV. Alphabetum amoris Dei	Heb.
quadam dispositione.	99.
V. Mundo Septemdiaria	101.
s cum Deo Viato	102.
CA De penitentia	emita,
quod con regione long	5 salu-
ritur.	208.
Quadam obseruatio ante C. nonen	110.
101em.	210.
Actus Contritionis ante Con. sonem.	212.
Actus post Confessionem.	217.
CAP. VII. Praxis Sacrae Copan.	219.
Obseruanda post S. Communionem.	227.
CAP. VIII. Praxis deuote ac re.	228.
brandi Sacrificium Missae.	234.
Oblatio Sacrificij.	235.
Actus diuersarum Virtutum.	241.
De proxima dispositione ad Missa	248.

CA. X.	ntur quedam Praxes seu exercitia colenda per annum festa Christi Domini	253.
CA. XI.	Breues Meditationes de Passione Christi	258.
CA. XII.	Pro... r praxes colendi Dei- param... nosdam Sanctos in festis psorum.	291.
CA. XIII.	Inspirationes Viatoris pro felici motu ad Christum.	320.
Effectus	Christi agonizantem.	
Homagia	Christi morte Deo prae- stata.	
Desideria	Christi mortis.	
Aspiraciones	Christi morientis.	
Suspiria	Christi Crucifixi effigie.	
Oratio	Christi agonizantibus.	

Corrige

Pag. 1. ... pias in ... leg
 in te. P. ... is effectus
 affectus ... abso
 tam legat ... in gutta
 23. illas ... leg ipsas infer
 v. 12. ... si mors, lege d
 P. ... 8. 1. ibud. 7. Mart. 1.
 Marc. I. ... v. 9. innumera dāni
 exsting. u. alis ignis, hāc verba sunt I
 14 v. 7. quo ... ppteris lege
 c. Pagin 327. ... asc ... ve
 A. ... erbum.

Omi

Pag. 10. v. 27. qui latum, lege
latum. Pag. 19. v. 3. Qui plasmasti me
qui plasmasti me miser
die in me ejus, le
ejus venit 8



CA

quod non

in v. 11

Quidam obfero
idem.

Actus Contritionis.

Actus post Confessionem

CAP. VII.

Observanda post

CAP. VIII.

brandi Sacrifice

Oblatio Sacrificij.

Actus diversarum

De proxima dispositio ad Missam

